



BIBLIOTECA NAZ.  
Vittorio Emanuele III

LVII

F

40

NAPOLI

LVI. E. 10









HISTORIA  
ZARINGO  
BADENSIS

AUCTOR


IO. DANIEL SCHOEPPFLINUS

HISTORIOGRAPHUS FRANCIAE

---

TOMUS PRIMUS

---



---

CAROLSRUHAЕ  
EX OFFICINA MACKLOTIANA

---

MDCCLXIII.





C A R O L O  
F R I D E R I C O

ZARINGICI SANGUINIS  
MARCHIONI BADENSI  
TERRARUM ZARINGICARUM

EX PARTE  
V I R T U T U M

EX ASSE HEREDI  
D O M U S S U A E  
MARCHIAEQUE STATORI

AULAE CIVIUM ET MUSARUM  
DELICIO  
A M O R I S S U I  
IN OPTIMUM PRINCIPEM  
CARITATIS IN PATRIAM  
MONUMENTUM PERENNE  
CONSECRAT

A U C T O R.



# CONSPECTUS TOMI I.

## BADENSIUM RERUM SCRIPTORES NON EDITI.

### I.

#### LIBER I. PRAEVIUS.

Introitus CAP. I. - - - pag. 1.

Systema Italicum circa Origines Badenses.

CAP. II. - - - pag. 9.

Systema Badense Helvetico - Zaringicum

Guillimanni & Pistorii CAP. III. - pag. 16.

Systema Alfaticum Vignierii, Herrgotti &

Auctoris CAP. IV. - - - pag. 25.

(\*) 2 I I.

# I I

## LIBER II. ZARINGICUS.

### I. DUCES IPSI

BERTOLDUS I. CAP. I. - - - pag. 41.

BERTOLDUS II. CAP. II. - - - pag. 67.

BERTOLDUS III. CAP. III. - - - pag. 87.

CONRADUS CAP. IV. - - - pag. 97.

BERTOLDUS IV. CAP. V. - - - pag. 123.

BERTOLDUS V. CAP. VI. - - - pag. 149.

II. JURA DUCUM CAP. VII. - - - pag. 179.

### III. ZARINGICARUM TERRARUM

DIVISIO CAP. VIII. - - - pag. 199.

### IV. ORTI EX ZARINGIS

DUCE TECCENSES CAP. IX. - - - pag. 205.

COMITES FRIBURGENSES CAP. X. - - - pag. 221.



# I I I.

## LIBER III. BADENSIS.

### I PERIODUS HERMANNIANA.

HERMANNUS I. CAP. I. - - pag. 276. 267

HERMANNUS II. CAP. II. - - pag. 281.

HERMANNUS III. CAP. III. - - pag. 291.

HERMANNUS IV. CAP. IV. - - pag. 299.

HERMANNUS V. CAP. V. - - pag. 305.

HERMANNUS VI. CAP. VI. - - pag. 321.

### II. PERIODUS HACHBERGICA, ubi

#### 1) MARCHIONES

1.) HACHBERGA-HACHBERGICI CAP. I. - pag. 333.

HENRICUS I. - - - - pag. 336.

HENRICUS II. - - - - pag. 339.

HENRICUS III. CAP. II. - - - - pag. 351.

HENRICUS IV. - - - - pag. 358.

(°) 3

HENRI-

OTTO I	- - - - -	pag. 362.
<u>JOHANNES.</u>	- - - - -	pag. 365.
<u>HESSO -</u>	- - - - -	pag. 366.
OTTO II.	- - - - -	pag. 373.
<u>2.) HACHBERGA-SAUSENBERGICI. CAP. III.</u>		pag. 377.
<u>RUDOLPHUS I.</u>	- - - - -	pag. 377.
<u>HENRICUS I. -</u>	- - - - -	pag. <u>380.</u>
<u>RUDOLPHUS II. ET OTTO.</u>	- - - - -	pag. <u>383.</u>
<u>RUDOLPHUS III.</u>	- - - - -	pag. <u>390.</u>
<u>WILHELMUS.</u>	- - - - -	pag. <u>398.</u>
RUDOLPHUS IV.	- - - - -	pag. 404.
PHILIPPUS.	- - - - -	pag. 412.
<u>II.) LANDGRAVII BRISGOVIAE.</u>	- - - - -	pag. <u>423.</u>
<u>III.) DYNASTAE ROETELANI.</u>	- - - - -	pag. <u>453.</u>
<u>IV.) DYNASTAE USENBERGICI.</u>	- - - - -	pag. 463.

ORDO

# ORDO TABULARUM GENEALOGICARUM.

TAB. I. Familiae Badensis cum Habsburgica & Lotharingica

nexus. - - - - - pag. 8.

TAB. II. Stemma Zaringo-Badenfe Guillimanni. - pag. 17.

TAB. III. Stemma Ducum Zaringæ. - - - pag. 41.

TAB. IV. Genealogia Ducum Teccenfium. - pag. 205.

TAB. V. Comites Friburgenfes. - - - pag. 221.

TAB. VI. Stemma Hermannidum Badenſium. - pag. 267.

TAB. VII. Stemma Marchionum Hachbergenſium. pag. 333.

TAB. VIII. Tranſitus Novi Caſtri ad Comites

Friburgenſes & per hos ad Marchiones Hachberga-

Saufenbergenſes. - - - - - pag. 406.

TAB. IX. Stemma Dynaſtarum Rœtelenſium. - pag. 453.

TAB. X. Stemma Dynaſtarum in Ufenberg. - pag. 463.

ORDO

ORDO TABULARUM AERI  
INCISARUM.

TAB. I. Frontispicium.

TAB. II. Situs Castrî Zaringiae. - - - pag. 43.

TAB. III. Castrum Zaringiae. - - - pag. 43.

TAB. IV. Porta Brisacensis. - - - pag. 127.

TAB. V. Bertoldi V. Statua. - - - pag. 160.



BADEN-

# BADENSIUM RERUM

## SCRIPTORES NON EDITI.



perpetuam & justam Badensem Historiam ab origine Gentis nemo conscripsit, nec conscribere ausus est. Absterruit plerosque monumentorum defectus, quæ vel incognita, vel nimis dispersa, vel nimis arcte custodita fuerunt. Absterruit alios profunda caligo, in qua primordia stirpis per tot secula jacuerunt.

Tenebras has, in quibus & ego cum aliis versatus sum, Mellicensis primum apud Austrios Codex, a me visus, dispellere cœpit; San-Petrinæ apud Brisgovios Chartæ dispulerunt omnino. (a) Per has enim edoctus sum, Zaringiæ Ducibus & Marchionibus Badæ commune esse sanguinis vinculum & parentem communem.

)(

---

(a) Vid: infra Lib. III. Cap. I. §. III. pag. 270.

---

---

Tum vero de scribenda Domus tam antiquæ, tam incorruptæ, Historia cogitare incepti. Vix ingressus sum Chartophylacia Domus, quum Scriptorum quorundam de Badensibus Rebus mihi oblati sunt Codices; non eo compositi fine, ut in orbem prodirent. Ex hac classe Junglerus, Foersterus, Gamanfius seculo superiore vixerunt, de quibus reddenda est lectoribus ratio, testes eos quod subinde produco. Præcessit Pistorius, Genealogicum Badense qui promiserat opus, sed nunquam exegit. Ab eo tamen recensionis nostræ faciemus initium.

## J O. P I S T O R I U S.

Nidda-Wetteravus A. 1546. lucem adspexit. Vir ardentis ingenii, multifariæ doctrinæ, speciatim Historicæ; (b) trium Caroli II. Marchionis filiorum Consiliarius; nunc Medicus, nunc Jureconsultus, Theologus; religione primum Lutheranus, dein Calvinianus & Romano-Catholicus; qui A. 1583. eosdem tres fratres Marchiones induxit, commune Durlaci ut instituerent Gymnasium, & ab iisdem lautam pensionem accepit, (c) ut in origines Domus Badensis inquireret.

---

(b) A. 1582. Rerum Polonicarum; A. 1583. 1584. & 1607. Rerum Germanicarum Volumina edidit.

(c) BESOLDUS in *Thef. Praët.* Tom. I. voce *Baden*.

---

---

Inquisivit, at nihil præter duas Genealogicas Tabulas hac super re in lucem emisit; ille, qui A. 1591. annuntiaverat opus, ut paratum ad prelum. (d) Enimvero Pistorius post obitum Jacobi Marchionis ad Eduardum Fortunatum, Marchionem Bada-Badensem, & ad Austrios se convertit Archiduces. Inter alias dignitates Vicariatum Ecclesiæ Constantiensis quum gereret, *Chronicon Constantiense Manlianum* (e) cum aliis Rerum Germanicarum Scriptoribus A. 1607. edidit, degens Friburgi Brisgoviae, ubi anno sequenti vivere desiit. Chronico huic Tabulas memoratas inseruit, ex quibus Zaringo-Badense ejus cognoscimus schema: quod adoptavit Guillimannus, sed neuter adstruxit. Ex Collectaneis Pistorii GAMANSIUS (f) nonnulla produxit, quæ Tabulis his lucem affundunt. Refert enim, Pistorium asserere, se in Chartis antiquis Ann. 1093. 1109. 1111. & 1113. reperisse ea, quæ de Hermanno, Bertoldi II. & III. Zaringiæ Ducum, *fratruele* & *patruele* perscribit; locum autem, ubi Chartæ custodiuntur, non

)( 2

---

(d) In *Orat. de vita Jacobi March.* pag. 79. & 80.

(e) MANLIUS, aliis MENLIUS, Maximiliani I. Cæsaris Historicus, Professor Historicarum Friburgi.

(f) De quo paulo post dissero.

---

aperit. (g) Ex membranis San-Petrinis Pistorium hausisse hæc, certo jam scimus. Schedas ejus frustra quæsi, ut & eas, quas OSWALDUS GABELCOFER, Rerum Wirtenbergenium perdiligens Scriptor, (h) de. Badensium rebus ex Chartophylaciis Sueviæ Pistorio transmissit, ut Wirtenbergenſis Tabularii me Notitia docet.

JO. FRIDERICUS JUNGLERUS.

Juris Doctorandus, Georgii Friderici Marchionis Conſiliarius Aulicus & itinerum comes, Breviarium Rerum Badensium sub rubro: *Vera & genuina origo Marchionum Badensium ac Hachbergenſium*, A. 1623. latine composuit. Guillimanni systema secutus, vitas Marchionum nonniſi obiter exponit, nulla Chartarum nec Scriptorum auctoritate ſuffultus.

GABRIEL FOERSTERUS.

Tabulario Hachbergenſi Præſectus Epitomen Hachbergenſium Rerum (i) A. 1636. conſcripſit, cui Chartas nonnullas,

---

(g) Conf. infra Lib. III. Cap. I. §. IV. pag. 273.

(h) Historia ejus Genealogica & Civilis Wirtenbergicæ Domus, Germanice ſcripta, in ſeriniis Ducalibus adhuc ſervatur. Annales ab A. 1250. uſque ad 1524. progrediuntur. CRUSEUS in *Annaſibus* ſuis *Suevicis* eum ſæpius allegat. Patris opus ſilius, Jo. Jacobus, continuare decreverat ad A. 1608. uſque, at morte fuit præventus. Cel. SATTLERUS eam ad A. 1550. uſque continuavit.

(i) Rubrum ejus eſt: *Relatio Genealogica & Hiſtorica von den Marggraven von Hachberg &c.*



---

---

quæ perierunt , inferuit. Classicus auctor , publica ubi  
deficiunt acta. Et tamen hinc inde eum dormitasse invenio.

J O. G A M A N S I U S.

Juliacensis , natus A. 1606. Societatem Jesu ingressus  
Treviris , professionem quatuor votorum A. 1641. emisit  
Antverpiæ. (1) Ex latebris Bibliothecarum & Codicibus Msst.  
eruit multa , quæ Bollandus atque Henschenius , amici ejus ,  
*Sanctorum Actis* inferuerunt. (m) Ex Belgio in Rhēni supe-  
rioris Provinciam translatus est ; (n) ubi *Moguntinam Metropolin*  
SERARII multis accessionibus auxit , quæ nullibi comparent. (o)  
Cum Boineburgio (p) atque Leibnitio (q) amice & familia-  
riter vixit. Leibnitius dignum eum judicavit , cui edendorum

× 3

- 
- (1) ALEGANDE in *Bibliotheca Scriptorum Soc. Jesu*, Antverp. 1643. pag. 243. & ex eo  
KOENIG. in *Bibliotheca vet. & nova* pag. 330.  
(m) Tom. I. pag. 834. ubi vita S. Godefridi Cappenbergenfis Comitis ; item Tom. II. pag.  
1154. ubi vita S. Thiadildis, Abbatissæ Freckenhorsti. Comitatus ille & Monasterium  
in Westphalia sita sunt.  
(n) SOTWELLUS in *Bibliotheca Scriptor. Soc. Jesu recognita* Rom. 1676.  
(o) GEORG. CHRISTIANUS JOANNIS in Præf. ad *Nit. Serarii Res Mogunt.* pag. 2. ubi  
Gamanii schedas fugitivas partim ad PP. Antverpienses , partim ad P. Joannem  
Sigfridum , Soc. Jesu , pervenisse , partim in flumine Mœno perisse scribit.  
(p) Vid. BOINEBURGI Epist. XXIII. A. 1655. Branbachii ad Dieterichium scripta.  
(q) LEIBNITII *Cod. Jur. Gent. diplom.* in præfat. ad Mantiss. pag. 7.

---

---

Germaniæ Conciliorum cura committeretur. (r) Guilielmus Marchio, Camera Imperialis Judex, literarum protector, Gamanſum induxit, Genealogiam ut Badenſem perſcriberet. Scripſit eam Badæ in Societatis Collegio, & ad Rudolphum Longum uſque, ſeculi XIV. Marchionem, perduxit, Piſtorianis Collectaneis uſus, uti ſupra oſtendi. Hæc ergo ſi non alicubi latent, in Badenſi incendio A. 1689. perierunt.

Gamanſius Librum ſuum, Guilielmo Marchione annum ætatis 74. agente, adeoque æræ vulgaris A. 1667. compoſuit, eumque filio Guilielmi Hermanno dicavit. Rubrum eſt: *Marchionum Badenſium & Hochbergenſum Progenitores*. Nomen Auſtoris reticet Codex. *Anonymum Badenſem* vocant Scrinio- rum Præfeſti. At Gamanſum eſſe ejus auſtorem, Collegii Badenſis me docuerunt Sodales.

Noſtro hoc ſeculo majora moliti ſunt Drollingerus atque Sahlerus, ille A. 1742. hic ante biennium, vita deſuncti; uterque Aulæ Durlacenſi addiſtus.

FRIDERICUS THEOBALDUS.  
SAHLERUS.

A Conſiliis ſecretis & feudali Præpoſitus Curia, capita quædam Badenſis Hiſtoriæ diligenter examinavit, Geographicæ

---

(r) Idem LEIBNIT. loc. c.

---

---

præsertim Pagorum limitumque doctrinæ intentus. Prodro-  
mum operis, (s) manu exaratum, ante hos decem annos suo  
Principi obtulit; vigore & vita longiore dignus, ut cæpta  
perficeret.

CAROLUS FRIDERICUS\*  
DROLLINGERUS.

Consiliarius Aulicus, Palatii Bada-Durlacensis, quod Basi-  
læ est, Cimeliothecæ, Bibliothecæ & Chartophylacio Præ-  
fectus: Badensium Rerum, si quis unquam, insigniter gnarus,  
concinnavit Specimen Badensis Historiæ, (t) quod nonnisi  
ad A. 1288. procedit. Sed & calamo ejus plures Badensium  
Rerum debemus Articulos, qui in *Lexico Historico*, Basileæ A.  
1726. impresso, comparent. (u) In originibus Domus Guil-  
limanno adhæsit.

Successor ejus in muneribus, dignitate, doctrina, Jo.  
Fridericus Herbfsterus, a Consiliis Aulicis secretis, Bada-Durlacen-

---

(s) Titulus Codicis est: *Grundlegung zu einer Historie des uraltten Hochfürstl. Hauses Baden.*

(t) *Versuch einer Historie des Fürstlichen Hauses Baden.*

(u) Articuli *Baden, Badenweiler, Hachberg, Rætel, Zehringen.* Marchionum quoque  
Badensium vitæ a Carolo I. quæ ibidem occurrunt, a Drollingero compositi sunt.  
Poëtica ejus scripta alius quoque celebris Poëta, Jo. Jacobus Sprng, Græcæ  
Linguae apud Basilienses nunc Professor, emisit in lucem; atque funebri Oratione  
defuncti & suas dotes aperuit.

---


ses thesauros, per totos jam viginti annos, custodit & ordinat, Hoc duce & comite Scrinia Palatii sollicitè perlustravi; recognovi sigilla, examinavi numismata, & alia monumenta Marchicæ Domus per aliquot menses curate inspexi. Omnia suscepi, peregrî sub auspiciis CAROLI FRIDERICI, cui consecratum est opus; qui cum SERENISSIMA CONJUGE, CAROLINA LUDOVICA, Hassiaca Pallade, Gentis suæ æternitati magnanimus prospicit; qui sublimia Hermannorum, Carolorum, Fridericorum, Ludovicorum memoriæ immortalis exempla Principibus filiis, CAROLO LUDOVICO & FRIDERICO, (x) futuris propagatoribus Stirpis, quotidie ostentat; ipse augustalium virtutum amabile exemplar.

---

(x) Tertius his filius, LUDOVICUS WILHELMUS AUGUSTUS, dum hæc scribo, novum cœli manus accessit.



HISTORIÆ



HISTORIAE  
ZARINGO · BADENSIS  
LIBER PRIMUS  
PRAEVIUS.

CAPUT I.  
INTROITUS OPERIS.

§. I.



INCLYTA MARCHIONUM BADENSIIUM

Domus cum augustis Lotharingiae & Austriae

Domibus communes ex Alfatia origines derivat.

ETICHO Alemanniae veteris potens Dynasta

sub Merovingis Austrasiae Regibus, primus, quem novimus,  
seculi VII. Alfatiae Dux, trium Gentis suae Familiarum conditor

Trium  
Domuum  
nexus.

extitisse censetur. ADELBERTUS, senior filiorum Etichonis, per nepotes suos, BERTILONES Zaringo-Badenfis; per LUITFRIDOS Habsburgo-Auftriacæ Familiarum est fator.

Natu junior, Eticho per EBERHARDOS, ex suo sanguine natos, Lotharingæ Ducum stemma produxit. Triplex hæc Gentis florentissimæ colonia ex sæcundo genitricis Alfatæ sinu trans Rhenum, trans Juram, trans Vogesum, per longa temporum intervalla migravit.

### §. II.

Zaringo-  
Badensis.

Prima migratio à BERTILONIDIS suscepta trans Rhenum; qui Carolingorum ævo fortunarum suarum sedem in Brisgovia posuerunt; avitarum istius oræ terrarum heredes; ex quibus Comites illi Provinciales prodiere Brisgovici, quos insequens ætas appellavit Landgravios. Ex his natus est Bertoldus ille, quem Henricus IV. Imp. Carinthiæ Ducem & Marchiæ Veronenfis Marchionem creavit.

Ab hoc tempore DUCIS & MARCHIONIS honores ita adhæserunt Zaringicæ Genti, ut in ejus linea seniore, quæ fuit Zaringica, DUCIS character, in juniore, quæ Marchionum Badensium est, titulus MARCHIONIS subsisteret.

### §. III.

Habsbur-  
go - Au-  
striaca.

Secunda Gentis Etichonæ colonia ex ADELBERTINA quoque linea prodiens, iisdem Carolingorum temporibus ex

Alfatia Jurassum transivit, ut avitas ibi quoque Burgundo-Helveticas Argoviae regiones occuparet. Habsburgicus hic Alfatiae palmes est, qui Landgraviatum ejus superiorem jam ante transitum possedit; qui deinceps migrationibus suis ex Helvetia in Austriam; (a) ex Austria in Hispaniam; (b) utrobique novas sibi coronas, nova regna comparavit. Ex palmitibus hoc superest Augustissima Romanorum Imperatrix, MARIA THERESIA, Hungariae Bohemiaeque Regina, hujus lineae ultima; heroicis virtutibus prima.

## §. IV.

Post Luitfridigenas ex Etichonea Eberhardigenum propagine, <sup>Lotharingica.</sup> sub Imperatoribus Salicis, GERHARDUS ille Alfata prodiit; cui Lotharingiam Mosellanicam Henricus III. Imp. regendam commisit. (c)

Hic ex Alfatia trans Vogesum migrans, immenso septingentorum annorum intervallo, per certos XXIII generationum gradus Lotharingiae Mosellanae Ducatum in suis posteris rexit; donec Augustissimus Germaniae Caesar, FRANCISCUS, MARIAE THERESIAE Conjux, ex patriis quoque Lotharingiae terris in Hetruriam primum, inde traductus in Austriam, Eberhardigenum

A 2

(a) Anno MCCLXXXII.

(b) Anno MDIV.

(c) Anno MXLVIII.

palmitem, a Luitfridenū palmite per tot secula distractum in Archiducibus, ex Lotharingico & Habsburgico sanguine natis, vinculo novo nostra ætate conjunxit.

§. V.

Nexys  
hujus  
vindices.

Confanguinitas hæc Habsburgicos inter Lotharingos atque Badenses obscuritate seculorum omnem hominum effugerat memoriam; donec seculi superioris medio HIERONYMUS VIGNIERIUS (d) eam ex tenebris in lucem protraxit; in linearum & graduum distributione ab ECCARDO & HERRGOTTO hinc inde correctus; quibus correctionibus & nostras nos observationes haud ita pridem adjecimus. (e) Nexum hunc Tabula peculiaris ostendit. (f)

§. VI.

Zaringi-  
ce Fa-  
milie  
splendor.

Profapia Zaringo-Badensis undecimo jam seculo Carinthiæ Sueviæque Ducatus & Marchiam Veronæ aliquandiu; Landgraviarum Brisgoviae semper; Turicensis Comitum a Bertoldi II. ævo; Reſtoratum Burgundici & Arelatenſis Regnorum a Conradi temporibus ad extinctam usque lineam Zaringo - Zaringicam constanter possedit; magnarum urbium restauratrix & conditrix; in turbis illis inter Imperium & Sacerdotium Cæsari Romæque formidabilis; quin & imponenda Imperii folio, si Bertoldus V. minus dissidens & liberalior fuisset.

(d) Vid. infra Lib. I. Cap. IV.

(e) Alfatæ Illustratæ Tom. I. pag. 753. sqq. & Tom. II. pag. 465. 474. sqq.

(f) In fine hujus Cap. I.



## §. VII.

**Z**aringicus hic Bertoldorum sanguis in Marchionum Badenſium ſtirpe adhuc viget & regnat. Ex his **AUGUSTUM** Sanguis ejus in Badenſibus ſuperſites. **GEORGIUM BADA - BADENSEM & CAROLUM FRIDERICUM BADA - DURLACENSEM, MARCHIONES,** linæ utriusque Regentes, noſtra ætas veneratur.

Hi a Bertoldo I. Zaringiæ Duce, Hermanni Marchionis, qui Beatis annumeratus eſt, patre, per XXIV. generationum gradus ad noſtrum uſque tempus evidentibus chartarum & hiſtoricorum idoneorum teſtimonijs indubitanter deſcendunt.

## §. VIII.

**E**berhardo - Lotharingicam Domum **AUGUSTINUS** Operis ſui cepti ratio. **CALMETUS, Habsburgo - Auftriacam, MARQUARDUS HERGOTTUS** vaſtis & doctis voluminibus expoſuere. Zaringo-Badenſem brevius ego exponendam ſuſcipio; origines & fata Sereniſſimæ Domus orbi literato tandem ut certius conſtent, Alſatiæ hiſtoriæ ſcriptor, qui Habsburgicos & Lotharingos trans Juram & trans Vogefum comitatus eſt, (g) verſo nunc ad orientem itincere, Luitfrido-Zaringos quoque & Zaringo-Badenſes, ex eadem Alſatia trans Rhenum proſequitur in amœnam Briſgoviani, Alſatiæ æmulam; in quam Zaringorum tranſiverunt majores, poſſeſſores Hachbergæ; in quo Marchionatu hujus operis auctor primam lucem aſpexit.

A 3

(g) In Alſatiæ Illuſtratæ voluminibus.

## §. IX.

Epochæ  
Badenses.

Memorabiliores autem eventus ab origine Domus ad nostrum usque ævum brevi ut representemus tabella, Zaringo-Badensem historiam omnem in septem distinctas dividimus Periodos.

PRIMA ab Etichone, seculi VII. Alfatiae Duce, ad Bertoldum I. Zaringiae Ducum & Badensium Marchionum indubitatum fatorem. Periodus hæc ALSATO-BRISGOVICA est.

SECUNDA a Bertoldo I. ad Bertoldum V. qui seculo XIII. fuit Zaringorum postremus. Periodum hanc nominamus ZARINGICAM

TERTIA ab Hermannis VI. Marchionibus Badæ sibi ordine succedentibus, HERMANNIANA vocatur.

QUARTA est BADA-HACHBERGICA a fatore HENRICIANA, quæ deinceps in HACHBERGA - HACHBERGENSEM & HACHBERGA - SAUSENBERGENSEM divisa.

QUINTA Badensis est senior, ab auctore suo RUDOLPHINA, quæ usque ad Bernhardum I. procedit, sub quo Hachbergicus Marchionatus ad lineam Badensium rediit; Hachbergica cum Ottone extincta; quod A. 1418. evenit.

SEXTA BERNHARDIANA est, a Bernhardo I. ad Christophorum usque se extendens, sub quo Saufenbergicæ quoque terræ A. 1503. ad Badensem lineam redierunt, Saufenbergensi extincta.

SEPTIMA Periodus, quæ CHRISTOPHORIANA a Marchione Christophoro, ad nostrum usque tempus decurrit, Badensis est junior; in BADA-BADENSEM iterum & BADA-DURLACENSEM partita.

Per gradus hos septem progreditur narratio. Singuli historiae Zaringo-Badenfis lectoribus novum referant theatrum.

Ex Epochis his Primam CONJECTURALEM appello, quod Zaringorum majores nonnisi conjectando assequimur; sed conjectura, quæ historicam verisimilitudinem parit.

Epocha hæc, diuturnitate temporis omnium maxima, obfcuritate rerum est brevior ceteris.

### §. X.

Antequam autem nostrum Epochæ Primæ proponamus Systema-  
ta varia. systema, antiquiora systemata, superioribus recepta seculis, quoque exponenda sunt breviter; quæ nempe longo temporum decursu in literario & politico orbe, quin & in ipsa Marchionum Badensium Domo, regnarunt.

Mirabuntur multi, quam credula fuerit medii ævi antiquitas; quam temerarii in conjectando sæpe fuerint juniores.

Multiplicia hæc stemmata in Tres Classes opportune dividimus.

Prima eorum Classis est, ITALICA Badensium quibus placet origo.

Secunda ex HELVETIA Burgundica, & quidem ex fictis Vindonissæ & Altenburgi Comitibus, Badensēs deducit.

Tertia ex ALSATIAE Ducibus eos derivat; quæ verisimilior ceteris & postrema hypothesis est. ITALICA Classis antiquitate & numero scriptorum reliquas omnes exsuperat. HELVETICAE, quæ multos quoque asseclas habuit, Guillimannus est auctor; ALSATICA Vignierum, ut dixi, inventorem agnoscit.

## §. X.

*Cautela.*

In hac varietate systematum monendus est Lector, communes Lotharingæ & Austriæ Domuum cum Badensi origines, ab Etichone derivatas, inter verisimillima poni; at sanguinis nexus Zaringos inter atque Badenses historicis veritatibus adscribendus est certis. Unde perpetuo eos vinculo ZARINGO-BADENSES appello.

Diversos historicæ veritatis gradus qui non probe distinguunt, atque adeo fabulosa cum veris, verisimilia cum certis, certa cum dubiis indiscriminatim conjungunt, illi profecto in scribenda Gentium & Familiarum historia non rite procedunt.



TAB. I.

# N S I S NGICA NEXUM N S.

O.

---

ETICHO II. Dux.

---



---

ICUS Comes circa A. 760.

---



---

RDUS I. Comes † circa A. 800.

---



---

ARDUS II. Comes † A. 864.

---



---

DUS III. Comes † circa A. 900.

---



---

Comes Nordgov. circa A. 940.

---



---

DUS IV. Comes † ante A. 966.

---



---

Marchio Lotharingiae † post A. 1037.

---



---

ARDUS Comes † A. 1047.

---



---

Res de Alfatia, Dux Lotharingiae A. 1048.  
 m LOTHARINGIAE Auctor.

---



---

Marchio  
 um et

---

B





---

---

CAPUT II.  
SYSTEMA ITALICUM.

---

---



## §. I.

apud Germanos mediū aevi consuetudo invaluit, Originis  
illustrium Familiarum origines ut ex Italia Italicae  
derivarent, majoris gloriae esse arbitantes, affecta-  
ab externa natione, veteris orbis domina, tio Germ.  
genus deducere, quam suae Germaniae se profiteri indigenas.

Naufca indigenatus veteres quoque vexaverat Romanos,  
qui a Trojanis victis, fugitivis et advenis, sua repetere primordia,  
quam Aborigenes Latii sui se haberi maluerunt. Francicam  
nationem a Priamo et Hectore, Trojanis principibus, illustris ille  
Turonensium seculi VI. Antistes jam deduxit GREGORIUS (a).

---

(a) *Historia Francor.* Lib. I. Cap. I. Item FREDEGARIUS ejus Continuator.

Primum Britanniae suae Regem Aeneae pronepotem, Ascanii nepotem, Silvii filium, Brutum omni antiquitati incognitum Rerum Anglicarum scriptores medii aevi constituunt. (b)

Antiqua illa Ascaniorum Germaniae borealis profapia, quae veteri Saxoniae Duces, Brandeburgo Marchiones produxit, ex qua hodierni Principes Anhaltini proveniunt, ad Urfinos, Roma in Germaniam appulso, suum sanguinem referunt.

Tempus erat, quo Hohenloica Gens à Flaminiis, Zollerana à Columnensibus (c) suum genus ducebant. ULRICUS KRIEGER, Rudolphi I. Habsburgici, Germaniae Regis, comes bellorum, ex Turico Nobilis, vel quisquis ejus nomine Chronicon scripsit, Habsburgicis Aniciis et Perleoniis assignavit majores; receptam tum temporis sententiam secutus; (d) quam

(b) Unde *Britannia* primum, dein *Britannia* nomen volunt exortum.

NEWII *Historia Britonum* apud THOM. GALE *Scriptores* XV. pag. 94.

HENRICUS HUNTINGDON. Lib. I. pag. 300. in *Scriptorib. Henr. Savillii*.

(c) REUSNERUS in *Opere Genealogico* pag. 373. LEQUILLÉ de *Domo Austriaca* Part. I. p. 141. Invertit rem RITTERSHUSIUS in *Genealogico Opere* p. 140. et 141. Urfinos ex Germania in Italiam pervenisse asserens.

(d) *Chronicon* ejus Ms. in publica Turicensium Bibliotheca vidi. Continuum est usque ad A. 1420. De antiquitate ejus veroque auctore disputat TURICENSIS ANONYMUS in *Bibliotheca Helvetica*, germanice edita, Tom. I. pag. 129.



JO. SEIFRIDUS ante hos centum et quinquaginta annos recoxit. (e)

## §. II.

**B**runsvico - Luneburgica Domus, ab Estensibus Italiae Ducibus haud dubie prodiens suoque flore, sub Guelphis superba, alias induxisse videtur Germaniae Familias, ut Italico sanguine se quoque ortas jactarent. Enimvero frequentes Germaniae Caesarum expeditiones trans Alpes occasionem dederunt, ut Duces, Comites et Dynastae Germani, Italicis praeficerentur Provinciis; unde nepotes inducti sunt, ut Praefectos illos Italici sanguinis fuisse existimarent. Inter Marchiones Badenses duo Hermanni, Tertius hujus nominis et Quartus, Friderici I. Imp. destinatione seculo XII. Marchiam gubernarunt Veronae. Seculo praecedente sub Henrico IV. Imp. Bertoldus I. Zaringensium et Badensium sator, non modo Carinthiae Dux fuerat, sed et Veronensium Marchio. Confusa harum rerum apud veteres notitia originis Veronensis credendae fuit proxima occasio.

## B 2

(e) SEIFRIDUS, Abbas Zuethaleus in Austria A. 1612. *Arborem Aniciam* edit. TENONAGELIUS et P. LAMBECIUS, Bibliothecarii, hoc systema probarunt, sed Perleonios non ab Aniciis, verum à Judaeo exortos, nostrum aevum aperuit.

Conf. *Asiatiae Illustr.* Tom. II. pag. 460.

## §. III.

Italicæ  
Badenf.  
originis  
Auctores

Veterem hanc Domus Badensis traditionem PETRUS DE ANDLO, ex Alfatica Andlaviensium Familia natus, inter primos cum circumstantiis exponit. (f) Narrat enim, quod Fridericus I. post primam expeditionem Italicam (g) in Germaniam rediens, liberum Italiae ut aditum haberet, unum ex filiis Marchionis Veronensis, ex Romana Urfinorum propagine orti, cujus reticeret nomen, obfidem secum in Germaniam duxerit, quodque Dynastiam Hachbergae ei dederit cum Castro. (h)

Quum autem novus hic Marchio obiisset improlis, addit Andlavius, Hachbergicos Nobiles legationem misisse Veronam; ut unus ex defuncti nepotibus adduceretur successor. Advenienti Hachbergensem tractum fuisse commissum, et ab eo Marchiones provenisse Badenses, qui deinceps Marchionatus axioma Comitatus Badensi imprefferint. Haec Petrus de Andlo. FRANCISCUS IRENICUS, Ettingae, adeoque in terris Badensium, circa A.

(f) In Tractatu suo de Imperio Romano Lib. 1. Cap. 15. Petrus hic, Decretorum Doctor, in Academia Basil. Jus Canonicum publice exposuit circa medium seculi XV.

(g) A. 1155. Italicam expeditionem primam Fridericus suscepit.

(h) Dynastiam hanc Conrado Zaringensi ereptam, Hermannio Marchioni Veron. Fridericum I. Imp. in feudum contulisse, tradit CRUSIUS *Annal. Svecv.* Part. II. L. X. p. 422.

1495. natus, Philippo, Christophori, Marchionis Badensis, filio carus, quem in stirpis ejus descriptione alloquitur, ait: (i) „ Vidinus literas multa antiquitate praeditas, eam (Italicam) „ originem Marchionibus pollicentes. Sed et ad alias Johannis cujusdam Marchionis provocat literas, in quibus Italicae gentis ab Urfino quodam Romano, ad Marchiae Veronensis Rectoratum per Fridericum I. Imp. promotum, referatur origo. Epochae huic Annum 1153. assignat Irenicus, subjungens, se quoque nosse Scriptores, qui Hernianum quendam, Marchionem Badensem, jam A. 1120. commemorant; ipseque in hac sententia acquiescit.

## §. IV.

Petri Andlaviensis et Irenici tradita MUNSTERUS, (1) Stemmat-  
tis fauto-  
res. LAZIUS, (m) CRUSIUS, (n) HENNINGES, (o) REUSNERUS, (p) ALBIZIUS, (q) LEHMANNUS, (r) LIMNAEUS, (s)

## B 3

(1) *Exegesis Germ.* Lib. III. cap. 97. 99.

(l) *Cosmograph.* Lib. 3. Cap. 254. 260. 273.

(m) *De Migrat. Gentium* Lib. VIII. pag. 500. 510.

(n) *Annal. Suevicor.* Lib. IX. Part. II. Cap. 18. Lib. X. Part. II. Cap. 11.

(o) *Theatr. genealog.* Tom. III. p. 239.

(p) *Oprr. Genealog.* pag. 511.

(q) *Stemmat. Princip.* fol. 41.

(r) *Ciron. Spir.* Lib. IV. Cap. 7. p. 255.

(s) *Jur. Publ.* Lib. V. cap. 5.

MYLERUS AB EHRENBACH, (t) SPEIDELIUS, (u) aliquae magno numero secuti sunt, Veronenses Badensium origines uno omnes ore professi, in circumstantiis inter se licet diverſi. (x)

Nec ſilentio tranſeundum, quod Erneſto et Georgio Fridericis, Marchionibus fratribus, varia doctrina ornatis, illuſtris ſuo tempore Genealogus, ELIAS REUSNERUS (y) Tabulam Marchionum, Hachberga - Badensium, operi Genealogico, quod BASILICA inſcripſerat, inſertam, A. 1592. dedicaverit, in qua Hermannum Comitem Veronenſem et Paduanum, quem Friderico I. Imp. ſanguine junctum fuiſſe ait, ab eodem in Marchionem Principemque Imperii, poſtquam Juditham Hachbergae Comitiffam duxerit uxorem, A. 1153. promotum fuiſſe, confidenter perſcribat.

### §. V.

Syſtema-  
ta alia  
ejusdem  
originis.

Septennio poſt GEORGIUS, HOHENZOLLERAE COMES, (z) indolis erectae juvenis, de Badensium originibus ingens Volumen,

- (t) *Archolog. ordinum Imp.* Cap. 10. p. 90.
- (u) In *Speculo* *ſic*. Voce BADEN.
- (x) MUNSTERUS Annum 1153. LAZIUS Annum 1151. quibus Fridericus I. Imp. Italiam nondum intraverat, CRUSTIUS Annum 1155. rei geſtae aſſigunt.
- (y) Rubrum Libri eſt: *Opus Genealogicum Catholicum*, Francofurti 1592. fol. Genealogia Badenſis exponitur pag. 511.
- (z) Joachimi Zollerentis et Annae Badenſis Marchioniſſae filius. Anna haec ſoror fuerat Georgii Friderici, adeoque filia Caroli II. Marchionia, neptis Erneſti. Codex Autographus extat in Chartophylacio Bada Durlac. ab ipſo Auctore Marchioni oblatuſ.

manu exaratum, soli Georgio Friderico, Avunculo suo, dedicavit, in quo Badenses a Regibus Gothorum, per Scaligeros, Veronae Dominos, nova conjectura derivat, et ab illis ad Recefwindum, Ostro-Gothorum Italiae seculi vi. Regem, ascendit; pleraque ex Pseudo-Hunibaldo aliisque impuris fontibus hauriens.

Postremus Italici systematis hic fuerat conatus, cujus tam manifesta est falsitas, ut nemo non miretur, per quadringentos illud annos potuisse subsistere, quum evidens hodie sit historica veritas, Henrici IV. Imp. temporibus Zaringo-Badenses jam floruisse Marchiones, adeoque centum per annos, antequam Fridericus I. Imp. Hermannum III. Marchiae Veronensi praefecit; quae Praefectura ei forte commissa est, quod Proavus ejus, Bertoldus I. cum Carinthiae Ducatu Marchiam quoque possederat Veronae.



CAPUT

---

**CAPUT III.**  
**SYSTEMA BADENSE**  
**HELVETICO-ZARINGICUM**  
**GUILLIMANNI ET PISTORII.**

---

Guilli-  
manni  
systema.



§. I.

Primus ab Italico systemate seculi superioris initio recedere visus est FRANCISCUS GUILLIMANNUS, Friburgo-Helvetius, qui Friburgi Brigoviae Cathedram exornavit Historicam. Novum hic genealogicum Badense systema in HABSBURGIACIS suis (a) produxit, quod Habsburgo-Austriacis Zaringos atque Badenses innectit; utrosque à Burgundicis Vindonissae Helveticae Comitibus deducit.

Systema hoc appello HELVETICUM. Majorem ille his Domibus gloriam se conciliaturum arbitratus est, si exclusa Italia  
 ab

---

(a) *Habsburgica* sua Mediolani A. 1605. primum edidit GUILLIMANNUS.

# T A M A Z A E N S E A N C I S C I N I.

DIBALDUS five VELIB. cit.

tenburgi f. Vindoniffæ, 667.

p. A. 688.

us.

urgi & Brifiacæ Landgravito, Abbas Augiæ, inde  
tenburgi, Alfatæ & Br. pife. Argent. † 780.

burgi & Alfatæ Lel Landolinus, Archiep.  
855. renfis.

hburgi. Hugo Landgindæ minoris Comitis,  
& Br. nsjurenfis Regis.  
hburgi † c. A. 918.

hburgi, Elfatæ & Brifiacæ

plus I. Birteiffe videtur improlis.

n fator. Vernerus. ctus a Guillimanno, qui  
1036.

um fator.

Bertoldum Badensium fator.



in ipso sunt quaesituri Guillimanno; qui absurda aliorum confutans in absurdiora prolapsus est. Habsburgica Genealogia ei praesertim curae fuit, Badensem curavit Pistorius; ille lubricis et ab ipso interpolatis; hic indubiis San-Petrini Monasterii documentis innixus; quae nescio quo consilio allegare neglexit. En Schema, quod Manlii Chronico Constantiensi adjecit Pistorius: (d)

Ex Vindoniassae Comitibus, ex quibus  
et Habsburgici

Pirtilo fundator Coenobii  
Sulzburg 1008. cum fra-  
tre.

Gebhardus.

Bezzelinus.

Bertoldus I. Zaringiae Dux.

Bertoldus II.  
Zaringiae Dux.

Hermannus  
Marchio, Cluniaci mortuus.

C 2

- (d) In illo *Rerum Germanicarum* Volumine, quo Scriptores sex edidit PISTORIUS pag. 742. novae Edit. et veteris a. 1607. p. 666. Cum Pistoriano hoc stemmate conspirat fere illud, quod PETRUS GREMMELSPACHIVS San-Petrinus Abbas, qui illi Monasterio ab A. 1496. ad A. 1512. praefuit, in *Genealogica Synopsi* a. 1507. concinnavit, quae in CRUSII *Annal. Svec.* T. I. L. VII. P. 2. p. 219. comparet.




## §. III.

Confutatio.

Prima hujus Tabulae verba ex Guillimanno desumpta sunt. At ubi Bertoldo I. Zaringiae Duci, Kanzelinum II. pro patre, et Kanzelinum I. pro avo Guillimannus assignat, à Pistorio deferitur. Falsus enim ejus est nexus, quem Habsburgicos inter atque Badenses constituit.

Kanzelino, Guntramni filio, Murenſia Acta Radebotonem, Wernerum et Rudolphum filios, assignant. Kanzelinum II. his adjecti Guillimannus, (e) Bertoldi I. quem constituit patrem; quemque pro lubitu nunc Lancelinum, nunc Landolum vocat; in Murenſibus Actis eum reperiſſe ſe jaſtans. (f) Actis his, in

(e) JAC. MANLIUS Lancelinum quoque Habsburgicum et Badenſium fatorem conſtituit, ſed Lancelinum Guntramni Divitis filium: alium enim praeter hunc ignorat. En Schema MANLIJ apud GUILLIMANNUM *Habsburg.* L. IV. C. II. et III.



(f) Ita enim L. IV. p. 123. ſcribit Guillimannus: „ Mihi ex Monumentis „ Murenſibus compertum, filios ( Lancellinum ) ſuſcepſiſſe quatuor, „ Rathbodum, Vernerum, Rudolphum et Landolinum Junioſorem. „ P. 149. ait: „ Deſunctus eſt Landolus A. 1036. . . . Reliquit Berchtholdum I. Is „ eſt Berchtholdus, cui Barbato cognomentum, qui primus arcem „ Zeringam condidit etc.

---

lucem tum nondum emisiss, falsâ cur interpolaverit, non equidem divino.

## §. IV.

Nec primus ego Murensum Actorum interpolationem Tschudii querela.  
Guillimanno objicio. DOMINICUS TSCHUDIUS, (ff) Coenobii Murenfis venerabilis Abbas, ante hos centum annos de eo jam acriter questus est. Ait enim: „Guillimannum praestaret, aut „Monasterii nostri Murenfis Archivum nunquam lustrasse, aut „ea, quae inde hauserat, majori studio, cura et fide tractasse. „Malae fidei eum Abbas accusat, quod Genealogiam, Murenfisbus actis praefixam; nos accusamus eum, quod Acta ipsa corruerit.

Verum enimvero Guillimanni temeritas non ad Murenfia modo Acta, sed ad Sulzbergenfia quoque se Monumenta extendit. Afferit enim, Lancelinum, Guntramni filium, cum Birctilone, fratre suo, Monasterium in Sulzberg condidisse. (g) At Birtelo solus fuit Monasterii institutor, ut Charta foundationis A. 996. aperte nos docet. Alia (h) donationis Charta, quam

## C 3

---

(ff) In Libello erudito cui titulus: *Origo Comitum de Habsburg.* p. 97.

(g) *Habsburg.* L. IV. pag. 121.

(h) Verba ejus haec sunt: „Ego Birtelo nomine, omnem hereditariam „partem, quae me contingebat, tradidi cum manu fratris mei Gebhardi „ad Casam Dei, quae est constructa in loco, qui dicitur mons falsuginis.

A. 1008. idem Birtelo fecit, nos docet, Gebhardum, non Kanzelinum, fuisse fratrem Birtelonis. Addit Guillimannus, (i) Lancelinum et Bertilonem fratres in Sulzbergensis Monasterii Aede Capitulari simul fuisse sepultos, ibique imaginem tabula antiqua reperi depictam, cui BETZELINI (1) adscriptum sit nomen. Equidem omnes Monasterii, seculo additi, partes avide et diligenter perlustrans, Tabulam hanc frustra quaevisi. Imaginum variarum picturae fugientes in muro conclavis, quod ille Capitulare appellat, hinc inde comparent, ex quibus tamen nihil didici, quod ad Bertilonem, aut ad Lancelinum spectaret. Sed certo didici, picturas illas non satis antiquitatis habere, ut in Bertilonidum rebus ullam faciant fidem. Quanta Sulzbergensis hujus Parthenonis, inter mediocres sane reputandi, gloria fuisset, si Austriacae et Badensis Domuum ille custodivisset fatores.

---

(i) *Habsburg*. L. IV. p. 164. et 166. seq.

(1) GERVILBERUS in *Epitome Archiducum Austriae* L. 2. C. 17. Bezelinum Habsburgicum Sulzibergense Coenobium condidisse vult, inibique sepultum. Bertilonem fundatorem cum Gebhardo fratre sepulturam ibi habuisse, verisimilius est.

## §. V.

Inane ergo cum sit Guillimannianum de Badensibus et Habsburgicis originibus systema, non pauci mecum mirabuntur, quod tot Viri, doctrina illustres, BESOLDUS, (m) RITTERSHUSIUS, (n) SCIOPPIUS, (o) ZEILERUS (p) CHIFLETIUS, (q) SPENERUS; (r) ut et inediti Rerum Badensium scriptores, FOERSTERUS, JUNGLERUS, alique certatim illud secuti sunt. Guillimanni auctoritas, quam prioribus acquisiverat scriptis, tam securos reddidit ejus lectores, ut absque ulteriore examine et postrema ejus probarent.

Affectus  
Guilli-  
manni.

## §. VI.

Tria momenta sunt, ad quae in HABSBURGIACIS ejus Lector animum advertat.

Conclu-  
sio.

(m) *Thesaur. Profl.* voce BADEN.

(n) *Exerg. Genealogico-historica* p. 140.

(o) *Sicinia Domus Austriae*, subjunctum *Consilio Regio Ticini edito*  
A. 1619.

(p) *Itinerarium German.* Cap. 9. p. 222, adde *Continuat.* I. Cap. 9. p. 122.

(q) *Lumina nova praerogativa ad Vindicias Hispanicas* p. 314.

(r) *Sylloge Genealogico-historica* p. 605, seq.

Primo ad Domus Badensis cum Zaringica nexum. Secundo ad Zaringiae Ducum cum Habsburgo-Austriacis vinculum. Tertio ad primas origines, quas Zaringo-Badensibus et Habsburgo-Austriacis ille tribuit communes.

Badenses inter atque Zaringos nexum ille recte constituit, qualem ei nempe suggesserat Pistorius; sed nexus probationes Pistorius non revelavit Guillimanno; qui Zaringorum cum Habsburgicis vinculum temere disposuit, et utrosque ex Vindonissae Burgundo-Helveticae Comitibus novo et falso ausu derivavit. Supereſt, ut a reprobato systemate Helvetico tandem ad Alfaticum progrediamur.



CAP.

---

## CAPUT IV.

### SYSTEMA ALSATICUM

### VIGNIERII, HERRGOTTI ET NOSTRUM.

---

## § I



Systematis, tertii, quod expositurus sum, auctor est, <sup>Systema Vignierii</sup> quem supra indicavi, HIERONYMUS VIGNIERIUS, Gallo - Blesensis, qui A. MDCXLIX. illud publicavit Lutetiae. (a) Hic à Guntramno. Divite, Habsburgice Domus certo fatore, qui seculi X. medio vixit, per Alsatios Egisheimii Comites ad Etichonem usque, Alsatice Ducem, circa A. 693. mortuum, per continuas generationes ascendit, unde ALSATICUM appellamus SYSTEMA.


Systema hoc Zaringos inter atque Habsburgicos nexum à Guntramno quoque Divite derivat; sed non per Landelinum II

---

(a) Libri Rubrum est: „*Origine des Maisons d'Alsace, de Lorraine, & Autriche*  
„*Et de Bâle*, fol.

à Guillimanno effictum Guntramni nepotem, sed per Birtilonem, quem Guntramni filium, Landelini I. vel potius Kancelini fratrem, natu juniorem, constituit; illum nempe, qui Monasterium Sulzbergenſe A. 993. inſtituit. Bertilonem hunc Kanzelino fratrem quoque aſſignat Guillimannus, ſed fratrem improlem. Vignierius contra Zaringorum profapiam ab eo hunc in modum derivat:

Guntramnus Dives



Systema hoc Birctilonem Guntramno, Bezzelinum Birctiloni filios, ſine ulla auctoritate adſcribit. Ne nomen quidem Bezzelini chartis antiquis proditum eſt.

§. II.

Seſſato-  
res Sy-  
ſtemat.  
Vignier.

Chifletius, qui *Lumina nova* A. 1647. conſcripſit, biennio ante, quam Vignierii comparuerat liber, hypotheſi Guillimannianæ adhærens; triennio poſt in *Auſtriaco Stemmata* ſecutus eſt

(b) *Præfat. Apologet. ad Genealogiam Franc. num. XXIX. 4.*

Vignierum, quod & ipse Chisletii hostis fecit Blondellus (*b*) alique, qui ab eo tempore Austriaca, Badensia (*c*) & Lotharingica fufius tractarunt.

Ipfi ex Habsburgo-Auftriaca Domo prognati Germaniæ Cæsares Badensium cum Habsburgicis nexum per Bertilonidas & Bertoldos Zaringenses probarunt.

Rudolphus II. sub cujus auspiciis scripsit Guillimannus, vinculum istud admisit. Leopoldus, in Diplomate, quod A. 1664. FRIDERICO VI. Marchioni Badensi, aurea bulla munitum, Ratisbonæ concessit, in Principis hujus laudes excurrens, diserte perscribit, Marchiones Badenses, ex Regio, & quidem Auftriacis & Badensibus communi Habsburgico atque Zaringico sanguine fuisse progenitos, (*d*) quin & omnibus pene Regiis, Electoralibus ac Principum Domibus cognatione & affinitate conjungi.

## D 2

(c) Huc pertinet JOHANNES GAMANSIUS, *Historiæ Badensis* ineditus scriptor, Vignerio coætanæus.

(d) His verbis: „Wan wir gnediglich angesehen, wahrgenommen und „betrachtet der Hochgebohrnen Wilhelm und Friderichen beeder „regierender Marggraven zu Baden und Hochberg &c. Baden- „Badisch, und Baden - Durschischer Linien unserer lieben Vettern „und Fürsten nit allein aus Königlichem und zugleich mit unserm „Erzhaufs aus dem uralten Habsburg - und Zeringischem Stamm



Vignierianum Systema Carolo VI. Imp. placuisse, ipse ex sacro ejus ore intellexi.

Sed & ab Augusta Lotharingæ Domo hoc systema probatum est; quæ in Alfatidis originibus magnos providentiæ divinæ ductus veneratur; quod illa post tot seculorum spatia cum Habsburgo-Austriacis, agnatis suis, in unum denique redierit corpus.

### §. III.

Corre-  
ctores  
Vignier.  
System.

Hæc de Vignieriano Systemate generatim. Partes autem ejus sigillatim si spectes, in ordinatione linearum & graduum illud a successoribus Genealogis haud leviter correctum est; ita tamen, ut ipsa ædificii forma, cum præcipuis ejus partibus, salva perstaret.

Enimvero in Etichone, Alfatiae Duce, subsistere quum debuisset Vignierius, ab eo ad Francicos Palatii Præfectos,

---

„entprossenen Herkommens, sondern auch seithero cesteris mit demselben, und vast allen königlichen Europæ Chur - und Fürsten des Reichs wiederhohelter heürathsverwantnus und Sippfchaft &c. Communem hæc Habsburgicorum & Badensium originem multis persuasit Dominicanus ille Chronici Colmar. Auctor anonymus, qui de Rudolpho Habsburg. ita scribit: „natus est Rudolphus de progenie Ducis Zaringæ. Verum nonnisi cognatio per feminas hic intelligitur. Mater enim Rudolphi fuit Heilwigis Kiburgica, quæ ex Anna Zaringica prodiit.

Leudesium & Erchinoaldum (e) ascendit. Ascensus hic ei excitavit Cenfores.

Prodiit nimirum ante octo hæc lustra GEORGIUS Ab Eccardo correctum.  
ECCARDUS (f) qui ex systemate hoc Merovingicos illos Domus Majores rejecit, illique Leutharios, Alemanniæ Merovingicæ Duces, substituit, ut eos Etichoni assignaret majores.

Vignierius ergo in descriptione majorum Guntramni correxit Guillimannum. Vignierium in majoribus Etichonis correxit Eccardus.

#### §. IV.

Sed & Eccardo alius Vignierii corrector successit Nostræ correctiones.  
HERRGOTTUS, nuper fati defunctus, qui Eccardianis emendationibus novas adjecit, uti Eccardianis & Herrgottianis nos quasdam adjecimus; (g) servata tamen præcipua ædificii forma.

Enimvero Bertoldum ego Ducem Astorum Einsidlenfium, (h) quæ Vignierius nondum viderat, auctoritate inductus, constitui

#### D 3

(e) Unde Systema hoc Erchinoaldinum quoque appellatur.

(f) Liber ECCARDI hoc titulo prodit: „*Origines Familiae Habsburg-Austriacæ*, Lipsiæ 1721. fol.

(g) *Afsatz Illustr.* Tom. II. pag. 464. sqq.

(h) Apud HERRG. *Genealog. Habsb.* Tom. III. pag. 833. ubi: „Comes Lantoldus

Lantoldi nepotem, qui Lantoldus cum Kanzelino, Guntramni filio idem fuisse existimatur. (i) At supplendus erat mihi hiatus Aſtorum, quæ patrem Bertoldi Ducis non produunt. Patrem ergo ei assignavi Bertoldum, Provincialeſem illum Briſgovix Comitem, quem Chartæ noſtræ A. 999. & 1004. memorant; eo minus ſuſpectum, quod filius eodem nomine, eadem dignitate, antequam Dux fieret, in eadem provincia, iisdemque poſſeſſionibus, ut infra patebit, conſpicuus fuit.

Nec ſententiam circa patrem nunc muto. De avo autem Lantoldo nunc aliquantum ſubdubito, an ſatis antiqua ſit Aſtorum Einſidlenſium, quam produxi, auctoritas, ut avus Bertoldi I. Ducis conſtituatur.

---

„de Zaringen, avus Berchtoldi Ducis Carinthix dedit cum uxore ſua „Luitgarda duas huobas in Melis. „ *Necrologium Einſidlt.* ad Januar. hæc habet: „Ob. Landolphus Comes de Zeringen avus Bertholdi Comit. „de Zeringen, qui cum uxore ſua Luitgarda dedit duas huobas in Melis.

- (i) Lantoldum Guillimannus, Vignierius & huius affectu eundem cum Murenſium Aſtorum Kanzelino, Guntramni filio, conſtituant, non diſſentientibus Eccardo atque Herrgotto, quibus & nos haud inviti acceſſimus.

## §. V.

Certitudo historica rerum Zaringo Badensium à Bertoldo hoc incipit, qui A. 1077. mortuus est senex, adeoque circa seculi XI. initia natus. Nativitas patris ergo in adulta seculi X. ætate inter Bertoldos & Bertilones quærenda.

Zaringen  
sium  
majores.

Opus ergo, ut omnes temporum superiorum Dynastas hujus nominis & Comites inquiramus, in quibus profecto latent Zaringorum majores.

Bertilo, Piratilo, Pirtilo, vulgari germanorum sermone *Bertel*, *Bertold*, *Berchtold*, unum idemque nomen enunciatione modo variat; re ipsa non discrepat. In Brisgovicis octavi, (1) noni, decimique seculorum Chartis ubi Comitum Brisgovie mentio, nomina frequenter occurrunt.

Chronologicam eorum seriem representamus Lectoribus, ut & ea, quæ jam dicta sunt, & quæ porro exposituri sumus, rectius intelligantur.

- (1) Ruthardum, qui A. 749. Arnolfsaugie Monasterium in Alsatia Inferiore condidit; WIMPHLINGIUS de *Episc. Argent.* pag. 23. Zaringie Comitem vocat, destitutus fundamento.

Add. HERZOGIUS in *Chron. Alsat.* Lib. 3. pag. 71. Monasterium sub Ludovico Pio Imp. in Ortenaviam translatum *Schwarzach* vocatur. At *Comitis* Zaringie nomen monumentis ignotum est. *Duces* Zaringie non nisi seculo XI. comparere incipiunt.

## §. VI.

Birtilon-  
nes &  
Bertoldi  
Comites  
a seculo  
VIII.

Anno 770. Monasterio S. Galli traditio in villa *Aginesheim* *Piraltitone* Comite facta est. (m)

A. 786. Ekino quidam bona in *Pago Piriltioni* in villis *Reothaim* & *Amalpertucilari* sub Carolo Rege & *Piriltone* Comite eidem S. Galli Cenobio donavit.

Eodem anno Chartam traditionis prædii in Pago *Bertoldesbara* fici; testes signarunt *Birtilonus* & *Bertoldus* Comites.

Sed & alia hoc anno Abbatie S. Galli donatio in *Pago Piriltioni* in locis *Althaim* & *Hootzhaim* sub Carolo Rege & *Piriltone* Comite facta.

A. 794. *Pertoldus* Comes amplissimam in pluribus *Brisgovie* villis donationem S. Gallo secisse scribitur.

A. 800. *Chadaloh, filius Perahtoldi Comitis*, hereditatem suam in villa *Wango*, ad Pagum *Bertoldesbara* spectante, *San-Gallen* sibus dono dedit.

Biennio post *Wago* & *Chadaloh, filii Perahtoldi Comitis* novum *Monachis* istis donum contulerunt. Altum inde in *Chartis* seculi IX. de *Bertilonibus* & *Bertoldis* silentium. At seculo X. *Brisgovie* Comites denuo comparent frequentes.

## §. VII.

(m) Apud HERRG. *Genealog. Habsb.* Tom. II. n. XI. seq. Chartas singulas suis annis invenies.

## §. VII.

Anno 968. *Pirihilton* Comite concambium bonorum in Kachinhova & in Perchusa inter S. Trutperti & S. Galli Monachos factum est. Berghufum prope Friburgum *Brisgovie* situm est.

Iidem  
Sec. X.  
*Brigovie*  
Comites.

A. 990. Otto III. Imp. Wormatiensi Ecclesie prædium Scaleja, (n) in Pago *Brifiggovæ* & in Comitatu *Birhtilonis Comitis* situm donavit. (o)

A. 993. Otto III. ob petitionem *Birhtilonis Comitis* ad ecclesiam S. Cyriaci in villa Sulziberg dedit, quicquid in ista villa habuit in Pago *Brifchouwe* & in Comitatu *superius jam scripti Birhtilonis Comitis* situm. (p)

Eodem tempore vel paulo ante *Birtilo* Monasterio Sulzberg a se constructo, prædia quædam donavit.

A. 994. Otto III. Monasterio *Waldkiricha*, Benedictinæ Regulæ Monialium, in Pago *Brifiggowe* & in Comitatu *Birhtilonis Comitis* sito, libertatem Augeræ & Corbejæ Monasteriorum dedit. (q)

(n) Per Scalejam vicus *Schelingen* prope Burekheim & Limpurg intelligitur, non *Schliengen*, ut plerisque est visum.

(o) Ex autographo. Vid. *Cod. Dipl. nostrum*.

(p) Vid. *Codex Diplom.*

(q) Ex autographo Collegiatæ *Waldkirch*, quæ tum fuit Parthenium, S. Margarethæ dedicatum.

A. 995. IV. Kal. Jan. idem Otto Imp. eidem Monasterio Waldkirch quinque manfos cum area una in dominicata villa (r) *Schafhuson*, in Pago *Brisgowe* dicto, in Comitatu *Birithlonis Comitis* sitos, nec non locum *Hard* inter villam *Uvila* & *Schafhuson* donavit. Actum Erestehim. (s)

Eodem Anno 995. Cæsar inter Episcopum Wormat. & Abbatem S. Galli concambium confirmat, quo prædium *Sçaleja* in Ducatu *Alamannico*, in Pago *Brisachgowe*, in Comitatu *Birichilonis Comitis* situm, Abbatie S. Galli traditum est.

A. 999. IV. Kal. Apr. Otto III. Imp. rogante Hermannò, Sæviæ Duce, *B. Comiti* suo jus concessit, in quodam suo loco *Villingen* publicum faciendi mercatum cum moneta, telonio ac bonau. *Villinga* bonum *Zaringicum* fuit, ut patebit inferius; quare *B. hic* Comes haud dubie ad *Zaringiæ Ducum* referendus majores.

### §. VIII.

Seculo  
XI.

Anno 1004. Henricus II. Imp. Sulzbergenfi Monasterio facultatem dedit faciendi mercatum in loco *Rincka*, in Pago *Brisgowe*, in Comitatu *Bertholdi*.

(r) Villa dominica fuit Villa Regia vel Imperialis. Villæ hæc stilo juniore *domaniales* vocantur.

(s) Ex autographo ejusdem Collegiatæ. *Erstein Inferioris Alfatæ* vicius est.

A. 1008. Pirrtelo omnem suam hereditariam partem cum manu fratris sui *Gebhardi* ad Casam Dei in Sulzberg, in Pago *Prisfcheuue*, in Comitatu *Adalberoni Comitis*, tradidit. Subscriptis Chartæ *Peretholt Comes*.

Ipsum D. Margarethæ Monasterium in Waldkirch in Nigra Silva, quod in Collegium Canonicorum deinceps conversum, idem Birtelo instituisse perhibetur. (t)

Supereft adhuc Parochialis Ecclesia vetus, Munzingam inter & Mengam, Inferioris Brisgovie vicos, quæ vocatur Birtelonis Ecclesia. (u) A quonam Birtelone suum ea traxerit nomen non liquet.

A. 1016. Henricus II. Imp. Schutterano Monasterio manum in villa Friesenheim, in Comitatu *Bertoldi* in Pago *Mortinauue* concessit. (x)

A. 1028. Conradus II. Imp. Ecclesiæ Basil. quasdam venas & fossiones argenti in Comitatu *Bertholdi* & in Pago *Brisfchgowæ* tradidit.

A. 1047. Henricus III. Imp. Megingodo cuidam regalem manum in villa Waltchirichun, in Pago *Alpegouue*, (y) in Comitatu *Berecholdi Comitis* situm;

## E 2

---

(t) GUILLIMAN. *Habsburg*. Lib. IV. Cap. I. p. 155. & Cap. II. p. 168.

(u) *Birtelskirch*,

(x) SCHANNAT *Vindem. Liter. Collect.* I. pag. 19.

(y) Waldkircha. Heic non Collegiata, nec oppidulum in Nigra Silva, sed vicus



A. 1048. Henricus idem Imp. Ecclesiae Basil. confirmat bona in Pago *Bryfichgowe*, in villis Mulinheim & Ougheim, in Comitatu *Berchtoldi Comitis*, nec non in villa Piftenfole in Comitatu *supradicti Berchtoldi Comitis*.

A. 1049. idem Imp. Monasterio Rhinau, in Pago Turgovienfi Alemanniae Ducatus, in Comitatu *Bertoldi Comitis*, possessiones confirmat, & inter has in Albgowe Cellam, quae dicitur *Alba*, (z) Aloffa, (d) Waldkircha.

A. 1052. Hesso quidam *Duce Bertoldo, Comite Herimanno* Capellam S. Nicolai in Eystat, Brisgoviae vico, instituit. (b)

### §. IX.

Epicrisis.

**A**ntiquissima harum Chartarum Birtilonem, ut Superioris Alfatiae Comitem refert. *Aginesheim, Egesheim*, Anno. 770. memoratum, oppidulum Alfatiae est, ex quo Comites Egisheimenses suum nomen ceperunt. Unde Pirahtilonem illum Comitem Comitibus Provincialibus Alfatiae annumeravi. (c)

---

hujus nominis intelligitur prope Waldshut, qui trihorio à S. Blasii Monasterio distat; quique situs fuit in Alpegovia. Altera Waldkircha, ubi Collegium Canonicorum est, ad Brisgoviam refertur.

(z) Monasterium S. Blasii.

(d) Hodie *Alphen*, vicus duplex inter Waldshutum & S. Blasii Abbatiam.

(b) Charta inter Documenta Badenf.

(c) *Alfatiae Illust.* Tom. II. p. 497.

In ejusdem seculi VIII. progressu Bertilones in Brisgovia reperis; qui seculo sequenti intermortui quasi, majore cum splendore seculo X. in Brisgovia rursus comparent. Undecimo autem sub Bertoldorum nominibus in vicinis quoque & circumjacentibus Ortenaviae, Nigrae Silvæ, Sueviae, & Franciæ Orientalis regionibus divites eos atque terrarum potentes reperimus Dynastas; quibus & Landgraviatus totius Brisgoviae commissus; uti Comitatus Provincialis Superioris Alfatiae Comitibus Habsburgicis, Zaringorum agnatis, a Cæsaribus quoque concreditus fuit.

## §. X.

**B**risgovicæ autem Chartæ, sub Ottonibus, Henrico Sancto, Conrado Salico & Henrico III. quum Birtilones, Bertoldos, Comites Brisgovicæ memorent, cur non in his quoque Bertoldi I. majores quæramus? Omnes certe in eadem provincia ejusdem nominis atque dignitatis participes, ejusdemque muneris ac officii administratores, per successiones ætatum, ita sese exceperunt, ut alter alterius filius vel agnatus esse potuerit.

Bertilones  
Zaringor.  
majores.

An autem nexus in illo Bertilone, qui Anno. 1008 Sulzbergenſe Cœnobium condidit, quod Vignierius facit, quod Chifletius, Blondellus, eorumque sequaces admittunt, vel in fratre ejus Gebhardo, quod facit Pistorius, vel in alio Pirtilone,

qui jam A. 968. Comes Brisingoviae fuit, vel in Kanzelino, Guntramni Divitis filio, quem eundem cum Lantoldo Einsidlenfi faciunt, quaerendus sit, conjectura verisimili suspicari quidem, at historica certitudine determinare non ausim. Unde sepositis conjecturis ad certiora progredimur, atque in Bertoldi I. Ducis subsistimus patre, nempe in Bertoldo illo Comite, quem A. 999. Villingam, bonum haud dubie Zaringicum, possedisse ostendimus. (d) Reliqui Bertilones in majorum ejus censendi sunt classe, Habsburgensium agnati; licet graduum agnationis ratio probari non possit.

### §. XI.

Stemma-  
tis præ-  
stantia.

**I**ta ad seculi X. tempora certis historiae documentis Zaringo - Badensis Domus assurgit, atque inter antiquissimos Alsatiae Brisingoviaeque Dynastas & Comites suas figit origines.

Bertoldus I. Dux Badensium fator ex nobilissimis Optimatibus Germaniae regni prognatus; (e) ex Dynasta potente & Provinciali Brisingoviae Comite ad solum Ducale Carinthiae, seculo XI. promotus est.

Tantam antiquitatem dignitatis Ducalis, a majoribus Badensium suae Domui illatae, vel in Regiis Gentibus, Francicam & Lotharingicam si excipias, frustra hoc aevo requires.

(d) Vid. §. X. & XL

(e) Verba haec sunt *Fragmenti Historici* ad A. 1125, apud UNSTR. Part. II.

## §. XII.

Io. Aventini & Chronici Carionis celebritas facit, ut appendicis loco eorum quoque de Zaringicis originibus traditiones apponamus.

Ab Ernesto I. Sueviæ Duce, eas repetit AVENTINUS. (f) Aventini & Carionis opinio. Putat enim Ernestum hunc; ducta in matrimonium Gifela, Hermanni II. Sueviæ Ducis, & Gerbergæ Burgundicæ filia, Suevorum Ducatum ab Imperatore Henrico obtinuisse, duosque progenuisse filios, Ernestum & Hermannum, a quibus Zaringenses originem traxerint. CARIO (g) autem ab Hugeberto, fratre Teutbergæ, uxoris Lotharii II. Zaringenses derivat. Sed neuter sententiam suam argumentis probavit. Gerberga, Gifelæ mater, filia cum fuerit Conradi, Burgundiae Regis, Nicolaus Vignierius(h) Aventinianæ hypotheseos fautor, causam hanc allegavit, ob quam ex regia Burgundionum stirpe ortos se prædicarint Zaringi.(i)

(f) *Annot. Boicor. Lib. V. Cap. 5. n. 19.*

(g) *Chronici Lib. IV. pag. 395. & 423.*

(h) NICOLAUS VIGNIERIUS in *Chronico Rerum Burgund. ad A. 1015. pag. 129.* quem cum HIERONYMO VIGNIERIO noli confundere.

(i) Vignierianæ de Marchionum Badensium origine, ex Burgundiae Regibus ducenda, sententiæ accesserat olim CHRISTIANUS KECKIUS, Consiliarius Bada-Durlacensis, vir elegantis ingenii. In *Carminibus Nuptialibus* enim, quod Anno 1670. Friderico Magno obtulit Caroloburgi, ita canit:

„Augustoduni genus alto a sanguine Regum.

„Hinc Hochberga ferox.

Verum in Genealogicis rationibus stirpem non constituere foeminas, ignorare non potuerat, dum hæc scriberet, Vignierus.

### §. XIII.

Felices  
Fabri.

Ceterum in constituenda Domus Badensis antiquitate impudentior nemo fuit, quam FELIX FABER, Monachus Ulmenfis; (1) qui audacter professus est, Marchiones Badenses ab Imp. Vespasiano ad bellum Judaicum ex Germania fuisse vocatos, suoquo ævo literas vocationis in Badensi tabulario adhuc fuisse supersites. Fabula vix condonanda auctori, nisi ejusdem seculi Caesar FRIDERICUS IV. privilegia a Julio Caesare atque Nerone, Romanis Imperatoribus, Austriae data, jactasset, firmasset. (m)

### §. XIV.

Transitus  
ad Lib. II.

Ordo rerum requirit, ut a Periodo CONJECTURALI; quae Primum nostrum Librum componit, progrediamur ad certas; quae idoneorum monumentorum testimoniis nituntur.

Periodos has in duos Libros, ZARINGICUM nempe & BADENSEM dividimus.

---

Keckium sequitur Jo. FECHTIUS, Hochberga - Marchicus, in *Hist. Colloquii Emmending.* C. I. p. 7.

(1) *Histor. Suevor.* Lib. I. Cap. X. Scriptis seculo XV.

(m) Literas has Julii Caesaris & Neronis edidit LUNIG *Archiv. Imperii* Part. Spec. Contin. I. sub rubro *Oesterreich* pag. 3. Friderici IV. Confirmatio horum Privilegior. data A. 1453. extat ibidem pag. 33.

TAB. III

A 15 16 17 18 19

1. The first part of the paper is devoted to a discussion of the general principles of the theory of the structure of the atom.

2. In the second part, we shall consider the question of the influence of the external magnetic field on the structure of the atom.

3. The third part of the paper is devoted to a discussion of the question of the influence of the external electric field on the structure of the atom.

4. In the fourth part, we shall consider the question of the influence of the external magnetic field on the structure of the atom.

5. The fifth part of the paper is devoted to a discussion of the question of the influence of the external electric field on the structure of the atom.

6. In the sixth part, we shall consider the question of the influence of the external magnetic field on the structure of the atom.

7. The seventh part of the paper is devoted to a discussion of the question of the influence of the external electric field on the structure of the atom.

fervida illa Sacerdotium inter atque Imperium cum flagraret discordia, Zaringiae Duces pacifici comparuerunt actores. Memorabilia hujus Gentis fata, non nisi leviter a scriptoribus huc usque tradita, uberius expositorum sum, adjutus monumentis, quae Helvetia, Brisgovia, Ortenavia & omnis Nigra Silva, Civilis & Sacra, ex scriniis suis liberaliter mihi suppeditarunt, ut novo jam habitu prodire possit Zaringorum Historia; non solis Provinciarum, quas enumeravi, inclusa limitibus, sed & ad Burgundicum ac Arelatense Regnum, ad Burgundicam & Aleniannicam Helvetiam, quas Zaringi hereditario regebant jure, atque ad veteres Sueviae Carinthiaeque Ducatus, Marchiamque Veronae, quibus praeerant ad tempus, sese late extendens. In omnibus harum gentium Annalibus vel ut Rectores & Duces; vel ut Marchiones, Dynastae, Comitesue Provinciae, comparent Zaringo - Badenses.

## §. II.

Zaringo-  
rum  
nomen.


Bertoldi nomen Zaringiae Ducibus nativum fere atque proprium fuit. Orthographia ejus in scriptoribus & Chartis variavit in quibus *Berhtold*, *Berthold*, *Berchtold*, *Bertolf*, *Bertulf*, *Pertold*, *Bertold*, promiscue legimus. Tertius inter Bertoldos cum axioma *Zaringiae Ducis* primum comparet. Usus tamen & consuetudo patrem quoque ejus & avum Zaringiae Duces anticipando appellat; patrimoniales Zaringiae terras quod & ipsi







W. J. J. J.



W. J. A. 1791



Henrici IV. rutrice & matre, Sueviae Ducatum requirens, tulit repulsam. Illa enim, neglectis mariti defuncti promissis, filiam suam Mathildam Rudolpho, Rheinfeldae Comiti, in matrimonium dedit, generoque huic suo Ducatum Sueviae, praeterito Bertoldo, A. 1057. commisit, (f) atque triennio post, ut repararet injuriam, Ducatum Carinthiae Bertoldo concessit. (g)

## §. V.

Carinthia veteris Norici pars, ut & Marchia Veronae, Bavarici Ducatus provinciae seculo X. censebantur.

Carinthia  
Ducatus  
& Marchiae  
Veronae.

Otto I. Germaniae Rex, Regnum Italiae A. 952. Germanico jungens, Marcam hanc ab Italiae regno avulsit, (h) Bavariaeque

## F 3

(f) HERMANNUS CONTR. ANNALISTA SAXO, CHRONICA S. PANTALEONIS ad A. 1057.

(g) HERMANNUS CONTR. ad A. 1060. „Conradus, qui Carentanis solo nomine „Ducis praefuit, moriens locum dedit: cujus Ducatum Bertholdus „Suevigens accepit.„ JOH. CHRISTOPHOR. PESLERUS, in *serie Ducum Carinthiae*, Hermannus male opponit LAMBERTUM SCHAFFNAB. qui ad A. 1058. Conradi Ducis mortem refert.

(h) CONTINUATOR REGINONIS ad A. 952. & ex eo ANNALISTA SAXO apud ECCARD. *Scriptor. Germ.* Tom. I. col. 281. seq. ubi: „Berengarius „Italiam iterum dono & gratia Regis accepit regendam. Marca tantum „Veronenfis & Aquilejeusis excipitur, quae Henrico fratri Regis „(Bavariae Duci) committitur.

adjecit. Avulsione hac vetera illa duo contra Germanos propugnacula Italiae, Veronenfis & Aquilejenfis Marcae, inverfo jam ordine, Germanica contra Italos propugnacula evaserunt. At circa A. 976. Carinthia cum Marcis his, a Bayariae Ducatu diftracta, Duces peculiaries accepit; (i) atque a Caefaribus Germanico Principi femper fuit commiffa.

Anno 996. Otto Conradi, Ducis Franciae Orientalis, & Luigardae Ottonis I. Imp. filiae filius, Gregorii V. Papae pater, Marcam Veronenfem fervavit, ut Annales Hildesheimenfes (l) loquntur. Otto *Carentanorum Dux & Veronenfium Comes*, ab Henrico II. Rege Rom. ut Germanis auxilium ferret, A. 1002. in Italiam miffus eft. (m)

Anno. 1017. Adelpeyro (Adalbero) *Dux Marchiae Carentanorum* in Judicio fedit. (n)

A. 1047. *Marchiam Veronenfem* ab Henrico III. Imp. accepit Guelphus III. Cunigundae, quae Azoni Eftenfi nupferat,

(i) Prima fane Carentanorum Ducis A. 977. memoria occurrit in Ottonis II. Imp. diplomate, Aquilejae Patriarchae dato, ap. UGHELL. *Ital. facr.* Tom. V. col. 46.

(l) LEIBNITII *Script. Brunfv.* Tom. I. p. 721.

(m) DITMARUS Lib. V. ap. LEIBNIT. loc. alleg. p. 370.

(n) MURATORI *Antiquit. Ital.* Tom. I. p. 170.

frater. (o) Obiit Guelfus hic A. 1055. improlis (p) successorem nactus Conradum, qui circa A. 1058. mortuus est, cui Bertoldus noster in Ducatu & Marchia A. 1060. Henrici IV. inp-destinatione successit. (q)

## §. VI.

Sed Bertoldina Carinthiae Ducatus & Marchiae Veronenfis Zaringis  
epocha vix tredecim per annos duravit. ablatas,

Seniori quidem Bertoldi I. filio, Bertoldo, non modo succedendi spem fecerat, sed & patre petente Ducatum administrandum jam concesserat Imperator; & tamen fidem patri filioque datam deinceps fefellit.

Quum enim discordia ejus cum Saxoniae proceribus A. 1073. erupisset in bellum, animus ejus a Bertoldo nostro alienari visus est. Caesar cum sororio suo, Rudolpho, Duce

---

(o) ARNAS URSPERG. *Chron.* pag. 210. & MONACHUS WEINGART. in LEIBNIT. *Scriptor.* Tom. I. pag. 754. Ceterum in Veronenſi Marchia comprehensus quoque fuerat Tarvisinus Comitatus, ab oppido Tarvisio nomen qui traxit; unde Marchia Verouensis quoque subinde *Tarvisia* nuncupatur. MURATOR. *Scriptor. Rer. Ital.* Tom. X. pag. 70. Ducatus Carinthiae, uti Bavaricus, Saxonicus, Lotharingicus, singuli suam Marchiam, quandoque plures habuerunt.

(p) *Origines Guelficae* LEIBNITZ &c. Tom. II. pag. 233.

(q) HERM. CONTRACT. ad A. 1060. apud PISTOR. Tom. I. pag. 299.

Suevorum, per aliquod tempus discordiam aluerat, quam Agnes mater, inter filium generumque media, utcunque sopivit; donec nimia Henrici IV. in levissimum quemque hominem propensio plerorumque Procerum animos ab eo alienasset. (r)

Tum vero & aemulatio vetus, quam Sueviae Ducatus, Bertoldo ereptus, inter Rudolphum & Bertoldum excitaverat, imminui coepit. Utrique factus est Caesar exosus. Hic suspitionum & dissidentiae plenus Marchiam Veronae, Italiae clavem, una cum juncto ei Carinthiae Ducatu, turbis cum Gregorio VII. Pontifice ortis, Marchioni sibi addicto, committendam esse, consilio politico arbitratus est. Abstulit ergo Bertoldis Ducatum cum Marchia, (s) eosque Marquardo Eppensteinio, Adelberonis Ducis filio, (t) consanguineo suo, commisit, quod A. 1073. factum esse comperimus.

#### §. VII.

(r) BERTOLDUS CONSTANT. ad A. 1073. „Rudolfus Dux Alemanniae & „Bertolfus Dux Carinthiorum & Welf. Dux Bajoariae, a Rege Henrico „discesserunt: quia aliis subeuntibus consiliariis, suum consilium apud „Regem non valere perpexerunt.

(s) LAMBERTUS SCHAFFNABURG. ad A. 1073. FROELICH *Archontolog.* Cap. II. pag. 24.

(t) ANNALISTA SAXO ad A. 1057. & qui eum sequitur, CONRADUS URSPERG. ad A. 1074. novum Carinthiae Ducem Ludolphum vocant consanguineum

Caesaris;

## §. VII.

Idem fatum jam triennio ante expertus est illustris Dux Otto, ex Comitibus de Northeim, cui Bavarie Ducatum Imperator ademit. Otto Ducatu privatus, titulum tamen Ducis servavit. (u) Eodem modo Bertoldus pater, & filius ejus Bertoldus, *Ducis* titulum, amisso quoque Ducatu cum Marchia, retinuerunt. (x)

Manente  
eis Du-  
cum Ti-  
tulo.

---

Caesaria; sed Luitolfum hunc, Marquardi filium, A. 1077. demum patri in Carinthiae successisse Ducatu, docuit FRÖELICH in *Archontologia Carinthiae* pag. 24. Ulricus, Marquardi quoque filius, a Monachis Sangallensibus A. 1077. electus est Abbas & ab Henrico IV. confirmatus. Conf. BRUSCHII *Chronologia Monasterior. Germ.* pag. 419. VALVASOR in *Topographia Carinthiae* pag. 2. periodum hanc Praefecturae Carinthiae octavam & Zaringiam vocat.

- (u) LAMBERT. SCHAFFNABURG. ad A. 1070. sqq. BRUNO in *Hist. Belli Saxon.* pag. 106. CHRON. MONASTERII MELLICENSIS Anno 1071. in HIER. PETZII *Scriptorib. Rer. Austriae*. Tom. I.
- (x) Fallitur OTTO FRISING. Lib. I. c. 9. & post eum ANONYMUS *fragmenti historici* apud URSTISIUM auctor, pag. 14. scribentes, Bertoldos Duces fuisse dictos, nullum licet unquam habuerint Ducatum, „nisi quis „Ducatum esse dicat Comitatum inter Juram & montem Jovis: vel a „Duce Carentano, quem nunquam habuerunt, Ducis eos nomine „honorandos contendat.“

Carentanum Ducatum per totos 13. annos rexere Bertoldi, quod ignoravit Otto Frising. & qui eum secutus est, Albertus Arg. Omnes

Scriptores & Chartæ titulo hoc eos ornavunt; nisi quod Burekhardus ineunte sec. XIII. S. Galli Monachus, (y) quod Abbatie huic arma intulerant, Bertoldis insensus, eos appellat *Marchiones*.

Titulus hic in Marchiæ Veronenfis, à Bertoldo I. adminiftratæ, memoriam filio ejus natu minori, Hermanno I. adhæfit; qui BERTHOLDO CONSTANTIENSI (z) teſte, Cluniaci Anno 1074. deceſſit. Enimvero quid uſitatus, quam ut pater, Ducatus & Marchionatus poſſeſſor, dignitarum ſuarum nomina inter filios dividat? Quid frequentius, quam ut principes viri, dignitatibus amiſſis nomina tamen earum ſibi ſemper conſervent?

Lambertus Schaffnaburgenfis, qui hæc omnia exponit & vidit, Bertoldum, amiſſo Ducatu, vel ſimpliciter *Ducem*, vel *Ducem Carentinorum* conſtanter appellat. Altorſienſibus in Suevia Guelphis, Zaringorum amicis, qui ſolum Imperii deinceps affectarunt, axioma Ducale ab adminiſtrato quoque aliquandiu Carinthiæ Ducatu adhæſit; quum ante in Dynaſtarum modo & Comitum claſſe cenſerentur.

---

illas terras inter Juram & montem Jovis, quas Conradus Dux Zaringiæ ejusque filius Bertoldus IV. & nepos Bertoldus V. tenuerunt, Comitatum appellat, quæ ſplendidum Ducatum magnamque Tranſjurani Burgundie Regni partem compoſuerunt. Add. FROELICH *Archontologia Carinthiæ* pag. 3.

(y) *De Caſibus Monaſterii S. Galli*, Cap. VII. in *Scriptoribus Rer. Alem.* GOLDASTI Part. I.

(z) *Chron.* ad A. 1074.



## §. VIII.

Atrocitatem injuriæ, Bertoldo illatæ, denique senferat Bertoldi l. Acta A. 1073.  
 Cæsar, atque hinc Hartesburgi apud Saxones, ubi Bertoldus eum adiit, variis sermonibus animum ejus demulcens, persuadere ei studuit, Marquardum, quem ineptissimum hominem vocavit, se infcio, Principibus infciis, invasisse Carinthiam, nihilque adeo de jure suo amisisse Bertoldum. Petit ergo ab eo Cæsar, ut cum Episcopis Citiensi & Osnabrugensi se ad Saxones conferat, illosque ad pacem inducat. Bertoldus ad hoc negotium præ aliis idoneus fuit; vir summæ prudentiæ & popularis eloquentiæ, ut LAMBERTUS testatur. (a)

Ille Cæsaris astutiam licet optime nosset, ejus tamen satis fecit petito. Saxones ad omnia erant proclives, si arces, in Saxonia exstructas destrueret Cæsar; qui petatum pertinaciter recusavit; unde omnis pacificatio facta est irrita. Ab eo tempore communia cum Rudolpho, Sueviæ Duce, Cæsaris affine & adversario, consilia agitavit Bertoldus.

Amicitia vinculum matrimonio roboratum. Filius Bertoldi filiam Rudolphi Agnetem duxit uxorem. Inter hæc Regengerus

G 2

---

(a) LAMBERT. SCHAFFNAR, ad A. 1073.

quidam, Caesaris familiaris, Rudolpho & Bertoldo Ducibus detulit, à Caesare vitæ eorum infidias strui. Delatio, seu vera, seu ficta, movit eos, ut de Caesare deponendo agitent consilia, quæ tamen obtestationibus atque promissis Henricus aliquamdiu avertit. Eventus hi sunt Anni 1073. quo Ducatus Carinthiæ Bertoldo creptus. Neque tamen Bertoldus atque Rudolphus consilia hæc agitaverant soli. Moguntinus, Colonienfis, Argentinenfis & Wormatiensis Præfules; Bavarix, Lotharingiæ & alii Duces junxerant sua. (b)

## §. IX.

Acta A.  
1075.

Anno 1075. Gregorius VII. Rudolpho Sueviæ Duci, & Bertoldo nostro literas scripsit, quibus eos, ne simoniæ reos recipiant, hortatur. (c) In literis his *carissimum D. Petri filium* appellat Rudolphum. Tum vero novi quoque in Saxonia motus quum fuissent exorti, Saxones denuo legatos ad Rudolphum &

(b) LAMBERT, SCHAFFNAB. ad A. 1074.

(c) Lib. II. *Epistolarum Gregorii VII.* n. 45. in ACTIS CONCIL. Tom. X. & PAULUS BERNRIEDENSIS in *Vita Gregorii VII.* Cap. 39. apud MABILLON *Vita Sanctor. Ord. S. Benedicti.* Sec. VI. Part. II. pag. 422. & MURATOR. *Scriptor. Rev. Italicar.* Tom. III. pag. 326. HUGO FLAVINIACENSIS Part. II. *Chron. Virid.* apud LABBEUM *Bibl. novæ Mss.* Tom. I. pag. 211.

Bertoldum Duces, opem eorum contra Cæsarem imploratos miserunt. Sed quum paulo ante cum Cæsare in gratiam rediissent, arma sua cum eo contra Saxones junxerunt.

Hi victi & ad Unstrutum prostrati sunt. Sed nescio qui factum, ut Rudolphus atque Bertoldus ex præliis reversi, animum mutarint; contra Saxones non amplius se pugnatos professi.(d) Novæ ergo Henrici Cæsaris expeditioni, quam mense Octobri ejusdem anni in Saxoniam susceperat, neuter accessit; sed habito cum Saxonibus consilio, denique perfecerunt, ut hi discedentes à bello, Henrici Regis potestati se permitterent; Rex vero copiis dimissis, Saxones in gratiam reciperet. Multos ex illis tum per Germaniam distributos, & Principibus hinc inde in custodiam traditos vixisse, retulit BRUNO. (e) Unde in Charta donationis, Monasterio S. Blasii eo tempore factæ, quam Henricus V. Imp. Anno 1125. Argentinæ confirmavit, (f) plures Saxonix Principes cum Rudolpho Duce de Rinvelden, & Bertoldo nostro Duce occurrunt.

## G 3

(d) BRUNO de Bello Saxonico apud FREHER. Tom. I. pag. 194. ANNALISTA SAXO ad A. 1075.

(e) Loc. alleg.

(f) HENRG. Tom. II. pag. 138.

## §. X.

Deficit  
ab Hen-  
rico IV.  
Imp.

Anno 1076. in Procerum Conventu, (g) de pace concilianda deliberantium, primo iterum loco Rudolphus, Dux Suevorum, Welfus, Dux Bajoariorum, & Bertoldus, Dux Carentinorum, nominantur, qui haud diu post Ulmæ ejusdem rei causa convenerunt, de publica quiete semper solliciti; nondum tamen Cæsaris hostes aperti. (h) Eodem hoc anno Cæsar Rudolpho & Bertoldo Ducibus, quos præ cæteris habebat contrarios, graves insidias struxit; (i) unde hi Anno 1077. non tantum Regi petenti denegarunt auxilia, (l) sed & in Italiam profecturo aditus omnes clauferunt, ut ab introitu eum prohiberent. Via tamen per Burgundiam Transjuranam sumta in Italiam pervenit Cæsar, ibique cum Gregorio VII. reconciliatus; brevi post denuo ejus factus est hostis. Germani ergo à Pontifice instigati, Rudolphum, Sueviæ Ducem, Anti-Cæsarem elegerunt; (m) Bertoldo nostro electionem promovente; qui Rudolpho constanter adhæsit. Rudolphus in Regem electus, solennem Gregorio VII. Pont.

(g) BERTHOLD. CONSTANT. A. 1076.

(h) LAMBERTUS loc. alleg.

(i) BRUNO de Bello Saxonico pag. 196.

(l) CHRON. CITIZENSE apud PISTOR. Tom. I. pag. 1144.

(m) BERTHOLDUS CONSTANT. & ANNALISTA SAXO. ad A. 1077.

nuntium destinavit, plura ei promittens, quorum in fidem filium ipse suum Rudolphum, ut & Ducis Bertoldi filium, obsides Gregorio obtulit. (n)

## §. XI.

Cæsar, plenus irarum, Bertoldi nostri terras invasit, & Comitatum Provinciale Brisgovie, (o) ab eo hinc usque possessum, Wernhero II. Episcopo Argentinenfi, strenuo assidee sue, qui Monasterium Hirsaugiense, refractarium Cæsari, evertere voluerat, donavit. (p)

Cæsaris  
vindieta.

(n) Conf. Oratio Gregorii VII. in Concilio Romano habita Anno 1080. in ACTIS CONCIL. Tom. X. pag. 381. & PAULUS BERNRIED, Cap. 107. apud MARILLON *Vita Sanctor.* Sec. VII. Part. II. pag. 346. ut & HUGONEM FLAVIN. *Chron. Virid.* Part. II. apud LABBEUM *Bibl. nova Mjctis* Tom. I. pag. 223. Idem postea repetitum est in Concilio Würzburgensi, eodem hoc anno a Legatis Gregorii VII. Pont. habito. ACTA CONCIL. loc. alleg. pag. 385.

(o) Comitatus hic in Brisgovicis septem Chartis seculi XI. apud HERRO. occurrit.

(p) Autographum donationis, Anno 1077. factæ, aurea bulla munitum in Episcopali Tabulario extat Tabernis Alfaticis. Vid. infra in Landgraviatu Brisgovie.

Fallitur PESLERUS in *Serie Ducum Carinthiæ* §. 9. existimans Bertoldum I. avitis quoque & patrimonialibus terris fuisse spoliatum, quum Comitatus ille, quo eum Imperator exuerat, ipse Comitatus Provincialis Brisgovie fuerit.

Ita Bertoldus, Ducatu Carinthiae & Marchionatu Veronae, Anno 1073. & Landgraviatu Brisgoviae Anno 1077. privatus, in possessione Dominiorum & Dynastiarum permanfit, quas avito & patrimoniali, adeoque hereditario jure possederat; quibus Cæsar eum privare non ausus est. Infelix hic annus vitæ ejus quoque fuit fatalis.

### §. XII.

Bellum  
S. Galli.

Tum temporis quoque bellum gessit cum Udalrico III. S. Galli Abbate, Marquardi illius, cui Carinthiae Ducatum, Bertoldo ablatum, Cæsar commiserat, filio, qui Henrici IV. partibus contra Rudolphum Suevum & Bertoldum nostrum adhaesit. In bello hoc expugnatis Zimbre & Wisneck Castris, bona S. Galli per Brisgoviam & Silvam Nigram universa Bertoldus occupavit. (g)

Cœnob.  
Weil-  
heim.

Neque tamen tot inter turbas civiles Bertoldus oblitus fuit rerum sacrarum. Weilhernii enim apud Suevos, in Tractu Teccensi

---

(g) BURCKHARDUS de *Casibus Monasterii S. Galli* Cap. VII. apud GOLDASTUM *Scriptor. Rerum Aleman.* Tom. I. pag. 68. & GALLUS OEHENIUS in *Chron. Mst. Augiæ* Divitis ad A. 1077. Uterque Scriptor Bertoldum I. Carinthiae Ducem & filium ejus Bertoldum II. *Marchiones*, non *Duces*, adpellat. Burcardus vixit sub Frid. I. Imp.

Teccensi Monasterium Ordinis S. Benedicti condidit, in quod socios ex Hirfaugienſi Cœnobio recepit. Donatio a Bertoldo apud villam Neckergangia Wilheim facta. (r)

## §. XIII.

Bertoldus I. decessit Anno 1077. in Castro Lyntberg, (s) sepultus Hirfaugia. (t) Multi eum appellant *Barbatum*; (u) sed quo auctore, ignoro.

Mors  
Bertoldi.

(r) Vid. *Cod. Dipl. A.* 1112.

(s) TRITHEMIUS in *Chron. Hirfaug.* A. 1077. ait, eum in quodam suo Castro *Lyntberg*, naturaliter munito, obiisse. Castrum hoc in Tractu Teccensi, ubi plures arces Bertoldinae, situm fuisse videtur. HERZOGIUS in *Chron. Alsat.* aliique plures Limpurgum Brisgoviae ad Rhenum huc trahunt. Adde CONRADUM URSPERG. A. 1077. CHRON. CONSTANT. apud PISTOR. pag. 666.

(t) CHRONOGRAPHUS SAXO, CHRONICON S. PANTALEONIS & CONRADUS URSPERGENSIS ad A. 1077. Bertoldum ex dolore diem obiisse dicunt, delirio correptum, quum late omnia vastari ab Henrico Imp. videret. Tempus mortis ejus plerique Scriptores, Annalista & Chronographus Saxo, Conradus Ursperg. Fragmentum historicum Alberti Arg. & Joh. Trithemius in A. 1077. rejiciunt. Solus Bertoldus Constantiensis ad Annum 1078. refert.

(u) GUILLIMAN. *Habsh. Lib. IV. Cap. III.* pag. 203. CHRON. FRIBURG. pag. 4. CRUSIUS in *Annal. Suev. Lib. VII. Part. II. Cap. III.* pag. 219.

Chara-  
cter.

Morte ejus Germania Principem magnæ auctoritatis amisit; qui, amissis quoque Cariuthiæ Ducatu, primores inter ubique comparuit; formidabilis Cæsari. In magna constitutus fortuna dignus sane fuit majorē, quam tamen semper adversam expertus est. Enimvero inter ardentes illas Imperii & sacerdotii lites quid speraret Bertoldus, vir pacificus, nec infensus Aulæ Rom. quam detestatus est Cæsar, bonam causam male defendens, & inter corruptos aulicos ac assentatores munera ac dignitates partitus, quas indignis frequentius, quam dignis, contulerat.

#### §. XIV.

Uxores.

Bertoldo I. duæ tribuuntur uxores, Richwara & Beatrix. „Dux Bertholdus primus cum thori sui consorte Domina „Richwara, in Charta Anno 1112. legitur, qua nepotes eorum Bertoldus III. & Conradus Duces, parentum & avorum suorum donationes, Monasterio S. Petri, in Burgundia, Brisgaugia & Neckergaugia factas, denuo confirmarunt. (x) Richwaram stirpis incertæ GUILLIMANNUS, (y) sed PISTORIUS (z) Marchionissam Carinthiæ, sine idoneo teste, appellat. Beatrix

(x) *Codex Dipl. A. 1112.*

(y) *Habsburg. Lib. V. Cap. I. pag. 223.*

(z) *Tab. Genealog. Zaringiæ Ducum*, quam MANLIJ *Chron. Constant.* adjecit, quod extat Tom. III. *Scriptor. Rer. German.* PISTORIUS ad pag. 742.



stirps perantiqua & nobilissima est. Fridericus II. Lotharingiae Mosellanicæ Dux, Theodorici Ducis filius, Anno 1033. defunctus, ex conjugē Mathilda filias habuit *Beatricem* & *Sophiam*. (a) *Beatrix* nupsit Bonifacio Atestino, Tuscipe Marchioni, mater facta Mathildis, Tusciæ Comitissæ. *Sophia* vero, Comitissa Barri, uxor fuit Ludovici, Comitis Moncionis & Montisbeliardæ, ex quo matrimonio præter Theodericum, Montisbeliardæ & Phirreti Comitum satorem, (b) Fridericus Comes Barri & Moncionis, aque Beatrix, Bertoldi nostri uxor, prodierunt. Exponit hoc BERTHOLDUS CONSTANT. ad Annum 1093. quo Sophia decessit: „ Nobilissima, inquit, Comitissa Sophia, vidua Ludovici Comitis, „ mater piæ memoriæ Beatricis Ducis & Friderici Marchionis, „ in senectute bona, cum jam multos filiorum videret, diem „ clausit extremum. „ Ne vero de Beatrice Ducissa remaneat dubium, adde eundem Bertholdum Constantiensē ad Annum 1092. ubi obitum Beatricis refert; quam vocat sororem Friderici Marchionis, & uxorem quondam Bertoldi Ducis. Restat, ut probemus hanc Sophiam eam ipsam esse, de qua GENEALOGUS S. ARNULPHI loquitur. Bertholdus Constant. de Adelheidæ,


## H 2

(a) *Genealogia S. Arnulphi* apud DU CHESNE *Script. Rer. Fræ.* Tom. II. pag. 643.

(b) *Vid. Aljat. Illustr.* Tom. II. *Tab. genealog.* ad pag. 609. & pag. 617.

Taurinensis Comitissæ, hereditate scribens, memorat, eam pertinuisse ad filium Friderici Marchionis, ex nepte Domine Adelheidæ susceptum. Fridericus autem Marchio filius erat Domine Sophiæ & Ludovici Comitis; quæ matertera erat Comitissæ Mathildis, ejus Dominum id est, maritum vocat Ducem Guelphonem.

## EN STEMMA:



## §. XV.

**P**lures Bertoldo I. liberos Tabula Genealogica, Chronico Fili  
Constantienſi apud Piſtorium inſerta, aſſignat; ex quibus nos,  
Bertoldum II. Ducem, Hermannum Marchionem & Gebhardum,  
Epiſcopum Conſtant. notamus.

ANNALISTA SAXO & ABBAS URSBERG. (c) Bertoldo,  
Carinthiæ Duci, filium ejusdem nominis tribuunt. Hermannum  
autem, qui Cluniaci obiit, ſatorem Badæ Marchionum, BERTHOLDUS  
CONSTANT, filium quoque Bertoldi Ducis appellat. (d) Tituli cum  
opibus patris inter Bertoldum & Hermannum diviſi ſunt. Senior  
*Ducis*, junior *Marchionis* elogio inclaruerunt. Uterque lineam  
ſuam propagavit, atque opes extendit. Linea Ducalis per  
Burgundiam & Arelatenſe Regnum, ſed breviter duratura, ſe  
diſſudit. Marchica durat hodieque, & ad Orientem latius ſe  
extendiſſet, niſi Carolus Andegavenſis florentiſſimum Juvenem,  
Fridericum, pium & innocentem, A. 1268. neci dediſſet. De  
Duce, qui filius ſenior Bertoldi I. fuit, acturus ſum, poſtquam  
de Gebhardo, natu minore, nonnulla diſſeruerō.

## H 3

(c) *Ciron. ad Annum 1057.*(d) *Anno 1074.*

## §. XVI.

Gebhardus, Episcopus Constantiensis, appellatur *Bertoldi Ducis filius à BERTHOLDO CONSTANT. Hermanni Contracti Constant. Continuatore.* (e)

Bertoldum nostrum heic intelligi, adeoque Gebhardum fratrem fuisse Bertoldi II. & Hermanni Marchionis, idem Auctor testatur; (f) fratrem eum vocans Bertoldi illius, qui A. 1092. a Suevis, Henrico IV. Imp. contrariis, creatus est Dux. In Charta quoque Bertoldi IV. de A. 1152. (g) *Gebhardus Episcopus* avi ejus, id est, Bertoldi II. frater memoratur. Gebhardus hic doctrina & moribus celebris A. 1083. Monachus Hirsaugiensis, (h) sub celebri illo Abbate Guilielmo, atque anno sequenti ex Monacho in Episcopum Constantiensem electus, & a fratre suo, nec non a Guelfone Bavaro, cum magnis copiis in urbem Constantiam introductus est. (i)

(e) Ad Annum 1084.

(f) Ad Annum 1092.

(g) Apud SCHANNAT. *Vindem. Liter.* pag. 163.

(h) CHRON. HIRSAUG. ad A. 1083. edit. Francof. Part. II. pag. 78.

(i) BERTHOLD CONSTANT. ad A. 1084. CHRON. CONSTANT. apud PISTOR. p. 742. ponit A. 1085. CONRADUS, San-Blas Monachus, *Chronici Burgensia* auctor, *Gilbertum* eum vocat. Editum hoc Chronicon à Rev. Patre RUSTENO HEER, & junctum *Alonymo* ejus *denudatq.* vid. pag. 368.

In Concilio Mogunt. anni seq. præfente Henrico IV Imp. Gebhardus hic, ut Episcopatus Constant. inuasor, cum Hermannno Anti-Cæsare fuit proscriptus. (l)

In magno illo schismate Imperii & sacerdotii Pontificum Roman. partes defendit. Unde A. 1089. ab Ottone, Episcopo Ostiensis, Sedis Apostolicæ per Germaniam legato, (m) consecratus fuit Presbyter cum aliis Clericis, quos inter quoque Bertholdus Constantiensis, Chronographus ille, toties a nobis testis productus. Basileensis vero, Argentinensis, aliique ad Rhenum Episcopi Cæsareas partes tum fuerant secuti. Decretalis Urbani II. Epistola in Concilio Romano Anno 1089. in *Actis Conciliorum* (n) hoc docet. Unde à Baronio vir apostolicus nominatur A. 1100. quo Apostolicam legationem Paschalis II. confirmavit Gebhardo. Hic A. 1092. electionem fratris sui, Bertoldi II. in Ducem Sueviæ promovit; quæ a *Principibus Alemanniæ*, ut BERTHOLDUS CONSTANT. (o) scribit, infcio & invito Imperatore est facta.

(l) GALLI OEHREMI *Chron. Monasterii Augiæ Div. Msc.*

(m) Qui dein factus Pontifex Rom. Urbanus II.

(n) Tom. X. Labb. pag. 444.

(o) *Append. ad Herm. Contraſſ. A. 1092. Fragmentum Vrijſſ. ad h. A.* scribit:

„ Principes Alemanniæ ad defensionem Ecclesiæ unanimiter convenerunt,  
„ sibi que ad hoc negotium exequendum fratrem Gebhardi, Constantiensis

Anno 1093. VI. Kalend. April. Popponem Metensem Episcopum; Kalendis Augusti vero Monasterium San-Petrinum Silvæ Nigræ consecravit.

Eodem anno, Gebhardi consilio habitus est apud Ulmam conventus, quo Welfus & Bertoldus Duces, alique earum partium principes compactum in duos annos contra Henricum IV. Imp. iniverunt.

Anno 1094. magnam Constantiæ Synodum celebravit, pro reformanda disciplina Ecclesiæ, cujus Acta BERTHOLDUS (p) descripsit.

Anno 1108. novam Abbatæ San-Blasianæ Ecclesiam, quæ hodieque subsistit, dedicavit. (q)

Decessit Gebhardus Anno 1110. (r) postquam per XXVI. annos Ecclesiam Constant. varia inter fata rexisset; bis ex ea per

---

„ Episcopi, Bertoldum de Zeringen, Ducem totius Sueviæ constituerunt,  
 „ qui nondum aliquem Ducatum habuit, etsi jam dudum nomen Ducis  
 „ habere consuevit.

(p) Anno 1094. *Acta Conciliorum Lathei* Tom. X. pag. 497.

(q) *Chron. S. Blasii* OTTONIS de S. BLASIO, quod periit; ex quo multa excerptit CASPAR. I. Abbas S. Blasii in *Orig. San-Blasianis* Mss. Addatur Cod. Mset. San-Blasianus, cui Tit. *Ordo Operis Dei*.

(r) In anno mortis Gebhardi & in annis regiminis ejus variant scriptores. MANLIUS in *Chron. Episcop. Constant.* apud PISTOR. & MABILLON *Annales Benedicti*.

per Cæsareanos ejectus; (s) quin etiam A. 1107. a Paschali II. in Concilio Trecenti suspensus; quod illis conferat, qui Mindensi Ecclesiæ Godefridum obtruserant, quodque Archiepiscopum Magdeburgensem ordinaverat Henricum. (t)

## §. XVII.


Filiis num habuerit Bertoldus, ex Monumentis non Filia. liquet. Agnetem ei filiam tribuit PESLERUS, (u) quam Geysa, Hungariæ Regi, nupsisse existimat. Legimus apud Bertholdum

---

*Benedict.* Tom. V. pag. 454. in A. 1110. conveniunt. CHRON. ELWANG. A. 1109. & BAUSCHIUS Annum 1116. ponunt. Huic assensum HABILLON *Sec. VI. Benedict.* Part. II. pag. 801. sed verius in Annalibus rem prodidit.

- (s) Temporis hoc intervallo Gebhardus maximam partem in Brisgovia apud Bertoldum Ducem Zaringiæ vixit. Vid. *Gallia Christi.* Tom. V. col. 909.
- (t) *Concilior.* Tom. X. col. 755. ubi corrupte Guichardus appellatur. Paschalis II. Pape Epistolas quasdam ad Gebhardum vid. in *Thesoro Anecdotor.* MARTENII Tom. I. col. 336.
- (u) *Historische Nachricht der Herzogen von Zähringen, in Hannover. Anzeige* A. 1751. XIV. Stück pag. 324.

Constant. quod soror Bertoldi Ducis, Hungariæ Regina, A. 1090 decesserit. Sed hæc fuit Rudolphi Anti-Cæsaris filia, adeoque soror Bertoldi illius Suevi, quem cum Bertoldis Zaringis Peslerus aliique permulti confuderunt; ut infra docebimus. Rudolphina hæc Gisela Ladislai I. Hungariæ Regis, conjux fuisse videtur; cui nuptiis secundis Adelheidis succellit.



CAPUT



## CAPUT II.

### BERTOLDUS II.

AB ANNO 1077. USQUE AD ANNUM 1111.



#### §. I.

Filiorum Bertoldi I. maximus natus fuit Bertoldus II. Hereditas.  
 qui patri in Titulo *Ducis*, (a) in Landgravii  
 Brisgoviae dignitate, in Dynastiis Suevicis,  
 Dominiis Brisgovicis & Ortenavicis, uti Hermannus II. in titulo  
 Marchionis & in Ufgovicis, Creichgovicis, aliisque Franciae  
 Orientalis terris successit. (b)

#### I 2

(a) STUMPFUS Marchionem eum semper vocat, non Ducem.

— KIEFFERUS in *Diff. de Habsburgo-Austr. Domo* pag. 144. contendit,  
 Bertholdum II. ob ductam in matrimonium Agnetem, Rudolphi Sueviae  
 Ducis filiam, Ducis Zaringiae nomen Henrici IV. Imp. permissu, primum  
 adhibuisse; quod omnibus circumstantiis rerum repugnat.

(b) Hermannus I. enim triennio ante patrem jam obierat Cluniaci.

Bertoldum II. filium Bertoldi I. fuisse, jam supra ostensum, (c) cui Henricus IV. Imp. vivo & volente patre jam Ducatum Carinthiae concessit; quem deinceps patri & filio abstulit.

## §. II.

Ducatus  
Sueviae.

Bertoldus hic A. 1077. una cum Bertoldo, Rudolphi Anti-Caesaris filio, ab eodem Anti-Caesare Papae Gregorio VII. oblatus est obses; (d) atque circa eadem fere tempora Agnetem, Rudolphi Anti-Caesaris filiam, duxit uxorem. Matrimonii hujus intuitu Suevicum Ducatum genero suo commisisse Rudolphum, auctor est OTTO, Frising. Episcopus. (e) „Occiso Rudolpho, „ inquit, gener ejus Bertolfus Ducatum Sueviae, tanquam a focero „ sibi concessum, usurpat. „ At BERTHOLDUS CONSTANT. epocham hanc praeteriens silentio, Bertoldum II. Sueviae Ducem nonnisi A. 1092. factum esse scribit. (f)

Ottonem Frising. cum Constantiensi Bertholdo conciliaturus duas Suevici Ducatus, a Bertoldo II. administrati, epochas constituere cogitur; quarum prima ad tempus Rudolphi Anti-Caesaris, A. 1080. extincti, altera ad A. 1092. quo a Proceribus

(c) In Bertoldo I. §. XV. pag. 61.

(d) Conf. supra in Bertoldo I. §. X. pag. 55.

(e) *De gestis Friderici I.* Lib. I. Cap. VII.

(f) Verba ejus vide supra in Bertoldo I. §. XVI. pag. 61.

Sueviae in Ducem Bertoldus II. solemniter electus est, referenda. Duae porro transactiones, a Bertoldo nostro, cum Friderico Staufensi, cui Henricus IV. Imp. cum Agnete filia sua, Sueviae Ducatum contulerat, (g) initae, admitti deberent. Prior ante A. 1092. altera post hunc annum figenda. Nova enim electione non opus fuisset, nisi Bertoldus jam ante A. 1092. Sueviae Ducatui transactione cum Friderico Staufensi facta, renuntiasset.

Verum enimvero Bertholdus Constantiensis, tum temporis vivens, diserte enunciat, Bertoldum ante Annum 1092. nullum habuisse Ducatum, licet Ducis titulo uteretur. Bertholdus hic autem Ottone Frising. non modo antiquior est, (h) sed & rebus gestis, speciatim proelio Anni 1086. ipse interfuit; (i) illisque temporibus Constantiae vixit, cum Gebhardus, Bertoldi II. frater, Constantiensem Episcopum ageret; (l) Suevicarum & Zaringensium

## I 3

(g) Epocham Ducatus Sueviae, Friderico Hohenstauffio collati, definire non licet. Henricus Imp. ipsi Rudolpho Anti-Caesari, hosti suo, generum videtur opposuisse Fridericum, quem *Bruno de Bello Saxonia* jam A. 1077. Ducem appellat, nisi proleptice scripseris Brunonem. Tranquillam vero possessionem Ducatus diu non obtinuit Fridericus, cui post Rudolphi Suevi mortem cum Bertoldo filio ejus, & demum cum Bertoldo Zaringio nostro plures per annos colluctandum fuit.

(h) Bertholdus Constant. obiit A. 1110. Otto Frising. A. 1158.

(i) BERTHOLDUS CONSTANT. ad A. 1086.

(l) A Gebhardo presbyterum se ordinatum dicit ad A. 1084.

rerum quam maxime gnarus; Guelphicis Bertoldi II. & Gebhardi Episcopi partibus addictus. Nihil ergo eorum omisisse censendus est scriptor, quæ Bertoldi II. gloriæ inservire potuissent.

### §. III.

Ottonis  
Frising.  
errores.

Otto Frising. autem à Bertoldi II. Ducis temporibus paulo remotior, in ipsa Bertoldi & Zaringensium historia non semel hallucinatus, interdum dubius hæret. Postquam enim Ducatum Sueviæ, quem Bertoldo II. genero Rudolphum Anti-Cæsarem concessisse vult, ab Henrico IV. Imp. in Fridericum Staufensem dixisset collatum, mox subjungit, „ne multis morer, „ (Fridericus) Bertolfum tandem pacem petere cœgit, quod „ tamen quidam sub filio suo Friderico factum tradunt. „ Ignoravit ergo Otto Frising. novam illam Bertoldi II. electionem, quam A. 1092. contigisse indubium est. Ignoravit transactionem, quæ post Annum 1092. evenit; incertus, an res sub Friderico I. Duce, an sub ejus filio Friderico Lusco evenierit.

Idem Otto Frisingensis Bertoldos Zaringios, nunc Carinthiæ, nunc Sueviæ Ducatum possessores, nunc in Rectoratu Burgundiæ ab ipsis Imperatoribus constitutos, titulum Ducalem falso sibi arrogasse, eosque nullum unquam habuisse Ducatum, perscribere ausus est. (m) •

---

(m) De *Gestis Friderici* I. Lib. I. Cap. IX. De errore hoc fufus supra in Bertoldo J. §. VII. p. 49. Erravit quoque Cap. VIII. ubi Lemannum Lacum

Nec mirandum profecto, si Gibellinis partibus addictus Otto Bertoldis, Guelficas plerumque partes secutis, fuit iniquus. Fuit enim Conradi III. Imp. frater uterinus, Friderici I. Imp. patruus.

His probe perpenſis, pronuntiare non dubito, OTTONEM FRISING. virum alias egregie doctum, Bertoldum II. Zaringiae Ducem, cum Bertoldo, Rudolphi Anti-Cæſaris filio, præcipitanter confuſiſſe; quod aliis quoque junioribus non paucis evenit, (n) nominis ſimilitudine deceptis.

#### §. IV.

Rudolphum Anti-Cæſarem filium habuiſſe Bertoldum, PAULLUS BERNRIEDENSIS (o) alique ſcriptores (p) diſerte

Bertoldus Rudolphi Anticæſ. filius.

fluvium appellat, in eo cum Lemago ſumine aperte confundit, quod prope Thuregum ex Turicenſi lacu profluit. Sic etiam ignoravit Otto tertium Episcopatum, quem A. 1156. Fridericus I. Imp. pro Comitatu Burgundiæ Bertoldo IV. conceſſerat. Ipſum Burgundiæ Regnum a Rudolpho III. Rege Imperatori Henrico, Conradi filio, teſtamento relictum fuiſſe ſcribit, & Rainaldum, Burgundiæ Comitem, Friderici I. Imp. focerum, omne hoc regnum tenuiſſe falſo aſſerit Lib. II. *de Geſt. Frid.* I. Cap. XXIX.

(n) Otto Friſing. in errorem induxit AVENTINUM *Annal.* Lib. V. VIGNIERIUM *Chron. Burgund.* ad A. 1077. aliosque.

(o) *Vita Gregorii VII.* apud MABILLON *Acta Sanctor. Benedic.* Sec. VI. Part. II. pag. 453.

(p) BERTHOLDUS CONST. ad a. 1090. & plures alii, quos infra ad A. MCXI. quo Bertoldus II. Zaringiæ Dux obiit, allegamus.

testantur. Hunc pater haud dubie in Alemanniae Ducatu sibi successorem prae genero destinaverat Bertoldo. Sed quum filius firmatae nondum esset aetatis, datus ei forte fuit a patre tutor Bertoldus II. Zaringiae Dux, qui cum sorore ejus Agnete in matrimonio vixerat.

In errorem ergo inductus est Otto, ut crederet, ipsum Ducatum Sueviae a socero Rudolpho obtinuisse generum Bertoldum II.

Imo vero Bertoldus, Rudolphi filius, post patris sui mortem Sueviae Ducatum adversus Fridericum Hohenstaufium sibi vindicasse videtur, quantum ex historia illorum temporum colligimus. Annotat enim Constantiensis Chronographus ad A. 1084. (q) eundem Rudolphi Regis filium, a fautoribus Henrici IV. Imp. bello petitu esse, atque in Castro suo oppugnatum, sed a Suevis suarum partium obsidione liberatum.

Biennio

---

(q) BERTHOLDUS CONSTANT, ad A. 1084. scribit: „Nihilominus & Suevi ultra „ Rhenum Burgundiam cum expeditione proficiscuntur, & quoddam „ Castellum Bertoldi Ducis, filii Regis Rudolphi, a fautoribus Henrici obsessum, viriliter eripuerunt. „ Rheinfeldam, quem Comitatum a patre hereditarium acceperat Bertoldus, vel aliud ex Ducatu Alemanniae in Helvetia castrum heic intelligendum videtur.

\* PESLERUS in *Hannoversche gelehrte Anzeigen* A. 1751. pag. 325. male haec Bertoldo II. Zaringensi tribuit.

Biennio post idem Sueviæ Dux Bertoldus cum Guelpho, Bavariae Duce, in Bavariam cum exercitu profectus, Henricum Imp. Castellum quoddam Bavariae obsidentem, adegit, ut institueretur colloquium, in quo diuturna regni discordia amice tandem componeretur. (r) Unde Bertoldum, post Anti-Cæsaris, patris sui mortem, non tantum Sueviæ Ducis titulo usum, sed & Guelficæ factionis ope eum vel totum, vel ex parte tenuisse, colligimus. Idem Bertholdus Constantienfis, ejusdem Bertoldi mortem exponens, eum *Alemanniæ Ducem* appellat. Obiit nimirum A. 1090. medias inter turbas Germaniæ, ut verisimile est, caelebs. (s)

---

(r) BERTHOLDUS CONSTANT. A. 1085.

(s) BERTHOLDUS CONSTANT. ad A. 1090. ubi : „Heremannus..Met. Episcopus  
 „ & Bertholdus Dux Alemanniæ filius Ruodolphi Regis, in fidelitate  
 „ S. Petri, Majō mense, diem extremum clausere.... Soror quoque  
 „ præfati Ducis, Regina Ungarorum, eodem mense obiit.„ URSTISIUS  
 „ per *filium* intelligi debere *generum*, annotavit in margine, sed falsam  
 esse hanc conjecturam, vel solus Auctor apologiæ pro Henrico IV.  
 pag. 219. nos docet, de Bertoldi hujus morte ita scribens : „Bertolf  
 „ filius Rudolfi Regis quondam Saxonum iu ipso juventutis suæ flore  
 „ defunctus est „ Adde Chronogr. Sax. Annales Hildesh. Chron. August.  
 qui omnes Bertoldi hujus obitum ad A. 1090. referunt.

## §. V.

Bertoldus Zaring. successor ejus.

Tum vero Suevi, ejus partibus additi, in Bertoldum nostrum Zaringum, Bertoldi Suevi fororis maritum, qui etiam in Comitatu Rheinfeld. uxorio jure successisse traditur, (t) fuere proclives. Unde biennio post a Principibus Sueviæ solenni electione Dux fuit renunciatus; promovente rem inprimis fratre Bertoldi II. Gebhardo, Constantiensi Episcopo, de quo supra. (u) Ab hoc jam tempore Bertoldus II. Suevo Ducatum plures per annos obtinuit, & contra Henricum IV. Imp. ejusque generum Fridericum Staufensem armis foederibusque defendit. Iusticiam ille maxime coluit, atque paci & tranquillitati provinciae summa cura prospexit. (x)

(t) STUMPF. *Chron. Helvet.* Lib. VII. Cap. 29.

(u) In Bertoldo I. §. XVI. pag. 62.

(x) BERTHOLDUS CONSTANT. ad A. 1093. haec annotat : „ Gebhardus ,  
 „ Constantiensis Episcopus , & Apostolicæ Sedis legatus, Welfonem  
 „ Ducem Bajoarise per manus in militem accepit, sicut & proprium  
 „ fratrem Bertoldum Ducem Allemaonie jam dudum fecit. Cum  
 „ quibus & reliquis Alemannie Principibus magnum Conventum apud  
 „ Ulmam habuit, in quo Conventu firmissime laudatum est, ut Constantiensi  
 „ Episcopo omnimode secundum statuta Canonum obediretur, & ut Duci  
 „ Bertoldo & Comitibus secundum legem Alemannorum obsecundaretur.  
 Idem Chronographus ad A. 1094. scribit : „ Welfus Dux Bajoarise



## §. VI.

Post multa denique Bertoldi II. cum æmulo bella res ita transacta est, „ut Bertolfus Ducatum exstetueret, sic tamen, quod „Turegum nobilissimum Sueviæ oppidum\*, a manu Imperatoris „ei tenendum remaneret.

Trans-  
actio  
cum Frid.  
Saufens.

Transactionis hujus annum Scriptores diversimode ponunt. OTTO FRISING. hæc narrans (y) dubitavit, num sub Friderico-Hohenstauffio patre, an sub filio res istæ evenierint. (z)

Henricus IV. Imp. A. 1097. ex Italia in Germaniam rediit. Transactionis tempus ante reditum ejus constitui nequit. Post reditum Moguntiae in fine anni de pacanda Republica habuit

K 2

„firmissimam pacem cum Alemannico Duce Bertoldo & reliquis „Alemanniæ Principibus initiavit, usque Bajoariam, imo usque ad „Ungariam propagavit. Francia quoque Teutonica & Alsatia eandem „pacem suis partibus se observaturas juramento decreverunt. Hæc „tamen Pax in Alemannia maxime invaluit, eo quod Principes ejus, „quisque in sua potestate justitiam facere non cessaverit. „Et præcipue „Dux Bertoldus ad faciendam justitiam in Ducatu Alemanniæ adeo „exarsit, ut in observatione justitiæ omnes prædecessores suos pene „vicerit, & de hoc omnium ora pio rumore compleverit.

(y) De *Gestis Friderici I. Imp.* Lib. I. Cap. VIII.

(z) Fridericus Staufensis, gener Henrici IV. Imp. obiit A. 1105. Filius ejus & successor in Sueviæ Ducatu, Fridericus Luscus, A. 1147.

Conventum. Bavariae Ducatum restituit Guelfo, ita quidem, ut patri filius quoque succederet Guelfus ille, cum quo Mathildis Ducissa divortium fecit. Tum vero Bertoldus II. suam quoque cum Cæsare & genero ejus Friderico Hohenstaufio, transactionem super Sueviae Ducatu inivisse credendus est; compositis nempe Bavariae rebus, postquam Guelphus, Bertoldi amicus, cum Cæsare quoque reconciliatus fuisset. His omnibus probe consideratis, Bertoldinam transactionem ad A. 1098. reponimus.

Errat ergo CHRONICA AUGUSTENSIS, (a) quod ad A. 1094. multo magis TSCHUDIUS, (b) URSTISIUS, (c) GUILLIMANNUS, (d) OBRECHTUS, (e) qui ad Annum 1081. transactionem hanc figunt. HOTTINGERUS (f) omnium optime ad Annum 1097. eam retulit. KOELERUS (g) annum præterivit silentio.

---

(a) Apud FREHER. Tom. I. pag. 506.

(b) *Chron. Helvet.* Part. I. pag. 33.

(c) In margine ad Ottonem Frising.

(d) *Rer. Helveticar.* Lib. III. Cap. V. pag. 350.

(e) *Prodr. Rer. Alsat.* Cap. X. pag. 227.

(f) *Specul. Tigur.* vel *Antiquit. Turic.* pag. 31.

(g) *De Fatis Ducatus Alimannia & Suevia* Num. VIII. Secundæ editioni male adjectus est A. 1094.

## §. VII.

Quicquid de tempore sit, Fridericus Staufensis Sueviæ Ducatum retinuit. Bertoldus II. advocatiam Imperialem Turicensem (*h*) hac compositione fervavit; quæ advocatia non urbem modo, sed & omnem Turicensem Pagum vel Comitatum, ac ditissimas duas urbis Ecclesias, Collegiatam nempe & Abbatialem, (*i*) respexit.

Trans-  
actionis  
ratio.

Bertoldum II. non armis, sed pacis studio inductum, transactionem hanc inivisse, Otto Frisingensis ipse, ex Staufensi Domo natus, fatetur: „ Bertolfus, inquit, quamvis in hoc negotio „ Imperio simul & justitiæ cesserit, tamen strenuissimus ac „ fortissimus fuisse traditur. „

## K 3

- (*h*) Advocatia hæc ab Imperio, non a Duce Sueviæ, pendebat, ut Richardus Imp. in Literis, A. 1262, Hagencæ datis, testatur, Conradini Sueviæ Ducis conatus refutans. GUILLIM. *de rebus Helveticis* Lib. III. Cap. V. pag. 351.
- (*i*) *Das große Münster und das Frauen Münster.* Illud Carolus M. dotavit, hoc Ludovicus Germanicus instituit; illud Collegiata virorum, hoc Abbatia feminarum, cui jus telonei, eudendæ monetæ; Scultetum & Assessores constituendi jus competit. HOTTINGER *Helvetische Kirchen-Historie* Tom. I. Lib. IV. pag. 368. 394. & 432.

LEU in notis ad SIMLERI *Regiment der Eidgenossenschaft* pag. 86.

Aberrat ergo a veritate sententia, quæ Bertoldum II. suis terris avitis & ipso Zaringiæ Comitatu (ita enim vocant) privatum esse, eundemque Comitatum ab Imperatore in Basileensem Episcopum Burcardum A. 1081. fuisse collatum arbitratur. (l) Burcardus, Cæsareas partes secutus, Comitatum *Harichingen*, in Buchsgovia situm, A. 1080. ab Imperatore accepit; quem cum Zaringiæ Comitatu confudit Herrgottus, ab exemplo Chartæ male descripto, ubi pro *Buchsgouwe* legebatur *Brihsgouwe*, deceptus. Sed & Zaringiam in voce *Harichingen* latere creditum est. *Herchingen* Buchsgoviæ vicum hodieque cognoscimus. (m) Soloduro vicinus Buchsgoviæ Pagus, Bucheckios agnovit Dynastas, qui Burgundiæ & Buchsgoviæ Landgravii dicti sunt; Episcopatus Basileensis Vassalli. (n)

Bertoldus II. ergo per sexennium tenuit Sueviæ Ducatum. Pater ejus Carinthiæ Ducatum per totos duodecim rexerat annos, quibus anni quidam Bertoldi II. quoque inclusi sunt. Conradus Burgundiæ Transjuraniæ Ducatum per XXV. annos gubernavit, atque eundem filio suo Bertoldo IV. Anno 1152.

(l) HERRG. *Genealog. Habsburg.* Tom. II. num. 188. quem & secuti sunt alii.

(m) LEU *Helvetisches Lex.* in voce *Herchingen*.

(n) WURSTISEN *Basel. Chron.* pag. 45. sq. HAFNER *Solothurn. Schauplatz* Part. II. pag. 319. LEU *Lex. Helvet.* voce *Buchsgau* & *Buckeck*.

gubernandum reliquit; quæ omnia Ottonis Frisingensis odium in Zaringos produunt. (o) Sed ab excursu super Sueviæ Ducatum redimus in viam.

## §. VIII.

Anno 1084. Bertoldus II. assumpto Guclphone Bavaro & Burcardo Nellenburgensi, cum copiis Constantiam profectus, Othonem Episcopum inde expulit, Hermannique Anti-Cæsaris gratia & favore Gebhardum fratrem, de quo supra jam dictum, qui Hirsaugie monachum agebat, Episcopum instituit, atque introduxit in urbem, accedente Cardinalis Ostiensis, qui Gregorii Papæ legatus fuerat, consensu ac ope. (p)

Reliquæ  
Bertoldi  
II. res  
gestæ.

Anno 1086. idem noster Bertoldus Abbatiam S. Galli, quam biennio ante bello petierat, denuo infestavit, quod munimentum suum *Twil* proditiōe amiserat. (q) Abbas Sangallensis tum fuit Udalricus, frater Liutoldi, Ducis Carinthiæ; qui filii erant Marquardi illius, cui Carinthiæ Ducatum, Bertoldis ablatum, tradiderat Cæsar Henricus. (r)

(o) Vide supra §. III. pag. 70.

(p) D. XI. Kal. Jan. A. 1085. HERMANNI *Annal. Einsidl.* pag. 159.

(q) GALLI OEHENII *Chron. Mæt. Augia Divitis*, quam servat Biblioth. Abbatiae S. Blasii ad A. 1084.

(r) BURCKHARDUS de *Casib. Monast. S. Galli* Cap. VII. OEHENIUS l. c. ad Annum 1084. & 1086.

Anno 1087. *Bertolfus Dux* cum *Herimanno* Comite in Charta permutationis, inter Episcopum Basileensem & Udalricum Monachum Cluniacensem factæ, testis legitur. (s)

### §. IX.

Monasterii  
S. Petri  
fundatio.

**I**dem Bertoldus Abbatiam D. Petri in Sylva Nigra instituit. Monasterium Anno 1090. coeptum est exstrui, Anno 1093. perfectum. (t)

Urba-

(s) Codex Diplom.

(t) CRUSIUS in *Annal. Suev.* Part. II. Lib. VIII. Cap. X. foundationem hujus Abbatie ad A. 1090. ponit, quod forte de fundamentis jactis intelligendum. BERTHOLDUS CONST. de ædificio finito & tempore consecrationis loqui videtur, cum ad A. 1093. scribit: „ In Alemannia Dux Bertoldus „ Monasterium novum in honorem S. Petri in Nigra Sylva a fundamento „ exstruxit, multisque bonis utavit. Sed & omnia bona alterius „ Monasterii, quod ejusdem Ducis pater in alio loco ædificavit, iste ad „ istud transtulit. Hoc ergo Monasterium frater ipsius Ducis, Gebehardus „ Constantiensis Episcopus, & Apostolicæ Sedis legatus, sua consecratione „ initiavit. „ Brevius hoc refert Auctor Anonymus Fragmenti Historici Alberto Arg. præfixi, ad A. 1093. apud UNSTISIUM *Script. Rer. Germ.* Part. II. pag. 83. his verbis: „ Bertholdus Dux Alemanniæ, qui & de „ Zeringen, coenobium Monachorum in honore S. Petri in Nigra Sylva „ construxit, quod postea frater ejus Gebehardus, Constantiensis „ Episcopus, consecravit. „ Ejusdem rei meminit Honorius II. in Bulla

Anno

Urbanus II. A. 1095. in Concilio Placentino, cui Gebhardus Episcopus Constantiensis intererat, Monasterium hoc ab egregiæ nobilitatis Viro Bertholdo Duce, in Comitatu Brisgaquensi &c. institutum, multis privilegiis ornavit, hac lege, ut Abbatia singulis annis aureum Bisantium Lateranensi palatio inferret. (u)

Idem Gebhardus Episc. novum hoc Monasterium consecravit. Illud enim, quod eidem D. Petro sacrum Weillhemii infra Teccam Bertoldus I. condiderat, (x) exercendæ religioni cum non satis aptum videretur, Bertoldus II. in medio Nigræ Sylvæ novum exstruxit, atque redditus prioris eidem adjunxit; prius Monasterium in Prioratum convertens; qui hodieque San-Petrinæ Abbatæ obnoxius est. Adelbero Abbas A. 1093. ex Weillheimensi Monasterio in novum translatus; in quo Gentis suæ sepulturam constituit Bertoldus. Novo monasterio a se condito

---

A. 1126. data apud SCHANNAT *Vindem.* pag. 162. scribens: „Egregiæ  
 „nobilitatis Vir, Berchtoldus Dux, in Comitatu Brisgaquensi, in  
 „Constantiensis Episcopatu, in Silva, quam dicunt Nigram, ad honorem  
 „B. Petri, Apostolorum Principis, Monasterium ædificavit, ipsumque  
 „allodium Romanæ Ecclesiæ juri mancipavit. „

(u) Bulla ex Rotulo S. Petri membranaceo infra in Cod. Diplom. exhibetur.

(x) Vid. supra in Bertoldo I. §. XII. pag. 56.

L

locum *Buchse* cum bonis ad illum pertinentibus Bertoldum Ducem & uxorem ejus Agnetem dono tradidisse in Charta Anni 1109. legimus.

### §. X.

Sepult.  
Zaring.

Vetres Monasterii hujus schedæ Bertoldum II. fundatorem, cum Agnete uxore, Conradum Ducem, filium eorum, una cum Clementia conjuge, Bertoldum & Rudolphum, in adolescentia mortuos, fratres Conradi; Bertoldum IV. Ducem, Rudolphum, Leodicensem Episcopum atque Conradum, Conradi Ducis filios, ibi sepultos (y) testantur. Novem hæc corpora continuit Camera sepulchralis in navi Ecclesiæ; Cameram tegebat lapis, cui insculpta Bertoldi II. imago. Lapidum Mausoleum cernebatur impositum. At in Aede Capitulari, ante sedem Abbatis; sepultus erat Dux Bertoldus III.

(y) Corporum horum ossa & capita Placidus Abbas A. 1659. cryptam eum aperuisset, invenit. Ulricus vero Abbas A. 1727. omnia sarcophagis quatuor inclusit, atque ex veteri destructa Basilica solennibus cærimonis transferri curavit in novam, ubi ad dextram altaris majoris duxæ sandapile, totidemque ad sinistram repositæ sunt. In utraque parte hodie inscriptio est; ossium Zaringensium index. Legi hæc susina possunt in Libro, cujus rubrum: *Fisum Cathedra S. Petri*, in quo cærimonis inaugurationis Basilicæ San- Petrinæ A. 1727. peractæ exponuntur. Editus Rotwilæ 1733. in 4. lingua Germ.



Falluntur itaque STUMPFIVS (z) atque PESLERVS, (a) quorum ille Bertoldos aliquot Zaringenses in Petershusano; hic in San - Petrino & Sulzbergenſi Coenobiis omnes Zaringiæ Duces ſepultos tradiderunt. Nullus eorum jacet Sulzbergæ.

Bertoldus I. Hirſaugiæ, Bertoldus V. Friburgi, reliqui omnes in S. Petri Abbatia ſepulturæ mandati ſunt.

## §. XI.

Bertoldus II. ex itinere Romano, quo Henricum V. Imp. Mors  
Bertoldi. comitatus erat, (b) redux A. 1111. d. 12. April. vitam commutavit cum morte. (c) Error eorum, qui Bertoldum hunc Anno 1090. jam mortuum volunt, (d) ex confuſione illius Bertoldi, qui Rudolphi

## L 2

- 
- (z) *Chron. Helvet.* Lib. VIII. Cap. XXIX. Stumpfius Petershusum cum S. Petri Monasterio in Nigra Sylva confuſiſſe videtur.
- (a) *Nachricht von den Herzogen von Zähringen*, in *Diario Hannöverſche Anzeigen* A. 1751. pag. 324.
- (b) PETRVS DIACONVS in *Chron. Caſſia.* Lib. IV. C. XXXV.
- (c) *Chron. Conſtant.* apud PISTOR. Tom. III., pag. 742. Charta Bertoldi III. de A. 1112, apud SCHANNAT *Vindem. Liter. Collect.* I. pag. 160.
- (d) CRUSIVS loc. alleg. HAHN *Reichſhiſtorie*, PFEFFINGER ad Vitriarium Tom. II. pag. 334. PESLERVS in *Serie Ducum Carinthiæ* §. IX. & in *Nachricht der Herzogen von Zähringen* l. c. FROELICH in *Archontologia*

Anti-Cæsaris filius fuit, cum Bertoldo nostro Zaringio suam trahit originem. (e)

Chara-  
cter.

Characterem Bertoldi II. OTTO FRISING. (f) ita describit:

„ Bertolfus ... strenuissimus ac fortissimus fuisse traditur.  
 „ Unde & adhuc ab antiquioribus de ipso dicitur, quod si quando  
 „ nuncius aliqua tristitia ipsi apportans, secundum quod fieri assolet,  
 „ hæsitare voluisset, dixerit, dic, dic! scio enim, quod semper  
 „ læta tristitia, vel tristitia præcedant læta ... Magnifica vox &  
 „ viro forti digna. „ Elogium hoc scriptoris Gibellinae partis,  
 de Bertoldo non potest esse suspectum.

## §. XII.

Uxor &  
Liberi.

Bertoldi II. uxor fuit, ut supra jam annotavimus, (g)  
 Agnes, filia Rudolphi Suevi, Anti-Cæsaris, quæ eodem, quo

---

*Ducum Carinthia.* Qua fide HENNINGESIUS obitum Bertoldi II. in A. 1098. ponat, non equidem intelligo, vid. Part. I. secundi & tertii Regni in quarta Monarchia pag. 284. *Theatri ejus Genealog.*

(e) Vide supra §. V. pag. 74.

(f) *Gest. Friderici I. Imp. Lib. II. Cap. VIII.*

(g) Addi possunt testimonia Scriptorum. OTTO FRISING. l. c. Cap. VII. scribit: „ Rudolphi filiam quidam ex nobilissimis Regni optimatibus  
 „ Bertolfus nomine de Castro Zæringen habuit. „ *Genealogus Murensis*  
 hæc tradit: „ Cuono Comes de Rhinfelden genuit Rudolphum Regem,  
 „ et ille genuit Agnetem, matrem Conradi Ducis. „ Honorius II. in Bulla

maritus, Anno 1111. d. 19. Decembr. obiisse scribitur. (h)  
 At vir summæ nobilitatis Dux Bertoldus cum uxore sua  
*bonæ memoriæ Agnete* locum Buchse Monasterio S. Petri tradidisse  
 legitur in Charta A. 1109. unde eam hoc anno jam extinctam  
 fuisse intelligimus. Ex hac Bertoldum III. & Couradum, qui  
 ei successerunt; & Rudolphum, qui tener obiit, suscepit. (i)

De Agnete filia Bertoldi, quam GOLLUTIUS (l) constituit  
 filiam Conradi, ita canit GUNTHERUS:

- „ Hanc Comes antiqua veniens ab origine Regum  
 „ Guillelmus quidam, puerum quem fama vocabat,  
 „ Possedit, quem conspicuo produxerat ortu  
 „ Chouradi germana Ducis.

## L 3

---

privilegiorum Abbatiæ S. Petri in Sylva Nigra A. 1126. *Ducem Bertoldum cum sua uxore Agnete et filiis commemorat. SCHANNAT Vindem. pag. 162.*

- (h) Vid. Liber, cui Tit. *Festum Cathedralis S. Petri* pag. 247.  
 (i) *Necrologium S. Petri*: Rudolphus cum patre suo Bertoldo II. Monasterium D. Petri A. 1109. invisit. Idem eum matre sua Agnete et Conrado fratre, Bertoldi patris exequiis, in Monasterio hoc celebratis, interfuit. In Actis hujus Monasterii hæc leguntur: „Cujus (Bertoldi II.) corpore „ nondum terræ commendato, uxor ejus Domina Agnes cum duobus „ liberis suis Domino Rodolfo et Conrado, tale prædium, quale visa „ est habere in villa, quæ dicitur Sealfatt., &c.  
 (l) *Memoires de la Republ. Sequanoise* Lib. V.

---

Stephanus II. Burgundiæ Comes, cui agnomen *Tete hardie* Agneti huic datur maritus. (m)

Ex hac prodiit Guilielmus III. *Puer* dictus, qui A. 1126. occisus est. Alii uxorem eam patruo Guilielmi Pueri, sed non recte adscribunt. Alii Stephano & Agneti filium dant Rainaldum III. qui Burgundiæ Comitatus libertatem contra Imperatores & Zaringiæ Duces defendere ausus est. Fundatrix Coenobii Omnium Sanctorum in Nigra Sylva fuisse dicitur Luitgardis Zaringica, Godefridi Comitis Calvensis conjux, & mater Uthæ, quæ fuit uxor Welfonis, fratris Henrici Superbi, quam fundationem Henricus VI. Imp. Diplomate firmavit. Luitgardis ergo circa A. 1130. vixit, quum filia ejus Uthæ circa A. 1150. nupta jam fuerit Guelpho, potuitque adeo Bertoldi II. extitisse filia.

---

(m) *Memoirs de Bourgogne* Lib. IV. Cap. XVIII.



CAPUT

## CAPUT III.

## BERTOLDUS III.

AB ANNO 1111. USQUE AD ANNUM 1122.

## §. I.



Bertoldus III. Bertoldi secundi filius, (a) <sup>Genealogia.</sup> primi nepos, titulo Ducis *Zaringiae*, in Chartis condecoratus est primus. Instrumentum conditae urbis Friburgi *Brigoviae*, quod A. 1120. praefert, Bertoldum nostrum axiomate hoc

Ducali exornat. (b) Eum Bertoldi II. Ducis filium fuisse, plures Chartae demonstrant. „Dux tertius Bertholdus et frater ejus „Conradus, filii bonae memoriae Bertholdi II. Ducis, VI. Kal.

(a) Ex Bertoldo Secundo et Tertio unum constituit *HERRGOTTUS Genealog.*

*Habsburg.* Tom. I. Lib. VI. Cap. II. p. 273.

(b) Codex Diplom. ad hunc Ann.

Jan. 1112. non tantum dona paterna Abbatae S. Petri confirmarunt, sed et praedium in vico *Benzeshusen*, novisque juribus auxerunt. (c)  
 In alia ejusdem Monasterii Charta Anno 1122. exeuntis legitur:  
 „ praecellae Nobilitatis Vir Berhtoldus cum uxore sua felices  
 „ Memoriae Agnete, nec non suis temporibus Dominus Berhtoldus  
 „ & frater ejus Dom. Cnonradus, hujus sobolis geminus partus. „ (d)

## §. II.

Res  
Gestae.

Bertoldus hic tertius expeditioni Henrici V. Imp. in Italiam A. 1110. interfuit, pactoque, quod de investituris cum Paschali II. Imperator inivit, conficiendo conciliatorem se praebuit, atque Pontifici jurejurando suam fidem obstrinxit, quod conventioni huic satisfactorius sit Caesar; sin minus, se cum ceteris, qui juraverant, Proceribus transiturum ad Papam. (e)

A. 1122. Calixtinae Chartae Transactionis cum Henrico V. subscripsit. (f)

Denique

(c) SCHANNAT *l'indem. Literar.* p. 160, Rotulus membr. Abbatae S. Petri.

(d) Idem pag. 161.

(e) Vita Paschalis II. apud MURATOR. *Script. Rer. Ital.* Vol. III. p. 360. fq.

(f) Subscriptio: *P. Dux*; Bertoldus. Vid. Auctor Vitae Calixti II. ibid. pag. 420.

Denique Donationi, Monasterio S. Petri factae, aliam subjunxit; qua ille cum fratre suo praedium in *Pago Gondelingen* cum mancipiis ceterisque juribus, A. 1113. eidem donavit. (g)

Quum A. 1115. Seldenis Partheno in Sylva Nigra a Geraldo nobili ex loco foundationis in allodium ejus *Selden*, sub instituto Cluniacensi, transferretur, Charta translationis *Bertolfo Duce*, Advocato loci, *Bertolfo Comite* praesentibus, facta est. (h)

Conventui Procerum, sub Henrico V. Basileae Anno 1114. celebrato, Bertoldus hic interfuit, atque tria diplomata testis signavit *Dux Bertoldus*. (i) Interfuit quoque cum H. Marchione & Conrado de Zaringen transactioni Monasterii S. Petri & Canonicorum de Cella A. 1121. (l)

---

(g) Charta in Cod. Diplom.

(h) Charta extat apud MABILLON. *Annal. Ord. S. Bened.* T. V. p. 694. Monasterium prius erat in Boliswilere, quod vix leucae spatio distabat a Selden, ad quem locum translatio facta est.

Clemens VIII. A. 1598. Seldense Monasterium Abbatiae S. Petri in Nigra Silva conjunxit. Vid. Reverendissimus Abbas S. Petri, PHILIPPUS JACOBUS, in *Vita S. Ulrici*, Germ. edita A. 1756. pag. 76.

(i) HERRG. *Genealog. Habsb.* Tom. II. Num. 193. sqq. *Acta Mur.* pag. 34.

(l) Haec sunt verba chartae: „ in praesentia - - Dncis Bertholdi et D. „ Brunonis et aliorum Principum, scil. Dom. H. Marchionis, Friderici de „ Wolvahe, Conradi de Zaringen, generis Comitis Berth., ubi Conradus,

## §. III.

Friburgi  
Brigov.  
Conditor.

Paulo post in Brigovia Civitatem Friburgum in allodio suo (m) & proprio fundo ædificare cœpit, cujus exstructæ æra a nonnullis ad Bertoldum II. male refertur. (n) In Friderici II. Imp. Charta libertatis Berneusium A. 1218. Conradus, Bertoldi frater, eam exstruxisse legitur. Bertoldus nimirum opus inceperat, Conradus perfecit. Sunt, qui ad A. 1118. hoc ponunt. (o)

Bertoldus novæ urbis condendæ modum & ejus jura definivit Anno 1120. Henricus V. Imp. & Proceres Imperii, ut Charta fundationis habet, exstructionem ejus juraque ei data, probarunt. Frater & successor Conradus Basilicam & turrin, Argentinensis æmulam, erexit; ut tabularii Friburgensis schedæ me docent. Civitas aquis irrigua, LIV. fontibus ornata, Univerſitate studiorum

---

frater Bertoldi Ducis, generis dicitur Comitis Berth. quoniam Bertoldus hic Brigoviae Comes fuit provincialis sive Landgravius.

(m) In loco proprii fundi sui, ut in Charta dicitur. Friburgum vicum fuisse, antequam Civitas fieret, incolarum traditio est.

(n) MASCOVIUS in *Commentar. Henrici IV. Imp.* p. 120.

(o) SATTLEBUS in *Chron. Friburg.* quod SCHILTERUS edidit, pag. II. Apud STUMPFIIUM in *Chron. Helvet.* Lib. VII. Cap. XXIX. hi versus leguntur:

„ Anno milleno centeno bis quatuor deno

„ Friburg fundatur, Berchtoldus Dax dominatur.

Add. TSCHUD. Part. I. Lib. II. pag. 50.



A. 1457. instructa, postremis his seculis arcium & propugnaculorum firmitate & elegantia Germanicæ nulli secunda, A. 1744. nudata munitionibus, Reginine Austriaco tamen ibi sedente, Conventibus Brigoviae Statuum, Academia Literarum, pristinum adhuc decus, quantum potis est, tuetur.

## §. IV.

Friburgum conditum est secundum jura Agrippinæ Coloniae, ut emporium deveniret Brigoviae: legibus non minus ac vallo munitum, quod publico atque solenni mercatu, consensu Regis Principumque, Bertoldus instruxit. (p)

Instru-  
mentum  
conditæ  
urbis.

M 2

- (p) Fidem hujus rei nobis facit conditæ urbis Friburgi Charta, in scriniis civitatis hodieque superstes, illaesa et salva. Autographum curate inspexi, cujus exemplum in Codice Diplomatico daturus sum.

In ea, quaecunque ad statum novae urbis tam publicum, quam privatum, in causis vel criminalibus vel civilibus, pertinent, ordinata leguntur. Praecipua eorum capita, quae vel obiter hic indicasse juvabit, agunt, „ de Dominio Civitatis ad seniores gentes „ hereditario jure semper transituro; de jure Conductus atque „ securitate mercatoribus, forum Friburgense adituris, praestanda; de „ electione Sacerdotis, Plebani, Sculteti, Lictoris et Pastoris, à „ Burgensibus communi consensu instituenda; de juribus Telonearii, nec „ non de pecunia pro investitione aut exportatione mercium omnis „ generis sigillatim exsolvendis; de instituenda libra publica ejusque

Urbibus caruit Germania vetus. Media ad seculum usque XII. paucas conspexit. Inter antiquiores reputatur Sufatum, Westphalica civitas, Imperialis quondam & Hanseatico fœderi adscripta. Legum Sufatensium Codex sec. XII. superest, cui tamen nec auctor, nec annus legis adjecti. (q) At Friburgensium

---

„ usu vel abusu; de Ministerialibus et hominibus propriis; de  
 „ hereditatibus et bonis vacantibus; de libertate matrimonii; de  
 „ mutua conjugum successione; de potestate mariti in bona uxoris; de  
 „ imperio patris et matris in liberos; de separatione liberorum; de  
 „ tutela impuberum; de termino pœbertatis; de alienatione aut  
 „ oppugnatione prœdiorum; de jure creditoris in bona et personam  
 „ debitoris; de poena homicidii, vulnerationis, injuriarum; de rapina,  
 „ furto, rebusque furtivis, falsa moneta, tumultu et seditione; de  
 „ stupro; de testibus, eorum numero ac statu; de probatione per  
 „ duellum; de appellationibus Coloniam instituendis; de Expeditione  
 „ Romana & aliis plurimis, quæ in dicta Charta fusius enarrata,  
 „ docent, quantum pretii egregio huic monumento statuendum sit ab  
 „ illis, qui Jura statutaria aut municipalia medii ævi in Germania  
 „ scrutantur.

- (q) Inter statutaria Germaniæ Jura ad hunc usque diem viris eruditissimis omnium antiquissimum visum fuit Jus Sufatense (Soff,) quod ex duabus membranarum vetustis in publicam lucem primum protulit Cl. EMMIGHAUSTUS, illudque *Memorabilibus Sufatensibus*, Jenæ A. 1749. a se editis, insertum, mox etiam erudita Commentatione exposuit atque illustravit Francof. & Lipsiæ 1755. 4. Verum hanc antiquitatis prærogativam, qua hucusque Jus Sufatense gavisum fuit, potiori nunc

legum pactus annum & auctorem declarat. Non sine ratione ergo dubito, an ulla Trans - Rhenanæ Germaniæ civitas extet, quæ legum municipalium antiquitate cum Friburgo Brisgovico possit certare.

## §. V.

Potestatem condendæ Civitatis concedere; conditæ Cæsarum in hoc auctoritas. privilegia impertiri & præscribere leges, inter jura prærogativa Cæsarum reputatur. Cum autem bella de investiendis Episcopis Imperatorem inter & Papam eo tempore flagrant, Cæsare diris devoto, Bertoldus, affecta Papæ, Friburgum auctoritate magis sua, quam Imperiali, struxisse legibusque munivisse videtur. (r) Lotharius, Henrici V. Imp. successor, Zaringensium fautor, ut & Cæsares sequentes tacuerunt. Fridericus II. Friburgum Comitis Eginonis potestati subjacere professus est. Rudolphus I. A. 1282. Colmarienfis Civitatis jura quoque Friburgensibus concessit.

## M 3

---

jure sibi exposcere videtur Juris municipalis Friburgensîs Charta; quæ, si rerum amplitudinem & varietatem spectes, Jure Susatensi nullo modo inferior. Friburgensîs Charta post initia sæc. XII. conscripta, Susatensis post annum 1180. Ex Susatensi Jus Lubecense & alia prodierunt.

(r) Mentio Imperatoris in Charta non nisi leviter fit.

## §. VI.

Jura.

Observationum ad origines Friburgi summa huc redit.

I. Condita est urbs *in loco proprii fundi sui*, (Bertoldi III.) *Friburg* videlicet; unde extinctis Zaringensibus ad ipsorum heredes transit. Ordinavit Bertoldus, ut Domino urbis defuncto heredum ejus senior succederet.

II. Mercatoriam urbem constituit Bertoldus, ad Nigræ Sylvæ pedes, ubi ex Suevia in Brigoviam transitus, ut illa Brigoviæ deveniret emporium.

III. Instituit eam *secundum Jura Coloniae*, quæ inter Rhenanas Civitates tum maxime florebat commerciis. Nova oppida ad formam antiquiorum plerumque instituta sunt. Landavia Spiræ, Sella Hagenoæ, Roshemium Selestadii, Turinghemium Colmarie jura accepit.

IV. Jus municipale novæ urbi datum est consensu ac decreto Regis & Principum, uti loquitur Charta. Rex intelligitur Henricus V. Imp.

V. Inter municipalia hæc Friburgi jura nullum juris Romani vestigium, secus ac in statutis Civitatum, quæ seculo XIII. conditæ sunt, ut Colmarie, Sella, Hagenoæ, comparet.

VI. Tanta novæ Civitati tributa fuit libertas, ut *nullus hominum vel Ministerialium Domini* in eam, nisi de communi civium consensu, potuerit recipi.

VII. Orta super Senatus Consultum, vel aliam super reū inter cives litigantes discordia, ad Colonienſe Judicium provocare licebat.

VIII. Civibus libera Plebani, Sculteti & XXIV. Conſulum relicta electio.

Bertoldina Statuta ad Annum uſque 1520. Friburgi conſtanter vigerunt. Tum vero Civitas, ſui Principis permiſſu, ampliora, ex jure quoque Romano petita, ab Udalrico Zaſio compoſita, in lucem emiſit. (s)

Statutorum Bertoldinorum defectus præſatio novi Codicis annotat. (t)

### §. VII.

Biennio poſt conditam urbem ſocio ſuo Hugoni, <sup>Mors Ducis.</sup> Dagsburgenſium Comiti, adverſus ſubditos rebelles auxilium cum præſtitiffet Bertoldus, Molſhemii in Alfatia occiſus eſt. (v)

(s) Sub Rubro: *Der Statt Fryburg im Prigow Statuten und Stattechten*, 1520. fol.

(t) His verbis: „So wir --- erfunden das unfere Sazungen, die unſer erſter „Stifter wylandt der durchlüchtig Fürſt und Herr, Herr Bertold „Hertzog zu Zeringen ---- in erbuwung diſer Statt Fryburg geſetzt „und geben hat, an vil orten unverſtendig und mangelhaftig ſind.“

(v) Conradus Dux, Bertoldi III. frater atque ſucceſſor, VII. Kal. Jan. 1123. Abbatie S. Petri jura confirmavit *Bada*, i. e. Badevillie, apud SCHANNAT. *Vindem. Liter. Collect.* I. p. 161. unde nobis perſuaſum eſt, Bertoldum III. exeunte Anno 1122. quo Charta hæc data eſt, jam

Cædem ejus promovit Cuno, Argentinensis Episcopus, Henrici V. partibus contra Papam adhærens, atque ob id ipsum anno sequenti Episcopatu dejectus. (x)

Conjux Bertoldi III. Sophia Guelfica fuit; Henrici Nigri, Bavarie Ducis, ex Wulfhilde Billungenfi (y) filia, ex qua sobolem masculam non suscepit. (z) Sophia hæc, mortuo marito, nupsit Luitpoldo, Marchioni de Stiria.

---

extinctum fuisse. Ad stipulatur Chronicon Constant. At Murense ineditum ita habet: A. 1123. *Bertholdus Dux obiit*, cum quo conspirat KOENIGSHOVIVS *Chron. Argent.* p. 429.

- (x) DODECHINUS Abbas ad h. annum; *Fragmentum histor.* apud URSTIS. *Chronographus Saxo* apud ECCARDUM.
- (y) CONRAD URSPERG. *Chron.* sub Lothario II. Imp. pag. 211. MONACHUS WEINGART. *de Guelfis* Cap. X. ap. LEHNIT. T. I. p. 765. ubi nomen *Zaringen*, in *Haringen* corruptum. LAUSLAUS SUNDHEMIUS *de Guelfis* ap. eundem LEHNIT. pag. 804. sq.
- (z) SUNDHEMIUS loc. alleg. id asserit. HENNINGESIUS in *Genealog.* Part. I. secundi & tertii Regni, Monarchia IV. pag. 285. & Part. II. *Ibid.* pag. 138. ei dat filiam Sophiam, quæ desponsata fuerit Bertholdo I. Carinthie & Stirie Duci; sed nihil firmamenti hæc habent.

# CAPUT IV.

## CONRADUS.

AB ANNO 1122. USQUE AD ANNUM 1152.

### §. I.



onradus, Bertoldi III. successor, non semel <sup>Genealogia.</sup> in Chartis *filius Ducis Bertoldi*, (a) nempe secundi, & frater tertii Bertoldi vocatur, uti supra ostendimus. (b)

Fratre vix mortuo Conradus Abbatiae S. Petri privilegium confirmavit, ut Ministeriales sui bona sua quaecunque eidem Cœnobio libera donatione concedere possent. (c)

(a) Tres Chartæ, apud Argentinenses occasione San-Blaſiani Monasterii ab Imperatoribus datæ, idteſtantur. Una Henrici Anno 1125. & duæ Lotharii II. Omnes apud HERRGOTT. ſuis ſub annis occurrunt.

(b) In Bertoldo III. §. I. pag. 87.

(c) SCHANNAT *Vindem. Lit. Coll.* I. pag. 161.

Anno 1123. Henricus V. Imp. Argentinae Conventum celebravit, atque Alpirspacensi Wirtenbergæ Monasterio Diploma concessit, quod *Conradus Dux de Zaringen* sua quoque manu signavit, (d) quæ prima gentilitii *Ducum Zaringia* nominis creditur mentio. At triennio ante jam Bertoldum III. fratrem ejus, in Charta conditæ civitatis Friburgi Brisgovicæ, axiomaticè hoc insignitum fuisse, suo loco ostensum est.

## §. II.

Advocacia Abbatis S. Blasii controversa.

Anno 1125. Rustenus, Blasianus Abbas, Conrado nostro Advocatiam Monasterii sui tradidit; quæ deinceps in Zaringica Domo ad extinctos usque Duces permanfit. Advocacia hæc paulo ante in Imperio multos excitaverat motus, donec ab Henrico V. Imp. in Conventu Procerum Argentinae res pro Abbate decisa; qui potentem Imperii Principem pro Advocato sibi eligendum existimans, Zaringia Ducem, Conradum, adscivit. Causam hanc obscuram a junioribus multis vel obiter, vel male descriptam paucis exponemus Lectori.

Henricus II. Imp. Bambergensis & Basiliensis Episcopatum instaurator & restaurator notissimus, de augendo utriusque splendore sollicitus, Gengenbacense & Schutterense Benedictini

---

(d) BESOLDI *Monumenta Wirtenberg.* P. I. p. 250.



Ordinis Ortenaviæ Monasteria directo Bambergensis Ecclesiæ subjecit dominio; quod vinculum feudale ad nostra usque tempora durat.

\* Simile quid Basiliensi Ecclesiæ haud dubie destinaverat Cæsar; sed morte præventus successori suo Conrado II. rem perficiendam reliquit. Hic enim primo statim Regiminis anno (e) Adelberoni, Basil. Episcopo, Blasianum Monasterium concessit in feudum. (f) Blasianus Abbas, ad illud usque tempus per baculum investitus a Cæsare, in posterum a Basiliensi fuit investiendus Episcopo. Directum hoc Episcopi dominium ceteris Monasterii immediati juribus nihil ademit.

Perstitit illud libera Imperialis Abbatia, cum libertate suam ex Ottonis II. privilegio (g) eligendi sibi Advocatum. Perstitit in Dioecesi Constant. Episcopi, ex qua nunquam exivit.

## N 2

---

(e) A. 1025.

(f) Præfatus Blasianæ Abbatæ sec. XII. Codex, in quo varia Chronica & Rei Musicæ scriptores, ad A. 1025. refert: *Cella S. Blasii Basiliens. Episcopo traditur.*

Authentica Conradi II. Donationis Charta huc usque non prodiit, vassaliticum tamen Abbatis Blasiani vinculum cum Basil. Episcopo intelligi debere, ex iis, quæ A. 1120. agitata fuerunt, quæque infra referimus, patet.

(g) Privilegium hoc genuinum & authenticum, quod omnium Blasianorum primum & antiquissimum est, scilicet quidam ante plura jam secula

Novus hic rerum Blasianarum ratione directi dominii status per totos fere centum annos duraverat. Anno 1120. difficultas de modo investendi exorta. Investituræ solennitas moretum sueto per virgam vel baculum fieri solebat. Cum autem Gregorius VII. (h) & successores ejus investituras per annulum & baculum, a Cæsaribus factas, ex cathedra & in Conciliis aperte damnassent, orta est quæstio, an Basiliensi Episcopo licitum sit, Blasianum Abbatem porro investire per virgam, Delegati à Calixto II. Basileam missi (i) ibidem pronuntiarunt: „Si alii Episcopi Regni, „ qui sunt Advocati in Abbatibus aliorum Episcopatum, jure „ Ecclesiæ suæ, ex concessione vel ex tolerantia Sedis Apostolicæ, „ electis Abbatibus concessionem per virgam fecerint, Episcopus

---

adulteravit. Cum enim in Henrici V. Imp. Charta A. 1125. reperisset, Ottonem Privilegium dedisse Blasianis, & pro *piissimo*, contracte scripto, *primum* legisset, in falsam est inductus sententiam, Ottonem I. Imp. esse Monasterii statorem. Hujus autem Diploma quum nullibi extaret, sciulus ille violentas Diplomati Ottonis II. intulit manus, aramque genuinam anni 983. ita corripuit, ut inde annus 963. prodierit. Nec negandum, receptam apud Blasianos invaluisse sententiam, Monasterium illud ab Ottone I. Diplomate fuisse ornatum, quod autem temporum injuria perierit. Vide Notam HERRGOTTI ad Chartam Henrici V. Tom. II. p. 141.

(h) Prohibuit has investituras Gregorius VII. A. 1078. in Concilio Romano

(i) Gregorius Cardinalis & Pontius Cluniacensis Abbas.

„ quoque Basiliensis Abbatibus, qui in Ecclesia B. Blasii  
 „ præponendi sunt, post electionem hoc ipsum faciat. Facta  
 „ hæc sunt apud S. Albanum Anno 1120. adstantibus atque  
 „ collaudantibus, Domno Radulfo Basiliensi Episcopo & Domno  
 „ Rostanno S: Blasii Abbate. (l)

Sententia, quæ dubium de investitura per virgam decedit, non  
 exiguis mox turbis, super Advocatiam Blasianam ortis, dedit occasio-  
 nem. In ejus enim introitu dicitur, Episcopi, *qui sunt Advocati*  
*in Abbatiis aliorum Episcopatum Ec.* & in fine adjicitur:  
 „ Episcopus Basil. S. Blasii fratres sic tueatur. &c. Delegati  
 Pontificis directum dominium cum Advocatia confuderunt; moris  
 hujus Ecclesiarum Germanicarum ignari. Rudolphi Episcopi  
 successor, Berchtoldus, (m) virtute sententiæ hujus Advocatiam  
 Monasterii Blasiani ad se pertinere existimans, A. 1124. Sub-  
 Advocatum ei dedit, Adelgozum de Werra, (n) refragante  
 Rufteno Abbate, qui hac super re querelam apud Henricum V.  
 instituit.

## N 3

(l) DACHERII *Spicilegium* Tom. III. pag. 477. sq.

(m) CLAUDIUS SUDANUS in *Basilica Sacra* pag. 190. erravit, quando duos  
 Episcopos, Ludovicum nempe & Fridericum, ponit inter Rudolphum  
 & Berchtoldum, uti Brundrutanum Episcopale me docuit tabularium.

(n) *Adelgoz von Werr*, ex Militum ordine. Dominium *Werre, W'chr*, situm  
 in Nigra Silva, supra Præceptoriam Beucken. UNSTISIUS in *Chron.*

Cæsar in Principum Conventu A. 1125. d. 8. Jan. Argentinæ habito, (o) Blasianum Monasterium liberum pronuntiavit ab Advocatia Basiliensis Episcopi, qui eam ex dominio suo directo derivare non potuit, sed ex sententia a Delegatis Pontificis nuper lata sibi eam arrogavit.

Advocatum eligendi libertas, ab Ottone II. San - Blasianis diferte concessa, concessione dominii directi, quod Conradus II. Basiliensi Ecclesiæ dedit, haudquaquam sublata est.

### §. III.

Errores  
aliorum.

Basiliensium & Blasianarum rerum scriptores in tractando hoc argumento non recte versati sunt, Jus dominii directi pro Advocatia fumentes. Ita sane URSTISIUS (p) SUDANUS (q) LEXICOGRAPHI BASILIENSES; (r) qui omnes crediderunt, Advocatiam ab Adalberonis Episcopi temporibus per totos centum annos tranquille in Blasianos fuisse

---

*Basil. L. I. C. XXI. Mentio ejusdem Adégoz de Werrah inter testes Notitiæ concambii inter Conradum Ducem & Abbatiam S. Petri, quæ in Cod. Dipl. exhibebitur.*

(o) Charta apud HERRG. *Genealog. Habsb.* Tom. II. p. 139.

(p) *Chron. Basil.* Lib. II. Cap. XV. p. 101.

(q) *Basilea Sacra* pag. 191.

(r) Tom. I. Lexici voce *Basel*, in Catalogo Episcoporum.

exercitam, quum illam nullus unquam exercuerit Basiliensis Antistes. Litem ergo inde ortam existimant, quod Adelgozus Sub - Advocatus potestate sua abuteretur. HERRGOTTUS (1) contra, Basilienses Episcopos inter atque Blasianos Abbates per centum annos litigatum fuisse existimavit, donec Henricus V. litem dirimeret.

Utraque pars aberrat a vero. Basilienses Episcopi dominium directum in Blasianum Monasterium, quandiu ad Advocatiam illud non extenderant, exercuerunt tranquille. Quum autem Bertoldus Antistes Advocatiam in Monasterium dominio directo adjungere cœpisset, lis sub Henrico V. A. 1124. mota, anno sequenti ab eo Argentinæ pro Blasianis decisa est. De longa per seculum cum Episcopo lite nullum in scriniis Blasianis vestigium extat. Blasianos autem non tam de Advocatiæ abusu, quam de Advocatia ipsa instituisse querelam, Conradus III. Romanorum Rex in Charta A. 1141. (2) diferte declarat. Ait enim, Antistitem Basiliensem Abbatiae hujus subjectionem & Advocatiam sibi arrogasse, monachos autem negasse utramque.

---

(1) In notis ad Henrici V. Imp. Chartam A. 1125. quæ extat Tomo II. *Geneal. Habsburg.* p. 147.

(2) HERRG. Tom. II. p. 165.

## §. IV.

Conradus  
fit Advoca-  
tus S.  
Blasii.

Rustenus Abbas ergo Conradum nostrum, Zaringie Ducem, has inter lites, Advocatum elegit, princeps suo jure innixus. Henricus V. electionem non modo probavit, sed & Cæsareo, ut vocant, banno pro Advocatia S. Blasii administranda, Conradum munivit, sicut Cæsar ipse testatur. Ceterum non infrequens apud Germanos est, ut Abbatia Advocatum, a Domino directo & ab Episcopo Diocæsano diverfum, agnoscat. (v)

Neque tamen, Cæsarea sententia, A. 1125. lata, lis omnis sopita est. Blasii ab Advocatia Basiliensi liberi, a directo quoque Episcopi dominio se liberos credentes, cum Bertoldi successoribus, Adalberone III. & Ortliebo, in discordia vixerunt, donec & hæc res a Conrado III. Imp. A. 1141. Argentinae composita est. Hoc enim anno Conradus noster, ut Advocatus Blasianus, Abbatiae nomine, ex bonis ejus quatuor Curtes (x)

Episcopo

- 
- (u) Gengenbacensis immediata Benedictinorum Ortenavæ Abbatia Imperii Episcopum Bambergæ pro Domino directo, Episcopum Argentinensem pro Diocæsano, Marchionem Badensem pro Advocato agnoscit.

Schwarzacensis Ortenavica quoque ejusdem Regulæ Abbatia directo Episcopi Spirensis dominio subest. Advocatum habet Marchionem Badensem; Diocesi Argentinensi addicta.

- (x) Curtes in Sirenz, Lauffen, Oltingen & Filnacker.

Episcopo Orliebo tradidit; qui acceptis illis omni juri, quod Ecclesiae ejus à Conradi II. Imp. tempore in Blasianos competierat, renuntiavit. *Conradus Dux ejusque filius Bertholdus* Instrumentum transactionis signarunt. (y) Zaringiae Duces ad extinctam usque gentem Advocatiam retinuerunt. In Charta tabularii Blasiani A. 1232. super *Susinberc* Hermannus Badensis promisit, quod a Blasianis in Brisgovia Curtibus exacturus sit nihil, *præter servitium temporibus Bertoldi Ducis solitum*, ubi intelligitur Bertoldus, Zaringorum postremus; quatuordecim annis ante defunctus. (z)

## §. V.

Anno 1126. Argentinae Lotharii II. Imp. Diplomatus, die 2. Jan. scriptis, alios inter Proceres subscripsit *Chuonradus*, Burgund.  
Comitat. *filius Ducis Bertholdi*, & cum eo *Hermannus Marchio*. (a)

Memorabilis hic annus est morte Guilielmi III. cognomento *Pueri*, qui Burgundiae Comes, apud Paterniacum, Trans - Juranæ oppidum, occisus, & in Monasterio ibidem sepultus est; nec prolem, nec fratrem relinquens. (b) Guilielmus iste, præter Burgundiae

---

(y) HERRG. A. 1141.

(z) Cod. noster Dipl. ad A. 1132.

(a) HERRG. l. c. Num. 205. & 206.

(b) ALBERICUS, Trium Fontium Abbas, in *Chron.* ad A. 1027.

Comitatuni, etiam Aventicensem tractum, Uchtlandiam & alias in Helvetia Burgundica terras possederat; adeoque cis & trans Juram, in Burgundia majore & minore, excepto Ducatu, dominatus est. Comitatum Rainaldus III. patruelis ejus, Matisconensis & Cabilloni Comes, ut proximus heres, occupavit.

Genealogicum Burgundicae hujus gentis subjungimus stemma, (c) quod rebus his lucem affundit.

Otto Guilielmus † 1027.

Rainaldus I. † 1057.

Guilielmus II. Audax, Comes Burgundiae, Viennae,

Matisconis † 1087.

Rainaldus II. obiit in itinere Hiero- folym. 1097. Vx. ignota.	Stephanus Audax absente ac mor- tuo fratre terras Burgund. regit. † 1102. Vx. Agnes, soror Con- radi Ducis Zaring, filia Bertoldi II.	Guido Archiepi- scopus Viennensis 1088. postea Pa- pa Calixtus II.
Rainaldus III. Co- mes Burg. 1126. à Lothario II. Imp. proscriptus † 1144.	Guilielmus Vienn. & Ma- tiscconensis Comes.	Guilielmus III. Puer relictum a pa- tre Comitatum Burgundiae retinet, exclusis patruelibus, A. 1126. oc- ciscus, & Paterniaci sepult. improlis.
Beatrix, Friderico I. Imp. nupta A. 1156.	Gerhardus.	

(c) DU CHESNE *Hist. des Comtes de Bourgogne* Lib. IV. Cap. XVI. seqq.

Similia fere habet CHORIER *Hist. de Dauphiné* Tom. I. pag. 120.



## §. VI.

Ex norma stemmatis hujus terrarum, a Guilielmo Puero Rainaldo III. relictarum, Rainaldus III. patruelis ejus, legitimus reputandus est heres.

Hic autem supremo jure terras istas rectorus, Lotharii II. Imp. auctoritatem agnoscere quum nolisset, indignationem ejus incurrit. Burgundiae Comites Salicis obediuerunt Germaniae Caesaribus, quod Conradus II. factor eorum, Giselan, Rudolphi III. ultimi Burgundiae Regis, ex sorore neptem duxerat uxorem. At Henricus V. Imp. Salicorum postremus, cum decessisset, Lotharius Saxo in ejus locum electus est, Salicis nullo sanguinis vinculo junctus; cui obsequium denegavit Rainaldus, Burgundiae cum Imperio nexum cum Caesaribus Salicis causatus extinctum. Lotharius vero Burgundiam cis & trans Jura Imperii patrimonium declarans, Rainaldum A. 1127. ad Comitatus Spirensis, quibus plerique Burgundiae Optimates intererant, vocavit, Procerum ut ibi subiret judicium. Tum vero Rainaldus, omnimodam libertatem pertinaciter affectans, ab Imperatore proscriptus est; (d) eaque Burgundiae pars, quam Guilielmus

O 2

---

(d) OTTO FRISING. Frid. I. Imp. patruus, qui biennio post nuptias Beatricis cum Friderico I. obiit, Imperatoris socerum excusaturus, causam hæc

Puer possederat, Zaringiae Duci nostro fuit adjudicata  
Conrado.

## §. VII.

Conrado  
Zaring.  
traditus.

Cæsar hoc iudicium tulit non tantum quod Conradus  
noster fuerat avunculus defuncti, sed & animam ei gratum ut

Lotharii Imp. in Rainaldum allegat L. II. Cap. XXIX. quod *neglexerit  
Curias Regis adire*. Sed verior est, quam tradit GUNTHERUS in *Ligurino*  
L. V. v. 290. affectatio suprematus, quem in Burgundiae Comitatu sibi  
arrogavit Rainaldus. Ita enim canit :

„ Jure suo nimium & claro sanguine fretus  
„ Teutonicos Reges edictaque sæpe vocatus  
„ Sprevit, & Allobroges aliis sub Regibus esse,  
„ Indignum reputans, nimium memor ille vetusta  
„ Libertatis erat, Regemque superbus agebat.  
„ Donec ob innumeros fastus sententia tandem  
„ Ultrices in eum depromsit regia vires,  
„ Ereptamque viro regni sub iudice terram  
„ Nomine Chunrado Fisci concessit habendam.

Fisco itaque addictus fuit a Cæsare Comitatus Burgundiae, sed cum  
primo ejusdem Lotharii Imp. anno in Ratisbonensibus Comitibus teste  
DODECHINO in *App. ad Marianum Scotum* A. 1125. decretum fuerit,  
prædia proscriptorum a Rege, „ si iuste forisfactoribus adjudicata  
„ fuerint, Regiminis subiacere ditioni, non Regis proprietati.,  
Lotharius Comitatum Burgundiae non sibi, vel suæ Domui servavit,  
sed proximo cognato addixit, quod proximus agnatus eo se indignum  
reddiderat. De Guillelmi Pueri matre Agnete GUILLIMANNUS de *Reb.  
Hiet.* Lib. II. Cap. XIV. pag. 282

demonstraret, quod partes Lotharii contra Hohenstaufios æmulos, Alemanniæ & Franciæ Teutonicæ Duces, mafcule defenderat.

Accessit, quod ipfe Conradus in Helvetia Alemannica, Burgundiæ contigua, Advocatus Cæfareus Tiguri jam fuerat, Rheinfeldenfem Comitatum, Burgundico Regno vicinum, jure quoque tenens materno.

Sed & ipsius Burgundici atque Arelatenfis Regnorum, quæ jam pridem in unum coaluerant, adminiftratio Principi committenda fuit, cujus fides in Cæfarem certa; qui Guelphicis partibus addiçtus, tam infignem Reftoratum Principi Gibellino committere non tutum exiftimaverat.

Univerfo itaque Burgundico Regno, ad Mediterraneum usque Mare extenfo, Conradus noster præfectus est Reftor. (e) Regnum hoc Ducatui Suevico, quem Fridericus Hohenftaufius, Cæfaris æmulus, tum regebat, contiguum fuit. Illa fuperioris Alfatiae portio, quæ Sundgovia dicitur, pars quoque Regni Burgundici tum erat. Phirretenfem Comitatum præfertim

## O 3

---

(e) DODECHINUS *Append. ad Marian. Scotum* Anno 1127. fcribit: „Conradus  
„ de Zeringa coram plerisque Burgundionum optimatibus, *Principatus*  
„ *Burgundiæ* apud Spiram Civitatem fublimateus.”

intelligo; Agro Basiliensi confinem. (f) Basilea enim pars Regni Burgundiæ fuerat, ut WIPPO (g) nos docet.

### §. VIII.

Traditio-  
nis huius  
annus.

**I**nstitutio hæc Reſtoratus Burgundiæ in Comitibus Spirensibus a Lothario Imp. facta est A. 1027. referentē Dodechino. Norbertus in Comitibus his electus fuit Magdeburgensis Episcopus; ut Anonymus Præmonſtratenſis coætaneus (h) & Codex antiquus Saxonicus (i) teſtantur. Cum autem Norbertus in Magdeburgensi fede A. 1126. ſucceſſerit Rukero, nonnulli exiſtimant, (l) Dodechinum in definiendo tempore Spirensis Conventus, metachronismo unius anni peccaſſe.

### §. IX.

Reſtoratus Bur-  
gundiæ  
vindica-  
tus armis

**A**rmis ergo apud Burgundos certatum, Reginaldus, poſt acre cum Courado bellum, captus, Argentinam ad Comitibus

(f) Vid. *Alſatia Illuſtr.* Tom. II. pag. 5.

(g) Apud PISTON. Tom. III. *Script. Rer. Germ.* p. 470. Errat tamen Wippo, ubi dicit, Baſileam in conſinio triviali Burgundiæ, Alemanniæ & Franciæ Orientalis tum ſitam fuiſſe. De prioribus duabus nullum eſt dubium, ſed a Francia longe ſuit remota Baſilea.

(h) In vita S. Norberti apud HENSCHEN *Acta Sanctor.* Jun. Tom. I. pag. 149.

(i) Vid. nota ad vitam Norberti.

(l) MASCOV. in *Commentar. de Lothario II.* Cap. VI. & VII.

Imperii ductus, a Principibus, indolem ejus spirantibus, libertate donatus, in Burgundiæ Comitatum rediit, qui ab hoc tempore Liberi Comitatus (*m*) nomine appellari videtur cœpisse; quod Comites majori præ aliis libertate, incolæ vero præstantioribus juribus, quam alii Comitatenſes, fruerentur.

Rainaldi cauſſam Rerum Burgundicarum ſcriptores juſtam pronuntiant. (*n*)

OTTO FRISING. (*o*) Comitatum iſtum, ab Imperio diu alienatum, tanquam liberum & independens allodium, per Beatricem, Rainaldi filiam, ad Fridericum I. Imperatorem rediiſſe ſcribit.

Nos hæc non diſcutimus, annotaſſe contenti, quod Conradus Rectoratum Burgundici Regni non modo retinuerit, ſed & ad filium atque nepotem, id eſt, ad extinctos uſque Duces Zaringos, propagaverit. Ceterum axiomata *Rectoris* axiomati *Ducis* Cæſar prætuliffe videtur, ut novus hic Burgundiæ trans Jura Rector, ab Imperio pendens, a Trans-

---

(*m*) *Franche - Comté*, Germanis *Hoch-Burgund*, *Ober-Burgund*, *Freye Graffſchaft Burgund*.

(*n*) DU CHESNE *Hiſt. de Bourgogne* Lib. IV. C. XX. GOLLUT *Memoires Sequanois* Lib. VI. Cap. IV. VIGNIER *Chron. Burgund.* DUNOD, *Hiſt. du Comté de Bourgogne* Lib. IV. p. 169.

(*o*) *Chron.* Lib. V. Cap. I.

Ararico Burgundiæ Duce, Galliæ vassallo, distingueretur. Burgundici tamen Rectores hi non raro quoque dicti sunt Duces, ut alibi docui.

Conrado ergo præ patre & avo servata fuit gloria, ut præter *Ducis Zaringiæ* nomen, *Rektoris* quoque *Burgundiæ* dignitate ornaretur a Cæsare.

### §. X.

Reliqua  
Conradi  
Ducis  
Zaring.

ANNO 1130. Conventui, quem Lotharius II. Imp. Basileæ celebravit, Conradus quoque noster interfuit. In transactione super Monasterium Burgulum, (p) ab Imperatore firmata, *Chonradus Dux de Zaringen*, & post eum *Herimannus, Marchio de Baden*, memorantur. (q) Primum exemplum, quo Hermannus II. vel III. (r) Marchio nomen gentilitium de *Baden*

(p) *Burglen* sec. XI. Monasterium, dein Prioratus, hodieque a S. Blasii Abbatia Nigræ Silvæ pendens, Basilea VI. leucis distat.

Chronicon Burglense, a Conrado, Monacho San-Blasiano, dein Abbate Murenfi, seculi XII. medio conscriptum, qui & Actorum Murenfiū auctor est, in lucem edidit Anno 1755. Vir solidæ doctrinæ, RUSTENUS HEER, Monumentorum Austriacorum editor, de Republica literaria præclare meritus.

(q) HERRG. Tom II. p. 155.

(r) Hermannus II. hoc ipso anno decessit & Hermannus III. successit.

*Baden* expressit; patruium suorum, Bertoldi III. & Conradi, Zaringæ Ducum, initatus exempla; quorum prior in Charta foundationis Friburgi An. 1120. alter in literis An. 1123. uti vidimus, Ducum de Zaringen axiomate usi sunt primi.

Lotharius Imp. eodem anno Turicensi Canonicorum Collegio eligendi Præpositum potestatem concessit, quod Diploma *Chuo Conradus Dux de Zarenche* testis signavit. (s)

Anno 1131. Literæ foundationis Abbatie Frienisbergensis scriptæ fuerunt, *Ducatum Burgundiæ nobiliter regente Duce Conrado*. (t)

### §. XI.

Anno 1133. Lotharius Imp. Interlacensem Episcopatus <sup>Interla-</sup> <sup>centia.</sup> Lausanenſis Ecclesiam, sub suam recipiens tutelam, ab omni Episcoporum, Ducum, Comitumve imperio immunem pronuntiavit; liberam quoque Præpositi & Advocati electionem ipsi concedens. Instrumento huic præter alios Procereſ *Dux Conradus*

(s) Diploma ineditum tabularii Collegiatæ Turicensis.

(t) Tabular. Bernense. Conf. WATTEVILLII *Diss.* in *Journal Helvétique*, mense Sept. 1746. pag. 236. *Frienisberg, Frenisberg*, Lat. *Aurora*, Mons *Auroræ*, Monasterium in ditione Bernensium, inter Bernam & Arberg, situm, circa Annum 1527. seculo additum est. LEU in Lexico Helvet. voce *Frienisberg*.

*de Zaringen* subscripsit. (v) Privilegia hæc Ecclesiæ Interlacensi A. 1146. firmavit Conradus III. Imp. atque protectionem hanc regiam ad alia nonnulla bona extendit, quæ ipse Imperator Conradus, cum ante pertinuissent ad Regnum, à *Duce Conrado deliberata*, consensu ejus Ecclesiæ Interlacensi donaverat.

Additur in hoc Diplomate, ut Advocatiam, intuitu horum bonorum, a *Conrado Duce retentam*, nemo fuscipiat, nisi cui, consentientibus Ecclesiæ fratribus, id munus demandaretur. Ejusdem plane tenoris est alia Charta Confirmationis, à Friderico I. Imp. Anno 1173. huic Ecclesiæ data. (x)

## §. XII.

Bellum  
cum Sue-  
vice Duce.

Anno 1138. Conradus, Zaringiæ Dux, qui apud Lotharium Imp. tam gratus fuerat, Conradi III. Imp. qui Lothario successit, arma in se concitavit.

Conradum hunc Hohenstaufensem, Franciæ Orientalis Ducem, plerique partibus Gibellinis, (quod nomen tum ortum fuit & Staufeni familiæ gratum) additi Principes

---

(v) Cod. Diplom. noster ad hunc Ann.

(x) Utramque Chartam vide in Cod. nostro Diplom.



quum elegerent in Regem, Conradus noster Zaringus adversas secutus est partes. Unde a novi Regis fratre, Friderico Sueviæ Duce, (y) cujus filius deinceps Conrado III. in Imperio successit, petitus est bello; quo Turicum expugnatum, Burgundia trans Juram occupata, Zaringia, Brisgoviæ arx, Zaringorum sedes, quam initio hujus Libri descripsimus, capta, direpta.

Cæsari ergo se Conradus submisit, atque ita recepit amissa. OTTO FRISING. (z) hæc narrans, Conradum *fortissimum ac ditissimum Ducem* appellat. Bellum perbreve fuit. Eodem enim Anno 1138. Cæsareo Diplomati, quod San-Blasiano Monasterio fuit datum Bambergæ, *Conradus Dux Burgundiæ* post Fridericum, Sueviæ Ducem, qui eum armis devicerat, nomen subscripsit. (a)

## §. XIII.

Anno sequenti 17. Febr. donationem partis villæ Oningen, ab Illustri viro *Chunrado Duce Ziaringin* Augiensi Monasterio factam, Innocentius II. Papa firmavit. (b) Die

Gesta  
Conradi  
ab A. 1139.

P 2

(y) Gebhardus Argent. Episcopus Friderico auxilia tulit. GUILLIMANNUS *de Episcopis Argent.* p. 232.

(z) *De Gestis Friderici I.* Lib. I. Cap. XXVI. arcem Zeringen non nominat, sed his indicat verbis: „Arcem (Conradi Zaringii) quandam, quæ cunctis „ adhuc cementibus inexpugnabilis esse videtur, cepit & expugnavit. „

(a) HERRG. *Gener. Habsb.* Tom. II. Num. 214.

(b) Ibidem Num. 215.

28. Maji Conradus cum filio suo *Bertolfo Comite*, Diploma Cæsareum, Einsidlenſi Abbatæ in Procerum Conventu Argentinx datum, teſtis ſignavit. (c) In alio Diplomate ejusdem anni audit Conradus *Dux de Ceringe*: (d) in alio *Conradus Dux Carintie*, (e) ubi Carinthiam pro *Ceringia* poſuit. Anno 1140. ſub finem April. *Conradus Dux de Cerengun*, Curix Imperiali Francofurti habitæ, (f) atque A. 1141 *Conradus Dux ejusque filius Bercholdus*, Comitibus Imperii, Argentorati magno Procerum numero celebratis, interfuere. (g)

Idem Conradus in Charta anni ſequentis *Burgundiorum Dux* ſcribitur. (h) Anno 1145. Otto quidam Turicenſis bona in Zollinghofen Abbatix S. S. Felicis & Regulæ donavit, regnante *Chunrado Rege, Reſtoribus Allamannix & Burgundix*

---

(c) HARTMANNI *Annales Heremi* p. 196.

(d) HONTHMIUS in *Hiſt. Trevir.* Tom. I. pag. 542. Diploma hoc exhibet, at pro *Ceringe* dedit vitioſe *Coringo*. Veram lectionem me docuit URSTISIUS in Chartulario Mſc. quod tabularium Civit. Baſileenſis cuſtodit.

(e) Inſtrumentum de Advocatia Abbatix Sellenſis, Argentorati conſectum, quod in Cod. Diplom. Alſatix prodibit.

(f) Teſte Diplomate apud PEZ. *Cod. Epistol.* P. I. pag. 331.

(g) Teſte Charta S. Blaſii ap. HERRG. Num. 220.

(h) Ibid. Num. 221. *Conradus Dux Burgund.* memoratur in literis apud HONTHM l. c. p. 554.

*Duce Conrado de Zaringen & Advocato, Præfecto Wernhero de Baden. (i)*

Idem *Chounradus Dux de Zeringen* dedit S. Johanni in Burglen unam Scoupozam in villa Scalsingen. (l) Anno 1146. Conradus Rex Romanorum Ecclesiæ Interlacenfi (m) bona quædam contulit *Duce Conrado* consentiente. (n) In Comitibus Francofurtensibus Anno 1147. *Cunradus Dux de Ceringa* comparet. (o)

#### §. XIV.

Sed ad Burgundiæ Comitatus fata redeundum. Rainaldus *Mors ejus* Comes, Lothario Imp. olim infestus, in Conradum III. quoque non minus superbus cum esset, hic terras ejus Conrado Zaringensi denuo addixit. Pertinax inde bellum, tanto cum

P 3

---

(i) Ex tabulario Abbatissano Turicensi.

(l) *Chron. Burglense* Cap. XVII. pag. 381.

(m) Interlacus Monasterium fuit Canonicorum Regular. S. Augustini, circa A. 1130. conditum inter Thunensem & Brientinum Lacus. Bertoldus V. Zaringiæ Dux, Advocatiam ejus gessit, ut noster Conradus.

A. 1525. Monasterium hoc ditionis sue Bernenses seculo addixerunt. *Lex. Helvet.* Tom. X. p. 560.

(n) Codex Diplom. noster ad h. a.

(o) *LUNIG. Spicileg. Ecclæs.* Part. III. pag. 91. sq. & Contin. I. pag. 908.

ardore continuatum, ut Rainaldus atque Conradus Dux ad singulare certamen denique fuerint progressi. Neuter belli finem conspexit.

Rainaldus A. 1148. (p) quadriennio post Conradus noster & Cæsar extincti sunt. (q) Conradus obiit Januario mense (r) in Abbatia D. Petri, ubi & ipse, ut pater fraterque, sepultus. (s)

### §. XV.

Uxor &  
liberi.

Uxor hujus Conradi Ducis Clementia, Godofredi Namurcensis & Ermenfondis Luxemburgicæ (t) filia

- 
- (p) Necrolog. S. Pauli apud DUNOD. *Hist. du Comté de Bourgogne* Lib. IV. pag. 170. Rainaldus in Æde S. Stephani Vefontione sepultus est. Du CHESNE *Hist. de Bourgogne* Lib. IV. pag. 531.
- (q) OTTO FRISING. Lib. VII. Cap. ult. „A. 1152. Conradus Dux de Zeringen „ obiit, post quem etiam Conradus Rex eodem anno defunctus est.
- (r) Plerique IV. Id. Jan. ponunt, nonnulli IV. Nonas. Necrologium Mur. d. 8. Jan. ponit. Vid. GUILLIMANX. *Hobsb.* L. V. Cap. IV. p. 285.
- (s) Vid. *Cathedra S. Petri in Nigra Silva* p. 248.
- (t) Charta Bertoldi IV. apud SCHANNAT. *Vindem Liter.* pag. 163. Clementiam hanc, quæ Anno 1159. obiit, ex Comitibus Badensibus Argovizæ ortam fuisse credidit PESLERUS in Diatriba de Ducibus Zaringiæ, Germanice edita, in Commentariis Periodicis *Hannoversche gelehrte Anzeigen* Anno 1751. pag. 329. Facit hæc occasione mentionem Diplomatis Friderici L. quo Henrico Leoni, Clementiæ marito, terras quasdam in Saxonia assignat, atque ab eo terras in Suevia accipit; quas inter Castrum

fuit, (v) ex qua Bertoldum IV. Rudolphum, Adelbertum, Conradum, Hugonem filios, filiasque Clementiam & Germanam suscepit. (x) Bertoldus, primogenitus filiorum, lineam continuavit Zaringicam. *Conradus* & *Hugo* sine liberis defuncti sunt. (y) Adelbertum vero Ducum Teccensium fatorem constituunt; ut in Teccensibus infra docebitur.

---

*Baden* extiterat. Castrum hoc autem in Ergovia quærit Peslerus, quæ Burgundiae Transjurane pars fuit, quum Charta Friderici Castrum in Suevia situm fuisse memoret.

- (v) Cuno de Opfingen, miles de familia Ducis, prædium apud Bickenfelsa Monasterio S. Petri in Nigra Silva tradidit, præsentem & annuente Domina sua Clementia Ducissa, adeoque post obitum Conradi Ducis.

Conf. KOELERUS in *Familia Luxemburg.* ALBERICUS Ciron. ad An. 1168. pag. 349. Diploma apud SCHANNAT. *Vindem. Liter. Coll.* I. pag. 163. habet: „Bertholdus hujus nominis quartus Ducis Conradi „ filius - - Præterea Dom. Clementia, mater ejusdem Ducis - - in „ sepultura mariti sui Ducis Cunradi „

- (x) Extat Charta Monasterii S. Petri sine anno, qua Dux Conradus prædium apud *Zaringen* a monasterio hoc accepisse, eique vicissim cum uxore sua Domina Clementia & filiis suis Conrado & Bertholdo allodium apud *Amindon* (Emmendingen) donasse scribitur.

In Charta Bertoldi IV. Anno 1152. mentio sit Clementiæ, filiorum Rudolphi, Adelberti, Hugonis apud SCHANNAT l. c. Dux Beretoldus Rector terre Burgund. cum fratribus Adelberto & Hugone legitur Anno 1180. Conf. HERRG. Num. 144.

- (y) ALBERICUS l. c. pag. 351 GUILLIM. *Habsh. L. V. C.* IV. p. 285.

## §. XVI.

Rudolfus  
filius.

Rudolphus in Arnoldi Antistitis Moguntini, a conjuratis occisi, locum electus est A. 1160. sed Imperator Fridericus, quod ipsi credis auctores eum elegerant, denegavit consensum. (z) Oñennio post Comitís Namurcensis, avunculi sui, favore Leodiensem Episcopatum accepit, A. 1189. defunctus. (a)

Clemen-  
tia filia.

Filiam Conradi nostri Clementiam Henricus Leo, Saxoniae & Bavariae Dux, Anno 1147. in Comitibus Francofurtanis duxit uxorem. (b) Sed A. 1162. Caesare non invito, Constantiae eam rursus dimisit; (c) sanguinis proximitatem praeuens. (d)

Marito

- 
- (z) SERARIUS *de rebus Mogunt.* Tom. I. Lib. V. pag. 564. DODECHINI *Append. ad Marian. Scotum* Anno 1160.
- (a) AEGIDIUS AUREE VALLIS in *Hist. Episcoporum. Lod. CHAPPEAUVILLE* sub Rudolfo; ALBERICUS ad Annum 1168. Rudolphus hic, Leodiensis Episcopus, caput S. Lamperti Ecclesiae Friburgensi donavit.
- (b) HELMOLDUS in *Chron. Slavor.* Lib. I. Cap. VIII ad Annum 1147. scribit: „ in diebus illis Dux noster (Henricus Leo) adolefcens Dominam „ Clementiam Conradi Ducis de Zeringe duxit uxorem.
- (c) *Origines Guelficae* Tom. III. pag. 182.
- (d) *Ursperg. Chron. & Weingartense* ad A. 1162. HELMOLDUS Lib. II. Cap. X. *Chron. Montis Sereni* A. 1162.

Marito suo Clementia, vel dotis loco, vel ut paternæ hereditatis partem, Castrum Baden, (e) centum Ministeriales & quingentos manfos attulerat. Bona hæc Henricus Leo A. 1157. Friderico I. Imperatori tradidit, & ab eo in Saxonia alia in compensationem accepit. (f)

Germanam vel Annam de Zeringen Humberto III. Comiti Sabaudie nuptam fuisse, & Anno 1162. mortuam, tradit GUICHENONIUS. (g) Ex matrimonio hoc prodiit Agnes Sabaudica, Johanni sine Terra, (h) Henrici II. Angliæ Regis filio, Anno 1173. amplissimis conditionibus in matrimonium promissa, uti refert ROGERIUS HOVEDENUS, (i) Angliæ

Germana  
filia.

(e) *Badenweriler* hodie, adeoque Bada Brisgovica, non Ufgovica; a qua Marchiones Badenses sibi nomen sumserunt. Solide hoc probavit DILLIUS in Diatriba, erudite scripta, de *permutatione hujus Castri Baden*, Germanico idiomate edita Anno 1760.

(f) Instrumentum, Aurca Bulla munitum, ex authentico descriptum extat in *Orig. Guelf.* Tom. III. pag. 466. Vir Illustris, GODOFRIDUS DANIEL HOFFMANNUS, in Tubingensi Academia Juris Antecessor, insignis doctrinæ, in Diatriba, *Diplomatfche Beleufigung* &c. edita A. 1760. hoc Instrumentum exponit, atque pro Bada Ufgovica stat.

(g) *Histoire de Savoye* Tom. I. pag. 239.

(h) Anglis *Lackland*, qui Anno 1216. decessit.

(i) *Annal. Angl.* Part. post. apud SAVILIUM *Scriptor. Rer. Anglicarum* pag. 532. Agnetem hanc Hovedenus *Alays* vocat.

Historiae scriptor, qui seculo XII. vixit. Agnes Anno 1174. ante nuptias decedens, spem omnem patris intervertit & foci.

Agnetis hujus matrem, Germanam Zaringicam, Bertoldi IV. filiam fuisse, Guichenonius putat. Sed temporum ratio contrariatur. Verisimilior conjectura est, quæ Conradi Ducis filiam, adeoque sororem Bertoldi IV. *Germanam* declarat.



CAPUT



# C A P U T V.

## BERTOLDUS IV.

AB ANNO 1152. USQUE AD ANNUM 1186.



### §. I.

otentia Zaringicæ Gentis, ad summum fastigium Genea-  
logia.  
sub Conrado perducta, postquam per triginta  
annos perstitisset in flore, magnitudinis suæ  
partem sub filio ejus Bertoldo IV. amisit.  
Rektoratus Arelato-Burgundicus, a Basilea ad urbem usque  
Arelaten, adeoque ad Mediterraneum usque Mare, sub Conrado  
sefe extendens, plus quam dimidia mutilatus est parte.

Fridericus I. Imp. malis artibus usus, omne Arelatense  
Regnum, a Burgundico primitus distinctum, atque deinceps  
eidem Regno conjunctum, Rektoratui Bertoldi IV. subtraxit.  
Diminutio A. 1156. facta est. Antequam ea exponatur Lectori,  
enarranda sunt, quæ memorabilem hanc rerum conversionem  
præcesserant.

Q 2

## §. II.

Bertoldus Comes.

Filius hic Conradi Ducis (a) in Charta Conradi III. Imp. San-Ulricianæ Cellæ (b) A. 1139. Argentorati data, vivo patre, appellatus est *Comes*: „præsente, ait Charta, Duce Friderico, „Regis ipsius Germano, Duce Conrado, Herimanno Marchione, „Comitibus quoque Bertulfo, nostri Cœnobii Advocato &c.

In notitia hac testium Conradum, Zaringiæ Ducem, excipit Herimannus Marchio, Badensium tertius, cujus pater Conradi Ducis fuerat patruelis. At filius Conradi Bertulfus, qui ipse noster Bertoldus IV. est, Herimanno subjunctus, Comes inter prius comparet; non tam illius temporis more, quo filius, patre Duce vivente, appellatus est *Comes*, quam quod Comitatum Provinciæ Brisgovie cum Advocatia San-Petrini Cœnobii filio administrandum commiserat pater.

(a) Bertoldum IV. filium fuisse Conradi, probat Charta transactionis inter Ecclesiæ Basiliensem & Monasterium S. Blasii super jure Advocatiæ a Conrado III. Imp. data Argentinæ Anno 1141. apud HERRG. Tom. II. Num. 220. Et alia Charta A. 1152. apud SCHANNAT *Vindem. Liter. Collect.* I. pag. 1. ubi legitur: „Dux Bertholdus hujus nominis „quartus, Ducis Conradi filius. „

(b) In Nigra Silva. Exhibet hanc Chartam Libellus, cui Titulus: *Historische Nachricht von dem Priorat S. Ulrich* pag. 124. Prioratus hic Abbatie D. Petri in Silva Nigra conjunctus.

Conjecturam hanc alia ejusdem anni Charta corroborat, qua Erlewinus de Woluenwylare ecclesiam hujus loci cum duabus partibus prædii sui ibidem D. Petro in Nigra Silva donavit. In fine Chartæ (c) hæc legimus: „præsente Advocato nostro *Comite* „ Bertolfo, hoc in suam tuitionem quasi proprium suscipiente, ut „ ipse vice ipsius Erlewini in majori placito, in ipsa regione „ congregato, traderet B. Petro &c.

Per *Placitum majus* heic intelligitur Landgraviale Judicium, in quo Donatio hæc solenni cærimonia repeti debebat, manu Comitis Bertulfi, Landgravii Brisingovæ & Advocati San-Petrinæ Abbatæ. Hereditariam enim hanc Advocatiam cum Tigurina, San-Blaßiana, aliisque Zaringica familia possedit. Hæc Bertoldus noster, vivo patre, ut Comes,

## §. III.

Sed ut Dux & Rector Burgundia Wormatiensibus Bertoldus Dux.  
Friderici I. Imp. Comitibus A. 1153. interfuit. (d) Diplomati tum

## Q 3

(c) Codex Diplom. ad Ann. 1139.

(d) FELIX FABER in *Hist. Suev. Lib.* I. Cap. XIX. fabulatur, Fridericum I. Imp. Anno 1132. quo electus est, Moguntia celebrasse Comitibus, ac profugum ex illis, ob dissidia Procerum, pervenisse Zaringiam; Bertoldum ab eo tum ex Comite Ducem esse creatum, quod Cæsarem omni honoris cultu exceperit. Digna Felice Fabro fabella.

dato *Bertholdus Dux de Zeringen* subscripsit. (e) In aliis vero Chartis (f) Bertoldus *Dux Burgundiæ* solet vocari.

Anno 1154 cum Friderico I. Imp. expeditionem in Italiam suscepit Bertoldus, atque in memorabili illa Tortona urbis obsidione insignem ei operam præstitit. (g) Privilegium quoque Ecclesiæ Reicherspergenfi, ab Episcopo Bambergenfi, Brixie, hoc anno datum, inter alios Proceres *Bertoldus Dux de Zaringe* testis signavit. (h) Paulo post in Campis Roncaliis subscripsit Chartæ, quam Fridericus I. Dissentinensi Episcopatus Curienfis Abbatæ concessit. (i)

#### §. IV.

Burgundica.

Vt Rector Burgundiæ omne jus, quod in Civitate Viennæ ei competeat, Delphino Viennenfi, Guidoni Andreæ, Anno 1155. Bertoldus tradidit. Traditionem Cæsar firmavit. (l)

(e) SCHANNAT *Vindem. Lit. Collect.* II. pag. 115.

(f) In Diplomate Friderici I. Imp. pro Monasterio S. Albani Basil. A. 1152. & pro Altorfina Abbatia Alfatæ A. 1153. nec non in Charta Ortliebi Episc. Basil. pro S. Albani Ecclesiâ A. 1154. Instrumenta hæc in Cod. Diplom. Alfatæ prodibunt.


(g) GUNTHER. in *Ligur'no* L. II. v. 411. sq. 650. sq.

(h) Diploma extat in *Chronico Reichersperg.* ad A. 1154. apud LUDWIG *Script. Rer. Bamberg.* Vol. II.

(i) LANG *Grundriß der Schweizerischen Kirchenhistorie* Tom. I. pag. 448. sq.

(l) CHORIER *Hist. de Dauphiné* Lib. XI. pag. 321.

Meridionale.



Humida depopulatur.



Merches



obiit, (r) rem nuper gestam esse observat. (s) GUNTHERUS (t) transactionem vivo Rainaldo Comite factam in *Ligurino* suo canit. (u) Rainaldus autem Anno 1148. superstitē Conrado III. Imp. & Conrado Zaringio jam e vivis excefferat (x) GOLLUTIUM (y) qui ad Ann. 1168. hanc epocham posuit, ut & BUNAVIUM (z) aliosque, (a) qui ad A. 1169. transactionem

- 
- (r) RADEVICUS de *Gestis Frid. I. Imp.* L. II. Cap. II.  
 (s) OTTO FRISING. de *Gestis Friderici I. Imp.* Lib. II. Cap. XXIX. Nic. VIGNIER. in *Chron. Burgund.* ad Ann. 1156. & *Bibliothèque histor.* Part. III. p. 120. eundem transactionis annum assumpsit.  
 (t) *Ligurini* Lib. V. p. 306. sqq. ubi:  
 „ Has inimicitias tandem sub tempore nostro  
 „ Regia sopivit tali sollicitia pacto:  
 „ Scilicet ut geminas illis in sinibus urbes,  
 „ Laufannam gelidaque fitas in rube Gebennas  
 „ Bertoldus reget, reliquas Reinaldus haberet.  
 (u) Manifestus est error PESLERS in *Historischer Nachricht der Herzogen von Zähringen* ( *Hannoversche gelehrte Anzeig.* de Anno 1751. ) pag. 326. ubi transactionem Zaringorum cum Beatrice Burgundica & Friderico I. Imp. ad Conradi Ducis tempora refert, quem tamen A. 1152. jam obisse tradit.  
 (x) Vid. supra in Conrado Zaringio §. XIV. pag. 118.  
 (y) *Memoires des Bourguignons de la Franche Comté* Lib. VI. Cap. XII.  
 (z) *Histor. Frid. I.* pag. 210.  
 (a) STUMPF. *Chron. Helvet.* Lib. VIII. Cap. XXIII. fol. 594.

## R

hanc rejecerunt, Ottonis Frisingensis continuator, OTTO DE S. BLASIO, seduxisse videtur, qui ad Ann. 1167. (b) historiam transactionis exponit. At scriptor ille, Burgundica uio intuitu ut listeret lectori, ea, quæ diu ante contigerant, cum rebus postea gestis conjunxit.

Enimvero transactionem hanc ante A. 1158. fuisse initam, probat Charta Henrici Arg. Episcopi Anno 1174. (c) in qua, vivo Amadeo, Lansfannenfi Episcopo, res dicitur transacta. De anno mortis Amadei dissentiunt quidem scriptores. At omnes vel Anno 1155. vel 1158. eum obiisse tradunt. Anno 1157. eum vixisse, testis est Charta Bertoldi IV. Monasterio Altæ Ripæ (d) hoc anno data, cui inter alios Amadeus subscripsit. Itaque transactio illa necessario ante Ann. 1158. facta est, quo Amadeus, in cujus fraudem inter Fridericum Imp. & Bertoldum fuit iuita, jam fuerat mortuus.

## §. VII.

Trans-  
actionis  
ratio.

Ita Annus 1156. qui ob restitutam Henrico Leoni Baviarum; ob Austriam ex Marchionatu Bavarico in Ducatum conversam; ob Pacem publicam Germaniæ redditam, in Germanorum

(b) Cap. XXXI.

(c) Ex RUCHAT *Historia Vaudi Mset.*

(d) Tabular. Monast. Altæ Ripæ, *Haute Rive.*

Annalibus tam celebris est, Burgundici quoque Regni quietem, per sex lustra turbatam, magno cum Zaringiae Domus detrimento & Hohenstauficae augmento reduxit. Transactione hac Burgundia Helvetica cum Laufanna, cum Geneva & Seduno Vallefiæ, in peculiari potestate Bertoldi manere debuerant. Advocatia Turicensis, quam Bertoldus quoque retinuit, non cum Burgundiæ Regno, sed jam ante, ob concessum Hohenstaufis Sueviæ Ducatum, a Ducatu avulsa ad Bertoldum II. pervenerat. (e) Cæsar Guelficarum partium, adeoque & Ducum Zaringiæ hostis, rebus suis conveniens esse credidit, ut eorum opes minuerentur; quod ablato illis Arelatenfis Regni Rectoratu obtinuit.

Cum ergo Viennensis & Lugdunensis Archiepiscopi, ut & Valentiae & Avenionis Episcopi, ceterique Arelatenfis Regni Procures A. 1156. Friderico I. Imp. præstitissent homagium, (f) anno sequenti Eraclium, Lugduni antistitem, de omnibus Regalibus & jurisdictione seculari in urbem Lugdunensem Cæsar investivit, eumque Arelatenfis Regni constituit *Exarchum*. (g) Archi-

## R 2

(e) Errat STETTLERUS *Chron. Uchtland*. Lib. I. pag. 3. ubi tradit, Bertoldum IV. præter tres Episcopatus obtinuisse quoque Advocatiam Turicensem, quam obtinuerat jam Bertoldus II.

(f) RADEVICUS Lib. I. Cap. XI.

(g) Instrumentum extat in PARADIN. *Hist. de Lyon* Lib. II. Cap. XXXV. add. JAC. SERVETII *Chronologia historica Antistitum Lugdunensium* Part. I. pag. 79.



Cancellariatum vero ejusdem Regni eodem A. 1157. Diplomate Biscentii scripto, Archiepiscopo Viennensi in perpetuum concessit, (h) ipso Bertoldo IV. praesente, & subscribente Diplomati, quem ab hoc tempore titulum *Burgundiae Ducis* sumxisse GOLLUTIUS (i) existimat. Sed male existimat; quum superioribus annis eo jam fuerit usus. A. 1158. cum titulo *Burgundiae Ducis* in Diplomate Friderici I. pro Abbatia S. Cyriaci in Altorff Bertoldus occurrit; (l) sed in Charta Anni 1169. (m) ipse ita loquitur: *Ego Bertolfus Dux & Rector Burgundiae.*

## §. VIII.

Ortae  
hinc lites  
Genevæ.

Jura autem in Laufannæ, Genevæ atque Seduni Episcopatus Bertoldo ab Imperatore concessa, ita erant comparata, ut in omnibus eorum terris, potestatem, non ut Vicarius vel Rector, sed proprio superioritatis territorii, quod vocant, jure exerceret Bertoldus, atque adeo de Regalibus investiret Episcopos.

Horum acerbae mox ubique personuerunt querimoniae; qui Ecclesias suas non alium, quam Caesarem, agnoscere Principem

(h) JOHANNIS A BOSIO *Antiquitates Viennæ* pag. 87. quæ annexæ sunt ejusdem Bibliothecæ Floriacensi.

(i) Lib. VI. Cap. V.

(l) HERRG. Tom. II. Num. 230.

(m) De qua nobis sermo erit infra §. XVI.

uno omnes ore professi sunt. Arduus Genevensis præ ceteris commotus est, quod Bertoldus Advocatiam, a Cæsare sibi traditam, in hostem ejus Amadeum, Comitem Genevensensem, transtulerat. De temporali enim jurisdictione in Genevam, & in ipsas Episcopi terras, inter Episcopum & Comitem a longo jam tempore fuit acre certamen. At ista potestatis Cæsareæ in Bertoldum, & a Bertoldo in Comitem, translatione Comes victor evasit. Itaque non modo apud Metropolitanum suum, Tarantensensem Archiepiscopum, sed & apud Lugdunensem, Viennensem, aliosque sacrorum Antistites de violatis Ecclesiæ suæ juribus contra Comitem Genevensensem, contra Ducem Bertoldum, & denique contra ipsum Imperatorem conquestus est Genevensis Episcopus. Cæsar ad Episcoporum instantiam solenne Procerum Germaniæ & Regni Arclatenfis judicium, apud Pontem Laonis, (n) super Ararim, in Comitatu Burgundiæ, Anno 1162. celebravit. Arduum pro Principe Civitatis Genevæ, suburbiorum & castrorum Episcopatus, Cæsare non repugnante, declaravit Confessus; ita quidem, ut nullo unquam tempore medius inter Episcopum Genevensensem & Cæsarem existere possit. Hic in Aurea Bulla (o) eo ipso Anno 1162. data,

## R 3

(n) *S. Jean de Lône* in Archiepiscopatu Vesontino.

(o) Auream Bullam Friderici I. A. 1162. datam, aliaque Documenta, quæ huc spectant, dedit *Spon. Hist. de Geneve* Tom. II. pag. 24. seqq. Item *Le Citadin de Geneve* pag. 153.

Arduum appellat *Vicarium nostrum*, atque Diploma, quo hæc jura Bertoldo concesserat, alio antiquavit Diplomate. (p)

### §. IX.

Laufan-  
nac.

In omni hoc negotio bonam Cæsaris fidem multi mecum desiderabunt.

Univero non minores in Laufannensi & Sedunensi Episcopatibus, quam in Genevensi, exorti sunt motus.

Amadeus quidem, Laufannæ Antistes, solenni jurejurando, (q) quod ei præstitit Bertoldus, Ecclesiæ suæ libertatibus utcumque prospexit. At successor Landericus, qui ad Pontificem Romanum provocaverat, & provocationem (r) urfurus iter Romam susceperat, in itinere ab emissariis Imperatoris circa Ann. 1158. captus est. Dimissus Episcopatum deposuit, potestatem, quam Bertoldo IV. dederat Cæsar, indignatus constanter. (s) Rogerius successor Anno 1174. in Procerum Conventu, ut decessores, de Cæsare questus est; quod ille Regalia Laufannensis Ecclesiæ, quæ

(p) SPON. pag. 30.

(q) Juramenti formula legitur in Chartulario Ms. Laufannensis Ecclesiæ Fol. 58. Vide Probationes.

(r) Provocatio hæc respexisse videtur Præfecturam Laufannensis Ecclesiæ, a Cæsare in Bertoldum translata.

(s) STUMPF. Chron. Helvet. Lib. VIII. fol. 594.

penes Cæsarem erant, *Bertoldo* tradidisset. Confessus, cui *Henricus Argent.* Episcopus præfedit, restituenda esse huic Ecclesiæ pristina jura judicavit; expectandum tamen, antequam res decideretur, *Bertoldi* adventum. (t)

Ex *Alexandri III.* Bulla A. 1178. ad Rogerium, *Laufannensem* Episcopum, data, cognoscimus, in Advocatiæ *Laufannensis* Ecclesiæ possessione mansisse *Bertoldum*, ita tamen, ut libertati ejus prospexerit jurejurando, cujus formulam idem Pontifex eadem Bulla probavit. (u) Nihilominus lites cum *Laufannensi* Episcopo sub *Bertoldo V.* ad extinctionem usque *Zaringicæ* gentis, durarunt. Tum vero *Laufannensis* Antistes, Advocatiam ad se devolutam esse arbitratus, solenni Charta (x) prospexit, ne ea in posterum transferretur in alium.

### §. X.

Nec meliora *Bertoldus IV.* in *Sedunensi* Episcopatu *Seduni.* expertus est fata; a *Vallesiis*, Episcopo *Sedunensi* subjectis, ubi jura sua exercere voluerat, Anno 1180. armis repulsus. (y) Hereditarium hoc bellum filio pater reliquit. *Bertoldus V.* enim

(t) Sententiam *Henrici* Episcopi *Argent. A.* 1174. vid. in Cod. Diplom.

(u) Bullam datam *Anagninæ* exhibet Codex Diplom.

(x) Data A. 1219. in Vestibulo *Laufannensi.* Chartular, *Laufann.* Mst.

(y) *SIMLERUS* in *Vallesia* pag. 124.

Anno 1211. cum imperium ejus recusarent Vallesii, exercitu valido, ex Transjuranis & Helvetiis collecto, per Grimsulam (z) montem in Vallesiam descendere decreverat. Vallesii a Transjuranis, qui & ipsi Bertoldo infesti erant, de Rectoris consilio moniti, advenientem cum exercitu magna clade straverunt. (a) Episcopus Seduni tunc fuerat Verinus. Hæc de Bertoldina transactione infelici Anno 1156. cum Cæsare. Redimus in orbitam.

## §. XI.

Bertoldi  
Acta  
varia.

Bertoldus IV. *Dux & Rector Burgundia* Anno 1157. Monasterium Cisterciense Altæ Ripæ a pedagiis & teloniis per totam terram & dominium suum liberavit. Amadeus, Laufannensis Episcopus, Chartam inter testes signavit. (b)

Bertoldus in Italiam Imperatorem secutus, (c) in Mediolanensi obsidione, fractis Mediolanensium viribus, cum Henrico Leone & Friderico, Conradi Imp. defuncti filio, conciliatoris partes

(z) Grimsula, unus ex altissimis Alpium Lepontiarum montibus, in tractu Bernensium Hasli, ubi ad Vallesios transitus.

(a) SIMLERUS loc. alleg. pag. 135.

(b) Ex Chartulario Monasterii Altæ Ripæ.

(c) RADEVICUS de *Gestis Friderici I.* Lib. I. Cap. XXV. GUNTHERUS in *Ligurino* Lib. VII. v. 228

partes suscepit. (d) Composito Mediolanensi bello, dimissus ab Imperatore Bertoldus in Germaniam revertit. (e) Sed rediit anno sequenti; motibus novis Mediolani exortis, & memorabili Cremonæ urbis obsidioni, quæ capta & flammis consumpta est, interfuit. (f) Mediolanenses, Papiensium victores, redituros in urbem, Bertoldus cum Imperatore ex insidiis prorumpens, magna strage affecit. Vexillum suum Bertoldo commiserat Cæsar. (g)

Anno 1160. Bertoldus *Dei gratia Dux & Rector Burgundiæ* literas protectionis Abbatæ Altæ Cristæ, Ord. Cisterciensis in Episcopatu Laufannensi, concessit. (h)

## §. XII.

Eodem hoc anno Bertoldi nostri frater Rudolphus, post Archiepiscopi cædem, Moguntinæ sedis fuit creatus Antistes. Imperator Fridericus I. spreto Rudolpho, Conradum, Otonis Wittelsbacensis fratrem, Archiepiscopum constituit. (i) Bertoldus

Rudolphi  
fratris.

(d) OTTO DE S. BLASIO Cap. II.

(e) RADEVICUS Lib. I. Cap. II.

(f) *Ursperg. Chron.* pag. 219. seq.

(g) OTTO DE MORENA; *Ursperg. Chron.* l. cit.

(h) *Hautcrest*, vulgo *Ocrest*, *Ocré*, duabus turris à *Vevay*, Germ. *Vitis*; Monasterium destructum.

(i) Rem, prout gesta est, narrat DODECHINUS in *Append. ad Marian.*

dignitatem ut fratri servaret, ad Ludovicum VII. Galliae Regem sese convertit, eique auxilia adversus Caesarem obtulit; qui graves tum inimicitias cum Rege alebat, jam jam erupturas in bellum; quod Ludovicus, Victore, cui Caesar adhærebat, relicto, Alexandri III. Pontificis partes fuerat amplexus. (l)

Extant literæ (m) Bertoldi, ad Ludovicum Regem perscriptæ, in quibus Rudolphum, fratrem suum, literarum latorem, Regi commendat, ut ejus & Alexandri Pont. auctoritate, Moguntinae Ecclesiae, quam ei ex peculiari in Zaringos odio eripuisset Caesar, restitueretur. Sed Conradus Wittelsbac. in

*Not.* ad Ann. 1160, 1161, 1162. Anno hoc Imp. in superiore agens Italia, adhibitis Ecclesiae Moguntinae primoribus Conradum Antistitem nominavit, rejecto Rudolpho, posthabito quoque Christiano, quem jam ante Archiepiscopum designaverat. At biennio post, quum in partes Alexandri Pont. transisset Conradus, sede sua ab Imp. pulsus & Moguntina Ecclesia Christiano commendata est.

(l) Ludovicus VII. Galliae Rex Conventui, super Ararim fluvium pro confirmando Victore Anno 1162. indicto, se interfuturum promiserat, sed re infecta discedens, iram Imperatoris in se provocavit. Cf. Epistolæ Frid. I. Imp. apud FREHER. Tom. I. pag. 420. sqq. ROBERTUS DE MONTE ad A. 1163. GODEFRIDUS COLON. ad Ann. 1162. HELMOLDUS *Chron. Sclavor.* Libi I. Cap. XC.

(m) Literas has exhibet DU CHESNE Tom. IV. Epistolar. Num. 377. & FREHERUS Tom. I. pag. 427.

sede Moguntina a Friderico I. Imp. Anno 1162. constitutus & firmatus est. (n)

## §. XIII.

Anno 1161. Hesso Abbas ex Frienisbergenfi Burgundiæ Tenne-  
bac. Mo-  
naster. Helvet. (o) Monasterio progressus, XII. monachorum Ord. Cisterc. coloniam in locum Brisgovia, Hachbergæ Castro vicinum, deduxit, auspice Bertoldo IV. cui apud Helvetios versanti novus hic Cisterciensium placuerat Ordo. Colonia deducta est in vallem, quam rivus *Tennebach* perluit, unde Monasterio nomen.

Enimvero jam aliquot ante annos nobilis vir, Cuno de Horwin, (p) fundum illum cum adjacentibus prædiis vendiderat monachis pro triginta marcis & mulo; in præsentia *Ducis Berhtoldi*, ipso mediante & sigillo suo confirmante; ut notitia illius avi, in tabulario Tennebacensi superstes, nos docet. Traditio autem fundi facta est monachis coram *Marchione Hermanno in Castro Hachberg* Anno 1161. quo notitia illa scripta est, cui Bertoldus Dux, Rector Burgundiæ, suum quoque sigillum

## S 2

(n) SERARIUS de Reb. Mogunt. Lib. V. pag. 564.

(o) Frienisberg, Mons Auroræ, inter Bernam & Arbergam, Monasterium pridem extinctum.

(p) Walterus de Horwen Chartæ S. Petri in Nigra Silva Anno 1112. testis apud SCHANNAT. *Vindem. Liter. Collect.* I. pag. 160.



appendit. Ita vetus traditio, quæ cœnobii Tennebac. initium ad Annum 1158. ponit, (9) conciliatur cum Charta. Vetus Ecclesia, tum exstructa, adhuc superest; at Monasterium Anno 1726. a fundamentis excitatum est novum.

#### §. XIV.

Bellum  
Tubing.

Anno 1164. cum inter Welfonem Bavarum & Hugonem, Palatinum Tubingensem, exoriretur bellum, Bertoldus cum insigni militum manu Welfoni suppetias tulit. Commissum est acre ad Tubingam prælium, in quo Palatinus, multis hostium captis, victor discessit. Indignatus clade filii Welfo pater, collectis undique copiis Bertoldo sese junxit, atque omnes Palatini ditiones ferro & igne delevit. In reditu tamen a Friderico Duce, cum Bohemicis superveniente militibus, cladem accepit. Imperator, re audita, ex Italia, ubi tum erat, in Germaniam reversus, Ulmæ A. 1166. Comitia habuit, in quibus Bertoldus quoque cum Henrico & Welfone, Baviaræ Ducibus, comparuit. Ibi causa cum Principibus deliberata, Cæsar Tubingensi Palatino injunxit, ut injuriam,

(9) Tennebaci ad introitum peristyllii hæc lecta sunt inscriptio:

„ Anno ab incarnat. Dom. 1158. ad laudem Dei omnipot. ac beatiss.  
„ semper Virg. Mariæ Dei genitricis constructum est hoc Monasterium  
„ Porta Cœli, vulgari nomine Tennebach. „ Jo. GAMANSIUS in *Hist.*  
*Bad. Mæt. Cap. XIX.*

Welfoni illatam, captivitate vel exilio lueret. Hugone Neoburgi in custodiam tradito, tranquillitati suæ restituta est Suevia. (r) In ejusdem anni Charta Ottonis Constant. Episcopi, Bertoldus IV. *San-Blasiani Monasterii Advocatus* appellatur. (s)

## §. XV.

Anno 1167. cum Friderico I. Imp. in Italia versatus, <sup>Iter Italie.</sup> Diploma ejus de Marchia Guidonis, concessa Henrico Marchioni, testis omnium Laicorum primus signavit Dux *Bertolfus de Zeringa*, quem sequuntur nomina Tieboldi & Ulrici, Bohemiæ Ducum, & post Principes *Comes Warnerus de Havekesburg.* (t) Datum in Territorio Ariminensi IX. Kal. Maji 1167. (u)

Anno 1168. Alexander III. Papa Episcopo Basil. perscribit, <sup>Ecclef. Basil.</sup> inaudivisse se, quod *Dux B. de Zeringen* ecclesiam cum decimis & curte in *Hagendorf* (x) Monasterio S. Albani Basil. abstulerit. Inde alios phures ejusdem Monasterii spoliatores Papa recenset,

## S 3

(r) OTTO DE S. BLASIO Cap. XVIII.

(s) HERRG. Tom. II. N. 237.

(t) Habsburg.

(u) Apud MURATOR. *Antiquit. Ital.* Tom. I. Dissert. VI. p. 317.

(x) Intelligitur vicus *Hegendorff*, ditionis Salodurensis, de quo LEU in Lex. Helvet. voce *Hegendorf*. URSTISIUS in *Chron. Basil.* Lib. I. Cap. XIV. rem hanc Anno 1160. adscribit.

quos omnes *præter Ducis personam*, devovet diris, & ecclesias, *in Ducatu* illius ac potestate aliorum constitutas, præsertim ecclesiam de Hagendorf, Langelnheim, Uetingen interdictioni submittit.

## §. XVI.

Judicium  
Brigov.

Anno 1169. Bertoldus noster, ut Landgravius Brisgoviae, præfedit Judicio, in quo de jure patronatus ecclesiarum in *Kirchheim, Eimeldingen & Merckt* acriter certatum est. Arrogabant sibi jus hoc Adelgotus, Luipoldus, alique *Viri conditione liberi de Chilheim*. Arrogabat illud Abbatiae suae Steinensi (y) Burcardus Abbas, cui ipse Bertoldus noster, Monasterii hujus Advocatus, se junxit. Judicis tamen severi officio functus contra Abbatem pronunciavit, quod septem idoneos testes pro se Adelgotus & Luipoldus adduxerint (z) In literis his legitur: *Ego Bertolfus Dux & Rector Burgundia*.

(y) Monasterium Steinense, ad oppidum hujus nominis, ab Henrico II. Imp. institutum, lacui Bodamico finitimum. *Crus. Annal. Part. II. Lib. IV. Cap. XI.*

(z) Charta hujus Judicii authentica in tabulario San-Petrinae Collegiæ extat Basileæ. In sigillo cereo, Chartæ appenso, Eques repræsentatur Bertoldus.

## §. XVII.

Quod si Zaringicæ opes sub Friderico I. Imp. in Burgundia Turic.  
imminutæ fuerunt, in Turicensi quoque Alemanniæ Pago, per centia.  
breve spatium, aliquid detrimenti sunt passæ. In Turicensi enim  
Advocatia, Zaringicæ genti hereditaria, Guelfum Bavarie  
Ducem Anno 1165. sub Conrado III. Imp. & Albertum  
Habsburgicum sub Friderico I. A. 1170. Hottingerus annotavit,  
existimans, Bertoldum Zaringicæ Ducem nonnisi A. 1187. rursus  
occurrere. Interruptionem non nego. At A. 1152. Conradus III.  
Imp. jam decesserat, uude Guelfus cum eo heic nequit conjungi.

Sed & Zaringensium in Advocatiam Turicensem restitutio  
jam ante Annum 1187. quem HOTTINGERUS (a) ponit, facta  
est; certa ut nobis documenta persuadent. Bertoldus IV. jam  
Anno 1178. Capitulo Turic. potestatem eligendi Plebanum  
confirmavit. Literas HOTTINGERUS ipse alibi exhibet. (b)

Anno 1185. litem inter Canonicos Turicenses & Plebanum  
de Schwanlingen composuit, hoc titulo usus: „Berchtoldus de  
„Zaringen, Dux & Rector Burgundiæ, & Kastvoet Turegensis  
„Præposituræ. „ (c) Advocatiæ Turic. ergo, a Bertoldis non

---

(a) *Specul. Tigur.* pag. 33.

(b) *Hist. Ecclesiast.* Tom. VIII. pag. 58.

(c) HOTTINGER l. c. pag. 1179.

administratæ, non XXII. annorum, quod Hottingero est visum, sed XII. intervallum definimus.

### §. XVIII.

Varia.

Anno 1170. Friderici I. Imp. Diplomata duo, Curienſe & Beronenſe, Bertoldus *Dux de Ceringe* teſtis ſignavit. (d)

Anno 1171. Arnoldus, Trevir. Archiepiſc. beneficium aliquod Henrici, Comitſ Namurcenſis, Bertholdo *Duci de Cheringa*, & filio ejus Bertholdo, rogante Friderico I. Imp. contulit. (e)

Anno 1173. Bertholdus *Dux Zeringenſis* Chartæ, quam Fridericus I. Imp. dedit Monaſterio Beronenſi, ſubſcripſit.

Anno 1177. Bertoldus ejusdem Imp. reditum ex Italica expeditione, triennio ante ſuſcepta, per Alpes adjuvit. (f)

### §. XIX.

Fribur-  
gum  
Helvet.  
condi-  
tum.

Anno 1178. III. Kal. Aug. Fridericus Imp. a Raymundo Archiepiſcopo coronatus eſt Arelati. (g) Tum vero Bertoldus

(d) HERRGOTT Num. 240. & 242.

(e) HONTHAIM *Hiſtor. Trevir.* Tom I. pag. 603.

(f) OTTO DE S. BLASIO Cap. XXIV.

(g) PETRI SAXII *Pontificium Arelatenſe* in MENCKENII *Scriptor.* Tom. I. col. 263.

noster Rectorem suum Minoris Burgundiae ut redderet firmiorem, in Aventicensi Pago, hodie *Uchtlandia*, condidit Friburgum. Taurinensis tabularii Charta (*h*) Anni 1178. urbem jam tum extitisse nos docet: „ Dominus Bertolfus Dux, inquit, „ Villam, quae vocatur *Friburg*, aedificavit, cujus quarta pars „ in fundo & allodio S. Mariae Paterniacensis sita est. „ *Villam* non veteri Romano, sed novo Franco-Gallorum sensu, (*i*) oppidum, muris ac turribus munitum, Bertoldus exstruxit. Novissimus tamen Historiae Helveticae scriptor, (*l*) Guillimanni, (*m*) popularis sui, chronologiam secutus, Friburgi sui origines nonnisi Anno 1179. assignat.

*Urbis liberae*, (*Freye Burg*) nomen, quod Bertoldus II. urbi suae Brisingoviae dederat, Helveticae quoque suae Bertoldus IV. imposuit. Immunitas, novae urbi data, multos ad incolatum

---

(*h*) GUTCHENON *Bibliotheca Sebiana* pag. 314.

(*i*) *Ville*, urbs, oppidum.

(*l*) Illustris Friburgensium Praetor ALT, in *Hist. Helvet.* Gallice scripta Tom. I. p. 82. PESLERUS in *Hist. Ducum Zaringiae Hannoverische Anzeigen* de Anno 1751. pag. 326. Friburgi Uchtlandiae origines ad Conradi Ducis tempora rejicit.

(*m*) *De Reb. Helvet.* Lib. II. pag. 287. & Lib. III. pag. 9.

allexit. Nulla, præter Ebrodunum, (n) in Pago Aventicensi tum fuit munitio. Romontium (o) situ, non arte, munitum erat.

Extant literæ Bertoldi ad Friburgenses, de immunitate Monasterii Altæ Ripæ, paulo post exstructionem novæ urbis datæ, (p) quibus salutem & *contra hostes victoriam* eis precatur, claro testimonio, Friburgenses ab ipsis urbis suæ incunabulis cum Burgundiæ Nobilibus, Zaringorum hostibus, bella gessisse.

Villingam quoque, Nigræ Silvæ vicum, Bertoldus IV. in oppidum convertisse scribitur. (q)

### §. XX.

Reliqua.

Anno 1180. regnante Friderico Imp. *serenissimo, Friderico Duce Suevorum, Berchtoldo Burgundiæ Restore*, fundatio Domus Hospitalis in Buchse per Cunonem de Buchse, *hominea ingenuum* & suæ potestatis facta, a Bertoldo, Constantiensis Episcopo, instrumento firmata.

---

(n) Yverdon, ad lacum hujus nominis.

(o) Romont, Castrum in rotundo monte positum, caput Comitatus, in quo Castrum Murtena, Morat, Murten.

(p) In tabular. Altæ Ripæ, Ord. Cisterc. in Friburgensi Helvetiorum Pago.

(q) Stumpf. Chron. Helvet. Lib. VII. Cap. XXX.

Anno 1181. Bertoldus IV. donationem, Collegiatae Saloduranæ factam, suo sigillo firmavit, ubi Eques sistitur cum vexillo oblongo & inscriptione: *Berchtoldus Dei gratia Dux & Rector Burgundiæ.* (r) At in Henrici, Episc. Basiliensis, Charta A. 1184. simpliciter Dux Burgundiæ appellatur.

In formula pacis, quam cum Italiæ Civitatibus Constantiæ A. 1183. Fridericus I. Imp. composuit, Bertoldus quoque noster inter testes occurrit; *Dux Zarmone* appellatus corrupte.

## §. XXI.

Bertoldus obiit Idibus Sept. A. 1186. gentilitio sepulcro Bertoldi mors. ad S. Petrum illatus. Elogium ejus extat apud GUNTHERUM in *Ligurino*, (s) ubi eum vocat

- „ Virum magnis spectatum sæpe periclis,
- „ Allobrogumque Ducem, cujus sub jure fatigat
- „ Levis Arar placidas Rhodano quas commodat undas.

Uxorem Bertoldo IV. tribuit ALBERICUS (t) filiam Comitis Hermann de Friburg, ex qua Bertoldum Ducem, & duas filias Uxor & liberi.

## T 2

(r) Tschudi *Hist. Helvet.* Part. I. Lib. I. pag. 90.

(s) Lib. II. v. 411. sqq.

(t) *Chron.* ad Ann. 1168. pag. 351. edit. Leibnit. ubi:

„ Dux iste Bertoldus duxit filiam Comitis Hermann de Friebrure,  
 „ & genuit Ducem Bertholdum alterum & duas sorores. Prima



---

reliquerit. At illo tempore Comites Friburgi nondum extiterant. Urbs a Zaringis condita, nonnisi his extractis suos Comites accepit. Imhofius eam Helwigem de Freyburg vocat, non Comitissam. In Chronico Constant. simpliciter dicitur *Heilwigis*.

Liberos Bertoldi IV. ex conjugē ignota susceptos refert ALBERTUS ARG. (u) Bertoldum V. eum duabus fororibus, quas non nominat, eodem tamen, quo Albericus, modo nuptas perscribit; qua de re infra.

---

„Comiti Huguenoni de Eura in Suevia peperit Conradum - - -

„Secunda Ducis Bertholdi filia fuit Comitissa Kiburg. & plures

„liberos ipsa habuit. „

(u) Chron. pag. 99.



CAPUT

## CAPUT VI.

## BERTOLDUS. V.

AB ANNO 1186. USQUE AD ANNUM 1218.



## §. I.

blato Arelatenfis Regni, proprie ita dicti, <sup>Initia</sup> Reſtoratu, imminuta licet fuerit Zaringiae <sup>Bertol-</sup> di V.

Domus potentia, fatiſ tamen ei ſupererat opum, ut, cumulareſ theſauros. - Perpetua cum Burgundis bella divitiſ comparandi facultatem Coprado & Bertoldo IV. ademcrant. *Divitiſ* elogium Bertoldo V. ſervatum. (c)

Patris ſucceſſor Anno 1187. (b) Turegici Collegii de conſtituendo Plebano Chartas firmavit. (c)

## T 3

(a) SIMLERUS in *Valleſia* pag. 134.

(b) STUMPF. in *Chron. Helvet.* Lib. VII. Cap. XXX. male poſuit A. 1185.

(c) HOTTINGERI *Hiſt. Eccleſiaſt.* Tom. VIII. pag. 58. BLUNTSCHLI *Memorabilia Tigurina* pag. 195.

Bertoldum nostrum, Friderici I. Imp. expeditioni, A. 1188. in Syriam susceptæ, interfuisse scribit GUILLIMANNUS, (d) sed eum cum Bertoldo, Meraniæ Duce, confundit. (e)

In Helvetia non minus, quam apud Germanos & Italos, omnia turbis & factionibus tum plena.

Infitus Bertoldo erat amor justitiæ & nativa quædam severitas, quæ Proceribus Burgundis displicuit, exterum indignantibus Rectorem; cui libera Burgundiæ jura pertinaciter opposuerunt, ab omni Germanorum Imperio se immunes arbitrati; sub specie libertatis exercentes tyrannidem, sed & inter se ipsos semper discordes. Conatus eorum ut Bertoldus reprimeret, Minnodunum (f) & Ebrodunum, (g) loca Romanis jam nota, instauravit; (h) Burgdorfium vicum munivit. (i)

---

(d) *Habsburg.* Lib. VI. Cap. I. pag. 312.

(e) BUNAVIUS in *Vita Friderici I.* pag. 316.

(f) Gall. *Moudon*, Germ. *Milden*. Itinerarium Antonini a Mediolano Moguntiacum per Alpes *Minnodunum*, vel, ut alii Codices habent, *Minnidunum* collocat.

(g) *Tverdon*. Tabula Theodosiana *Ebrodunum* inter Arioricam & Aventicum Helvetiorum ponit. Veteres notitiæ provinciarum ac civitatum Galliæ in Maxima Sequanorum castrum *Ebrodunense*, *Ebriduense*, *Ebrodunense* produnt.

(h) GUILLIMANN. *Habsburg.* Lib. V. pag. 199.

(i) Romanice *Berthou* vocatur. Supra portam oppidi hæc inscriptio olim

## §. II.

Vt autem Burgdorfum inter atque Friburgum, quam <sup>Berna condita.</sup> urbem pater ejus condiderat, constitueret nexum, in peninsulæ colle, quem circumfluens Arola, murus, fossa & propugnacula defenderent, Bernam construxit. Epocham conditæ Bernæ scriptores A. 1191. affigunt. (1) Sub Friderico I. Imp. condi coepta, sub Henrico VI. absoluta; sub Friderico II. qui in urbium Imperialium numerum eam recepit, privilegiis insignibus Anno 1218. munita.

In Vincentiana Bernensium Ecclesia hæc Inscriptio legitur:  
 „ In memoriæ monumentum perpetuæ Berchtoldi V. Zaringiæ  
 „ Ducis fortiss. urbis Bernæ conditoris inclytiss. P. Patriæ illustriss.  
 „ Senatus Bern. G. L. 2. P. MCXCI. Frid. II. Rom. Imp. Ber.  
 „ cond. (m) At Fridericus II. nonnisi Anno 1212. Germaniæ  
 Rex coepit agnosci. Memoriam conditoris sui ad Annum usque  
 1656. in nummis celebravere Bernenses. Bertoldus urbi nomen  
 imposuisse creditur, quod in silvæ destructione occurrerit

---

posita: *Bertholdus Dux Zeringiæ, qui vicit Burgundiones, fecit hanc portam.* WAGNER in *Mercurio Helvetico* pag. 58. *Elat Et Délices de la Suisse* Tom II. pag. 208.

(1) ROLEWINCK in *Fasciculo Temporum*, ad hunc annum.

(m) Vid. WAGNERUS in *Mercurio Helvet.* pag. 49. Auctor Libri: *Elat Et Délices de la Suisse*, Tom. II. pag. 79. vitiose ponit Ann. MCXI.

urfus. (n) Verifimilius est, ex Bertoldi conditoris nomine illud fuisse petutum. Burgdorfium sane, quod & ipse exstruxit, ab ejus nomine *Berthou* Romanica appellatione hodieque vocatur.

### §. III.

Bertol-  
dus eli-  
gendus  
Imp.

Anno 1197. Henricus VI. Imp. ad debellandum Bertoldum nostrum, misit fratrem suum Conradum, Ducem Suevorum, cum exercitu. Sed in ipsa expeditione hac Conradus obiit Durlaci; in Monasterio Loricensi sepultus. (o) Imperator ergo Sueviæ Ducatum alteri fratri suo Philippo concessit, & paulo post mortuus est. Philippus in Hagenoensi Conventu Imperatoriam dignitatem, cujus insignia tenebat in manibus, ambire se prodidit. (p) At Coloniensis & Trevirensis Præsules, ut & quidam

(n) Ita STETTLERUS in *Chron.* pag. 5. Ingeniosior est conjectura Illustris WATTEVILLII *Hist. de la Confédération. Helvet.* Lib. II. pag. 94. qui a voce *Bar* nomen urbis *Bern* derivat. *Bar* locum judicii, prætorium significat. Vid. WACHTERI *Glossar.* Castrum *Nideck*, prope quod Berna fuit extracta, sedes erat frequens Zaringensium Burgundiæ Præfectorum & Judicum. Ceterum Ecclesiam Bernæ Missali & Corporali, gemmis ornato, Bertoldus donavit, ut ex indice Thesauri hujus Ecclesiæ, qui sec. XVI. confectus est, quem Illustris ZURLAUBIUS Tugli possidet, didici.

(o) *Ursperg.* pag. 233.

(p) Philippus in Epistola ad Innocent. III. apud BALUZ. *Registr. Negotior. Imperii* Num. 136. pag. 747.

quidam Episcopi, una cum Henrico, Palatino Rheni, A. 1198. convenerunt Andernaci & Coloniae; vocaverunt Bertoldum Zaringum, ut eum in Regem eligerent. (q) Venit, sed intelligens, Henrici VI. filium, Fridericum, & fratrem Philippum potentiores habere fautores, deliberandi sibi petiit tempus, obsidesque reliquit; (r) reverfurum se die constituto promittens; sed non rediit. Fautores Bertoldi nostri in locum ejus elegerunt Otronem IV. qui ex Pictavis advenit. Bertoldus in Philippi, Sueviae Ducis, partes transivit. Hæc Otto Blasianus, illius temporis scriptor, quibus Urspergenensis nonnulla adjecit. (s)

---

(q) OTTO DE S. BLASIO in *Append. ad Ottonem Fris.* Cap XXXXVI.

(r) NAUCLERUS in *Chronographia*, Generat. XL. fol. 205. scribit, obsides fuisse nepotes ex sorore Bertoldi Agnete, Comitis Uracensis uxore, quorum nomina Cuno & Bertoldus, qui se denique redemerint. Addit, Cunonem dein factum esse Abbatem Cisterciensem, inde Cardinalem Portuensensem. Bertoldus autem factus est Abbas in Lützirach (in Tennebach.) In captivitate eos promississe ait Nauclerus, ad monasticam vitam se ituros, quum ad libertatem redierint.

(s) En ejus verba: „Bertoldus Dux Zaringiae tunc denominatus fuit in „Regem, non propter hoc, quod iustus posset esse videri, aut „diligere veritatem, - sed propter hoc, quia pecuniosus videbatur, „cum esset avarissimus & omni iniquitate plenus. „Ita Urspergenensis, faventior Gibellinis. Paulo post addit: „Attamen cum praefatus Dux „Zaringiae diffidere coepisset de expensis, ad obtinendum Imperium

GODEFRIDUS COLONIENSIS; (t) synchronus quoque testis, tradit, in eo fuisse Principes factionis illius, ut opus electionis Andernaci pro Bertoldo perficerent, quum nuntius illis esset allatus, cum Philippo transegisse Bertoldum, XI. mille marcis argenti in præmium a Philippo acceptis. Princeps, impensarum in rem dubiam pertæsus, (6000. marcas enim jam impenderat) factioni suæ, quæ debilior fuit, diffidens, Philippum, terris suis vicinum, veritus, a consilio suscepto destitit. (u)

---

„ necessariis, rediit ad gratiam Regis Philippi, acceptique ab eo  
 „ beneficia, quæ sibi conferri curavit, & hominum sibi fecit &  
 „ fidelitatem & vades &c. Adde CONRADUM DE FABARIA de *Casibus*  
*Monasterii S. Galli* Cap. VII in GOLDASTI *Scriptor. Rer. Alamannicar.*  
 pag. 79.

- (t) Anno 1198. ubi rem ita enarrat: „ Colonienfis & Trevirensis Duci  
 „ Bartolfo de Zaringon fidem fecerunt; quod ipse repatrians exercitum  
 „ secum duceret, & statuto sibi die Andernacum rediret, enim ibi  
 „ remota omni dubitatione Regem crearent. Hoc & ipse promisit &  
 „ iuravit & insuper obsoles dedit. Designato igitur die cum apud  
 „ Andernacum ab Episcopis & omni multitudine cum apparatu & desiderio  
 „ maximo expectaretur, ecce rumor pessimus & ejus ignavie dignus  
 „ intonuit, ipsum scilicet cum Duce Sueviæ concordasse, & ut ipse  
 „ regno & electioni renuntiaret, XI. millia marcarum & Ducatum ab  
 „ eo accepisse. FREHER. *Scriptor.* Tom. I. pag. 363. edit. post.
- (u) Philippus in Regem electus ad Innocentium III. Pontificem ipse ita scripsit: „ Berchtoldus pro electionis negotio plus quam sex millia

## §. IV.

In literis, quas Principes Imperii, qui Philippum Philippo Suevo adheret. elegerant, ad Pontificem Innocentium III. scripserunt, post Regem Bohemiæ, ante omnes alios Duces, *Dux Zaringia & Rector Burgundiæ* signavit; eumque Saxonie, Austriæ, Meraniæ Duces sequuntur. (x)

Pontifex in epistola, ad Bertoldum nostrum, hac super re data, ei persuadere conatur, ut desertis Philippi partibus, Ottoni adhæreat: „Cum & tu, inquit, nobis sæpe per literas „tuas duxeris suggerendum, ut eidem Duci (Philippo) „nullatenus faveremus. „Hæc est memorabilis illa *Decretalis* epistola, in qua Innocentius III. Regem electum in Imperatorem promovendi jus sibi arrogat. (y) Extant & aliæ epistolæ, vivo

V 2

---

„marcarum expendit. Qui cum post multam hanc expensam in negotio „processum optatum habere non posset, ipse tanto labori & futuris expensis „se subtrahens ab incepto negotio contulit. „Conf. BALUZII *Registr. de Negotio Imp.* num. 136. pag. 747.

- (x) BALUZII *Registr.* num. 61. Add. aliæ literæ Principum ad Pont. num. 14. ejusdem fere tenoris, in quibus Zaringie quoque, Ducis inter Proceres, Philippo adhærentes, mentio fit.
- (y) BALUZII *Registr.* num. 62. pag. 715. Excerpta inde sunt ea, quæ *Decretalium* Lib. I. Tit. VI. Cap. XXXIV. leguntur. *Decretalis* hæc ad Bertoldum V.



Philippo, & post cædem ejus, ad Bertoldum directæ, in quibus studiose id agit Pontifex, ut Bertoldum amplectendas Ottonis IV. partes permoveat. (z) Philippo tamen adhærere Bertoldus non destitit, ne falleret fidem, metuve compulsus; animo licet forsitan adhæserit Ottoni. Innocentium eundem in aliis ad Bertoldum literis audiamus: (a) „ Meminimus, nos olim tuæ Nobilitatis „ literas recepiſſe, quibus nos monebas humiliter, & efficaciter „ inducebas, ne nobili viro, Philippo, Duci Sueviæ, super facto „ Imperii præſtaremus aſſenſum &c. Nos autem ex his „ intelleximus mentem tuam, videlicet, quod eſſi ei favere forſitan „ tum propter ejus potentiam, tum propter vicinitatem & alias „ circumſtantias vidgeris, ipſi tamen animo non favebas &c.

## §. V.

Bertoldi  
acta  
varia.

Anno 1208. Rudolphus Comes de Thierſtein Monafterio Frienisbergensi nonnulla donavit, *Ducatum Burgundiæ regnante Berchtoldo.* (b)

---

haud dubie ſcripta fuit, uti ex Baluzio patet, licet Decretalium Codices, alii Zerangiæ, ſeu Zaringiæ, alii Laringiæ, alii Saringiæ, alii Carinthiæ habeant.

(z) BALUZ. *Regiſtr.* num. 98. 158. 171.

(a) Ibidem num. 43. pag. 707.

(b) Codex Diplom. noſter.

Eodem anno Advocatiam Abbatiae S. Galli, Philippi Imp. morte vacantem, ambivit Bertoldus, pro se & descendentibus suis, si quos habiturus esset. Pro dignitate hac obtinenda, Monasterio quatuor millia marcarum argenti obtulit. At Ulricus Abbas, Ministerialium, nimiam Ducis formidantium potentiam, consilio usus, ejus petitum rejecit, quod CONRADUS DE FABARIA (c) improbat.

Otto IV. Imp. Anno 1209. Augustae Vindelicorum instituit Conventum, cui *Dux de Ceringe* interfuit. (d) Eodem Ottone deinceps Romae diris devoto, Bertoldus ejus partes deferuit. (e)

Idem Abbatiae Turicensi privilegia antiqua Anno 1210. ut Advocatus firmavit. (f) Seldenis quoque in Nigra Silva Monasterii Advocatiam ad Bertoldum V. pertinuisse, San-Petrini tabularii Acta me docuerunt.

## §. VI.

Postremis vitae suae annis Aulae Romanae gratia excidit Bertoldus; quod Friderico II. Imp. quem Ottoni IV. opposuerat Pontifex, haud favit.

Aulae  
Romanae  
displicet.

## V 3

(c) *De Casibus Monasterii S. Galli* Cap. VIII.

(d) ARNOLDVS LVBEK. in *Chron. Slavor.* Lib. VII. Cap. XX.

(e) ALBERICI *Chronicon* ad A. 1210.

(f) HOTTINGERI *Specul. Tigur.* pag. 257.

Anonymus scriptor Vitæ B. Hugonis Ord. Cisterc. haud diu post vivens, (g) narrat, ægre tulisse Bertoldum Duce[m], quod Bertoldus, Tennebaci Abbas, qui nepos ex Agnete, forore Ducis, fuisse videtur, Monasterii sui causa iter Romam suscepit. Abbas, Roma redux, declaravit avunculo, in Pontificis Aula sinistros de eo se audivisse sermones. Quin & in Comitum Egenonem de Urach, Bertoldi V. heredem, se aluisse *rancorem*, Fridericus II. Imp. (h) professus est.

### §. VII.

Morsejus  
& mores.

**O**biit Anno 1218. (i) Bertoldus Friburgi Brisgovie.

Virtutes ejus, præsertim justitiam, extollit Stettlerus, omnibusque eum præfert Bertoldis. Nimis parsimonie tamen a scriptoribus non sine ratione accufatur, quæ in negotio electionis ejus ad folium Imperiale apparuit. Promiserat multa.

(g) Cujus excerpta Codex Diplom. exhibet.

(h) In Charta A. 1219. Vid. Cod. Diplom.

(i) D. XIV. Febr. SATTLERI *Chron. Friburg.* pag. 23. In *Chronico Colmar.* ab initio legitur: „Natus est (Rudolfus Habsb.) de progenie Ducis „Zeringie Anno 1218. Cal. Maji, eodem scil. anno, quo Dux Zeringie „viam carnis ingreditur universæ. „In *Annal. Colmar.* ad Ann. 1218. brevius: „Dux Zeringie Bertoldus obiit. „ALBERT. ARG. *Chron.* pag. 99. anno huic addit diem Cal. Maji.

Duos fororis filios Coloniae Agrippinae in custodia praedes reliquit. At mox eum poenituit promissi. Mortuo Bertoldo Laufannensis Episcopus gravi investiva eundem, „rapinas, incendia, homicidia „lesiones, membrorum mutilationes non solum in Laicis, sed „in Clericis & Sacerdotibus exercuisse, nec malitiae suae meritis „filium vel filiam reliquisse „scripsit. (l)

## §. VIII.

Lapidea Bertoldi V. loricati sex pedum statua (m) in Status Bertoldi. Basilicae Friburgensis Brisgoviae navi haud procul a baptisterio hodieque extat. Ea primitus lapidi sepulchrali, supra pavementum eminenti, imposita jacuit. (n) Cum autem hic seculi XVI. initio

- (l) Charta Ann. 1219. Vid. Cod. Diplom. ALBERICVS in *Chron.* ad Ann. 1218. pag. 489. ait: „Mortitur Bertholdus, de cuius interitu & damnatione „multa referebantur audita horribilia.

Cum Bertoldo V. æmulorum quoque Ducatus Carinthiae seriem concludit ERASMVS FROELICH in *Archontologia Carinthiae* pag. 4. qui *Zaringia* Ducum nomen a Bertoldis nostris pro *Carinthia* usurpatum fuisse credit, ut jus suum in Ducatum hunc sibi constanter servarent. Vide supra Lib. II. Cap. I. pag. 44.

- (m) MÜNSTERVS *Cosmograph.* Lib. III. Cap. 266. ait: „Fuit Princeps magnæ „statuæ, id quod indicant indumenta ejus ferrea, quæ mihi Bernæ „in armamentario sunt ostensa. „
- (n) SATTLERVS *Freyburg. Chronic.* pag. 23. KIEFFERVS de *Habsburgo-Austriaca Domo* pag. 145.

ad altare majus reparandum adhiberetur, statua inde ablata in loco, ubi jam vifitur, reposita eft. Sepulcro aperto, corpus integrum repertum fuiſſe, Friburgenſium traditio eft. Statuæ baſi, translationis tempore, hæc inſculpta Inſcriptio eft:

BERCHTOLDUS V.  
ULTIMUS ZAERINGIAE DUX  
XIV. FEBRUARII ANNO MCCXIIX.  
CUJUS OSSA SUB HAC STATUA  
IN CRYPTA LAPIDEA  
REQUIESCUNT.

In monumento ſepulcrali verſus hos olim lectos fuiſſe reſert  
SIMLERUS: (o)


„ Dum bis ſexcentis ter ſenus jungitur annus,  
„ In Friburg moritur Berchtoldus Dux Alemannus.

Thorax & arma Bertoldi hujus in Bernenſium armamentario  
hodieque cuſtodiantur. (p)

§. IX.

(o) In *Valleſia* pag. 135.

(p) *Deliciae urbis Bernæ*, Cap. XIX. pag. 337.



*Statua VII. pedum et VI. pollic.*



## §. IX.

**D**e matrimonio Bertoldi mirus est juniores inter scriptores <sup>Uxores fabulose.</sup> diffensus; rara enim ejus apud veteres mentio.

GUILLIMANNUS (q) & LAUFFERUS, (r) uxorem ei ex Comitibus Vohburgi Bavarie, NAUCLERUS (s) ex Kiburgica Domo assignant. Hunc STUMPFUS, (t) STETTLERUS (u) & WALDKIRCHIIUS (x) sequuntur. Waldkirchius anonymam superaddit, quæ præcesserit Kiburgicam. DROLLINGERUS (y) ejusdem sententiæ est, atque priorem appellat Mechtildem; posterior ei dicitur Agnes. Fama de Kiburgica conjugē inde prognata, quod Kiburgensis Ulricus Annam, sororem Bertoldi V. duxit uxorem. At in alia omnia discedit PISTORIUS, (z) qui nec Vohburgicam, nec Kiburgicam, sed Bononiensem Comitissam Idam, Gerhardi, Comitis Geldrie, viduam, Bertoldo V. conjugem

(q) *Res. Helveticæ*. Lib. II. Cap. XIV. & Lib. III. Cap. VIII.

(r) *Geschichte der Schweizer* Tom. III. pag. 9.

(s) *Cron.* Part. II. fol. 184.

(t) *Chron. Helvet.* Lib. VII. Cap. XXX.

(u) *Cron. Uchtland.* Lib. I. fol. 3. & 5, ad Ann. 1191.

(x) *Eidgenoss. Hist.* pag. 120.

(y) *Lex. Basil. Hist.* in voce *Zähringen*.

(z) In *Tabula Genealog.* ad *Chron. Constant.* apud PISTORIUM.



adscribit, nullo teste adducto. Non equidem diffiteor, *Aquicinctinum Auctarium*, quod Anselmo Gemblacensi, Sigebertino Continuatore, subjunctum, vel interpolatorem ejus, (a) hoc tradere conjugium. En verba Auctarii: „Gerardus Comes de Gelra Idam, filiam „Matthæi & Mariæ Comitissæ Boloniensis, duxit uxorem, & „brevi post mortuus est. „Additur dein ad Ann. 1183. „Idam „prædictam, filiam Matthæi Comitis, Boloniæ Comitissam, „Bertoldus Dux de Saringes duxit uxorem.„ Matthæus Comes, Idæ pater, filius erat Theodoricæ, Flandriæ Comitis, frater Philippi, qui in eodem Comitatu patri successit. Duxit Matthæus uxorem Rummefiensis Monasterii Abbatissam, Mariam, (b) filiam Stephani, Regis Angliæ, A. 1154. & cum ea accepit Comitatum Bononiæ; (c) ex quo matrimonio prodiit Ida, quam Bertoldo nostro Aquicinctinus assignat uxorem. Sententiam hanc quoque sequitur PONTANUS. (d) OLIVAR. VREDIUS (e) autem, res Flandricas ex ipsis scriniorum fontibus illustrans, hoc ignorat matrimonium, postque Gerhardum, Geldriæ Comitem, Idæ maritum tribuit Reginaldum, Domni-Martini

---

(a) Ad Ann. 1181. & 1183. apud MIRÆUM & PISTOR. *Rev. Germ.* Tom. I.

(b) MEJERI *Annal. Flandr.* Lib. V. pag. 56.

(c) VREDIUS Probat. Tab. III. pag. 73. & 221.

(d) *Hist. Gelric.* Lib. VI. pag. 113.

(e) *Genealogia Flandriæ Comitum* Part. I. Tab. VII. pag. 223.

Comitem, quem ab A. 1192. usque ad A. 1212. cum Ida vixisse conjugē plura illius ævi documenta apud Vredium demonstrant. Quodli ergo Ida nupsit Bertoldo, brevissimi modo temporis conjugium fuit; quod Bertoldus V. A. 1218. moriens, Clementiam Burgundicam, non Idam Bononiensem; reliquerat viduam. Unde mors Idæ in A. 1210. incidere non potuit, quum ea A. 1212. adhuc conjux fuerit Reginaldi. Verum omnino suspectum mihi est Idæ cum Bertoldo nostro conjugium. Auctarii Aquicinctini de Bertoldo verba a juniore quadam manu adjecta esse videntur.

## §. X.

Quum itaque nec Mechthildis, nec Agnes, nec Ida, ut <sup>Uxor vera.</sup> certæ uxores Bertoldo V. possint adscribi, certissimam ei daturus sum conjugem, quam nullus scriptorum, at dux Chartæ regales ei diserte assignant; in quibus Clementia Burgundica, Stephani, Aufonæ Comitis & Beatricis filia, (*f*) vidua Bertoldi V. vocatur. (*g*) Hic minoris Burgundiæ Castrum Burgdorf & alia illius tractus

## X 2

- 
- (*f*) Genealogiam ejus dedit DU CHESNE *Histoire de Bourgogne* Lib. IV. Cap. XXVI. pag. 548. GOLLUT. *Memoires Sequanoises*.  
 (*g*) Eruditam Dissert. de Beatrice hac dedit PETRUS FRANCISCUS CHIFLETIUS, cui Tit. *Lettre touchant Beatrix Comtesse de Chalon* 4. Dijon. 1656. Adde *Histoire de la Ville de Chalon sur Saone* Tom. I. p. 306. Beatrix heres fuit Guillelmi II. Comitis Chalonii ad Ararim.

bona in dotalitium ei destinaverat. Sed mortui Bertoldi sororius, Egeno de Urach, Castrum & omnes dotalias Clementiae terras occupavit, eamque in captivitatem abduxit. Sexennio post <sup>(h)</sup> Henricus VII. Romanorum Rex, Bernae in judicio sedens, „ Clementiam in possessionem Castrum Burcdorf & omnium bonorum „ quae divae memoriae Bertoldus, Dux Zaringiae, ei contulit, „ mittendam decrevit. <sup>(i)</sup> At Egeno sententiam Regis contempsit. Post undecim enim annos <sup>(j)</sup> Stephanus, Clementiae pater, in Moguntinis Comitibus Fridericum II. Imp. adivit, petiitque ab eo, ut filiam captivam liberaret, Castrumque Burgdorf cum reliquis bonis Clementiae tradijuberet. Caesar pro Clementia pronuntiavit. Quem effectum sententia habuerit, non liquet. Id liquet, quod ab A. 1218. ad A. 1235, adeoque per totos XVII. annos Clementia fuerit captiva, adeoque dotalitium ejus omne per tempus illud usurpaverit Egeno, Comes Friburgi, Zaringicarum in Brisgovia terrarum heres. Memorabiles has Zaringicae historiae circumstantias binae illae Chartae nos docent, quas ex chartophylacio Dolensi Comitatus Burgundiae Chiffletius, ut ostendi, produxit. <sup>(m)</sup>

---

<sup>(h)</sup> Ann. 1224.

<sup>(i)</sup> Verba sunt sententiae ab Henrico VII. latae apud CHIFFLETIUM I. c. p. 113.

<sup>(j)</sup> Ann. 1235.

<sup>(m)</sup> *Lettre sur Beatrix* &c. pag. 97. & 113.

## §. XI.

Ab uxoribus transimus ad liberos. Bertoldo V. pueri duo <sup>Filii.</sup> a scriptoribus junioris ævi tribuuntur, Bertoldus atque Fridericus, (n) quem alii Conradum appellant. Bertoldum A. 1208. adeoque decennio ante mortem filiis caruisse, ipse hoc professus est anno, quo Advocatiam Abbatiae S. Galli ambivit. (o) Quod si ergo filios habuit, necesse est, eos intra decennium hoc natos fuisse & mortuos. Ducentis post Bertoldi V. mortem annis reperti sunt scriptores, qui eum filios habuisse, hosque ante patrem mortuos, & quidem venenis interemptos tradiderunt; de veneficii modo tamen inter se discordes.

## §. XII.

Sunt enim, qui prodant, Nobiles Burgundos Zaringicis <sup>Variae de illis opinionones.</sup> pueris propinasse toxicum, & potione matrem eorum reddidisse sterilem, ut Zaringica, quam oderant, extingueretur familia.

Sunt, qui ipsam puerorum matrem; sunt, qui Agnetem novercam ad committendum hoc in privignos facinus a Burgundis

X 3

(n) Ita eos vocat GUILLIMANNUS *Rev. Helveticar.* Lib. II. Cap. XIV. & Lib. III. Cap. VIII.

(o) CONRADUS DE FABARIA *de Casibus Monasterii S. Galli* Cap. VIII. scribit:  
 „ Hoc pacto, ut Advocatiam sibi suoque heredi filio & non alii, si forte  
 „ filium, quem tunc non habuit, acquisivisset. Conf. supra §. V. pag. 157.

corruptam arbitramur. Omnes facinoris theatrum constituunt Salodurum, annumque 1217. rei gestæ assignant.

Tragediæ primæ subjicitur secunda. Bertoldus, intellecto uxoris suæ facinore, eam gladio punivit, ejusque caput eodem cum pueris loculo in Basilica S. Urli & Victoris condidit; cujus ecclesiæ chorus cum A. 1544. repararetur, ossa puerorum cum capite matris reperta dicuntur in eodem sarcophago; quæ se vidisse scribunt Munsterus & Stumpfius. Tam diversæ sunt de re dubia narrationes.

Equidem primam veneficii mentionem apud CONRADUM JUSTINGERUM, Archigrammateum Bernensem, reperio; qui A. 1420. Reipublicæ jussu Historiam Uchtlandiæ conscripsit. (p) Hic Burgundiæ Nobilitati soli attribuit facinus, filetque matrem & novercam; de cetero rem vulgi rumoribus traditam esse professus.

Narrationem hanc STUMPFIIUS, (q) MUNSTERUS, (r) CRUSIUS, (s) VIGNIERIUS, (t) STETTLERUS, (u)

---

(p) *Helvetische Bibliothek* Part. IV. pag. 26. Justingeri Chronicon, nondum typis impressum, Tiguri Bernæque inspexi.

(q) *Chron.* Lib. VII. Cap. XXX.

(r) *Cosmograph.* Lib. III. Cap. CCLXVI. aliter Cap. LXXII.

(s) *Annal. Suevicor.* P. II. L. XII. pag. 505.

(t) *Chronicon Burgund.* pag. 143.

(u) Ad A. 1191. *Uchtland. Chron.* Lib. I. p. 5.

GUILLIMANNUS, (x) HAFFNERUS (y) secuti sunt; folisque Nobilibus veneficium adscribunt. (z) TSCHUDIUS (a) autem, WALDKIRCHIUS, (b) DROLLINGERUS, (c) & rerum Zaringicarum Epitomatores DILLIUS (d) & PESLERUS (e) novercam criminis complicem reddunt.

Iustingero cautior fuit HENRICUS LUPULUS, (f) Canonicus Bernas, Chronici quoque Bernensis non editi seculo XV. auctor, qui nullam plane filiorum Bertoldi nostri facit mentionem. „Ea tempestate (inquit) Berchtoldus Dux illustris Zaringiae

---

(x) *Rev. Helveticar.* Lib. II. Cap. XIV. & Lib. III. Cap. VIII. & *Habsburg.* Lib. VI. Cap. II. pag. 343.

(y) *Solothurner Schatzplatz* Part. I. pag. 291. & Part. II. pag. 35.

(z) FELIX FABER in *Hist. Suevorum* Lib. I. Cap. XIX. filios nonnisi post mortem patris a Nobilibus veneno sublato esse scribit.

(a) *Chron. Helvet.* Part. I. pag. 115.

(b) *Eidgenössische Historie* pag. 120.

(c) In *Lexico Basil. Histor.* voce *Zaringen*.

(d) In OKTERTI *Sammlung Histor. Nachrichten* num. XXIV pag. 375. Amplif. Dillii, Confiliarii Bada-Durlac. strenui rerum Badensium indagatoris, Synopsis, solide scripta, Peslerianæ præferenda.

(e) *Histor. Ducum Zaringie* in *Hannoversche gelehrte Anzeigen* A. 1751. p. 127.

(f) Vernacule *Wülflin*, cujus Chronici Codicem, manu exaratum, in Bibliotheca publica Turicensis Civitatis vidi.

„ claruit, hujus clarissimæ sobolis ultimus. Nam illius fatalis ab  
„ humanis migratio inclytam hujus nominis prosapiam, stirpe  
„ truncata, restinxit.

Stettlerus narrat, ossa puerorum holoserico fano involuta cum ossibus novercæ reperta, certis ostendisse indiciiis, quod fuerint ossa filiorum Bertoldi; sed indicia non exprimit. Nec exprimit ea Stumpsius, qui A. 1544. ipse ossa conspexit; nec, qui biennio post idem vidit sepulcrum, Munsterus. (g)

Salodurensum Archigrammateus, H A F F N E R O S, in Chronico A. 1666. edito de repertis puerorum ossibus filet; annotasse contentus, illa retro altare majus in deaurata theca servari. At si olim servata fuerint, nostris diebus non amplius servantur: Equidem repetitis in Helvetiam itineribus (h) Urfanam Ecclesiam ejusque thesaurum ac bibliothecam Saloduri inspexi. Nulla ibi Zaringorum ossa occurrunt.

### §. XIII.

---

(g) *Cosmogr.* L. III. Cap. LXXII. ubi hæc scribit: „Minor puer, quantum  
„ ego ex visis ossibus judicare possum, fuit sesqui aut duorum annorum,  
„ major autem novem vel decem annorum.

(h) A. 1744. & 1758.

## §. XIII.

Filios habuisse Bertoldum, qui tenera ætate Saloduri mortui fuerint atque in San-Urfana sepulti Ecclesia, non temere negandum. Potuerunt illi nasci post A. 1208. quo Bertoldus adhuc fuerat improlis, & An. 1217. morte naturali defungi. Nec nego, ossa eorum A. 1544. fuisse reperta. At veneficium, ob circumstantias minime verisimiles, excludo.

Sentent.  
nostra.

Enimvero qui fieri potuerat, ut tam illustis, tam potentis familiæ interitus, tot tragicis circumstantiis comitatus, a seculorum XIII. & XIV. scriptoribus præteriretur silentio? Nihil hac de re Jo. Vitoduranus, nec Conradus Ursperg. nec Dominicani Colmar. Nec Albertus Argentinensis. Clementia, quam Bertoldo, marito suo, superstitem fuisse, duabus Chartis ostendi, annon famam de veneficio & supplicio novercæ omnino evertit? (i)

Res tam digna memoratu, ducentos per annos ignorata, unde junioribus innotuit? Quam parum simile vero est, novercam, quæ ipsa cum marito nullos liberos suscepit, destructuram privignos, ex quorum decessu nulla ad eam redundaverat utilitas.

---

(i) Tsemundus novercæ corpus sub patibulo sepultum, caput autem cum corporibus puerorum in sepulcro reconditum fuisse, existimavit.



Ad temeraria judicia quam pronum est vulgus, magna ubi concidit Doinus. Berna, contra Nobilium injurias nuper exstructa, defensoribus privata Zaringis, finitros rumores eo facilius arripuit, quod nascenti huic urbi vindictam in Nobiles commendasse Bertoldus jactabatur.

Urbs potens Transjuranae Burgundiae Nobiles, cum pedetentim evertisset, atque adeo ruinis eorum suam superstruxisset potentiam, Zaringicis manibus justa perfolvit. Absona porro apud Saloduranos traditio est, ab eo tempore, quo uxor Bertoldi suos privignos occiderit, municipalem ibi legem fuisse latam, ne mater heres esset liberorum. Lex aliis quoque locis recepta.

In Saxonico (*l*) & Suevico (*m*) Speculis patris tantum, non matris, fit mentio, ubi de liberorum mortuorum hereditate est sermo. (*n*)

Burgundica lex nec matri, nec patri prospicere videtur. (*o*)

STUMPFIIUS, qui veneficii crimen Nobilibus solis adscribit, originem hanc Saloduranæ legis solide confutat. (*p*)

(*l*) Lib. I. Art. 17.

(*m*) Cap. CCLX.

(*n*) Idem fit in Statutis Argentinensibus; sed æqua interpretatione ad matrem quoque extenditur.

(*o*) Tit. XIV. §. II.

(*p*) *Chron. Helvet. Lib. VII. Cap. XXX.*

WATTEVILLIANA SERIES  
ZARINGIÆ DUCUM.

§. XIV.

**G**enealogicus Bertoldorum, Zaringiæ Ducum, quem exposui, <sup>Watte-</sup>  
ordo Chartarum & Historicorum certa ac indubitata <sup>villi</sup>  
<sup>systema</sup>  
stat fide. <sup>Zaring.</sup>

In alia tamen omnia haud ita pridem discedere visus est Illuſtris WATTEVILLIUS, Rerum Helveticarum florentissimus Scriptor, in Bernensium Republica dignitate ac multis meritis conspicuus, non uno mihi nomine carus, qui labores nostros genere & liberaliter juit. Hic enim non modo Bertoldum I. ex Zaringico stemmate plane expungit, sed & Bertoldum II. ita disponit, ut a Transjuraniſ Burgundiæ Regibus Rudolphis ejus genus derivet. Pro Bertoldo I. Rudolphus quidam Dux, Conradi, Regis Transjurani, frater, Domus Zaringiæ constituitur sator. Marchiones Badenses autem a Bertoldo I. Carinthiæ Duce, Landoli, Comitis Habsburgici, filio, ita derivantur, ut cum Zaringiæ Ducibus nullum habeant nexum. (q)

Y 2

(q) Systema suum WATTEVILLIUS exposuit in scripto, cui Tit. *Lettre sur l'origine des Ducs de Zaringuen*, quod legitur in Diario: *Mercur Suisse* A. 1746. mense Septembr. pag. 230. Adde Ann. seq. ubi scripta erifica.

## SCHEMATIS WATTEVILLIANI

forma hæc est:

RUDOLPHUS II. Rex Burgundiæ Transjuranae † 937.

CONRADUS Rex Burgundie † 993.	RUDOLPHUS III. Ignavus † 1032.	Burckardus Archiep. Lugd.	RUDOLPHUS Dux memoratus in fundatione Patern. Monast. circa A. 966. apud Guichenon. <i>Biblioth. Seb. p. 25.</i>
-------------------------------	--------------------------------	---------------------------	--

BERTOLDUS Comes, qui Chartam Rudolphi III. Regis An. 1016. firmavit apud Guichenon. *Histoire de la Savoye* Tom. III. pag. 3.

RUDOLPHUS Comes, qui cum Bertoldo Comite conjunctim occurrit in ejusdem Regis Charta \* A. 1014. apud Guichenon. loco alleg. pag. 2.

BERTOLDUS II. Dux Zaringiæ idem, qui cum Rudolpho patre memoratur in Diplomate Ann. 1076.

CONRADUS Rector Burgundiæ.

BERTOLDUS III. Dux Burgundiæ.

BERTOLDUS IV. Zaringensium ultimus.

## §. XV.

Præcipuum novæ hujus Genealogiæ fundamentum ex <sup>Examen</sup> Charta An. 1076. deducitur, qua Rueggisbergenfi minoris Burgundiæ Monasterio donatio facta est *per manum Bertholfi Ducis*, interveniente patris *Rodolfi Ducis* auctoritate. Inseritur hinc, patrem & filium ex Burgundiæ Regum sanguine cretos, Zaringensium Burgundiæ Ducum extitisse factores.

Verum enimvero Charta hæc non unum ex Burgundiæ Regum profapia sed Rudolphum illum, Rheinfeldæ Comitem, intelligit, qui ex Comite non modo Dux Sueviæ, sed & Burgundiæ, ex Duce Anti-Cæsar creatus, filium quoque habuit Bertoldum, in juvenili ætate A. 1090. sine prole defunctum. (r) Hic pater, hic filius in Charta Rueggisbergenfi intelliguntur.

Reçtoratum hunc Burgundiæ, a Rudolpho Suevo administratum, non observarunt juniores.

## Y 3

- 
- (r) WALTRAMUS NAUMBURG. *de unitate Ecclesiæ* Lib. II. Cap. XXXVI. ad A. 1090. „ Bertolt filius Rudolfi, Regis quondam Saxonum, „ in ipso juventutis suæ flore defunctus est. „ Apud FREHER. „ *Scriptor. Rer. German.* Tom. I. p. 309.

Burgundiam tamen ab Agnete Imperatrice regendam accepit Rudolphus noster, ut WALTRAMUS NAUMBURGENSIS testis illius ævi, nos docet; (s) ideoque a scriptoribus nunc Sueviæ, nunc Burgundiæ Dux dicitur, (t) atque cum filio Bertoldo, vel ut Advocatus Monasterii, cui donatio fiebat, vel ut Burgundiæ Dux, in Charta memoratur. (u) Hic autem ex Alemannico sanguine, non ex Burgundico, prodiit. Acta Murenſia Cunonem ei patrem assignant.

Rudolphus ergo ille, Conradi, Burgundiæ Regis, frater, apud Guichenonium memoratus, mascula sine prole decessisse dicendus est. Ex tamen filium ei Wattevillius assignat Bertoldum Comitem, eumque patrem facit Rudolphi cujusdam Comitis, quos ambos Guichenonianæ Chartæ A. 1014. & A. 1016. Comites simpliciter nominant. Quo autem indicio patet, Bertoldum illum Comitem habendum esse pro filio Rudolphi, Burgundiæ Ducis, &

---

(s) Loco alleg. Cap. XVI. scribit: „Tum quidem erat Rudolphus Dux „Suevorum, cui etiam dederat Hagna Imperatrix *cum Regno*, „*Burgundiæ* filiam suam in conjugium.

(t) SIGEBERTUS GEMBLAC. ad An. 1077. eum *Ducem Burgundionum*; CONRADUS URSBERG. ad A. 1075. *Alemannia atque Burgundia Ducem* appellat.

(u) Ipse Henricus IV. Imp. in Charta alleg. donationem *per manum* Rudolphi Ducis fecisse se dixit.

patre Rudolphi Comit. An ideo filius est dicendus Bertoldi, quod in Diplonate A. 1014. Bertoldo subjungitur, nulla addita nota?

In alia sane Charta Laufannensis Ecclesiae A. 1009. Rudolpho Comiti Bertoldus subjicitur Comes. Hi duo cum aliis Burgundiae Proceribus Rudolpho III. Regi donationem suaserunt; non autem ut Regii sanguinis Principes in eam consensisse dicendi sunt, quod novi systematis auctor existimat.

### §. XVI.

Sunt & præter hæc alia, quæ huic hypothefi obflare videntur. Rationes contrarie.

I. Num verifimile est, unum eundemque Rudolphum fuisse, qui A. 1014. *Comes*, A. 1076. *Dux* appellatur, quod intervallum LXII. annorum est?

II. Num Rudolphus Burgundus dici potest pater Bertoldi II. Zaringie Ducis, quem Bertoldi I. Carentani filium Annales tam aperte declarant? (x)

---

(x) LAMBERTUS SCHAFFNAB. OTTO FRISING. *de Gestis Frid. I. Imp. L. I.*  
Cap. IX. ANNALISTA SAXO; CONRADUS UNSPERG. *ed. A. 1057.*

III. Ex Bertoldis duobus, quos LAMBERTUS SCHAFFNAB. (y) memorat, quorum alter Carinthiae Dux, Caesaris adversarius, alter amicus, ratio vetat, ne posteriorem Zaringenfibus annumeres, adeoque Rudolphi Ducis filium, generumque Rudolphi Anti-Caesaris constituas, quoniam Bertoldus ille, Henrico Imperatori fidelis, ex militari tantum ordine fuerat oriundus; nonnisi post Ulricum de Cosheim & Eberhardum, Regis ministerialem, a Lamberto positus. (z)

IV. Bertoldum I. Carinthiae Ducem, Zaringensis Domus factorem indubium, systema Wattevillianum ex Genealogia Zaringica omnino eliminat; Bertoldum II. vero, qui certus quoque, ut ostendimus, Bertoldi Carentani filius fuit, in partes discerpit. Uno in loco efflictae Burgundo-Zaringicae Domui adscribitur; alio Landolus ex Habsburgica gente ei avus assignatur. Bertoldus III. vero, Bertoldi II. filius, praeteritur silentio, gesta quoque ejus patri tribuuntur, atque adeo omnis Bertoldorum series intervertitur, quam per evidentia documenta stabilivimus supra.

## §. XVI.

(y) A. 1077. apud PISTON. Tom. I. pag. 423.

(z) Ejusdem fortis fratrem habuit hic Bertoldus Lupoldum, quem inter familiares Henrici nominat BRÜNO de Bello Saxonico pag. 202. apud FREHERUM Tom. I.

## §. XVII.

Vinculum ergo, quod inter Rudolphos, Burgundiæ Reges, & Bertoldos, Zaringiæ Duces, hoc systemate effingitur, nequit admitti. Aliæ rationes.  
 Conradus Zaringiæ, Dux, ex Zaringensibus primus à Cæsare constitutus est Burgundiæ Rector, & Burgundica bona primus acquisivit; uti Advocatiam Helvetico-Turicensem pater Conradi, Bertoldus II. obtinuerat primus. Cæsarem politicæ induxerunt rationes, ut Rectoratum extero potius, quam Burgundo committeret. Burgundis intolerabile visum est, gubernari ab extero.

Ex masculino Regum Burgund. sanguine Zaringi si duxissent originem, cum Rudolpho III. qui communi consensu postremus Transjuranae Burgundiæ Rex dicitur, non finita fuisset illa Burgundica Domus, sed in Zaringico superstite ramo constanter durasset. Rudolphorum, Burgundiæ Regum, successores fuissent in Burgundiæ Regno Zaringiæ Duces. Unde ex Regia Burgundionum stirpe eos prodixisse, asseri nequit. (a)

---

(a) Afferit idem VIGNIERUS in *Chron. Burgund.* pag. 120. sed nexum non ostendit, quem per feminas deduxisse videtur.



---

Burgundicarum Rerum nostri temporis scriptor, DUNODUS (b) Zaringiae Duces non quidem ex Regio, at ex Burgundicorum tamen Magnatum sanguine descendere existimat, qui post Rudolphum III. in Dynastiis suis sibi vindicaverint primatum; sed asserta non probat.

Amica hæc disputatio non offendet Scriptorem, quem præter alias virtutes amor veri commendat.

---

(b) *Histoire du Comté de Bourgogne* Lib. III. pag. 121.



CAPUT

C A P U T VII.  
POTENTIA, PRÆROGATIVÆ  
ET JURA ZARINGICÆ DOMUS.



## §. I.

Memorabilia Zaringicæ Domus fata cum  
revolvimus animo, singulos ejus Duces  
singulare quid apud posteros commendare  
reperimus.

Singulor.  
Ducum  
memo-  
rabilia.

Bertoldus I. Genti suæ intulit *Ducis* axioma ; secundus  
Advocatiæ Turicensæ. Tertius condidit Friburgum Brigoviciæ.  
Conradus Rectoratum Burgundiæ accepit. Bertoldus IV.  
Helveticum Friburgum extruxit. Bertoldus V. fuit conditor  
Bernæ. Primus in Monasterio Hirsaugiensi ; postremus Friburgi  
Brigoviciæ, intermedii omnes in San-Petrina Nigræ Silvæ ecclesiæ  
sepulti sunt. (a)

Z 2

(a) Vide supra in Bertoldo II. §. IX. & X. pag. 11. seqq.

## §. II.

Guelphi-  
cæ factio-  
nis Patro-  
ni.

**I**dem Duces nunc ad Carinthiæ, nunc ad Sueviæ Ducatus, nunc ad Burgundiæ & Arelatenfis Regni Rectoratum, denique ad Imperii solium vocati, in Hohenstaufis perpetuos experti sunt æmulos, qui Guelphis & Zaringis semper fuere infesti.

Communem Familiarum hæc triga patriam Alemanniam habuit. Enimvero vicinæ Hohenstauficæ Domus potentia non potuit non odium inspirare Zaringis, quos bis ablatus eis per Hohenstaufios Sueviæ Ducatus urebat; Ducatus, quem bis fortuna Zaringis obtulerat. Fomes funestæ inter has Domos æmulationis, quæ factionibus quidem sopita, at nunquam penitus fuit sublata. Zaringi minuendis Hohenstaufiorum opibus intenti, communia fere semper cum Guelphis contra eos consilia fove-  
runt. Unde de Zaringensibus BROWERUS (b) „ Bertoldi „ Zeringenses, inquit, surrexere longa serie fidissimi Romanæ „ Sedi, atque inter schismatum tumultus pacis catholicæ „ propugnatores acerrimi. „

BERTHOLDUS CONSTANT. (c) terras Bertoldi I & Welfonis vocat terras *Ducum Catholicorum*. Conradus Zaringius adversus Conradum III. Imp. pro Henrico Superbo, Guelficæ

(b) *Annal. Trevir.* Lib. XIV. p. 75.

(c) *Ad A.* 1079.

factionis principe, arma corripuit. Bertoldus IV. licet pluribus Friderici I. Imp. expeditionibus interfuerit, ei tamen non adhæsit ex animo; uti patet ex epistola, quam pro Rudolpho fratre, in Archiepiscopum Moguntinum electo, ad Ludovicum, Galliarum Regem, perscripsit; quæ internecinum utriusque Gentis inter se odium testatur. Bertoldus V. denique Zaringensium postremus, a Guelfica factione in Imperatorem electus, electioni quidem renunciavit, atque ad Philippi, æmuli sui, adeoque ad Gibellinas partes, transiit, sed potentiæ Philippi metu eum id fecisse ex Innocentii III. literis supra ostendimus.

## §. III.

Splendorem Zaringicæ Domus omnia ejus ævi monumenta loquuntur. Bertoldus II. in Charta San-Petrina A. 1123. apud SCHANNATUM (d) *præcelsæ Nobilitatis Vir*, & in alia A. 1126. *egregiæ Nobilitatis Vir* dicitur. OTTO FRISING., (e) Zaringis haud æquus, de eodem scribit Bertoldo: „Hujus Rudolphi „(Sueviæ Ducis, dein Anti-Cæsaris) filiam quidam *ex Nobilissimis „Regni Optimatibus* Bertolfus nomine de Castro Zæringen „habuit. „ Idem alibi (f) Conradum Zaringum, quem Fridericus,

Nobilitas  
Gentis.

Z 3

(d) *Vindem. Literar. Collect.* I. pag. 161. sq.

(e) *De Gestis Friderici I.* Lib. I. Cap. I.

(f) Lib. I. Cap. XXVI.

Sueviæ Dux, postea Imperator creatus, A. 1138. debellaverat, *fortissimum & ditissimum* Ducem appellat. Et in genere de Zaringis verba faciens, quamvis caruerint Ducatu, *rerum tamen & honoris non parva* pollere magnificentia pronuntiat. (g)

### §. IV.

Possessio-  
nes am-  
plæ.

**P**rimaria Zaringiæ Principum bona in Brisgovia, Ortenavia, Nigra Silva & in Suevia fuerunt. Ex Ortenavia in Franciam Teutonicam, in Alemanniam & Burgundicam se extenderunt Helvetiam.

Brisgo-  
viæ.

In Brisgovia, præter Brifacum & Landgraviatum, insignes terras allodiales habuisse Zaringos, vel ex ipsis illis foundationibus constat, quas Bertilones, Zaringorum majores, passim in Brisgovia fecisse leguntur. (h)

Friburgum, nobilissimam Brisgoviae urbem, & San-Petrinam Nigræ Silvæ Abbatiam, in ipso Zaringorum solo fuisse exstructas, ostendi. (i) Villingam oppidum ad Friburgi hujus formam eosdem condidisse Duces, veteri traditione Villingani tuentur; unde Abbatia S. Georgii, a Villinga bilorio distans, eos sibi Advocatos elegit. (l) Villingam certe bonum fuisse Zaringense, Agnetis,

(g) Lib. I. Cap. IX.

(h) Conf. HERRG. Tom. II. num. 24. & 163.

(i) Supra in Bertoldo II. §. IX. pag. 50. & in Bertoldo III. §. III. pag. 90.

(l) Bericht von dem Gotteshaufe S. Georgen A. 1714. pag. 13.

Bertoldi V. sororis, charta A. 1236. docet, qua proprietatem curtis suæ in Villa *Vilingen* ad exstruendum ibi Parthenium sanctimonialibus donavit. Postea cum Agnetis nepotes, Conradus & Henricus, duas gentis suæ familias condidissent, Friburgensem & Furstenbergicam, Henricus, auctor Furstenbergicæ, Villingam possedit, Castrum & Civitatem, testibus literis A. 1268. quibus Monasterium Fratrum Minorum ibidem instituit.

In Ortenavia quoque Zaringos habuisse bona, ex Ortenaviciæ. confirmatione foundationis Omnium Sanctorum in Nigra Silva A. 1203. cognoscitur, ubi Innocentius III. ait: „a bonæ memoriæ „ Welfone Duce & Uta uxore ipsius, Ducissa de Schawenburg „ Hugone Duce de Ullenburg & Nobili Viro Bertholdo Duce de „ Zæringen, fundatoribus Monasterii Omnium Sanctorum. &c. „ Bertholdos Ortenaviæ Comites, Chartæ seculi XI. ineuntis declarant. (m)

Gentilitias quoque terras in Sueviæ Ducatus medietullo Sueviæ. possedisse Zaringos, Friderici I. Imp. Charta A. 1157. Goslaricæ data, nos docet. (n) Nec prætereundæ silentio Ducum Teccensium terræ; quæ allodia Zaringicæ Domus Adelbertus, Teccensium fateri, Conradi Zaringi filius, accepit.

(m) Vid. supra Lib. I. Cap. IV. §. VIII. pag. 35.

(n) Vide in Conrado Duce §. XVI. pag. 121.

Annumerandæ his denique terræ Badenses & Backnangensis ille tractus, ubi Hermannus II. & III. sepulti.

§. V.

Advocacia Turicensis.

Patrimonialibus his Zaringensium bonis sub Henrico IV. Imp. Advocacia Turicensis ; (o) sub Lothario II. totius Burgundiæ & Arelatensis Regni Rectoratus accessit, Advocatiæ Turicensis natura & indoles sub Zaringiæ Ducibus ex ipsis Advocatorum titulis dijudicanda est. Bertoldus V. in literis suis, Collegiatæ Turicensi A. 1187. datis, ita loquitur: „ Berchtoldus de Zaringen, „ Dux & Rector Burgundiæ, Dei & Imperiali gratia Thuregici „ loci legitimus Advocatus, quod Kafftvoget dicitur. „ (p)

In Charta Burgdorfii scripta A. 1210. Bertoldus de se scribit: „ in oppido Turicensi & locis & districtibus circumquaque „ vicinis, Imperatoris gratia ipsius locum tenens. „ (q) In alio ejusdem anni & loci instrumento idem „ Dei & Imperatorum ac „ Regum dono constitutus Judex & Advocatus, qui vulgo Kafftvoget „ dicitur, id est, in omne Thuregum Imperialem jurisdictionem „ tenens, „ Ludovici Regis acta roboravit. (r) Addit ibidem hæc

(o) Vid. Bertoldum II. §. VII. pag. 77.

(p) Ex autographo Turic. Minus accurate HOTTINGER. *Hist. Ecclesiast.* Tom. VIII. pag. 58.

(q) HOTTINGER *Spec. Tigur.* pag. 32.

(r) Ibid. pag. 237.

hæc verba: „ Imperiali auctoritate, qua super univcrsum  
 „ Thuregum nos aliique nostræ profapiæ decessores Dei Regumque  
 „ ac Imperatorum dono præditi sumus.

Advocatia Turicensis ergo non tantum in Monasteria  
 urbis, sed in ipsam urbem & ejus agrum sese extenderat; unde  
 ea ab OTTONE DE S. BLASIO (s) *Comitatus Turicensis*,  
 vocatur.

Ad diversos hos Bertoldi V. titulos annoto, quod in  
 Chartis Turicensibus formulam *Dei & Imperiali gratia*; in  
 Burgundicis *Dei gratia* adhibuerit. Peculiari Friderici I. Imp.  
 favore Advocatiam Turicensem, aliquandiu amissam, Bertoldus  
 recepit.

Præter Advocatiam Turicensem vicinæ quoque Turicensi  
 Pago Abbatiae Benediclinæ Steinenfis ad Rhenum Advocatiam  
 possederunt Zaringi, ut ex Rotuli San-Petrini Charta, circa Ann  
 1152. scripta, addiscimus; in qua Conradus, Zaringiæ Dux, San-  
 Petrinæ & Steinenfis Ecclesiarum Advocatus vocatur. (t)

Advocat.  
 Monast.  
 Stein.

(s) Cap. XXI.

(t) Monasterium hoc, primitus fundatum in Hohentwiel A. 966. ab Hedwige;  
 Burcardi, Sueviæ Ducis, uxore, translatum est in Steinam A. 1005. Henrici III.  
 Germaniæ tum Regis consensu. Twiela a Sueviæ Ducatu in Bertoldi II.  
 Ducis, Ducatui huic renuntiantis, gratiam avulsa fuisse videtur.  
 BLUNTSCHLI *Memorabilia Tigurina* pag. 435.



## §. VI.

Regnum  
Burgund.

**B**urgundici Regni Reſtoratus in Zaringica Gente præſertim memorabilis eſt.

Arelatenſis & Burgundici Regni nomina tum fuere promiſcua; quod ſub Rudolpho II. Burgundiæ Rege, Regna hæc duo in unum coaluerant corpus.

Conradus in ſoleni Procerum Burgundiæ Conventu An. 1038. filio illud ſuo tradidit Salöduri, ubi eum *Burgundiæ* Regem juſſit coronari. (u)

Henricus ad Imperii Germaniæ ſolum promotus, Burgundiam ſibi retinuit, atque ſine Reſtore, inter varia fata (x) dum viveret, adminiſtravit. Poſt mortem ejus vidua Agnes, turrix Henrici IV. Rudolpho, Rheinfeldenſi Comiti, Mathildim filiam in matrimonium collocavit, & præter Sueviæ Ducatum, Regnum quoque Burgundiæ ei adminiſtrandum commiſit. (y)

Extincto Rudolpho, qui Anti-Cæſar electus fuerat, Burgundia ad Henricum IV. Imp. rediit An. 1080. qui Henrico filio hoc regnum reliquit. Turbæ illis temporibus inter Imperium & Sacerdotium commotæ fecerunt, ut Burgundiæ curam

(u) WIPPO in *Vita Conradi Salici* apud PISTOR. Tom. III. pag. 442.

(x) HERMANNUS CONTRACT. ad A. 1042. 1044. 1045.

(y) Vide Caput præced. §. XV. pag. 174.

Imperatores negligenter, donec Lotharius Saxo Imp. pristina Regum jura sibi denuo vindicaret, eorumque administrationem, sub *Refforatus* nomine, ut vidimus, Conrado, Zaringiæ Duci, committeret.

## §. VII.

**R**ectoratus hic ab initio Transjurense Burgundicum Refforatus Burgund. Regnum omne & Arelatense respexit; sed post Transactionem cum Friderico I. Imp. Ann. 1156. initam, (z) Burgundia Transjurenfis seu Helvetica sola, a Jurasso ad montem usque Jovis, obedit Bertoldis. Tractus iste Pagum Aventicensem, (a) Vaudensem, (b) Argoviam, Vallesiamque complectitur.

Reperimus in eo potentes Comites atque Dynastas; quos inter præcipui Thunensis, Kiburgensis, Burgdorfensis, Novi-Castrensis, Nidoviæ, Arbergæ, Strasbergæ, Romontii, (c) Froburgi, Bucheckii, Montenachii, de Turre, (d) Granfonii, Falckensteinii, alique. Hi omnes indigne tulerunt, exterum a Cæsare datum esse Præfectum, lingua moribusque dissimilem, qui titulo Rectoris jura Regis exerceat.

A a 2

(z) De qua in Bertoldo IV. §. V. pag. 127.

(a) *Uchtland*.

(b) *Pays de Vaud*, Germ. *die Waat*.

(c) *Remund Germanice*, Rotundus Mons, oppidum in Helvetico Pago Friburgi.

(d) *Von Thurn*.

Perpetuæ hinc Zaringorum cum illis ceterisque cum Primoribus Burgundicis lites. Hi indigenis Regibus suis, Rudolphis, quum non bene paruerint, ut Wippo nos docet, quid mirum, Rectoribus exteris eos male paruisse? Burgundicus Rectoratus per XC. fere annos in Zaringorum manibus fuit, & cum illis Ann. 1218. concidit. Burgundia ergo Helvetica cum Præfectura Turicensi & reliqua Helvetia Alemannica ad Imperium rediit; à quo deinceps pedetentim avulsæ sunt. Præcipuas Rectoratus Burgundici partes Bernenses, Friburgenſes & Salodurenſes nunc possident.

Rectoratus hic per univcrsum Burgundiæ vel Arelatenſe Regnum ſeculi fere ſpatium explens, evidentiffimum hujus Regni cum Germanico Imperio nexus documentum eſt. Et tamen vel nulla, vel obiter tantum ejus mentio fit apud ſcriptores Juris publ. Germaniæ, ſpeciatim eos, qui Burgundici Regni cum Germanico nexum tractarunt.

#### §. VIII.

**Z**aringorum in Burgundia poteſtas non propria, ſed  
Indoles  
ejus. adminiſtratoria fuit. (e)

---

(e) GUNTHERUS in *Ligurino* ait :

Nomine Conrado ſiſci conceſſit habendam.

Ipfum *Reſtoris*, ut & *Advocati* nomen poteſtatem vicariam, non propriam, denotat.

Bertoldus IV. omne jus, quod super Civitatem Viennensem Allobrogum habuit, in Guidonem Andream, Delphinum, A. 1155. transtulit. Cæsaris approbatio deinceps accessit. Zaringi enim Rectores & Gubernatores Burgundiæ, nonnisi Vicarii Cæsaris in Burgundia erant. Ita sane Fridericus I. Imp. in Aurea Bulla, A. 1162. Genevensi Episcopo Arducio data, (f) Bertoldum IV. appellat. Administratoria autem hæc potestas cum simul quoque hereditaria fuerit, multa pedetentim allodia in Helvetia Burgundica & Alemannica acquisiverant Zaringi, quæ deinceps ad Kiburgios transferunt.

Securitatis publicæ causa Morgeam, Minidunum & Ebrodunum (g) condidit vel instauravit Conradus. Filius & successor ejus Bertoldus IV. Friburgum, Bertoldus V. Bernam, Uchtlandiæ urbes, ædificarunt. Hic An. 1190. muris quoque cinxit Burgdorfum. (h)

Rectores porro belli temporibus evocati a Rege, copias in auxilium ejus duxerunt.

Bertoldus IV. crebris Friderici I. in Italiam expeditionibus interfuit, & ipse nonnunquam Ducis munia obiit. (i)

A a 3

---

(f) *Spon. Hist. de Geneve* Tom. II.

(g) *Morges, Moudon & Terverdon.*

(h) *Supra in Bertholdo V. §. II. p. 151. Add. Tschudi Part. I. L. II. pag. 94.*

(i) *Vid. supra in Bertoldo IV. §. XI. pag. 136. sq.*

Advocati Ecclesiarum sanguinis banno licet investirentur a Rege, ipsi tamen subordinati erant Rectori, causam coram eo dicturi, quoties officii sui limites migrassent. (l) Terræ quoque ad fiscum regium pertinentes, suberant potestati Rectoris. Rex donationem ex ejusmodi bonis facturus, Rectoris adhibebat consensum. Ita sane Henricus IV. Imp. Monasterio Rueggisbergenfi Minoris Burgundiæ, consensu Rudolphi Ducis & *per manum ejus*, fecit donationem. (m) Conradus III. Imp. Ecclesiæ Interlacenfi fiscalia quædam bona collaturus, consensum Ducis expetiit, & tum demum donatio facta. (n) Rector tamen Advocatiâ in bona donata nonnunquam retinuit. (o) Sic & feudorum in Burgundia concessio a Rectore firmata est. Burcardus, Salodurenfis Præpositus, & ejus Confratres An. 1181. feudum dederunt Udalrico de Novo Castro. Bertoldus IV. donationem roboravit. (p) Burgundi denique Chartas ubi expediverunt, addita quoque fuit mentio Ducis. Literæ foundationis Monasterii Frienisbergenfis A. 1131. scriptæ dicuntur, *Ducatum Burgundiæ nobiliter regente*

---

(l) Conf. Privilegia Ecclesiæ Interlacenfi a Lothario & Conrado Imperatoribus concessa.

(m) Conf. Charta Henrici IV. Monasterio Rueggisberg. data An. 1076.

(n) Privilegium Ecclesiæ Interlacenfi datum An. 1146. & aliud Frid. I. vid. in Cod. Diplom.

(o) Conf. Privilegium modo alleg.

(p) Tschudi *Chron. Helvet.* pag. 90.

*Duce Conrado.* Rudolphus de Thierstein Monasterio Frienisberg, quædam A. 1208. donasse scribitur, *Ducatum Burgundia potenter regente Duce Berchtoldo.*

## §. IX.

Inter Bertoldi III. Ministeriales atque Clientes An. 1112. Ministeriales  
Ducum  
Zaring. comparent: „Cuno de Blanckenberg, Reinhardus de Weiler, „Gervordus de Verstatt, Henricus de Owen, Gisilwerdus de „Weder. „(g) Fratri ejus, Conrado Duci A. 1123. adscribuntur: „Rudingerus miles, Bertholdus de Mufinheim & duo filii ejus, „Rodolphus & Bertholdus, Egilolfus de Blanckenberg, Wernherus „& frater ejus de Altinchoven, Hugo de Modelheim, Bivo de „Heppenheim. „(r) *De Domo Ducis* A. 1148. memorantur: „Adalbertus de Scopfheim, Adalbertus & frater ejus Conradus de „Stoufinbere, Sarnagal de Appinwilre, Sigelm de Tatenwilre, „Burchart de Stoufinbere, Adalbertus de Baden &c.

Cum Bertoldo IV. Conradi filio, An. 1152. in Abbacia S. Petri clientes occurrunt: „Odalricus de Alcmar, Wernherus „de Roggenbach, Wernherus de Reinvelten, Dapifer, & frater „Gerhardus, Waltherus de Tachwangen, Cono de Blankeneck. „(s)

(g) SCHANNAT. *Vindem. Liter. Collect.* I. pag. 169.

(r) *Ibidem* pag. 161.

(s) *Ibidem.*

---

Traditioni, eidem Abbatiae circa hunc annum factae, cum Clementia Ducissa, Conradi vidua, de *Domo Ducis* interfuerunt „ Conradus de Rinvelden, Odalricus & fratruelis ejus Conradus „ de Aleina, Gotefridus de Rotwila, Heinricus de Scopfheim, „ Gerunc de Tittinshufen, Reginboto de Ofmaningen, Reginhardus „ de Valchensteina, Reginboto de Slatta, Conradus de Zaringen. „

Bertoldi IV. soror Clementia dotis loco a parte, adeoque inter allodia, Ministeriales centum, uti supra docuimus, (t) An. 1157. acceperat.

### §. X.

Tituli.

**BURCKHARDUS**, Monachus S. Galli, seculi XIII. scriptor, (u) Bertoldos I. & II. titulo *Marchionis* praefraete insignivit, forte, quod Marchiones Badenses, ipforum nepotes, Marchionis quoque axiomate insignitos conspexit. *Carinthia* vero *Ducis* titulo Zaringenses non usi sunt, quod Ducatu hoc carerent. Usos tamen esse titulo inani asserit ERASMUS FROELICH, (x) Carinthiae & Zaringiae unum idemque existimans nomen Verum Chartae, quas allegat, corruptae sunt. (y) Extant quidem scriptores, qui Bertoldos,

---

(t) Vid. in Conrado §. XVI pag. 121.

(u) Vid. supra in Bertoldo I. §. VII pag. 50.

(x) *Archontologia Ducum Carinthiae* pag. 26.

(y) Ut ipse fatetur pag. 44.

Bertoldos, Bertoldi I. nepotes, *Carinthia Ducēs* appellant, (z) sed nomina Zaringia & Carinthia affinitas eos deceptit. Prius nomen ex posteriore prognatum crediderunt.

Titulus *Zaringia Dux* ante Bertoldi III. tempora, ut dictum est, nec in Chartis, nec in synchrono scriptore occurrit. Lambertus Schaffnaburg. Bertoldum I. vel simpliciter Ducem, vel Carentinorum aut Carentanorum Ducem, memoria gesti nuper Ducatus, appellat. OTTO FRISING. (a) qui Ann. 1158. decessit, Bertoldum II. de *Castro Zeringen*, Rudolphi Anti-Cæsaris filiam in matrimonio habuisse scribit. ALBERTUS ARGENT. in *Fragmento Urslifano* (b) eundem Bertoldum de *Zeringen*, Ducem Suevie electum fuisse observat, sed uterque anticipando eum ita vocavit.

Advocatiam Turicensem Domui suæ, ut vidimus, junxerat Bertoldus II. Nepos & pronepos Bertoldus IV. & V. *Advocati Turicenses* titulo in Chartis sunt usi. (c)

Acquisito Burgundia Receptoratu, accessit titulus *Receptoris Burgundia*; quo nomine ab Imperatoribus insigniuntur in Chartis,

(z) ANNALISTA SAXO hinc inde. *Chronicon S. Pantalonis* ad An. 1106. 1114. apud ECCARD. Tom. I. pag. 924. 926.

(a) *De Gestis Friderici I.* Lib. I. Cap. VII.

(b) Ad An. 1092.

(c) Conf. §. V. pag. 157.



& ipsi in sigillis Burgundicis se designare solebant; (d) ubi *Duces* & *Reitores* Burgundiæ conjunctim vocantur. Axioma Ducis ad Burgundiam referri non debet, cum diu ante acquisitam Burgundiam *Duces* dicerentur. Unde nunnifi improprie se Burgundiæ *Duces* (e) subinde scripserunt, uti & ipsum quandoque Burgundiæ Regnum improprie Ducatus nomine venit. (f)

Burgundiæ vel Arelatenfe Regnum, post eorum conjunctionem, promiscue appellatur. Fridericus I. & Carolus IV. Imperatores, Regni Arelatenfis corona coronati fuerunt. (g)

Rem omnem decedit Charta, quæ literas Bertoldi IV. ad Abbatem Cluniacensem continet, in qua Bertoldus distincte *Dux de Zeringen* atque *Burgundiæ Reitor* nominatur. (h) Idem in sigillo Bertoldi IV. observamus, quod Chartis ejus hinc inde

---

(d) Sigillum Bertoldi IV. adjectum Chartæ A. 1157. Altæ-Ripensibus datæ.

(e) Rudolphus quidem Sueviæ Dux, qui regnum quoque Burgundiæ ab Agnete Imperatrice acceperat, hinc inde jam Dux Burgundiæ a scriptoribus appellatur, sed errori originem dedit Sueviæ Ducatus, quem cum Regno Burgundiæ Rudolphus tenuerat.

(f) Conf. Charta fundationis Monasterii Frienisburg. de A. 1131. & alia Charta donationis, eidem Monasterio factæ, A. 1208. †

(g) Elector Trevirensis vocatur Archi-Cancellarius per Regnum Arelatenfe

(h) GUICHENON. *Biblioth. Sév. Centur. II. num. 64.*

appenfum, ubi ille distinctis dignitatibus *Dux Zeringia & Burgundia Rector* exprimitur. (i)

## §. XI.

Gentilitia Zaringiae Ducum insignia primum exprimuntur in Charta A. 1157. qua Bertoldus IV. Abbatiam Cisterciensium Altæ Ripæ a pedagis & teloniis liberat. Sigillum in ea visitur cereum, ubi leo aureus in area rubra, a dextra ad sinistram saliens. Ejusdem formæ aliud est Bertoldi IV. sigillum, quod literis ejus ad Friburgenses pro immunitate Monasterii Altæ Ripæ scriptis A. 1179. adhæret. Leonem rubrum, auro coronatum, in area argentea Landgraviatus Brisingovici insigne fuisse arbitratur SPENERUS. (1) Sed sigillum Altæ Ripæ eum facile confutat. Zaringos Brisingovici Landgravios fuisse nulli dubitamus, Burgundiæ autem Rectorem Landgraviatus Brisingovici sigillum Burgundicæ cur adpenderet Chartæ?

Insignia  
Gentili-  
ticia.

Sed & porro legisse se perhibet Spenerus, Landolinum & Bertilonem, Guntramni Divitis filios, circa millesimum annum, in sigillis foundationis Sulzbergensis Cœnobii comparere,

Bb 2

(i) Miror equidem, TODIAM PFANNERUM in Libro de *Præcipuis Germaniæ Principum Gentibus* Cap. IX. pag. 270. scribere ausum, Zaringiorum Burgundiam titulo magis tenuisse, quam usq.

(1) *Opus Herald.* Part. Spec. Lib. II. Cap. IV. §. II. pag. 380.

ut & leonem coronatum, cauda bifulca & in pavoninas oculatas pennas terminata. Addit: „Apex protome leonis rubei coronati, „ ejus collum & dorsum ornamento dentato asperatur, ejus „ singuli dentes pavoninis pennis ornantur; cui apici postea „ succedere duo cygnorum colla & capita. „ Verum enimvero hujus generis nihil in sigillo Bertilonis & Bertoldorum occurrit; nec occurrere potest. Simplicissima fuerunt illius aevi sigilla, (m) omnis ornatus & apparatus, quem sequentia secula addiderunt, ignara.

## §. XII.

Sedes  
Ducum.

Primi Zaringiae Ducis Brisaci & in Castro Lyntberg haud procul Hirsaugia; posteriores in Castro Zaringiae commorati sunt. Florentibus eorum in Helvetia rebus, sedem suam saepe habuerunt Saloduri, quandoque Burgdorfii. (n) Bertoldus IV. in Suevia Uberlingae habitavit nonnunquam, ut ex Charta. An. 1152. apparet. (o)

(m) HEINECCIUS de *Sigillis*, Part. I. Cap. X. num. 30. pag. 131. & Part. II. Cap. IV. num. 4. pag. 215.

(n) JOACHIMUS, VADIANUS de *Obscuris Alemannicorum verborum significationibus*, in GOLDASTI *Scriptor. Rer. Alemannicor.* Tom. II. pag. 63.

(o) SCHANNAT. *Vindem. Liter. Collect.* I. pag. 163.

## §. XIII.

Monumenta Zaringica perpauca cognoscimus. Ex statuis <sup>Monu-  
menta  
Ducum.</sup> sola Bertoldi V. superest, quam supra (p) exhibui, servatam Friburgi. Monasterium San-Petrinum, nisi flammis toties fuisset consumptum, plerasque, sepulcris impositas, adhuc nobis ostenderet.

Basilica Friburgensis, cum nobili sua turri, artificio operis nulli secunda, splendidum Zaringicæ magnificentiae & pietatis monumentum est.

\* Annumeramus ei ecclesias & turres, quas in Helveticis & Burgundicis partibus apud Bernates, \* Friburgenses, Burgordienfes &c. pietas Zaringorum erexit.

Ex monumentis profanis rudera destructi Zaringicæ Castri haud procul Friburgo, & serrea illa turris Brisfaci, a nobis quoque superius exhibita, supersunt. Turris hæc ad annum usque 1745. persisterat integra, quæ everse sunt Brisfaci munitiones. In duas turris tum fissa est partes; prouti icon, superius (q) à nobis exhibita, eam representat.

B b 3

---

(p) Vide pag. 160.

(b) Pag. 127.

Ex nummis Bertoldinis cujuscunque metalli, eorum tempore cufis, mihi nullus obvenit. Illos enim non computo, quos, extincta jam Zaringorum gente, Berna, conditoris sui memoriam constanter venerata, percussit; in quibus Bertoldi nomen, sed non imago spectatur.

Inter diplomata Zaringica Friburgensis illa privilegiorum & Juris statutarii Charta, ut & Rotulus San-Petrinus primum occupant locum.



CAPUT

---

---

C A P U T   V I I I .  
ZARINGICARUM TERRARUM  
DIVISIO.

---

---

## §. I.



Prima Zaringicorum bonorum divisio facta est mortuo Bertoldo I. inter filium ejus Bertoldum II. & ex Hermanno I. triennio ante apud Cluniacenses defuncto, nepotem, Hermannum II ; quorum ille Zaringicas Brisingoviae præcipuas cum Suevicis terras ; hic paternum *Marchionis* titulum continuans , Hachbergica , Ortenavica & Ufsgovica bona avi sui accepit. Unde Bada Ufsgoviae, Marchioni subiecta , pedetentim *Marchionatus* elogio cœpit ornari. Secunda distractione Adelbertus , Bertoldi IV. frater , terras illas Teccenses , ut peculiarem Dynastiam, sortitus est , quæ deinceps consuetudine & usu formulam induerunt *Ducatus* , quod Adelbertus, ejusque successores Teccenses , Ducali sanguine nati, nomine Ducum insignirentur. Postrema Zaringensium terrarum distractio

Divisio-  
nestres.

facta est, quum linea Zaringensis A. 1218. periisset. Tum vero ad proximos agnatos, Teccæ Duces, Bertoldi V. patruales, & Hermannum IV. Marchionem Badensem, patrimoniales Zaringicæ terræ transituræ videbantur; sed omnia allodia ad Bertoldi V. forores, Agnetem & Annam, transierunt.

## §. II.

Bertol-  
di V. he-  
redes.

Ex feudis ad lineam Badensem præter Landgraviatum Brisgovicæ (a) nihil, quantum novi, pervenit. Teccenses jura sua, ut in iis mox videbimus, Friderico II. Imp. vendiderunt. Fridericus hic Civitatem Friburgi in Brisgovia, Bernam, Friburgum (b) & Salodurum in Helvetia Burgundica, Turicum cum Præfectura in Helvetia Alemannica, & Rheinfelden Comitatum in suam, Imperii nomine, potestatem revocavit; unde lites inter eum & forores Bertoldi V. earumque maritos.

Uraci  
Comes.

Uracensis Egeno, (c) maritus Agnetis, anno sequenti, Ulmæ primum, dein Hagenæ cum Imperatore transiit; (d) qui

(a) Vid. infra Lib. III. Caput de Landgraviis Brisgovicæ.

(b) Bernam & Friburgum a Bertoldo V. adhuc vivente traditas fuisse Friderico II. Imp. scribit GUILLIMANNUS *Habsh. L. VII. Cap. II. p. 343.*

(c) Castrum *Urach* non Wirtenbergicum illud notum, sed aliud Nigræ Silvæ Castrum fuit. Utrumque ad Furstenbergios pertinuit.

(d) Ut ipse Fridericus II. Imp. in Charta A. 1219. Hagenæ data testatur, quam in Documentis exhibemus.

qui Friburgum & alia eidem restituit. Hoc modo Egeno, cognomento *Barbatns* (e), Suevicas & Silvæ Nigræ terras cum Friburgo, Brisgovix civitate, in proprio Zaringorum fundo extructa (f), accepit. Idem Egeno sane in Charta An. 1219. Friburgum Civitatem *suam* vocavit. Hic deinceps in monte vicino castrum extruxit, ut Friburgenfes in obsequio contineret. In Castro hoc, quod *Burghald* vocabant (g), diu habitavit Egenonis progenies, titulo Comitum Friburgi clarescens; a quibus urbs An. 1368. libertatem redemit; brevi post in Austriacam transitura ditionem, ut infra docebitur (h).

## §. III.

Altera Bertoldi V. soror, Anna, uxor Ulrici, Comitiss Kiburgi  
Comit.  
Kiburgi, ex quo matrimonio Heilwigis, mater Rudolphi

- 
- (e) Egeno Comes, Agnetis maritus, in Charta Tennebac. An. 1220. Friburgum Civitatem fundatam esse scribit „ ab illustribus Ducibus Zaringie, „ progenitoribus uxoris mee, Domine Agnetis Comitisse, cuius ego „ jure matrimonialis confortii advocatus existo &c. „
- (f) Vide supra in Bertoldo III. §. III. pag. 90.
- (g) *KIEFFER de Domo Habsburgo Austr.* pag. 146.
- (h) Cap. X.



Habsburgici, nata est (i), allodialia Helvetiæ bona accepit, quæ Conradus Zaringus, ex familia sua primus Regni Burgundici Rector, ut & filius ejus neposque ab An. 1127. usque ad A. 1218. acquisiverunt. Burgdorfii Comitatus Helvetiæ in Kiburgensium Comitum manibus ad extinctam eorum gentem usque permansit. Sedes Comitum in sublimi fuit castro, quod imminet oppido. Comitatus hic Clementiæ, Bertoldi V. viduæ, a marito in dotatitium

(i) *Kiburgi Comitum Tabula:*

ULRICUS. (*Charta A. 1218. Herrgott.*) Uxor Anna Zaringica, Bertoldi V. foror. *Chron. Constant.*

*Filii Ulrici. Charta 1223. Herrg.*

HARTMANNUS, <i>Charta</i>	WERNER. Hunc Annæ	HEILWIG.
A. 1271. apud <i>Herrg.</i>	Zaring. maritum facit	Uxor Alberti
Rudolphus I. eum	<i>Guillm. de Reb. Helvet.</i>	Habsburgici.
vocat avunculum.	L. II. C. 15.	
<i>Herrg.</i>		
	HARTMANNUS junior,	RUDOLPHUS
	Rudolphi I. consobrinus,	HABSPURG.
	possessor Burgdorfii.	Romanorum Rex
	<i>Charta Ann. 1275. ap.</i>	nat. 1218.
	<i>Herrg.</i>	

Unde *Annales Colmar.* ab initio: „natus est (Rudolphus) de  
 „progenie Ducis Zeringiæ eodem Anno 1218. quo Bertoldus  
 „decessit.

destinatus fuerat. Sed Comes Egeno captivam eam tenens, occupavit Comitatum, qui tamen deinceps ad Kiburgenfes pervenit. Reliquæ Burgundicæ apud Helvetios terræ ita diviſæ, maximam ut Pagi Vaudenſis partem Sabaudicæ Comes, (1) aliam ejusdem Vaudi & Uchtlandicæ partem Laufannenſis Epifcopus, Kiburgi, Grierii, Novi Caſtri Comites & Granſonii Dynaſta aliique acceperint.

## §. IV.

Berna Ottonem Comitem de Regensperg Advocatum Berna. Imperii ab initio habuit; ſed brevi poſt ab omni Advocatia liberata, (m) Civitas Imperii libera evaſit. Henricus VII. Romanorum Rex A. 1224. V. Kal. Jan. Bernæ judicium habuit. (n)

Friburgum ejusdem, uti Berna, Uchtlandicæ civitas, a Friburg. Helvet. Friderico II. Imp. An. 1219. Hagenovicæ libera Imperii urbs agnita, protectorem primo Comitem Kiburgi, qui Burgdorfii

C c 2

---

(1) GUICHENON. *Hiſt. de Savoye*.

(m) NAUCLERUS Vol. II. *Generat.* XXXIX. fol. 754. SIMLERUS in *Helvetia*, Art. *Berna*.

(n) In ſententia, quam pronuntiavit, Henricus ait: „Coram nobis jam „pridem apud Bernum in judicio reſidentibus &c. „ In fine ait: *Datum* „ apud Bernum.

sedebat, atque deinceps extinctis Kiburgis, Habsburgenses sibi Advocatos elegit; (o) foederi denique accessura Helvetico. (p)

**Turicum.** Turicum, post Zaringos, pleniorum quoque immunitatem Civitatis liberae, uti Friburgum accepit & Berna. Zaringenses jus eligendi senatum & Advocatiam in Monasteria illius urbis exercuerunt. Hanc Fridericus II. Imp. in specialem Imperii tutelam recepit, ac jus eligendi senatum transtulit in cives, (q) addiditque, urbem ab Imperio nunquam posse seungi. A. 1251. fossa fuit munita & vallo, atque cum Sutenfibus & Uraniis foedus inivit; donec Helvetico majori foederi A. 1351. accessit.

(o) GUILLIMANNUS de *Rebus Helveticis* Lib. III. Cap. IX.

(p) An. 1481.

(q) BLURTSCHLI *Memorabilia Tigurina* pag. 344.



CAPUT

# T A B G I A D N S I U M

## BERTOLDUS

ndit Friburgum Brisgoviae 1126. † 1152.

ector Burgund. Rudolp. Dux de Tecke 1193.

32.

nt. 1223. † 1244.

et 1258.

1278. † 1283. sepultus in Eke 1278. † 1292.

Ducal

ANNUS I.  
1295. et

SIM 305.  
† 1305.  
Comhen-  
stein

FRIDERI-  
CUS 1305.

quiden

HERMANNUS II. Dux. Advocatus provinc.  
1343. & 1361. & Alsatie Auftr. 1359.

et Kirchheim 1381.

RICUS  
† 1432.  
Anna, Ca-  
iri Ducis  
lon. filia.

GEORGIUS  
S. Th. D. Pro-  
vincialis Ba-  
variae.

UTA UX.  
hannis  
om. de  
ertheim.

IRMEN-  
GARDIS  
Uxor Viti  
de Rech-  
berg.



## §. VI.

Bertoldus Ecclesiasticum in ordinem cooptatus, A. 1223. Bertoldus electus est Episcopus Argent. factis hujus Ecclesiae multis rebus commendabilis. (l) Fragmentum Historicum URSTIŠII (m) Bertoldum Ducem de Teke ad An. 1228. eum diserte vocat, ubi bellum triennale, toti Alfatiae grave, refert, inter Bertoldum hunc & cognatos ejus Comites de Pfirt exortum. Bertoldus Episcopus nempe & Fridericus II. Phirretensis Comes, proavum habebant communem, Bertoldum II. Zaringiae Ducem, cujus filia Petriſſa avo Friderici nupsrat, Friderico Comiti; unde Phirretensium cum Zaringis & Teccensibus orta cognatio. Idem Bertoldus Diploma Caesareum, An. 1235. Moguntiae in Comitibus datum, quo Brunsvicensis Ducatus institutus est, testis signavit, hac formula: *Bertoldus Princeps Teccensis, Argent. Episcopus.* (n)

## §. VII.

Conradum, Adelberti filium, ignorant omnes, quicunque de rebus Teccensibus huc usque commentati sunt. Prodit eum Charta Alfatica An. 1232. qua Henricus, Rex Rom. feudum

(l) KÖNIGSHOVEN Chron. Alfat. Cap. V.

(m) Scriptor. Rer. German. Part. II. pag. 90.

(n) Origines Guelph. Tom. IV.

Dattenried a Murbacensi Abbatia suscepit Hagenoræ, ubi post Bertoldum Episcopum, Conradi fratrem, & Abbates duos, testes aderant Laicorum primarii *C. Dux de Tecke* & *H. Marchio de Baden*. Biennio post literas ejusdem Regis, Ecclesiæ Wormat. apud Wimpenam datas, *H. Marchio de Badin*, *Dux de Teke*, *B. Dux Spoleti* signarunt testes; (o) ubi Marchio ante Duces positus & Conradi nomen omissum. Huic Conrado jam tribuendus est filius Ludovicus I. pater Ludovici II. & Conradi II. de quibus in sequentibus.

## §. VIII.

Ludovi-  
cus I.

Mense Martio A. 1249. *Ludovicus D. G. Dux de Tecke* Adelheidi cuidam aliisque Ministerialibus suis sceminis in Kirchheimenſe Monasterium se suaque ut conferrent, atque in regulari ibi disciplina viverent, permisit. Permisit insuper cuilibet subditorum suorum, ut possessiones qualescunque vel res in idem Monasterium conferrent; in quibus omnibus unius denarii censum annum *in nostræ*, inquit, *memoriam dominationis* sibi stipulatus est. Actum apud *Tecke*. (p) Biennio post *Ludewicus D. G. Dux de Tekke* litem de jurisdictione Abbatis Alpirspacensis in villa Dornheim

(o) SCHANNAT. *Hist. Wormat.* Probat. num. 128.

(p) BESOLDI *Docum. Wirtenberg. Virg.* pag. 549. SATTLER *Beschreibung des Herzogth. Württenb.* Part. II. pag. 101.

arbiter judicavit. (q) A. 1258, U. Comes de Wirtenberc, *L. Dux de Tecke* & H. de Nifen Hainricum seniore de Clozberc & filium ejus, Wernherum, possessiones suas apud Betzingen sanctimonialibus de Pfullingen tradidisse testantur. (r)

## §. IX.

Anno 1278. sigilla Nobilium virorum *Ludewici & Cunradi* <sup>Ludovicus II.</sup> *Ducum de Tekke*, fratrum, appensa sunt instrumento, quo Hermannus, Comes Sulz. villam Hopfow Monasterio Alpirspac. vendidit. (s) Ludovicum & Conradum hos fratres Ludovico I. assignamus filios, Idem anno sequenti fecere hi fratres in Charta Ministerialis sui, Eberhardi de Strafsberg, qua Ludovici Ducis filii testes memorantur, Ludovicus & Hermannus, cum quibus pater jus patronatus in Kürnbach Brunoni de Hornberg A. 1250. vendidit; mortuus triennio post atque Owenæ sepultus. (t)

Ad Ludovici II. filios & posteros infra post Conradum II. & ejus prolem extinctam redibimus.

D d 2

---

(q) *Docum. Wirt. Virorum* pag. 252.

(r) *Docum. Wirt. Virg.* pag. 330.

(s) *Docum. Wirt. Viror.* pag. 256.

(t) SATTLER Lib. alleg. Part. II. pag. 100.

## §. X.

Conradus II.

Conradus hic vicum Kirchheim prope Castrum Teck An. 1270. in oppidum convertisse dicitur. (u) A. 1282. cum Rudolfo I. Imp. Augustæ versatus, investituræ filiorum ejus de Austriæ Stiriaque Ducatibus interfuit, inter Principes hujus rei testes memoratus. (x)

Biennio post Rudolfus Conrado nostro indulgit, ut vicum suum *Heiningen* in oppidum converteret, mercatibus ceterisque Friburgensium juribus gavisurum. (y) Bertoldum III. Zaringiæ Ducem, abavi sui fratrem, Civitatis Friburgi auctorem, imitari voluit Conradus, oppido construendo jura Friburgensia cum petiisset a Cæsare.

An. 1287. Conradus hic cum fratris sui filio, Hermanno, causam quandam arbitris decidendam commisit, cui judicio quoque subscripsit Eberhardus, Wirtenbergiæ Comes. (z)

---

(u) SATTLER l. c. pag. 105.

(x) Diploma extat in *Deduction des Droits de la Maison de Baviere a la succession d'Autriche* Tom. II. pag. 428. ubi Conradus Dux de Teck.

(y) SATTLER l. c. Part. II. pag. 100.

(z) Ibid. pag. 101.



Anno sequenti Conradus & Hermannus jus patronatus in Zwifalten, quod Waltherus de Anemerkingen ab ipsis in feudum tenuerat, Monasterio cognomini dono tradiderunt. (a) *Conradus Dux de Tecke* inter Nobiles viros post Principes Ecclesiasticos legitur in diplomate Imperiali, quod eodem anno Simoni, Wormat. Episcopo, Moguntiae datum. (b) In Hohenloica Domo tunc temporis Cunradus *Nobilis de Thekke* nuncupatus floruit, (c) qui cum Duce nostro Teccensi non est confundendus.

## §. XI.

Obiit An. 1292. quatuor relinquens filios, Simonem, Filii ejus. Conradum, Ludovicum atque Fridericum, qui patrueli suo, Hermanno, Castrum Gutenberg ac dimidiam Teccensis Castrum partem tradiderunt pignori; hereditatem paternam, antequam creditoribus satisfecerint, se non adituros polliciti. (d) Filii hi quatuor Conradi I. sine mascula prole decesserunt omnes, Simon A. 1316. Conradus A. 1329. Ludovicus A. 1334. quorum primus Agnetem, Comitem de Helffenstein, ultimus Margaretham de Truchendingen duxerant uxores.

D d 3

(a) SATTLER loc. cit.

(b) SCHANNAT. *Hist. Episc. Wormat.* Probat. num. 171.(c) HÄNELMANN *de Domo Hohensl.* pag. 424.

(d) SATTLER. loc. cit.

An. 1305. Regi Rom. Alberto I. nihil bonorum ex Dynastia Teccensi concedendum statuerunt. Faciliores longe fuerunt in alios, Comitem Wirtemberg. præcipue, cui oppidum Rosenfeld, castra Aistaig & Beuren, vicos Leydringen, Ysingen, Bückelsperg &c. agnatis eorum Ludovico, Hermanno, Lutzmanno & Friderico triennio ante oppignerata, A. 1317. pro quatuor millibus, (e) annoque sequenti Præfecturas Hainingen & Boll cum Seningen & Lotenbach multisque villis ac bonis pro duobus millibus Librar. Hallenf. vendiderunt. (f) Owenam autem & Kirchhemium An. 1322. eidem Comiti oppignerarunt.

## §. XII.

Ludovi-  
cus III.

Sobole Conradi II. extincta, omnis Teccensium hereditas ad lineam senioream, a Ludovico II. conditam, rediisset, nisi pleraque jam aut vendita aliis, aut oppignerata fuissent.

Ludovicum II. duos filios reliquisse vidimus, Ludovicum III. atque Hermannum..

Hermannus proprietatem bonorum in Welden, quorum usumfructum Ludovicus frater conjugis suæ Luitgardi, ex

(e) SATTLEB I. c. Part. I. pag. 176. sq.

(f) Ibid. Part. II. pag. 102.

Burgoviæ Marchionibus natæ, adscripserat, A. 1295. Parthenio Kirchheimensi, septennioque post homines suos in Marbach, Murr, Lauffen, Kirchberg &c. Eberhardo Comiti Wirtemberg vendidit; unde Ludovicum, mascula destitutum prole, fato præmature concessisse intelligimus. Hermannus autem continuavit stirpem, relictis quatuor filiis, Ludovico, Hermanno, Lutzmanno atque Friderico. (g)

## §. XIII.

Ludovicus IV. Teccensis Ludovicum IV. Imp. secutus est <sup>Ludovicus IV.</sup> Romam, ubi diploma erectionis Lucæ in Ducatum mense Febr. A. 1328. post Henricum, Ducem Brunsvic. *Ludovicus Dux de Tech* testis signavit. (h) A. 1346. ejusdem Imperatoris Curia Judex aulicus fuit. (i)

Ludovici hujus frater Hermannus II. jus patronatus in Herm. II. Waldmessingen A. 1343. & ecclesiam in Hoefslingen A. 1347. alienavit. (l)

---

(g) SATTLER l. c. Part. II. pag. 101.

(h) LEIBNIT. *Cod. Mss. Gent.* Part. I. pag. 132.

(i) SENCKENB. *de Sigill. Jud. Cur. Imp.* pag. 357.

(l) SATTLER Part. II. pag. 102.

An. 1361. Carolus IV. Imp. eum Ducem in *Oberndorff*, (m)  
ubi sedem habuisse videtur, nominat in literis, quibus ille  
Advocacia Alpirspacensi iussus est abstinere.

#### §. XIV.

Frideri-  
cus I.

Fridericus, natus minimus fratrum, Advocatiā Monasterii  
Alpirsp. administravit An. 1319. quo universos homines Alpirspacum  
migraturos a tributis & oneribus pronuntiavit immunes. (n)

An. 1347. a Carolo IV. Cæs. Advocatus provincialis  
constitutus est Augustæ Vindelicorum. (o) Mense Aprili anni  
sequentis in Aula eius versatus est Pragæ, quatuor Diplomatum  
testis, quibus Regni sui Bohemiæ successioni, juribus ac dignitati  
Carolus prospexit. In his post Coloniensem & Saxoniam Electores,  
leguntur Rudolphus junior Saxoniam & *Fridericus de Deck*  
*Duces*. (p)

An. 1349.

---

(m) BESOLD, *Docum. Wirtenb.* pag. 262, ubi: *Dem Edlen Herzog Herman  
zue Oberndorff.*

(n) BESOLD l. c. pag. 259.

(o) PAUL a STETTEN *Geschichte der Stadt Augsburg* Tom. I. pag. 102.

(p) Extant Diplomata hæc in Append. Docum. ad GOLDAST. *de Regno Bohem.*  
pag. 55. 599.

An. 1349. pridie Pentec. Carolus IV. Moguntiae literas dedit ad Fridericum, ut cum senatu Augustano de Judaeorum, quos civitas e medio sustulerat, bonis ad Imper. spectantibus, transigeret. (q) Decennio post idem Fridericus Teccensis Sueviam & Alfatiam Austriacam rexit, (r) imo & Alfatiam Imperialem. (s) An. 1360. Hospitale instituit Kirchhemii. (t)

## §. XV.

Temporum vitaeque humanae habita ratione, Friderico I. <sup>Fridericus II.</sup> filius cognominis tribuendus videtur, qui cum Duce Conrado Urslingensi de Pincernatu Abbatie S. Galli & Advocatia Alpirspacensi diu certavit, An. 1371. demum ita reconciliatus, ut castrum Wasneck & vicos Waldmellingen, Betzendorff, Boilingen, Oberndorff, nec non castrum Brandeck & Advocatiam Alpirspacensis Monasterii XI. mille & quingentarum Librarum Hall. pretio redemerit, suumque vicissim jus in Praefecturam Schiltach dimiserit. (u)

---

(q) STETTEN l. c. pag. 103.

(r) *Alfat. Illustr.* Tom. II. pag. 595.

(s) Ibidem pag. 367.

(t) SÄTTLER *Beschreibung des Herzogth. Würtemb.* Part. II. pag. 106.

(u) SÄTTLER l. c. Part. I. pag. 176.

\* A. 1381. Dux Fridericus de Tecke, & Dux Conradus, filius ejus, dimidiam castri sui Teck & oppidi Kirchheim partem cum viris castrensis & villa Lindach Eberhardo, Wirtemberg. Comiti, cui pignori data jam fuerant, pro XVII. mille & quingentis aureis vendiderunt; (x) unde nihil fere bonorum Teccensibus, præter Dynastiam Mindelsheimensem, supererat.

Fridericus brevi post extinctus, Conrado filio (y) ac duobus aliis pueris jam defunctis, Fridericum, Ulricum, Georgium & Ludovicum cum sex filia abus, numerosam nimis tantillo patrimonio sobolem, reliquit. (z)

### §. XVI.

Frideri-  
cus III.

Fridericus III. Dux oppidum Owen, castrum Gutenberg & vallem Lennungensem cum vicis Bissingen, Brucken, Eckweiler, Krefstein, Nabern, Oberlenningen, Unterlenningen, Ohmden,

(x) *Reichsstand. Archiv.-Urkunden* contra Ord. Equestr. Tom. I. pag. 1.

(y) Ad Conradum hunc spectare videntur verba, veteri Missali Abbatiae S. Galli antiqua manu inscripta: „A. 1361. in vigilia Ascens. Dom. natus est der iruchte Fürste Herre Herzog Conrad der dritte. Alium sane Conradum tertium, Ducem illius ævi, nullibi reperio.

(z) SATTLER I. cit. Part. II. pag. 103.

Roswelden &c. Wirtenbergico Comiti Eberhardo, qui loca hæc pignoris titulo possidebat, in perpetuum propria reliquit. (a)

Ulricus cum uxore sua Anna, Casimiri Ducis Poloniæ Ulricus.  
filia, Præbendam S. Steph. in Mindelheim An. 1409. fundavit;  
mortuus An. 1432. in Italia, Sigismundi Imp. dux belli atque  
Vicarius. (b)

### §. XVII.

Superstes adhuc unicus Teccensium Ludovicus, Patriarcha Gentis  
interitus.  
Aquilegiensis, invisus Venetis & fede sua expulsus, (c) A. 1439.  
d. 19. Aug. Basilæ, quo confugerat ad Concilium, decessit, ibique  
ante Altare Carthusianorum sepultus est. (d) **ÆNEAS**  
**SYLVIUS** (e) virum, non minus animi constantia, quam  
generis nobilitate præstantissimum vocat. Tum vero Dynastia

E e 2

(a) SATTLER l. c. pag. 110. sq.

(b) Idem l. c. pag. 104.

(c) UGHELLI *Ital. Sacr.* Tom. V. pag. 118. ubi mortem ejus ad An. 1434. jam ponit, sed pessime. Concilium Basl. sententiam excommunicationis in Remp. Venetam pronuntiavit d. 22. Decemb. 1435. donec Ludovicum hunc Patriarcham in integrum restituerit. Exstat sententia in *HARDUINI Actis Concilior.* Tom. VIII. pag. 1470.

(d) URSTIS. *Chron. Basl.* pag. 354.

(e) De *Concilio Basl.* Lib. I.

Mindelheim, & si qua alia Teccensium bona propria restabant, ad Ludovici ex Irmengarde sorore, quæ Vito Rechbergio nupserat, nepotes pervenerunt. (f) Dynastia illa seculo superiore denique ad Bavaros est translata. (g)

Zaringica stirps, postquam in tertia generatione palmes Teccensis pullulasset, in quinta exaruit. Teccensis ad octavam usque a fatore suo Alberto generationem per CCLXXXVII annos duravit. Utraque Ducalis cum defecisset Linea, sola Badensis Marchica perstitit.

(f) SATTLER l. c. pag. 104.

(g) A. 1618. sub Maximiliano, Bavarie Duce, brevique post Electore. Vid. ADLZREITERI *Annales Boici* Part. III. col. 32.



CAPUT



# T A B U L T E S F R I E S.

atus, A. 1219. cum Friderico II. Imp. def. Ducis Zaring. foror.

s de Friburg 1220.  
rito superstes.

CONRADUS Abbas Tenneba-  
finæ Cardin. & Lucellenfis 1221.

72. BERTOLDUS.  
1236.

HENRICUS Canon. Con-  
stenber 1275.

s Abbatiae S. Petri, a  
6. Ux. Catharina de  
Argent.

CONRADUS Comes, Dominus in  
Praepositus Neuenburg 1272.  
1293.

ndgravius  
arina, Fri-  
p. II. Anna  
Hermann

HENRICUS  
Thesaurari-  
us Ecclef.  
Argent. 1310.

GENUPTA Verena  
Præpositus Stras-  
clefi Baden-  
gent  
† 13

2. Comes Friburg. 1350.  
achberg, Dom. de Sau-  
pignus a patre accepit  
1331. sepulta Friburgi.

EGENORUS Comes de Stras-  
Brig. 1222. † ante 1364.  
sepultus  
Com. Ne

de  
u

CONRADUS III. Comes, Dolfi Marchionis de  
Comitatu Novi Castris Isabel de Roeteln, sepulta  
† 1422. sepultus in monasterio elenfi.

C. † 1458. improlis, Comitatus ex filio Wilhelmo,  
ns. A. 1444 Dynastiam Badevill de, Arausii Principis.



## §. II.

Mortuo itaque Bertoldo V. ultimo Zaringiae Duce, Agnetis Zaringiae Ducum heredes. fratre, An. 1218. de bonis ab eo relictis, allodiis atque feudis, certatum est. Nonnulla Fridericus II. Imp. nonnulla Teccæ Duces, Zaringenfium magnati, alia noster Egeno, alia Kiburgensis Comes, occupaverunt. Tutio rem elegerunt Teccenses, qui Imperatori, ut Sueviæ Duci, pecuniam offerenti, aurem præbuerunt. At paulo post filius Egeno universa Zaringiae bona, non solum quæ vi & armis, sed & quæ ære comparaverat Cæsar, repetiit, unicus, ut sibi videbatur, legitimus eorum per matrem heres. Nescio quid Cæsarem Fridericum denique moverit, ut armis odiisque depositis, honestissimam pacem Egenoni concederet.

Facta Ulmæ reconciliatione, Fridericus Hagenoam delatus, VIII. Id. Sept. A. 1219. ad civitates suas earumque scultetos literas dedit, ut significaret eis, Comitem Egenonem de Urach, consanguineum suum, ingratiam se recepisse; homines cujuscunque conditionis, durante bello ex civitate Friburg. aliisque locis ad se transgressos, Egenoni ejusque Ministerialibus restitui jubens. (h) Paucis post diebus, XIV. Calend. Octobris, omnis de successione Zaringica lis Hagenoæ quoque ita composita est, ut Egeno bona, quæ a Teccensibus Cæsar coëmerat, dono; alia, quæ donare

---

(h) Cod. Diplom. Bad. ad A. 1219.

ille non poterat, in feudum acciperet perpetuum. Quæ præterea Fridericus ex eadem hereditate tenebat, non tradita quidem sunt Egenoni, sed benigne promissa.

## §. III.

Egino  
pater &  
filius.

An. 1220. *Egino senior Comes de Urach, & Egino Comes de Urach, Dominus Castri de Fribure*, id est, pater ac filius, peculiari uterque Instrumento donationem curtis & molendini, Monasterio Tennebacensi a cive quodam Friburgensi factam, confirmarunt. Pater de Friburgo ita: „Civitas ab illustribus „Ducibus Zeringie, progenitoribus uxoris mee, Domine Agnetis „Comitisse, cujus ego jure matrimonialis consortii Advocatus „existo, ab antiquo fundata esse dignoscitur. „Filius autem his utitur verbis: „Civitas ab avis & proavis nostris, illustribus „Zeringie Ducibus, ab antiquis temporibus fundata esse „dignoscitur. „(†)

In eodem Instrumento *Domini & Avunculi sui Ducis Bertholdi*, atque hereditarie suæ successionis, mentionem filius facit. Filius itaque, non pater, novum *Domini Friburgensis* titulum jure materno assumpsit, unde eidem adscribenda est Charta anni sequentis, data Friburgi, qua *Egino Comes de Ura, Dominus Castri*

(†) Ex Tabular. Abbatis Tennebac. infra in Cod. Dipl.

*Castri de Friburg*, Ebirhardo ministeriali suo de Hasila permisit, ut, quos vellet, homines proprios Abbatiae Tennebacensi donaret.

## §. IV.

Eginonem patrem ad An. 1229. vitam protraxisse, Eginon-  
vocabulum *junior*, quo filius ejus Eginus ad illud usque tempus  
utitur, nobis persuadet. Superstes ei fuit uxor, Agnes Zaringica,  
quæ A. 1236. *Comitissa de Ura & de Friburg* dicta cum filiorum  
suorum assensu, post mariti fata, curtis proprietatem in Villingen  
Sanctimonialibus donavit. Peperit autem hæc Agnes, præter  
Eginonem juniorem, Conradum atque Bertoldum, viros in  
ecclesia illustres. Sunt, qui Bertoldum V. Zaringensem, in Regem  
Romanorum An. 1198. eligendum, duos ex sorore sua Agnete  
nepotes, Cunonem & Bertoldum, Electoribus obsides dedisse  
scribunt, religione sacramenti deinde obstrictos, ut ex custodia  
Colonienſi dimissi cœnobîa ingrederentur. Cunonem Prædicatorum  
Eslingæ, Bertoldum Salernitanum, Sueviæ monasteria, intrasse  
tradunt. (1)

De Conrado insigne testimonium extat in Diplomate  
Friderici II. Imp. quo Eginonem Comitem de Hura, ob dilectionem  
Conradus.

(1) Ita MICHAEL PRAUN, Consil. Badenſ. in *Badischer Heerschild* Ms. in  
tabulario Bada-Durlac. & WOLLERIUS in *Chron. Würtemb.* Ms.

& favorem singularem, quem erga fratrem ejus *C. Portuensem Episcopum S. R. E. Cardinalem*, gerebat, in gratiam suam recepit. Literæ hæ, uti ex Indictione patet, An. 1226. datæ sunt, apud Burgum S. Donini, Ducatus Parmensis oppidulum.

Conradum hunc Pontifex A. 1224. ex Italia in Germaniam miserat, ut crucem prædicaret; unde Coloniam profectus Fridericum Comitem de Isenberg & complices ejus, qui Coloniensem Archiepiscopum obtruncaverant, anathemate percussit, multosque per Germaniam cruce signavit, Terræ Sanctæ opem ut ferrent. (m)

Ad Bertoldum, Conradi fratrem, quod attinet, is inter Monasteriū Tennebac. Abbates An. 1215. occurrit. Nitiur hoc assertum fide Anonymi in Vita B. Hugonis, Ord. Cisterc. qui Bertoldum istum Abbatem *filium sororis Ducis de Zeringen* diserte vocat, ejusque patrem dicit Comitem de Urach. Illustrem Bertoldi prosapiam, Fridericus II. Imperator in Diplom. Hagenoæ IV. Id. Mart. 1214. Tennebacensibus dato; nec non Hermannus & Fridericus, Marchiones Badenses, An. 1215. indicant, quando *consanguineum* suum dilectum eum appellant. Hic ipse Tennebaco Lucellam deinceps translatus videtur Abbas. (n)

Bertol-  
dus.

(m) GODOPREDUS MONACHUS ad A. 1224. & seq. apud FREMER. *Scriptor. Rer. Germ.* Tom. I. pag. 393. & 395. Adde *Chron. August.* ibid. pag. 520.

(n) BERNARDINI *Fasti Lucell.* pag. 161, sq.

## E G I N O J U N I O R.

## §. V.

**R**edimus ad Eginonem juniorem, primum Friburgi <sup>Friburgi Comes.</sup> Comitum, cui consanguineo suo, *Eguenoni Comiti de Hura*, ob fratrem ejus, uti vidimus, Conradum Fridericus II. Imper. A. 1226. seditiosa, quæ foverat, condonavit consilia, pacemque cum Henrico, Rege Rom. Spiræ factam, auctoritate sua stabilivit; suadens hortansque vehementer, ut decretum in Terram Sanctam iter bene præparatus susceperet.

*Comes Eginus Junior de Urach & Dominus de Friburg* prædium in Algiswilre & apud Oberkilche agros ac silvas, quas Guta de Reinchem & Henricus quidam miles tenuerant, monasterio Omnium Sanctorum Nigræ Silvæ donavit. Charta donationis notis chronologicis destituta (o) A. 1229. data videtur, quo Bertoldus, Episc. Argent. aliam Gutæ de Reinichen donationem, eidem Monasterio factam, confirmavit. (p).

A. 1229. Constantiensis Episcopus confirmat sententiam ab *E. juniore Comite de Urach* latam, in controversia inter Monasterium

F f 2

---

(o) Extat apud SCHANNAT. *Vindem. Liter. Collect.* I. pag. 150.

(p) Ibidem pag. 143.

S. Blasii & Henricum militem de Gephingen, super jure patronatus ecclesiæ in Utinwilare. (q)

An. 1230. Henricus Rom. Rex *Comiti Egenoni de Friburc* quod Judæos apud Friburc captivaverat, omnem rancorem & indignationem remittit. Literæ datæ apud Brisacum Idibus Augusti.

Prima heic Comitis Friburc mentio, cum antea *Comes de Urach*, *Dominus de Friburc* diceretur Friburgi possessor. At sub Egenonis filio demum & successore Conrado titulus *Comitis Friburg.* compendii causa omnino invaluit.

#### §. VI.

Acta ab  
A. 1230.

An. 1230. Egeno Comes a partibus Ulrici Comitis Phirret. contra Bertholdum de Teck, Episcopum Argent. stabat, quod dissidium per Henricum Rom. Regem compositum. (r)

An. 1234. XV. Cal. Mart. Henricus Rex Rom. de argentifodinis & custodia silvarum Brisgovie contra Hermannum, Marchionem Badensem, qui illis inhiaverat, pro Ecclesia Basiliensi & *Eginone Comite de Friberc*, Ecclesiæ hujus vasallo, in Curia Francofurt. sententiam pronuntiavit. Sed & idem Henricus Rex paulo post Egræ *Comitem Egenonem de Friburc* &

(q) HERRG. *Genealog. Habsb.* T. II. pag. 237.

(r) URSTISI *Chron. Basil.* pag. 120. seq.

*de Urach* „ de fluminibus Renchental , Wisen , Brigen , Kinzechen „ usque Gengenbach & nominatim Milenbach , Elzach , Treysonia , „ Brega & Danubio usque ad Ymmendingen cum universis rivis , „ qui predictis fluminibus recipiuntur „ investivit , ut quicquid in iis , sive in montanis adjacentibus auri vel argenti invenerit , jure feudali in suam converteret utilitatem. Privilegium hoc Conradus Comes Friburg. A. 1387. cum Rudolfo Marchione , affine suo , communicavit.

Eodem anno 1134 *Egeno Dei gratia Comes de Urach & Dom. in Friburg* cum uxore sua Adelheide monasterio Tennebacensi vites donavit. Actum in Castro Friburg.

## §. VII.

**E**geno hic An. 1236. arcem supra Friburgum , in inferiore montis parte , construxit , ad continendam in obsequio urbem. (s) <sup>Mors ejus.</sup> Castrum hoc perpetuus deinde inter Comites & Cives turbarum fomes evasit.

Egeno II. eodem , quo castrum construxit , anno decessit ; cum conjuge sua Adelhaide in monasterio Tennebacensi sepultus. (t)

## F f 3

(s) GEORG. KIEFFER , Academiæ Friburg. Juris Antecessor , in Dissert. de *Habsburgo-Austriaca Domo* , A. 1671. edita Friburgi 8vo. Auctor hic ex duobus Egenonibus , patre & filio , nonnisi unum constituit.

(t) KIEFFERUS lib. alleg.



Uxor &  
liberi.

Hic ex Adelheide (u) quatuor filios reliquit, Conradum, Bertoldum, Henricum & Godofredum, qui mortuo patre A. 1237. cum matre sua *Adelheide D. G. Comitissa de Friburg* jus census, quod in area curiæ monasterii Tennebacensis prope Friburgum habebant, dimiserunt ex manibus. Actum in Ecclesia de Friburg. (x)

Idem quatuor Comitis Eginonis de Urach filii cum matre sua recensentur in alia Charta Tennebacensi, qua progenitorem suum, in grangia Monasterii hujus, in suburbio Castri Friburg sita, capellam exstruxisse, seque censum XII. solidorum eidem Monasterio donasse perferibunt.

Conradus patri successit Friburgi. De fatiis Bertoldi silent Annales. Inter Ecclesiæ Constant. Canonicos A. 1275. ut mox videbimus, comparat Gotfridus. Henricum autem familiæ Fürstenberg. conditorem novimus.

### §. VIII.

Comitum  
Fürstenb.  
origo.

*Hainricus Comes de Urach, Dominus in Fürstenberg* consensu Comitis Gotfridi *fratris* sui, Canonici Constant. Ecclesiæ, curiam apud capellam S. Nicolai vendidit An. 1270.

(u) *Chron. Friburg.* a SCHILTERO edit. pag. 24. eam vocat Adelheidem Comitissam de Niffen.

(x) Instrum. Tennebac.

*Henricus Comes de Vurstenberc* A. 1275. pro se & Godefrido, fratre suo, Canonico Constant. necnon *Cunradi quondam fratris, Comitis de Friburch*, filiis, Eginone & Henrico, transegit cum monasterio Omnium Sanctorum, super curiam inferiorem in Nuspach & jus patronatus ecclesiæ ibidem, Monasterio huic a quondam matre ipsius Comitis, tunc in minoribus annis constituti, vendita. Transactionem *Egino & Henricus Comites de Friburch* ratam habuerunt, Henricum Comitem de Vurstenberc in eodem Instrumento patrum suum nuncupantes. (y)

In aliis ejusdem anni literis Henricus miles de Wilre & Erkenboldus, filius ejus, dictus Mulner, eidem monasterio Omn. SS. redditus ex officio sculteti in Korc vendidit, quos ab Illustr. Dom. H. Comite de Furstenberc ac ipsius cohæredibus, Egenone & Heinricho, Comitibus de Friburg, in feudum tenuerat. (z) Communem hanc suæ stirpis originem Furstenbergæ & Friburgi Comites seculo etiam sequente professi sunt.

Egeno Comes de Fryburg & Conradus Comes de Furstenperg literis A. 1365. datis diserte profitentur, Ecclesiam parochialem villæ Nuspach cum omnibus suis capellis & jure patronatus *progenitores* suos Omnium SS. donasse monasterio. (a)

(y) Instrumentum hoc edidit SCHANNAT. *Vindem. Liter. Collect.* I. pag. 146.

(z) SCHANNAT. l. c. pag. 148.

(a) Transumptum harum aliarumque hujus Monasterii chartarum in senata Argent. factum An. 1529.

Rudolfus I. Imperator A. 1289. Conradum de Friburg & H. de Furstenberg Comites suos avunculos vocat. (b)

§. IX.

Aliorum  
errores.

**ALBERTUS ARGENTINENSIS** (c) hoc in argumento dupliciter peccavit. Furstenbergensium auctorem non Henricum, sed *Egenonem* appellat, eumque filium non Egenonis, Comitis Friburg. sed patris ejus, Comitis de Urach, constituit.

**BUCELINUS** (d) Henricum quendam nominat Furstenbergæ Comitem, sed Albertum Argentinensem in reliquis secutus, Egenoni Uracensi, Agnetis Zaringensis marito, filium eum tribuit, quem nos constituimus nepotem, adeoque fratrem Egenonis, Friburgi Comitis, facit, cujus Henricus dicendus est proles. Nec **SPENERUS** (e) in Genealogia hac adornanda sincerus est. At longius a veritate aberrat **HUBNERUS**, (f) secundum quem Henricus ille Furstenbergicus patrem habuit Bertholdum, Egenonis Uracensis, Bertoldi V. Zaring. affinis, patruelem.

CONRA-

(b) *Carlsruher Samml.* pag. 82.

(c) *Chron.* pag. 99.

(d) *Germania Stenmatograph.* Tom. IV. pag. 88. fq.

(e) *Oper. Herald.* Part. Spec. Lib. III. Cap. XIX.

(f) *Genealog. Tabular.* Tom. I. Tab. 266.

## C O N R A D U S I.

## §. X.

An. 1244. Conradus Comes de Friburg in Hartmanni Acta ab A. 1244  
senioris, Comitis de Kiburg, literis, quibus Ecclesiæ Argent.  
bona sua in feudum obtulit, testis legitur. (g)

An. 1248. Innocentius IV. Papa Nobili Viro C. Comiti  
de Friburg promissionem H. Romanorum Regis de restituendis ei  
castris & oppidis *Nuwenburg*, *Offenburg* & *Ortenberg*, jure  
successionis hereditariæ ad ipsum pertinentibus, cum expotestate  
inimicorum Ecclesiæ fuerint liberata, literis quoque suis roboravit.  
Jus suum Conradus num ex avia Zaring. an aliunde acceperit,  
non liquet. Eandem restitutionem oppidi Nuwenburg & omnium  
aliorum bonorum, in quibus jus proprietatis habuit, *Conrado de*  
*Friburg* Comiti, consanguineo suo, per H. Landgravium  
Thuringiæ, Rom. quondam Regem, factam, Wilhelmus, Rom.  
Rex, An. 1251. Argentinæ firmavit.

## §. XI.

An. 1255. Conradus Comes de Friburg cum consensu filii Acta Fri-  
burg. ab  
A. 1255.  
sui Conradi, plebani Ecclesiæ paroch. Friburg. parocho Hospitalis  
S. Spiritus jura parochialia concessit. Ab initio Chartæ hæc

---

(g) HERRG. *Genral. Habsh.* Tom. II. pag. 277.

legimus: „ Cunradus Comes de Friburg & Cunradus filius  
 „ ejusdem, plebanus Ecclesiæ parochialis loci predicti. „ Et in  
 fine: „ Ego Cunradus plebanus Ecclesiæ parochialis in Friburg  
 „ proprium sigillum non habens, sigillo Domini & patris mei  
 „ Comitis sum contentus. Datum & actum Friburg anno Dni  
 „ Millef. CC. quinquagesimo quinto, XVIII. Cal. Maji, presentibus  
 „ Cunrado dicto de Unckilch & Baldemaro sacerdotibus vicariis  
 „ in Friburg, Cunrado dicto Schnewelín, sculteto nostro,  
 „ Hermanno Schnewelino seniore, Heinrico Bazfario, Ludewico  
 „ de Munzingen, Heinrico de Munzingen, Militibus, & aliis  
 „ quam plurimis civibus Friburgensibus.

Appensa sunt duo sigilla, primum equestre Cunradi Comitis,  
 cum hac epigraphe: *S. Cunradi Comitis de Vriburg*. In scuto  
 visitur aquila expansa ac supra galeam itidem aquila. Alterum  
 urbis Friburg. sigillum exhibet murum cum tribus fornicibus  
 totidemque turribus, in quarum duabus extremis singuli insunt  
 viri cornua inflantes. In area hinc inde stella & in imo lili forma.  
 Epigraphe hæc est: *Sigillum Civitatis de Vriburgh in Brisgaudia*.

## §. XII.

Acta ex-  
 ternis ab  
 A. 1258.

An. 1258. Comes Cunradus de Vriburch, Comes  
 Ruodolfus de Habspurch & Dynasta Usenbergensis, in causa  
 quadam Tennebacensi arbitri electi, sententiam suam vernacule  
 literis consignari atque sigillis suis muniri curarunt.

Eodem anno *Conradus Comes de Friburg* donationem eandem, quam avus ejus *Comes Eginus senior de Urach dictus cum barba*, & pater *Eginus Comes* ratam habuerunt, (h) Abbatiae Tennebacensi factam, approbavit, ubi *Domine & avunculi patris sui, Ducis Bertholdi*, quoque mentionem facit.

An. 1261. *Conradus Comes de Friburg* cum *Rudolfo Comite de Habsburg* Argentinam venit, ut Civitati huic contra Episcopum, *Waltherum de Geroldseck*, præstaret auxilium. (i) Charta foederis signata fuit die Dom. ante S.<sup>m</sup>Matthiae. (l)

An. 1262. inter nobiles viros & Comites, diplomatis, a *Richardo Imp. Selestadii* concessi, testes, *Conradus de Vriburg* occurrit. (m)

An. 1269. *Wernheri de Stophen* chartam, pro monasterio *S. Trudperti Friburgi* datam, signarunt *Conradus Comes de Vriburg*, *H. filius suus*, *Ruod. de Stophen*, *Gotfridus de Stophen junior*, Miles. (n)

An. 1271 *C. & H. fratres de Friburg & de Fuirstenberg Comites* in Charta *Rudolfi Comitis de Habsb.* qua curiam in

G g 2

---

(h) Vide supra An. 1220. §. III. pag. 224.

(i) *KOENIGSHOVII Chron. Argent.* pag. 247.

(l) Tabular. Civ. Arg.

(m) *HERRG. General. Habsb.* Tom. II. pag. 378.

(n) Ibid. Tom. III. pag. 419.

Thiengen Monasterio Cellæ S. Mariæ in Nigra Silva vendidit, testes leguntur.

### § XIII.

Mors ejus  
Uxor &  
liberi.

Conradus A. 1272. mortuus, in Basilica Friburgensi sepultus est. (o) Uxor ejus fuit Sophia, filia Friderici Com. de Zolre, post multas cædes inter duas has familias ducta A. 1248. teste Innocentio IV. Papa in literis ad Episcopum Argent. (oo)

Reliquit tres filios, Eginonem, Heinricum, qui paternas mox opes inter se partiti sunt, atque Conradum, parochum primo, uti vidimus, Friburg. dein Ecclesiæ Constant. Præpositum, qua dignitate ornatus A. 1289. infra comparet.

Egino Comitatum Friburgensem, Heinricus Neoburgum, Badéwillam & Hufen in valle Kinzingana obtinuit, rivulo, qui Heitershemiū præterlabitur, fratrum possessiones determinante.

Vasalli, Ministeriales, argentifodinæ manserunt communes. Neoburgum autem in aliena potestate constitutum cum esset, Egino recuperando ei opem suam fratri addixit. Huic divisioni testes interfuerunt Comites Rudolphus de Habesburg, Heinricus de Furstenberg, C o n r a d u s de Friburg, Canonicus Constant. Eginonis atque Heinrici frater.

(o) KIEFFER *de Domo Habsburgo-Anspr.* pag. 146.

(oo) Notitia Mst. ex tabulario Vaticani. *Conf. Chron. Friburg.* pag. 30.

## §. XIV.

Henricus ergo cum Episcopo Basil. de Neoburgo oppido, <sup>Henricus Comes.</sup> quod ex hereditate paterna acceperat, litigavit. Negata ei possessio oppidi, quod civis cujusdam uxorem violaverat. (p) Henricus hinc Rudolfum Habsb. in obsidione Basiliensi adjuvit. (q) Uterque Comes A. 1273. suam cum Episcopo causam Burggravii de Nürnberg & H. Marchionis de *Hahberg* judicio submisit. (r) Rudolfus mox in Regem Rom. electus, Neoburgenses, de Comitibus sui petulantia conquestos, ipse tueri cœpit, eosque valorem decimæ bonorum partis pro redemptione sui Henrico præstare iussit. (s)

An. 1276. Henricus Comes fratri suo Egenoni Badam (Badenweiler) Ougheim & Neoburgum cum omnibus aliis bonis, vassallis ac juribus vendidit.

Henricus *frater Comitibus de Fribourch* legitur in Charta Friderici Ducis Lothar. qua filiam suam Catharinam Conrado, Egenonis filio, desponsavit A. 1290. (t)

G g 3

---

(p) ALBERT. ARGENT. *Chron.* p. 59. URSTIS. *Chron. Basil.* pag. 130.

(q) TSCHUDI *Chron. Helvet.* Tom. I. pag. 176.

(r) URSTIS. l. c. pag. 133. & HERRG. *Geneal. Habsb.* Tom. III. pag. 436.

(s) ALBERTUS ARGENT. *Chron.* pag. 100.

(t) CALMET. *Histoire de Lorraine* Tom. II. Probat. col. 530.



An. 1293. Egeno & Henricus fratres, de *Vriburg Comites*, in Diplomate Adolphi Nassovii, apud Eßlingam monasterio Adelbergenfi dato, sunt testes. (u)

Biennio post Henricus nihil cum argentifodinis Brisgoviae se moliturum promisit, fratri quod damno esset; imo jus omne suum in argentifodinas has, feudum Basil. A. 1297. eidem resignavit. Natis autem exinde controversiis A. 1300. quatuor arbitros & superarbitrum Hermannum, Com. de Sulz, coram Alberto I. Imp. Coloniae elegerunt.

### §. XV.

*Heredes  
ejus.*

Henricus duas filias habuit, Margaretham & Verenam, quas Egeno patruus de hereditate paterna securas tum esse jussit. Margaretha Ottoni Comiti de Strasberg nupsit, cui post Henrici loceri mortem A. 1303. pars argentifodinarum a iudice Imperiali adscripta est. Noribergae, praesente Egenone, qui in Regis aula remanere est jussus, donec Strasbergio securitatem rei praestiterit. Comes Otto de Strazberg Henrici March. de Hachberg literis de judicio feudali, Burghemii habito, sigillum suum An. 1306. appendit.

An. 1322. Margaretha Comitissa de Strazberg cum filio suo Jemerio fatetur, Meinwarte de Tothikoven & Heinzmanno

---

(u) *Petri Suevia Eccl'es.* pag. 5.

Wollebio decimum sextum denarium ex argentifodinis deberi, ducentis marcis, quas patri ejus Heinrico dederant, redimendum. Appensa Chartæ sigilla *Margarete de Montfort, Jemerii Com. de Strazberg, Conradi Com. de Friburg, Friderici filii C. Comitis de Friburg, Ludovici Com. de Strazberg, Cantoris Ecclesie Argent. & Rudolphi Comitis de Nidowe.*

Margarethæ, Comitissæ de Strasberg, sigillum biennio post quoque comparet in literis Henrici de Brüligen, patroni ecclesiæ Badevillæ quibus cum monialibus in Adelhausen transigit. Singulare est, in hoc quoque sigillo legi verba: *S. Margarete de Montfort*; unde divinare licet, ipsam nuptam fuisse Montfortio Comiti, antequam cum Strasbergio jungeretur, cujus uxor cum esset, prioris matrimonii sigillum retinuisse videtur.

## E G E N O III.

## §. XVI.

Heinrici frater natu major Egino III. & Civitas Friburg. Acta ab  
A. 1282.  
die Jovis post S. Bartholomæi A. 1282. cū Domino Veldentia de induciis semestribus, & sub initium Aprilis sequentis inter se ipsos convenerunt de pace.

An. 1284. Turnero Wollebio, eorumque sociis ad argentifodinas in Suckendal & in monte Ducis (*Herzogenberg*) per fundum Abbatia S. Petri, cujus advocatus erat, aqueductum

faciendum permittit. Episcopi Basil. vassallus adversus Reinaldum, Montisbeliardæ Comitem, An. 1288. eidem auxilium præstitit. (x)

Renatis autem inter Eginonem Comitem & Cives Friburgenses discordiis, hos Rudolphus Imp. An. 1289. induxit, illi ære alieno multum laboranti ut 400. marcas argenti penderent, jus gabellæ in X. annos vicissim accipientes. Pecuniam istam Eginopro parochialibus in Freyburg, Mülnheim & Badenweiler ecclesiis fratri suo Conrado, Præposito Constant. ad quinque annos mutuam dedit.

Mense Aprili A. 1290. Fredericus, Dux Lotharingæ, Egenoni Comiti de Friburch, nobili viro, omne damnum, quod ex societate armorum, cum ipso ad dies vitæ contracta, accepturus foret, refarcire promisit.

### §. XVII.

Acta Fri-  
burg. An.  
1291.

Jus civitatis Friburg. absque ullo onere, ut pater dederat, Eginopro Abbatiæ Tennebaccensi A. 1291. ac biennio post *Cuonradus de Friburg, Præpositus majoris Ecclesie Constant. Rector Ecclesie parochialis in Friburg in Briscaug, & Eginopro Comes Dominus de Friburg* Hospitali Friburg. jus parochiale confirmarunt. Testes hujus rei fuerant Burchardus dictus Schœnherre, Thomas, Henricus, sacerdotes, Dietericus de Tusselingen, scultetus:

Zuigo

(x) Tschudi Chron. Helvet. Tom. I. p. 197. not.

Zuigo Magister, Heinricus scriba, frater Burchardus de Crozingen, frater Joh. Sibellinger &c. Datum & actum Friburg II. Id. Apr. anno Dni. M. CC. LXXXX. tertio, Indiēt. VI. Appensa sunt sigilla tria, quorum primum Præposituræ Constantiensis effigiem S. Stephani Protomartyris exhibet, adjecto lilio.

An. 1297. Eginus Comes, cum Olearios (*öler*) Friburgenfes furti ac falsi damnaſſet, orta que hinc lis eſſet cum civitate, Otto de Stophen, Heinricus Burgravius de Dorolsheim & Bertoldus de Nuwenburg die Sat. poſt feſtum Paſchale ſententiam tulerunt, judicia fanguinis, furti & falſi Friburg. Comiti tribuentes.

An. 1298. XVI. Kal. Jan. Albertus Rom. Rex ſpectabili viro Egnoni *Comiti de Vriburch*, qui a partibus ſuis contra Adolphum Naſſovium ſteterat, (*y*) caſtrum Malberch cum bonis, villis, juribus univerſis pro mille marcis argenti ponderis Argent. oppigneravit.

### §. XVIII.

Anno ſequenti Eginus Friburgum obſedit, in qua obſidione affinis ejus, Conradus de Lichtenberg, Episcopus Argent. periit. Bellum  
Friburg.  
„ Carnifex Friburg. Episcopum ſuper dextrario in rubea  
„ Wambafia circumeuntem & exercitum ſuum ad pugnandum

---

(y) TSCHUDI Chron. Tom. I. pag. 117. URSTIS. Chron. Baſil. pag. 156.

„ incitantem, cuspidē perforavit „ (z) In loco cordis, mille passibus ab urbe, crux erecta, atque capella, quae adhuc extat, Inscriptione crucis tamen fere deleta.

Inde circa festum nativitatis Mariae compromissum in arbitros, quibus in diversa abituris, Rex Rom. Albertus, causa iudex, additus, qui literas sigillo suo ipse munivit. Addita quoque sigilla Episcopi Constant. Henrici, Conradi Abbatis Campidon. Eberhardi Comitis Wirtemberg. Egenonis & Conradi Comitum de Friburg. Mense Decembri electi sunt arbitri septem, Dietericus de Tüfelingen. Egenolfus Kùchelin, Joh. Snewelīn, Gotfr. de Sletztatt, Burcardus der wisse Peger, Bertoldus der Sernitzcr de Nuwenburg & Jacobus frater ejus. Exeunte mense Januario sequenti septem hi arbitri pronuntiarunt sententiam, qua vera denique pax inter Comites & Cives Friburg coaluit. Gabellau vini Civitas ad XVII. annos pro 300. marcarum argenti canone annuo servavit. Instrumentum hoc sigillis suis roborarunt Marchio Heinricus de Hahberg & Marchio Rudolfus, fratres, Hesso de Ufenberg, Rudolfus de Ufenberg, Heinricus & Waltherus fratres de Gerolzegge, Johannes & Wilhelmus de Schwarzenberg.

### §. XIX.

Acta vera.

An. 1300. medio mense Jun. Ludovicus de Bergheim, Miles, Conradus & Wernherus fratres, Egenoni Comiti Friburg.

---

(z) ALBERTUS ARGENT. pag. 112.

castrum *Lynperg*, quod pater ipsorum Cuno a Rudolfo Comite Habsb. emerat, in feudum obtulerunt. An. 1307. die Merc. ante S. Georgii Egeno Comes munivit filium suum Conradum literis ad Albertum Regem Rom. ut subortas novas cum civitate Friburg. controversias ei exponeret. Eandem ob causam die Lunæ post S. Matthæi A. 1308. cum Theobaldo Comite Phirret. ejusque filio Ulrico, Domino de Rotenberg, ut & Eberhardo Comite Wirtenberg. Egeno, Conradus & Heinrichus Comites Friburg. pater & filii, mutui auxilii sædus quinquennale inierunt.

## §. XX.

Civilibus cum urbe Friburgensi discordiis successerunt Dome-  
stica.  
domesticæ, inter patrem & filium.

Egenonem patrem, ne possessiones suas dissiparet, aliisve venderet, in castro Friburg. captivum tenuit Conradus, donec ille Regis Ludovici Bav. & amicorum suasu Comitatum Friburg. Conrado & ejus heredibus se servaturum promisit. Ludovicus Bav. hac de re literas securitatis contra quosvis captivitatis paternæ vindices ineunte anno 1315 (a) Conrado Oppenheimii dedit.

Egeno denique pro animæ suæ salute Dominium *Friburg*, castrum & oppidum, ministeriales & vassallos, omnisque generis bona, castrum *Ceringen*, vallem *Glotterthal*, exceptis hominibus

H h 2

---

(a). Die Jovis vor dem zwölften Tage.

S. Petri, bona advocatiæ S. Ulrici & Selden, Conrado filio tradidit; curiam dictam *Göllinschof*, vicum *Ebnöte*, advocatiam S. Petri, & redditus annuos 150. marcarum ex civitate Friburg, servans. In literis his mentio fit Egenonis filiæ Claræ, quæ in monasterio S. Claræ Friburgi vivebat. Appendunt sigilla varia, Egenonis novum, quo Deipara cum infante Jesu exhibetur; *Conradi Comitis de Friburg, Friderici filii C. Comitis de Friburg; Marchionis Heinrici de Hachberg, Heinrici de Schwarzenberg &c.* Egeno brevi post in eodem S. Claræ monasterio Friburgi sepultus est. (b)

### §. XXI.

Egeno-  
nis filii.

Præter Conradum filios Egeno habuit Henricum & Gebhardum, Ecclesiæ majoris Argent. Canonicos. Literas patris, quibus Rudolpho Turnero, militi Friburgensi, venditus est rivulus in Hafela, A. 1310. consensu ac sigillo suo munivit *Henricus de Friburg, Ecclesiæ Argent. Thesaurarius*. Triennio post Gebhardus, ejusdem Ecclesiæ Præpositus, cum fratre suo Conrado, Comite Friburg. militum de Keppenbach fidejussorem egit apud Hachbergensem Marchionem, Henricum. Mortuo Johanni Episcopo Argent. A. 1328. Gebhardus hic Præpositus a magna Canonicorum parte destinatus fuit successor; sed prævaluit

(b) KIEFFERUS in Dissert. alleg. pag. 146. Sed monumentum ejus interit.

Bertoldus a Bucheck, (c) in quem Gebhardus una cum Conrado de Kirckel, Thesaurario, An. 1335. conspiravit, (d) biennio ante mortem. (e)

## C O N R A D U S I I.

## §. XXII.

In Imperii schismate Conradus II. Comes a' Ludovici Bav. <sup>Asta ab A. 1315.</sup> partibus contra Austriacos stabat. Is An. 1315. Kalend. April. literis Spiræ datis *nobili viro Cunrado Comiti de Friburg* mille marcas argenti promisit, 500. proxima octava pentecostes, reliquas die S. Michaelis solvendas. Eo autem promissis non stante, res Imperii pariter ac suas occupandi potestatem Cæsar Conrado permittit.

A. 1316. vigilia Palmarum Conradus Comes civitatis suæ Friburgensis jura confirmavit; inter quæ gabella frugum & vini, jus eligendi Consulem, Tribunos, Ludimoderatores, ædituos, jus monetæ, immunitas ab oppignerationibus recensentur. Appendet *figillum Cunradi Comitis de Friburg*, ac *S. Civitatis de*

H h 3

(c) Cujus vitam ALBERTUS ARGENT. descripsit apud URSTIS. *Script. Part. II.* pag. 169.

(d) Ibid. pag. 172.

(e) Ibid. pag. 173.



*Vriburghin Brisgaudia.* Landgraviatum Brisgoviae titulo pignoris Conrado huic A. 1318. adscriptum, in Landgraviis docebimus.

A. 1321. die Merc. post nativitatem B. Mariæ ipse Conradus & filius ejus Fridericus, relicti Ludovici Bavari partibus, cum Friderico Austriaco, Rom. Rege, & fratribus ejus in gratiam redierunt, his legibus, ut antiquatis literis & mandatis contrariis, Comites per biennium Austriacis opem ferant, nec decennii spatio hostile quid in eos moliantur, 500. marcas argenti vicissim accepturi, pro quibus possessiones quasdam proprias ejusdem valoris Austriacæ genti in feudum offerrent. Transactio hæc a Leopoldo Duce, nondum à Friderico Rege, qui longe tum aberat, Selestadii fuit signata.

### §. XXIII.

Acta ab  
A. 1331.

An. 1331. Dux Conradus de Urselingen, centum marcas argenti a Conrado repetens, Judicis Imperialis aulici, Conradi de Gundolfingen, sententia ab Henrico & Johanne, Dominis de Rappoltstein, in castri & oppidi Friburgensis possessionem immisus est, ad breve tempus.

An. 1338. Rudolfus de Bergheim, Miles, inter Comitem Conradum de Friburg & Waltherum de Endingen super bona castri Liechteneck; at A. 1341. die S. Matthæi Conradus Comes inter Lutoldum de Krenchingen & Lutoldum, filium ejus, Canonicum Argent. ex una parte, Marchiones Rudolphum &

Ottonem fratres de Hachberg ex altera, litem decedit, prioribus vicum *Nider Eggenheim*, cum jure patronatus, posterioribus castrum *Branbach* (Brombach) cum omni jure adscribens.

## §. XXIV.

**O**biit Conradus senio confectus An. 1350. & apud <sup>Mors</sup> Dominicanos Friburgi sepultus est. In choro ecclesiæ hæc legitur <sup>ejus.</sup> sepulchralis inscriptio: „ Anno Domini M C C C L. decima die Julii „ obiit inclitus Comes Conradus Dominus Friburgi ac Lantgravius „ Brisgawie. „ Lapidı sepulchrali duplex scutum infidet, superius, quod aquilam, inferius, quod aquilulas tres, uti videntur, Lotharingicas, sistit, prior Conradi uxor quum Catharina Lotharingica fuerat.

Cum Catharina hac, Friderici Lotharingiæ Ducis filia, <sup>Catharina</sup> Conradus, a patre suo emancipatus, An. 1290. sponsalia iniit, <sup>Lothar.</sup> <sup>uxor.</sup> teste Charta apud CALMETUM, (f) qua „ Conradus „ primogenitus nobilis viri Egeno Comitis de Fribourch Constant. „ Diocæsis, castrum Liethenkke (*Liechteneck*) cum 80. marchatis „ terræ „ sponsæ suæ assignavit.

De nuptiis his ANNALES COLMAR. ad eundem annum ita: „ Comes Eginus Friburg. dederat filio suo filiam Ducis Lotharingiæ

---

(f) *Hist. de Lorraine* Tom. II. Probat. col. 535. Errat *Chronicon Friburg.* pag. 30. ubi priorem Conradi uxorem Lotharing. Johannam vocat.

„ in uxorem. Conradus de Liechtenberg, Episcopus Argent.  
 „ harum nuptiarum causa magnam curiam in Argentina celebravit.

An. 1316. Catharina hæc marito suo, ut castrum  
 Liechteneck, vidualitii nomine sibi obnoxium, pro 400. marcis  
 argenti aliorum pignus constitueret, indulgit.

§. XXV.

Anna de  
 Sigenau  
 uxor.

Mortua Catharina alteram Conradus Comes uxorem  
 duxit Annam, Ulrici Domini de Sigenowe filiam, (g) cui 100.  
 marcarum reditus ex censu Friburg. An. 1330. pro vidualitio  
 adscriptit. Ex manibus ejus oppidulum Ettenheim Bertoldus  
 Episcopus Argent. mille trecentis marcis An. 1334. redemit. (h)

A. 1351. mense Decembri Anna hæc cum Johanne Comite  
 Fürstenberg. curatore suo, coram Johanne Werdenfi, Infer.  
 Alsatiae Landgravio, Ulrici filio, præfente Bertoldo, Episcopo  
 Argent. in ejusdem curia Argentinæ, castra *Liechteneck* & *Nürnberg*,  
 pro 320. marcis oppignerata, ab Eginone filio, Comite Friburg.  
 libera ad dies vitæ accepit: *S. Anne d. Sigenowe Comitisse d.*  
*Friburg.* Mense Januario sequente Hermannus Dux de Tecke,  
 Annam hanc viduam ducturus uxorem, quicquid illa de Castris  
*Liechteneck*

(g) ALBERTUS ARGENT. de *Gestis Bertholdi Episcopi* pag. 169.

(h) Charta ap. BERLER *Chron.* Ms. fol. 366.

*Liechtenek & Nünburg* cum filio suo egerit, se servaturum promisit. *S. Herm. Ducis de Tecke. S. Johannis Comit. de Fürstberg.*

## F R I D E R I C U S.

## §. XXVI.

Pater 150. marcarum argenti redditus perpetuos medio anno 1330. & octennio post Judæos Friburgenses ad decennium Friderico huic filio concessit. Landgraviatum Brigoviae, ab affinibus Hachbergæ Marchionibus sibi oppigneratum, idem vivo patre administravit, ejusque investituram a Ludovico Imperat. A. 1334. obtinuit, ut in Landgraviatus historia clarius docetur. Fridericus tamen patri suo Conrado judicii Provincialis exercitum pro dimidia emolumentorum parte ad tres annos A. 1336. reliquit. A. 1349. Fridericus Argentinensibus sese junxit contra eos, qui Judæos combustos forent vindicaturi. (i)

Acta  
cum  
patre.

Ortam inter Fridericum & Eginonem fratres de banno serino & argentifodinis Brigoviae controversiam Johannes Episc. Basil. judicio feudali A. 1351. ita decedit, ut dimidium hujus juris sive feudi Basil. partem Egenoni juniori omnino addiceret. Paulo post inter fratres hos convenum, ut suam quisque banni, ferarum

Cum fra-  
tre.

(i) SCHILTER ad Kœnigshoven pag. 1049.

partem alienaret pro lubitu. Partem suam Fridericus Comes Marchioni Heinrico de Hachberg jure feudali A. 1356. concessit. Sed anno sequenti, post mortem Friderici, Curia feudal. Basil. bannum illum integrum, excluso Marchione, soli Egenoni Comiti, Friderici fratri, adscripsit.

Cum aliis. Jus patronatus & vicum Eistat, ab Usenbergicis Dynastis refutatum, rogantibus iis, Gerhardo Schultheisso de Endingen, Militi, aliisque contulit Fridericus, à quo anno superiore vicorum *Betzingen* & *Schaffhusen* partem Wiseneccii & Falckensteinii Nobiles se accepisse testati sunt.

### §. XXVII.

Mors  
ejus.

In sententia Parium Curiae Episcopatus Basil. data IV. Mart. 1357. Fridericus Comes mortuus scribitur.

Uxor.

Uxor ejus fuerat Anna, Rudolphi Marchionis Hachberga-Saufenbergici filia, cui pro dote 700. marcas argenti debebat frater, Henricus Marchio, qui Friderico affini & patri ejus Conrado Landgraviatum Brisgoviae A. 1318. oppigneravit. (1)

Annum mortis Annae hujus docet Epitaphium, in Choro Ecclesiae Dominicanorum Friburgi superstes: „ Anno Dni „ M. CCC. XXXI. pridie Kal. Martii ob. Dna Anna Comitissa „ Friburgensis ac Landgravia Brisgaulie.

(1) Vid. infra in Landgrav. Brisgoviae.

Filiam unicam, quam novinus, Fridericus reliquit, Claram, Filia.  
 Palatino Tubingensium Comiti, Gozoni, nuptam, cui Friburgenfes  
 parere maluerunt; mortuo patre, quam Egoni patruo, unde  
 Comitissæ & Dominæ Friburgi titulum assumsit. (m) Pridie Omn.  
 Sanct. 1357. Johanni Usenbergico, ut vicum Eistat salvo redemptionis  
 jure venderet, permittit. Cessit tamen mox patruo, mille marcis  
 ac duobus castris *Lichteneck* & *Nünburg*, quæ retinebat, contenta. (n)  
 Jus reuisionis in Nünburgo post 50. annos pro 370. marcis Egoni  
 ejusve heredibus competere, A. 1368. Clara hæc scripto professæ est.

## E G E N O I V.

## §. XXVIII.

In feudis Imperii Egeno fratri suo Friderico statim successit. Investi-  
tus de  
feudis.  
 Horum investituram, nomine jussuque Caroli IV. Imp. a Johanne  
 Episcopo Argent. sub finem A. 1356. impetravit. Quadriennio  
 post ab ipso Cæsare de Friburgensi Dominio, Landgraviatu  
 Brisgovix & Judæis, Friburgi habitantibus, Egeno investitus  
 est. (o)

## I i 2

(m) Clara Pfaltzgräfin von Tübingen, Gräfin und Frau zu Freiburg.

(n) Chron. Freiburg. pag. 32.

(o) GLAFEY *Diplomatar.* num. 205. HERRG. *Genealog. Habsb.* Tom. III.  
 num. § 17.

De banno ferarum Brigoviae cum Episcopo Basil. A. 1358. convenit, ut is deficiente profapia sua ad Ecclesiam Basil. rediturus, nemini amplius in feudum conferatur. Pars istius banni, quam Immerius Comes de Strasberg possederat, cum A. 1364. vacaret, Cuno de Valckenstein & quatuor alii arbitri de illa Friburgensi inter & Furstenbergicos Comites dividenda sententiam tulerunt, praecipua portione Egenoni addicta.

Egeno hic & Conradus Furstenbergicus Comites ecclesiam parochialem in Nulsbach a majoribus suis Monasterio Omnium Sanctorum legitime traditam esse, anno sequenti professi sunt.

### §. XXIX.

Fribur-  
gum ven-  
ditum,

Circa haec tempora veteres inter Comitem & Civitatem Friburg. revixerunt discordiae. Urbis in vigilia Annuntiat. B. Mariae A. 1366. media nocte admotis scalis ab Eginone tentatae, inemoriam tuba, vulgo *Greusel*, quae adhuc inflatur, Friburgenses more Argentinensium servavit. Traditur quoque, a civibus, quos Brisacenses, Neoburgenses & Basilienses juvabant, cum Eginone prope Endingam minus prospere pugnatum fuisse. (p) Omnis denique litis ut refecaretur materia, Egeno Comes A. 1368. die Jovis ante Dominicam Palmar. jura sua universa in Civitate,

(p) KIEFFER in Dissert. de Domo Habsburg.-Aust. pag. 146.

fuburbii & agro Friburg. lapidibus cruciferis circumfcripto, ipfaque Castra fua prope Friburgum, quæ tum everfa fuerant, urbi huic vendidit. (g) In iuribus iftis recenſentur judicia, cenſus annuus 150. marcarum, patronatus Eccleſiæ parochialis & Capellæ S. Nicolai; jus monetæ, veſtigalia &c. ſive allodia ſint ſive feuda, ad ipſum Eginonem, conjugemque ejus Verenam, ut & matrem Annam, Duci Teccenſi nuptam, ſpectantia. Excipiuntur tantum Vaſalli in urbe habitantes. Civium relinquitur arbitrio, Dominum quemvis alium ſibi præficere. Præter XV. mille marcas argenti, quæ Comiti numeratæ, Caſtrum & Dynaſtia Badevillana, ex Comitum Friburg. manu ad Strasbergicos Comites per matrimonium olim delata, (r) nunc per Civitatem viginti quinque millibus florenorum redempta, Eginoni quoque tradita fuerunt. Sed & Claræ, Comitiffæ Tubing. Egenonis ex Friderico fratre nepti, ducentas libras denariorum quotannis, ut antea, porro ſe præſtituram Civitas recepit. Reliqua Egenonis jura extra urbem & agrum ejus, Landgraviatus Briſgovie cum Vaſallis & Miniſterialibus, argentifodinæ, venationes, vici, judicia, homines, bona &c. in Comitis poteſtate manſerunt. Conventum etiam, ut invito Comite nemo ſubjectorum ejus Friburgi recipiatur civis. Qui jam admiſſi tum fuerant, vel in urbem tranſire, vel juri ſuo

## I i 3

---

(g) WENCKER *de Uſſburg.* Continuat. pag. 71.

(r) Vid. ſupra §. XIV. & XV.



valedicere iussi sunt. Placuit insuper, ut ad festum usque Nativitatis Christi quiesceret bellum, ante diem XIV. quam indictum fuerit, neutri inferendum. Transactionis hujus literas sigillis suis firmarunt Marchio Otto de Hachberg, Burcardus Dom. de Vinzingen & Schœneck, Henricus de Gerolzeck dictus de Tübingen, Johannes de Ufenberg, Jo. de Schwarzenberg, Henricus de Gerolzeck de Lahr & Heffo de Ufenberg.

### §. XXX.

Conven-  
tio alia.

**A**lio instrumento ejusdem diei Egeno; interposita avunculi sui, Burcardi Vinzing. fide, operam suam omnem ac studium in eo se collocaturum promisit, ut, quæ ab Imperio Rom. in urbe ejusque agro tenuerit, Domui Austriacæ, aut cuivis alii, quem Friburgenses Dominum sibi elegerint, in feudum conferantur, & bonorum allodialium venditio judicii Provincialis auctoritate firmetur. Electio novi Domini intra sex menses ut fiat, atque Egenoni statim annuntietur promissum. Lis si qua his de rebus oriretur, Conrado de Berenfels, Militi, ut arbitro, committenda; cui Simon Comes de Thierstein & Waltherus Dom. à Dicka, ex parte Comitum; Heffo Miles & Conradus Schnewlin ex parte civium, adderentur. Quinque hi arbitri, Castrum & Dynastiam Badenweiler custodire iussi, donec impleta essent, quæ Egeno promiserat, iisdemque XIII. mille & ducentæ marcæ argenti pro Eginone in manus traditæ sunt.

Denique tertia quadam Charta, eodem die, quartam oppidi Stauffen partem Civitas Friburg. Egenoni reliquit. Oppidum hoc & Castrum A. 1370. Ulr. Waltherus & Otto de Stauffen fratres, ut & anno sequenti oppidum Sulzberg, jussu Hessonis Dom. de Usenberg, qui proprietate & dominio ejus cessit, ab Eginone Comite in feudum acceperant.

Castrum & Dominium *Oltingen* Egoni huic a Kiburgi Comitibus pro octies mille florenis oppigneratam & ab eo in filium ejus Conradum translatum fuisse, Hartmanni Comitibus Kiburg. vidue, Annæ, Comitissæ de Nidow, atque filiorum ejus Charta A. 1402. docet.

## §. XXXI.

Extat in Ecclesia Badevillana lapis sepulchralis, qui obitus Eginonis tempus designat : „ Anno Dom. Mill. CCCLXXXV. Egonis mors.  
 „ in Vig. B. Bartolo. Apostoli ob. nobil. Do. Ego Comes de Friburgo  
 „ hic sepultus.

Nupserat ei Verena, Ludovici, Comitibus Novi Castri filia, Vxor.  
 cujus vidualitium ex Civitate Friburg. A. 1369. in Sundgovie terras, ipsi oppigneratas, Thann, Masmunster, Sennheim &c. transtulit Egeno.

Nata ex his parentibus Anna, Rudolphi, Marchionis Filia.  
 Hachberga-Saufenbergici, dein uxor, acceptis sexies mille aureis, paternæ maternæque hereditati A. 1384. renuntiavit.

## C O N R A D U S I I I .

## §. XXXII.

Egoni IV. filius successit Conradus III. qui jure materno Novi Castri Comitatum suæ genti mox intulit.

An. 1395. Roltiebus Rot, Armiger, a Conrado hoc Comite, & Landgravio Brisgovie vicos *Schalstatt* pro 661. aureis sibi oppigneratos esse testatur.

Acta cum  
March.  
Hachb.

Pridie Kal. Aug. Conradus, si absque legitima decederet sobole, Rudolphum Marchionem, sororis suæ maritum, patrimonii & omnium bonorum suorum heredem publico Curie Basil. instrumento designavit. Rudolphus grato in Conradum animo Landgraviatus Brisgovie pignus commutavit in feudum, ut in Hachbergicis & in Landgraviatu expositurus sum. Eodem anno Hesso, Marchio Hachberg. vicum *Eislat* cum jure patronatus a Conrado nostro in feudum recepit. Ita Conradus vassallus erat Rudolphi Hachberga-Sausenbergici, Hesso Hachbergicus fuit vassallus Conradi.

Biennio post iisdem Marchionibus, Rudolfo & Hessonibus, ut & Conrado Comiti Tubing. Domino in *Liechtenegge*, Castrum suum Badenweiler Conradus tradidit, mutuam pecuniam ut ab eis acciperet; qua reddita ipse, ejusque heredes recepturi sint arcem.

arcem. Fecerat hoc forte Conradus, quod splendidam Novi Castri in Helvetia hereditatem adibat.

### §. XXXIII.

Rolinus, filius Amedei, Novi Castri Comes, Comitatum suum Rudolpho I. Cæsari A. 1288. resignavit; Cæsar Johanni de Cabilone, Domino de Arlaco, in feudum, (s) Cabilonius Rolino, priori possessori, in subfeudum tradidit. (t) Mortuo Rolino filius Ludovicus, huic filia Isabella successit.

Hereditas  
Comitat.  
Neocastr.

Isabella, A. 1397. mortua, filium fororis suæ Verenæ, Conradum nostrum, Friburgi Comitem, testamento scripsit heredem. Titulo & insignibus Comitatus ac Domini Neoburgensis ab hoc tempore constanter usus est Conradus; qui A. 1399. cum Morantensibus de vestigali transegit. (u)

Ipsi Neoburgenses A. 1407. illum Comitem suum ejusque privilegia celebrant, addito promisso, si Conradus absque legitima prole decederet, se non alium, quam Joannem de Cabilone, Arausionis Principem, agnituros esse Dominum. (x) Eodem hoc

(s) Literæ investituræ apud Hohenhard in *Preussisches Neuburg*. pag. 306.

(t) Ibid. pag. 308.

(u) Tschudi *Chron. Helvet.* Part. I. pag. 597.

(x) Hohenhard loc. cit. pag. 311. Arausionensium Principum scriptor, JOSEPHUS DE LA PISE, *Hist. des Prince d'Orange* pag. 105. errat.

anno Neocastrenses a Bernatibus jus civitatis obtinuerunt. Instrumentum hac super conditum (y) speciatim juribus Conradi & heredum ejus his verbis prospexit : „ Ipsis tamen ( Civibus „ Novi Castri ) in hac re signanter excipientibus omnia jura , in „ quibus magnifico ac generoso Domino , Domino Conrado de „ Friburgo Comiti, ac Domino Novi Castri , aut heredibus & „ successoribus suis , secundum antiqua privilegia & veteres „ consuetudines obligantur. „ Quin & alio Instrumento ejusdem temporis professi sunt Neoburgenses , se hæc omnia fecisse „ cum „ consensu & scitu. . . . Domini Conradi de Friburgo Comitis & „ Domini Novi Castri &c. (z)

## §. XXXIV.

Heredi-  
tatis jus.

Conradum Friburgi Comitem ab Isabella injuste scriptum fuisse Neoburgici Comitatus heredem , Arausionensem & Brandenburgicorum jurium propugnatores contendunt. (a)

---

quando primam Neoburgensis Comitatus obtinendi spem Arausionensibus tum factam esse perscribit , investituræ Cæsareæ An. 1258. & subinfeudationis Rolini , de qua supra, ignarus.

(y) LEU *Lexic. Helvet.* Tom. XIV. pag. 90. Gallico idiomate hoc Instrumentum extat ap. LEIBNIT. *Cod. Juris Gent.* Mantissæ Part. II. pag. 108.

(z) LEU loco alleg. pag. 94.

(a) HOHENHARD, seu LUDEWIG in Libro *Preussisches Neuburg* pag. 13. sqq. GUNDLING in *Historischer Nachricht von Neuschattel* pag. 15.

At qua ratione Conradum usurpationis accusas, qui non modo a Statibus Neocastrensis, sed & ab ipso denique Joanne Cabilonio, Arausionis Principe, pro legitimo Novi Castri agnitus est Comes.

Probat hoc Charta a Statibus Neoburg. An. 1406. data Johanni Arausionensi, qua ipsi hi Status eum non solum Neocastrensis Comitatus Dominum directum agnoscunt, sed & Conradum Comitem suum profitentur legitimum, atque Johannis Vassallum; promittentes diserte, Comitatum se ei tradituros, si Conradus absque heredibus, ex suo corpore procreatis, moreretur. Heredes autem non restringuntur ad masculos; sed filiae filiarumque heredes admittuntur promiscue. (b) Filium autem Conradus quum

K k 2

(b) En verba Instrumenti :

„ Nous le Conseil & la Communauté de la Ville de Neuchatel...  
 „ promettons & jurons... qu'au cas, que Monf. Conraut à présent  
 „ Comte de Neuchatel decederait de ce siecle sans hoirs de son corps  
 „ naturel & legitime, ou ses enfans naturels & legitimes, ou les  
 „ hoirs de ses dits hoirs descendants en droite ligne, trepasseroient  
 „ sans hoirs procreés de leur corps en leal mariage,  
 „ qui par les droits des siés d'Alemagne le pourroient ou devoient  
 „ succeder, nous recevrons & serons tenus de recevoir pour nous  
 „ & nos dits hoirs & successeurs le dit notre redoubté Seigneur  
 „ Monsieur Jean de Chalon, Seigneur d'Arlay & Prince d'Orange,  
 „ & ses hoirs &c.

Hohenhard &c. *Brylagen* pag. 312. sq.

reliquerit Johannem, successio ejus Neocastrensis dubia reddi haud potuit. At controversa fuit, quum Johanni Friburgico Rudolphus ex Hachbergicis Marchio, A. 1457. successisset; qua de re infra in Rudolpho.

§. XXXV.

Badevilla  
Austria-  
cis op-  
pigne-  
rata.

An. 1398. Leopoldus, Dux Austriae, literis, apud Thannenses scriptis, a Comite Conrado de Friburg, Domino in Neuenburg, castrum Badenweiler & universa ejus bona ac reditus in istis Brisgoviae partibus se accepisse fatetur, ut aēs alienum patris ejus dissolveret, investitura tamen Vassallorum Conrado servata. Anno sequenti oppigneratam sibi hanc Dynastiam asserit Leopoldus Austriacus, pro 28000. aureis, quorum bis mille Conrado Comiti soluti, reliqui creditoribus solvendi essent. Brevi post idem Dux Paulum Moerferum de vicis *Betzingen* & *Schaffhausen* nomine Conradi investivit, ac monasterio S. Mariae pro curia in *Tüngen*, dono olim Rudolphi Comitis Habsb. ecclesiam & jus Patronatus in *Herderen*, ut Dynastiae Badevillanae possessor, tradidit.

Dynastia haec eandem ob causam multa mala perpeffa est bello, quod Austriaci cum vicinis Helvetiis gererant. An. 1409. missi Basilea pedites mille & quadringenti equites, qui octo vicos Badevillanos, Austriacis tum subiectos, incendio devastarunt. Mox tamen induciae factae sunt opera Rudolphi de Hachberg, Marchionis. (c)

(c) URSTIS. *Chron. Basil.* pag. 216.

## §. XXXVI.

Proscripto in Concilio Constant. Friderico Austriaco, <sup>Asta reliqua.</sup> Conradus Comes vexillum Imperii gestabat in expeditione militari, cum Helvetiis contra Zofingam A. 1415. suscepta. (d)

A. 1417. Sigismundus Imp. Johanni Comiti obpræclaram operam in Longobardia, alibique præstitam permittit, ut Dynastiam Badevillanam ex Austriacorum manibus 4000. florenis redimeret; (e) imo & anno sequenti ob merita paterna ac propria, Dynastiæ hujus possessionem, duraturam quoque post Cæsariscum Friderico Austr. reconciliationem, Constantiæ & Argentorati firmavit.

Eodem anno Hartmannus, Episc. Basil. Rudolphum, Marchionem de Hachberg, & Conradum Comitem nostrum de hominibus, banno ferino & argentifodinis Brisgovix, Silvæ Nigræ &c. investivit.

A. 1421. Conradus Comes Paulum Moerferum de vicis *Betzingen* & *Schaffhausen* denuo investivit, annoque sequenti filii sui Johannis, Landgravii Brigg. & Dynastæ Badevill. literas sigillo suo munivit.

K k 3

---

(d) Tschudt *Chron. Helvet.* Part. II. pag. 13.

(e) Literæ datæ Constantiæ die S. Margarethæ.



Mors.

Mortuus paulo post, & in ecclesia Cisterciensis monasterii  
*Rheinthal* prope Badevillam atque Mulhemium sepultus est. (f)

## J O H A N N E S.

## §. XXXVII.

Acta vivo  
patre.

Landgraviatum Brisgovie & Dynastiam Badevillensem  
 vivo patre, uti vidimus, Johannes hic administravit.

Johannem Intrepidum, Burgundiae Ducem, A. 1419. ad  
 colloquium cum Delphino Franciæ, Carolo VII. in ponte apud  
*Montereau* habendum, secutus in Galliam, occiso ibi Duce, captus  
 ipse, magnoque ære vinculis liberatus est. (g)

Inter decem, quos Burgundus selegerat, comites, præter  
 Johannem nostrum Friburgensem, Guilielmus de Vienna, S. Georgii  
 Dominus, Rudolphi Marchionis Hachberg. locer, comparuit.

## §. XXXVIII.

Dynastie  
Badevill.  
fata.

An. 1424. in Præfectura Badevill. Conrado Theobaldo  
 Waldnero successit Johannes de Novo Castro, Dom. in Warneck,  
 qui, datis Comiti Friburgensi sexies mille florenis, ex Magistratu

---

(f) *Chron. Friburg.* pag. 32.

(g) Dom. PLANCHER *Hist. du Duché de Bourgogne* Tom. III. pag. 524.  
*Memoires pour servir à l'Hist. de France & de Bourg.* pag. 213. URSTISI  
*Chron. Bist.* pag. 63.

mox factus est Dominus, jure oppignerationis, quo etiam Gasp. Meinwartus, ipso consentiente, vicos *Mengen & Thüngen* obtinuit. At eandem Dynastiam, æque ac Landgraviatum Brigoviae, brevi post invaserunt Austriaci, antiquius oppignerationis jus sibi vindicantes, id quod Johannem Comitem adeo exacerbavit, ut omnis pacis negotiis A. 1428. Alsatiam Austriacam cædibus atque incendiis vastaret. Terris his Johannes tum præfuit, Thiersteinensis Comes, qui Wilhelmi, Marchionis Hachberg. aliorumque opera usus, rem eo perduxit, ut armis utrimque depositis, Senatus Basil. judicio ea committeretur. Receptæ itaque Badevillæ Johannes Friburg. Comes Heinricum de Nuwenfels præfecit, quo administro Eberhardi IX. Comitis Wirtemberg. viduæ, ultimi Montisbel. Comitis filiae ac heredi, Heinricetæ, nescio quam ob causam, A. 1443. ad dies vitæ tradita est. Brevis hæc fuit possessio, anno sequenti jam morte Heinricetæ extincta.

## §. XXXIX.

Redeuntem ad se Dynastiam Johannes Comes Rudolfo & Hugoni, fratribus, Hachbergæ Marchionibus, consanguineis suis, libere donavit; imo & Rudolfum hunc Comitatus sui Neoburgensis A. 1450. heredem scripsit. Ludovicus, Cabilono-Aransionensis Princeps, Dominus directus, ægre id ferens, Johannem ad novam investituram Grandsonii accipiendam coëgit; (h) quæ solennitas

Liberalitas in  
Hachbergæ  
March.

(h) *Lex. Helvet. Tom. XIV. pag. 41.*

tamen non impedit , quo minus Johannes in proposito perflisteret. (i)

### §. XXXX.

Bella.

Is jure civitatis Bernensis cum Neoburgensibus suis gaudens, (l) in bello Turicensi A. 1444. & sequenti ab Helvetiorum partibus contra Austriacos itetit & Gallos. (m)

Cum Gallis quidem pacem iniit, (n) at non cum Austriacis, qui Dynastiam Badevill. denuo invaserant. Hanc recepturus Johannes, cum Alberto, Duce Austriæ, mense Sept. 1454. colloquium Waldshuti instituit, assumpto comite Rudolfo, Marchione Hachberg. futuro herede suo. Albertus secum habuit Thuringum Hallvilium, Marefchallum suum. Multa ab utraque parte in medium prolata, congressi sapius Principes, sed nihil peractum. Placuit dein Episcopi Basil. arbitrium, ob quod Rudolfus de Ringoltingen, Scultetus Bernensis, Johannis Comitis nomine, Basileam profectus est, Rudolfo de Ramstein causam Austriacorum agente.

### §. XXXXI.

(i) *Reflexions sur la Réponse de Mad. de Lesdiguieres touchant le Droit du Roi de Prusse sur Neuchâtel* pag. 57.

(l) LEU loc. cit.

(m) Tschudi *Chron. Helv.* Part. II. pag. 455.

(n) SCHILTER *ad Kænigshov.* pag. 975.

## §. XXXXI.

An. 1457. obiit Johannes, Friburgensium Comitum <sup>Mors.</sup> postremus, cujus testamentum, Vefontione apud Judicem Curiae Archiepiscopi depositum, Rudolphum Hachberga-Saufenbergicum bonorum ejus heredem ex asse pronuntiavit; contradicente ob Novum Castrum Ludovico de Cabilone, Arausio Principe, qua de re in Hachbergicis agimus.

Uxorem Johannes duxerat Mariam, Johannis de Cabilone, <sup>Uxor.</sup> gentis hujusprimi Arausii Principis, (a) qui A. 1418. decessit, filiam, quae nullam ei sobolem dedit. Mariae frater erat idem, quem saepe nominavimus, Ludovicus Princeps; soror Alienora sive Alix, nupta Guilielmo de Vienna, S. Georgii & S. Crucis Domino, ex quo matrimonio prodiit Margaretha, uxor ejusdem Rudolphi Marchionis, quem Johannes Comes scripsit heredem.

## §. XXXXII.

Comitum Friburgensium, quos descripsimus, seriem & fata <sup>Recapitulatione.</sup> considerantes attentius, quinque vicissitudines majores & epochas in eorum historiaprehendimus.

---

(a) JOSEPH DE LA PISE *Hist. des Princes d'Orange* pag. 88. & 110. *Genealogies histor. des Souverains* Tom. IV. pag. 314. 316. & Tab. LXIV.

Prima *Uracensis* est, qua opes eorum intra vetus patrimonium Uracense constitutæ.

Secunda *Friburgensis* ab A. 1218. quo Zaringicam hereditatem Comites Uracenses adierunt, Friburgum nempe *Brisgovie*, cum insigni terræ tractu, qui deinceps Comitatus Friburgensis appellatus est. Centum annis hæc absolvitur Periodus.

Ei successit *Landgraviatis* A. 1318. quo Comites Friburgenses à Marchionibus Hachbergæ Landgraviatum ipsum Brisgoicum acceperunt in pignus.

Inde quarta post 50. annos surrexit epocha, *Badevillana*, quum facta bonorum permutatione, pro urbe Friburgensi Egenoni IV. Comiti A. 1368. Dynastia hæc tradita est.

Quinta denique & ultima fuit *Neocastrensis* Ann. 1397. quo Comitatus iste Helveticus Comitum quoque Friburgensium factus est juris.

Incrementa hæc omnia matrimoniis, Zaringico, Hachbergico, Neocastrensi debuerunt Comites; a quibus eadem ratione ad Marchiones Hachbergæ pleraque transferunt.

Atque ita Zaringicis rebus imponimus finem, ad Badenses, strictius ita dictas, transitori, quæ Librum III. Operis nostri componunt.

# T A B U L A H E R M A N N U M.

ad pag. 267.

LDI I. Ducis Zaring. filius 1052 † Chl. Vid. Tab. III.

o defunctis succedit in Bada & Haquo obiit, sepultus  
Juditha 1122.

nradam III. Imp. in Orientem sequi ERONENSIS 1158.  
ertha, Matthæi Lothar. Ducis filia 1

NUS MARCHIAE VERON. 1186. Fridit 1190. Antiochiæ  
m Comitiff. Tubingensem juniores co

o. cum Henrico fratre jus suum in Cor-o Gertrudis uxor  
Durlacum & Ettlingam acquirit 1127. Alberti, Comitis  
& heres, fundatrix Parthenii Lucid- Dagsburgensis  
ultimi.

Ducatus Austriæ 1248. † 1250. in Cetha, uxor Ludovici,  
enrici Impii, Ducis Austr. filia; Aufstæ Lichtenber-  
1261. s.

E & STYRIÆ, ac Marchio Bad. A 1263. 2. Meinhardi  
ueviæ Duce, adolevit, cum  
8. Imp. primo Austriæ



Benedictinus Asceta; hic synchronus Hermanni primi, ille secundi. Udalricus, Ecclesiæ Ratisbonensis primo Canonicus, & postmodum Cluniacensis Monachus, vir multæ scientiæ & præclaræ virtutis, Cluniaci floruit eo ipso tempore, quo Marchio noster eodem in Cornobio Monachus vixerat. Tanta Udalrici fuit in eum veneratio, ut vitam ejus & epitaphium libro peculiari conscripserit, quæ injuria temporum perierunt.

Mellicensis Anonymus rem ita exponit: „ Udalricus „ composuit quoque vitam & epitaphium Sancti Hermanni, ex „ Marchione Monachi, filii Ducis Berchtoldi, fratris Gebhardi, „ Constantiensis Episcopi. „ Quid enuntiatione hac clarius? quid testimonio hoc fortius requiras? Sive enim rubrum vitæ Hermanni, ab Udalrico descriptæ, istud fuerit; sive Mellicensis Anonymus verba posteriora adjecerit rubro, uterque testis omni exceptione dicendus est major. Udalrici librum de vita B. Hermanni Marchionis vidit & ante sexcentos jam annos recensuit Mellicensis Anonymus. Hunc autem ante A. 1113. scriptum illud suum composuisse, ex eo colligimus, quod ipse Hieronymum, Gennadium, Cassiodorum, Isidorum, qui Ecclesiasticos scriptores quoque recensuerunt, allegans, Sigebertum Gemblac. præterivit silentio, qui tamen Benedictinæ quoque adscriptus familiæ fuit, atque A. 1113. decessit.

Conjectura hæc non mea tantum est, sed & BERNARDI PEZII, Mellicensis Bibliothecarii, Viri perdocti, qui Anonymi Benedictini Opusculum ex Codicum Msst. quorum custos erat, thesauro in lucem emisit, (*b*) quem Codicem A. 1738. in Bibliotheca Mellicensi ego ipse conspexi; monstrante eum mihi Hieronymo Pezio, fratre & successore Bernardi, Austriæ Scriptorum editore percelebri. Quodsi hic B. Hermanni vitæ Codex in literariis loculis aut reconditis Manuscriptorum scriniis alicubi lateret, quanti nobis pretii futurum esset Marchiarum originum tam lucidum, tam augustum monumentum. Hæc de documentis, ex Cluniaco Mellicoque petitis; nunc ad domestica progredimur.

### §. III.

Ex Actis  
San - Pe-  
trinis.

In San-Petrina Benedictinæ quoque familiæ Abbacia, in extremitate Brisgovicæ & in Martianæ Silvæ meditullio sita, quam Bertoldus II. Zaringicæ Dux condidit, membranaceum seculi XII. extat volumen, quod *Rotulum* (*c*) vocant; in quo Zaringicæ Bertoldorum Chartæ, Monasterium D. Petri respicientes, perscriptæ sunt. Brevem Abbatiae hujus, A. MCXI. institutæ, notitiam hic Rotulus exhibet, in qua inter testes *Heremannus Marchio*

(*b*) Anonymum hunc Mellicensem PEZIIUS edidit atque subjunxit *Bibliothecæ Benedictinæ Maurianæ*, quæ a. 1716. Augustæ Vindel. prodit forma 8va.

(*c*) Rotulus hic XX. pedes longitudinis, unum pedem latitudinis habet.



*fratrueis præfati Ducis* memoratur. Dux ille fuerat Bertoldus II. cujus frater Hermannus I. Cluniacensis, An. 1074. mortuus, filium reliquit Hermannum II. qui in Rotulo dicitur *fratrueis Ducis*, nempe Bertoldi II. *Fratrueis* est filius fratris. (d) Tam gravi testimonio aliud, non minus grave, succedit, quod prius confirmat.

Charta est ejusdem Rotuli brevi post scripta, (e) referens Donationem, a qua Herimannus Marchio, beatæ memoriæ „ Herimanni Marchionis filius, pro animæ suæ & conjugis nuper „ defunctæ remedio prædium<sup>9</sup> in Amparingen & basilicam „ ibidem S. Petro donavit; „ ubi inter testes *Bertholdus Dux partueis ejusdem Comitis* &c. Per Comitem heic idem intelligitur Hermannus Marchio, qui antea *fratrueis Ducis* vocabatur Bertoldus II. eodem, quo Monasterii Petrini exstructio

---

(d) Ita Hieronymus in Epistolis passim & vetus Glossator. Acedit CHRONICON WEINGARTENSE in LEIBNITII *Scriptor. Rer. Brunsvic.* Tom. I. p. 788. SIGEBERTUS, Gemblacensis Monachus, Zaringensibus coætaneus Bertoldis, qui ad A. 942. ita scribit: „ Orta dissensione „ inter Principes de varietate legis, utrum deberent, avis superstitibus, „ filii filiorum post patres defunctos hereditare, an exheredatis „ *fratrueibus* deberet hereditas ad patruos redire. „ Tandem Charta domestica ipsius familiæ Badensis A. 1296. qua Rudolphus III. Marchio Hermann VII. fratris sui filium Fridericum appellat *fratruelem*.

(e) Circa A. 1112.

perfecta est, anno, quum mortuus esset, Bertoldus III. ei successit. Tum vero idem Herimannus II. Marchio, qui Bertoldi II. *fratrueus* est dictus, donationem prædii in Amparingen fecit. eidem Cœnobio, testemque rei adhibuit Bertoldum III. *patruelem*. Chartæ hæc mutuam sibi lucem accendunt, altera alterius genealogiam illustrat & firmat.

## §. IV.

Stemma  
agnatio-  
nis.

Agnationem Badensium cum Zaringensibus schema exhibet sequens.

## BERTOLDUS I. Dux Zaring. † 1078.

Bertoldus II. Dux † 1111.

Hermannus I. Marchio † 1074.

Cluniaci, unde Badenses.

Bertoldus III. Dux.

Hermannus II. Marchio † 1130.

† 1122

*fratrueus* Bertoldi II. &  
*patrueus* Bertoldi III. Ducum.

Quod si autem Bertoldus III. Zaringæ Dux, & Hermannus II. Marchio *patrueus* fuerunt, necesse est, ex duobus fratribus eos prodiisse, adeoque communem eos avum habuisse Bertoldum I.

Vinculum patris & filii, Bertoldum I. inter atque Hermannum Marchionem, Cluniaci mortuum, JOHANNES PISTORIUS, vivens Friburgi, in Tabula Genealogica, quam

MANLI

MANLI *Chronico Constantiensi*, A. 1606. edito, (f) adjecerat, primus aperuit; ita tamen, ut fontem, unde sua hauerat, Georgio Friderico, Marchioni Badensi, tum infensus, occuleret. Oraculum, quod ipse tacens consuluerat, ego aperte adivi, Aulaque Cæsarea meis conatibus favente, in San - Petrinis Brigoviae Chartis nexum inveni, qualem nobis indicaverat Pistorius, quemque Anonymi Mellicensis Codex me jam in Austria docuerat.

## §. V.

**H**ermannus hic, vivo adhuc patre Bertoldo I. viva uxore, Herman-  
ni vita &  
obitus. vivoque filio tenero, seculum adolescens reliquit, Cluniacense Monasterium ingressus. BERTHOLDUS CONSTANTIENSIS A. 1074. ita rem refert: „ Cluniaci vitam angelicam arripiens, „ perfectissime adhuc adolescens, uxore & unico filio & omnibus, „ quæ possederat, derelictis, vere Monachus, migravit ad „ Dominum VII. Calend. Maji. „ Idem ad eundem annum tradit CONRADUS URSPERGENSIS his verbis: „ Hermannus Marchio, „ filius Bertoldi Ducis, Cluniaci Monachus obiit. „ Monasticam ergo vitam in Burgundia elegit Hermannus, & paulo post mortuus est.

(f) Inter *Scriptores sex Rerum German.* pag. 742. edit. Struv. Vide supra pag. 61.

Bertoldus, pater ejus, An. 1073. Ducatum Carinthiae & Marchionatum Veronensem amiserat, adeoque in Sueviam & Brisgoviam ad terras suas patrimoniales redierat, Dux & Marchio sine Ducatu & Marchia. Infelicia patris fata filium secundo genitum induxisse videntur, ut valediceret seculo; quod consilium brevi post patris depositionem executus est Hermannus; brevis quoque temporis Monachus; quum An. 1074. jam é vivis excesserit.

## §. VI.

Monasti-  
ca vita  
Laico-  
rum.

Monendus hic lector est, frequens illis fuisse temporibus, Magnates, servato etiam seculari habitu, ut ingrederentur cœnobîa. BERTHOLDUS CONSTANT. scribit: (g) „ Jam „ septennio totum Rom. Imperium bello laboravit; aliis Domino „ Apostolico, aliis Henrico faventibus; ob hoc utrinque totum „ Regnum præda, ferro & igne miserabiliter devastantibus. „ Paucissimi Catholici Episcopi ex parte Apostolici remanserunt. ... „ Quapropter omnes pene religiosi, sive Clerici sive Laici, in „ aliqua Monasteriorum latibula, hujusmodi mala declinaverunt. „ Alio in loco (h) scribit: „ His temporibus in Regno Teutonicorum

(g) Ad A. 1083. Eodem modo statum illius temporis depingit AUGUSTENSIS CHRONICON A. 1093.

(h) Ad A. 1091. pag. 365.

„ communis vita multis in locis floruit, non solum in Clericis &  
 „ Monachis . . verum etiam in Laicis, se suaque ad eandem  
 „ communem vitam devotissime offerentibus; qui etsi habitu nec  
 „ Clerici nec Monachi viderentur, nequaquam tamen eis dispa-  
 „ ritatis fuisse creduntur. Se enim servos eorundem pro  
 „ Domino fecerunt. . . . se & sua ad congregationes tam  
 „ Clericorum quam Monachorum . . devotissime contulerunt. „ (i)

Ceterum Cluniacensis Abbatiae magna fuit illo tempore fama. Casimirus, Poloniae Rex juvenis, paulo ante, relicto Poloniae folio, illud quoque intraverat Cœnobium. (l) Brisgoviae & Alfatiae plures Prioratus à Cluniacensi Abbatia hodieque pendent; (m) quæ ipsum Ordinis Cluniacensis caput est.

## M m 2

- 
- (i) Monachi hi advenæ dicebantur *barbati*, *conversi*, *oblato*, denique *donati*. TRITHEMII *Chron. Hirsaug.* A. 1092.  
 (l) A. 1036. At A. 1041. à Polonis persuasus ad folium rediit. CHRONOGRAPHUS SAXO A. 1034. p. 244. DLUGOSSUS in *Hist. Polon.* Lib. III. pag. 192. & 213.  
 (m) In Brisgovia fuit Prioratus S. Udalrici, Nigræ Silvæ. In Alfatia Oelenberg, Thierbach &c. Basileæ Prioratus S. Albani. Vid. ANDR. QUERCETANI (DU CHENE) *Bibliotheca Cluniacensis* pag. 1742. seq.

## §. VII.

Herman-  
ni titulus.

**T**am pium & religiosum Principem Zaringo - Badensis Domus veneratur factorem ; quem more illius temporis, quo hereditaria familiarum nomina nondum invaluerant , Bertoldus Constantiensis & Conradus Urspergensis simpliciter *Marchionem* appellant , non quod Marchionatum aliquem possederit , sed quod Bertoldi, Ducis Carinthiae & Marchionis Veronae secundo genitus fuerat filius. Primogenito enim titulus *Ducis* adhæsit. Quum autem ante patrem Bertoldum, qui Ducatum & Marchionatum amiserat, ad Dynastias suas hereditarias redire coactus, decesserit Hermannus, intelligimus facile, nondum compotem eum fuisse terrarum Badensium, quæ nonnisi mortuo Bertoldo, adeoque post A. 1078. ad Hermannum II. Cluniacensis filium pervenire potuerunt; & tamen patrem ejus Hermannum I. appello; a quo Hermanni quinque serie non interrupta descendunt; unde *Hermannidum* Epocha; quæ ab A. 1052. quo prima mentio Hermanni I. ut Comitis, ad A. 1250. quo Hermannus VI. decessit, adeoque per ducentos fere annos duraverat.

## §. VIII.

Uxor ejus  
Juditha.

**H**ermanni I. & uxoris notitiam Bertholdo Constantiensi debemus. Hic enim, qui mortem Hermanni I. ad A. 1074.

retulerat, conjugis ejus, Judithæ, obitum ad A. 1091. verbis his refert : (n) „ Juditha, piæ memoriæ Marchioniffa, nobilis genere, „ sed nobilior sanctitate, uxor quondam Heremanni religiosissimi „ Marchionis, migravit ad Dominum, quinto Cal. Octobris. „ Ipsa enim cum marito suo religiofe vixit. Post ejus obitum „ XIX. annos in viduitate & sancta conversatione permanfit. „ Denum ad Dominum Papam Salernum pervenit, ibique sub „ ejus obedientia difceffit. „ Nobilem genere fuiffe Juditham, Bertholdus dicit, at domum, ex qua prodierit, filet. Maritus fub monaftica obedientia obiit: Juditha fub obedientia Papæ, mortua Salerni, in Neapoleos Regno. Urbanum II. coluit Juditha, quod Cluniacenſis quoque Monachus antea fuerat & amicus Hermanni.

## §. IX.

Juditha hæc ex divite profapia prodiit. Vidua enim ad Hirſaugienſis Baſilicæ amplificationem, cui novem annos Wilhelmus Abbas impendit, multas opes contulerat, ut TRITHEMIUS tradit, (o) Hæc ipſa ejus in Hirſaugiam liberalitas

Calvenſis  
origine.

Mm 3

(n) Chron. ad A. 1091. pag. 366. ap URSTISIUM.

(o) Chron. Hirſaug. A. 1032. & 1091.

facit, ut ad antiquam Calvensium (*p*) in Suevia Comitum prosapiam ejus referam natales; eamque adeo Adelberti & Wiltrudis filiam fuisse existimem. Adelbertus enim, hujus familiae Comes, Cœnobii Hirsaugiensis restaurator fuit, ut Annales ejus Chartæque testantur, opusque adeo patris filia continuavit Juditha.

Adelbertus hic Bertoldi I. Ducis, Rudolphi Anti - Cæsaris & Guelfi, Bavariae Ducis, amicus, Dietericum, Virodunensem Episcopum, cepit An. 1077. cum hic in Italiam ad Henricum IV. Imp. proficisceretur. (*q*) Henricus IV. Imp. in Diplomate, quod A. 1075. Hirsaugiensibus dedit, (*r*) filias Adelberti Utham (*s*) & Irmingardem nominat. Tempus & reliquæ circumstantiæ suadent,

---

(*p*) Calba, Germ. *Calw*, oppidum cum veteri castro Wirtenbergici Ducatus. Castellum *Chalawa* in *Teutonica Francia* dicitur in Charta Henrici IV. Imp. An. 1075. apud BESOLDUM. LAMBERTUS SCHAFFNABURG. pag. 419. Adelbertum vocat *Comitem de Castello Calcuno*.

(*q*) LAMBERT. SCHAFFNAB. pag. 419.

(*r*) Extat apud TRITHEMIUM in *Annal. Hirsaug.* ad A. 1075. Tom. I. pag. 339. & apud BESOLDUM *Monum. Wirtemb.* pag. 513. Cæsar in eo firmat testamentum, quod Adelbertus fecit in Hirsaugiensis Monasterii favorem.

(*s*) Uta, Jutta, Juditha unum idemque nomen esse, patet ex Annalibus Bebenhusani Cœnobii apud LUDEWIG *Reliquiar. Mss.* Tom. X. pag. 418.



ut Juditham, Hermanni uxorem, conjiciamus esse Utham illam, Adelberti, Comitis Calv. filiam, quæ à TRITHEMIO simpliciter Marchionissa vocatur, (t) & vidua Marchionis Hermanni, qui Cluniaci Monachus decessit. (v) Marchionissa hæc cum fratribus ædificium Hirsaugiense, à patre cœptum, perfecit An. 1091. qui ipse annus est mortis Judithæ, uti ex Bertoldo Constantiensi retulimus. Fratres ejus in Henriciano Diplomate, quod modo allegavimus, Bruno, Adelbertus & Gotfridus vocantur.

Leo IX. Papa multas Germaniæ provincias peragrans, A. 1050. Calbæ Adelbertum invisit, cujus mater fuit soror Leonis, filia Hugonis IV. Comitis de Egisheim, adeoque ex Alfata prodiit. (x) Juditha ergo, Serenissimæ Badensis Domus gloriosa progenitrix, Leonis IX. Papæ fuit proneptis, Henrici IV. Imp. cognata, cujus proavia Adelheidis ex Alfatica Comitum Egisheimensium prodierat Domo. Fuerat enim soror Hugonis III. Egishemii Comitis, qui fuit avus S. Leonis.

---

(t) *Chron. Hirsaug.* ad A. 1091. pag. 291.

(v) *Idem* pag. 255.

(x) *Idem* ad A. 1090. *Vid. Alf. Illustr.* Tom. II. pag. 474.

---

BUCELINUS, (y) SPENERUS, (z) IMHOFIUS, (a)  
Juditham Caluensem quoque Hermannō Cluniacensi uxorem ad-  
scribunt, sed asserti sui rationes non afferunt.

---

(y) *Germ. Topograph.* Part. II. pag. 352.

(z) *Sylloge Genealog.* pag. 610.

(a) *Notitia Procerum Imperii* Lib. IV. Cap. VIII.



CAPUT

## CAPUT II.

## HERMANNUS II.

AB ANNO 1074 USQUE AD ANNUM 1130.

## §. I.



ermannum II. filium fuisse Hermannii I. Parentes  
 Cluniacensis, ex Actis San-Petrinis Nigræ ejus & nomen,  
 Silvæ supra (a) probavimus, in quibus  
 ille *fratruelis* Bertoldi II. Ducis Zaringiæ  
 & *patruelis* Bertoldi III. vocatur; adeoque certus Bertoldi I.  
 extiterat nepos.

Primus dici posset *Marchio Badensis*, ut ante nos fecerunt  
 fere omnes, Marchiam Bad. per matrimonium cum Juditha primum  
 ab eo Genti suæ illatam existimantes; sed nos in appellatione hac  
 Gentis & sanguinis potius quam terræ possessæ habemus rationem;  
 id quod jam ipsius factum est ævo. Wolfhelinus de Tonfula

(a) Cap. præced. §. III. sq.

prædium apud Schalschstadt cum manu Domini sui Bertoldi monasterio S. Petri vendidit *præfente Dom. Herimanno secundo*. More seculi tamen, quo definita familiarum nomina nondum invaluerant, simpliciter *Marchio* in Chartis vocatur. JO. GAMANSIUS & ex eo DROLLINGERUS (b) asserunt, Hermannum hunc usum esse titulo *Marchionis de Limburg*, cujus tamen nominis nullum mihi exemplum occurrit. Volunt enim, sedem eum habuisse in castro Limburg ad Rhenum, paulo infra Brisacum.

## §. II.

Acta  
varia.

In Principum Conventu WORMATIÆ A. 1076. comparuit Hermannus, Diplomatis Henrici IV. Imp. Rueggisbergenfi Burgundiæ minoris monasterio dati, primus inter Marchiones testis. An. 1087. Bertolfus Dux & *Herimannus Comes* nomina subscripserunt Chartæ, qua locus *Cella* in Nigra Silva Prioratui S. Ulrici traditus est. Hermannus hoc loco *Comes* vocatur, quod mentio ejus facta ut Comitis Provincialis Brisgoviæ, in quo Comitatu *Cella*, de qua agitur, sita fuit.

• Anno 1101. Burchardus & *Herimannus* Marchiones cum Henrico IV. Imp. interfuerunt obsidioni castri Limpurg in Belgio, (c)

(b) *Lexic. Hist. Basl.* voce *Baden*, Zaringicum castrum *Lintberg* in Teccensi Sueviæ regione fuisse, in Bertoldo I. supra ostendi, pag. 57.

(c) De qua obsidione SIGEBERTUS GEMBL. ad A. 1101.

ut diploma indicat, quod Abbatiae Laubienſi XVII. Cal. Jun. datum. (d)

Anno 1111. *Herimannus Marchio* inter Proceres, cum Henrico V. Imp. Argentinae collectos, privilegium Einſidlenſe teſtis ſignavit; (e) eodemque anno *Heremannus Marchio ſratruelis* Bertoldi II. Ducis Zaring. aderat Traditioni, Abbatiae S. Petri a Bertoldi uxore & liberis factae. Tum temporis quoque, poſt Bertoldum & Conradum Duces, *Heremannus Marchio* alias Traditiones Abbatiae S. Petri ſignavit. Sequenti Henricus Imp. Wormatiensibus immunitatem confirmandus a teloneis exteris, rogatu Principum id ſe feciſſe ſcribit, inter quos *Herimannus Marchio*. (f)

Anno 1114. Hermannus hic Marchio Diplomatum, Einſidlenſi (g) & Murenſi (h) monaſteriis à Caſare datorum, poſt Bertoldum Ducem & Godefridum, Comitem Palatinum, teſtis occurrit.

Anno 1122. Episcopus Spir. Bruno conceſſit Hermanno Marchioni & uxori ejus Judithae, ut in eccleſia villae Backenang,

N n 2

(d) Ap. MIRÆUM *Opp. Diplom.* Tom. I. pag. 674.

(e) HARTMANNI *Annales Eremitici* pag. 172.

(f) MORITZ *vom Urfprung der Reichs-Städte*, append. pag. 142.

(g) TSCHUDI *Hiſtor. Helvet.* Part. I. Lib. I. pag. 54.

(h) ACTA MURENS. pag. 34. edit. poſt.

quam ipsi & parentes eorum decimis ac terris locupletaverant, Canonicos regulares Ord. S. Aug. collocarent. (i) Initium hujus rei notitia vetus illius Ecclesiae ad A. 1116. jam ponit. Hermannii Marchionis post Conradum Ducem A. 1123. ut & triennio post in Henrici V. & Lotharii II. Imp. Instrumentis San - Blasianis fit mentio. (l)

### §. III.

Mors.

**O**biit Hermannus II. A. 1130. septimo die Octobris, & in Backnangensi, quam amplificavit, ecclesia ante aram S. Crucis, teste LADISL. SUNTHEMIO, (m) sepultus est.

(i) Chartæ ap. BESOLDUM *Thef. Præf.* Tom. II. pag. 73.

(l) HERRGOTT. *General. Habsb.* Tom. II. num. 197. & num. 205.

(m) *Scriptores Rer. Boicar.* Tom. II. pag. 583. Sunthemius inter familiares Maximiliani I. Imp. Historicus fuit. Peccavit in anno mortis Hermannii, at diem & mensem ex Backnangiae Necrologio sumfisse videtur. In Necrologiis dies & menses notantur, at rarius additur annus. Annum mortis Hermannii docet ejusdem sec. XVI. epigramma ap. CAUS. *Annal. Suer.* Part. II. Lib. IX. Cap. 14.

„ Hæc cubat Hermannus Badensis Marchio tumba,

„ Qui clauſtri & templi conditor hujus erat.

„ Anno milleno moritur, centum quoque ſubdas

„ Terque decem a puero, quem pia virgo parit.

„ Huc dum transfertur, cum poſteritate ſuebant

„ Quindecies centum cum tribus, adde decem.

Uxor ejus fuit Juditha, sed originis incertæ, quam cum Uxor.  
Juditha, Hermannī I. uxore, multi confundunt. Charta Brunonis,  
Spirensis Episcopi, quam allegavi, Juditham diserte conjugem  
tribuit Hermannō, sed nihil de ejus familia additur. Sepulta est  
cum marito Backnangæ. (n)

Interfuerat Hermannus vel ipse, vel filius ejus, eodem, Titulus  
March.  
Bad.  
quo decessit, anno 1130. Comitibus Lotharii II. Imp. Basileæ  
habitis; ubi prima *Marchionis Badensis* expressa est mentio. In  
serie Principum enim Diploma, VI. Eid. Febr. Ecclesiæ  
Constantiensi datum, Conradus Dux Zaringiæ & *Hermannus  
Marchio Badensis*, signasse leguntur. (o) Biduo ante Lotharius  
Turicensis Præposituræ jura firmaverat, rogatu quoque Conradi  
Ducis Zaring. & *Hermannī Marchionis de Bathen*. (p)

## §. IV.

Recepta apud multos sententia est, tractum Badensem ab Origo  
hujus ti-  
tuli falsa.  
Henrico Aucupe, Marchionatum Germanicorum institutore, in  
Marchiam quoque erectum fuisse, ut Rhenensem Germaniæ

N n 3

(n) CRUNII *Anal. Suev.* Part. II. Lib. IX. p. 351.

(o) HERRGOTT *Geneal. Habsh.* Tom. II. num. 214.

(p) Cod. noster *Diplom. Bad.*

limitem contra Gallos custodiret. (q) FRANC. IRENICUS (r) Marchiæ Badensis originem ad Ottoñem III. Imp. refert. CHRISTOPHORUS LEHMANNUS (s) Badensem Comitatum a Friderico I. Imp. in Marchionatum conversum existimat.

Quidquid sit de Marchica dignitate, ipsum Badense Dominium à Juditha, incertæ prosapiæ femina, Hermannò II. dotis loco allatum fuisse, scriptorum Badensium communis traditio est. (t) Unde Hermannus, quem ego secundum appello, communiter Marchio Badensis primus vocatur. Systematis Veronenfis fautores (v) Juditham, Badæ & Hachbergæ (x) Marchionatum heredem, A. 1153. Hermannò Veronenfi nupfisse volunt, adeoque Hermannò III. tribuunt, quod ab aliis tribuitur secundo vel primo. Istarum tamen opinionum nulla veritati conformis est.

(q) DIETHELM. in Addit. ad BESOLDI *Thesaur. Præf.* pag. 73. IMHOF. in *Notit. Proc. Imp. LXXV.* C. VII. SCHURZFLEISCH. *Opp. Hist.* pag. 273.

(r) *Exeg. Germ.* Lib. III. Cap. CIII.

(s) *Chron. Spir.* Lib. IV. Cap. VII.

(t) Befoldus, Imhofius, Schurzfleischius locis allegatis,

(v) PETRUS DE ANDLO, de *Imperio Rom.* Lib. I. Cap. XV. MUNSTERUS *Cosmogr.* Lib. III. Cap. CCLXXIV. CRUSIUS *Annal. Suev.* Lib. IX. Part. II. Cap. XVIII.

(x) Sunt, qui Hachbergam & Badam duas Marchias; sunt, qui illam primariam, hanc vero secundariam constituunt. In his SCHURZFLEISCH. *de Reb. Badenf.* §. III.



## §. V.

Bada nostra sub Romanis, qui, ut alia hujus generis loca, <sup>Badæ  
fata varia</sup>  
*Aquas* eam vocarunt, in civitatem excreverat, (y) ab Alemannis,  
 oppidorum osoribus, deinceps everfam.

Thermas Badenses, quæ forsan solæ remanserant,  
 Dagobertus Rex Monasterio Weissenburgenfi donavit; donationem  
 seculo IX. Ludovicus Germ. Rex confirmavit; qui locum hunc a  
 vassallis regis Monasterio illi ereptum fuisse refert. (z)

Sec. XI. Bada in *Comitatu Adelberti* sita erat, Adelberto  
 jurisdictionem Imperatoris nomine ibidem exercente. (a)  
 Henricus III. Imp. enim prædium, quod pater ejus, Conradus II.  
 sibi comparaverat, in villa *Baden*, in *Pago Ufgouue*, in *Comitatu  
 Adelberti Comitis*, A. 1046. Ecclesiæ Spirensi donavit. Comitatus  
 primum ad nutum Cæsaris, dein hereditario jure administrabantur;  
 feminis tamen semper exclusis, quæ officio judicis fungi non

---

(y) *Asiatia Illustr.* Tom. I. p. 568.

(z) Tabular. Ecclesiæ Collegiatæ Weissenb.

(a) Adelbertus hic potuit esse Comes ille Calvensis, cujus filiam Juditham  
 Hermangus I. Marchio duxit uxorem.

potuerunt. Bada ergo tum nec Marchia fuit, nec Comitatus, sed in alio Comitatu, quem a Pago Ufgovicum diceret, sita. Sed & ipsam hanc villam Baden cum omnibus suis appendiciis & utilitatibus eidem Ecclesiae Spirensi eodem anno & die Henricus Imp. tradidit. (b) Fiscalem Imperii aut Ducalem Franciae Orient. villam, non patrimoniale Familiae Salicae, uti praedium in eo situm, aut allodiale fuisse, inde colligimus, quod alio Instrumento donatio ejus fuit literis mandata. Duplicis enim donationis & Instrumenti simul facti ratio dari nulla potest, nisi duplicis quoque naturae bona dono data fuisse statuamus.

## §. VI.

Senten-  
tia nostra  
de Bada.

Bada Ufgovica ergo, thermis adherens, Henrici III. Imp. & Bertoldi I. Zaringi temporibus Villa Regia fuit, quae una cum praedio quodam, ibidem sito, ejusdem Caesaris liberalitate ad Ecclesiam Spirensis pervenit.

Veteris

---

(b) Tabularii Episc. Spir. Charta, quam excerptit Jo. SIFRID, a patria sua Mutterstatt dictus, Vicarius Ecclesiae Spir. & Notarius Caesaris, in Chron. Spir. quod sub Matthia Rammung Episcopo sec. XV. conscripsit. Extat in ECCARDI Scriptor. Rer. Germ. Tom. II. pag. 2262. & SENCKENBERG Selector. Tom. VI. p. 262. Adde SIMONIS Beschreibung der Bischöffen zu Speyer pag. 421.

Veteris autem Badæ Castrum, a juniore dein quoque thermis adstructo, leuca distans, unde Familiæ Badensi appellatio, cum villa Bada nil nisi nomen habuit commune; liberum semper & francum Zaringo-Badensis Domus in Francica Terra ad seculum usque XIV. allodium. (c)

Quo tempore autem & qua ratione allodiale hoc Castrum, ab Hermanno I. vel II. uti videtur, exstructum, vel certe locus ille ad Zaringo-Badenses devenerit, nobis non liquet. Unde priscis Zaringorum bonis illum annumeravimus supra. (d) Quodsi autem nonnemo Judithæ, conjugis Hermanni I. Alberti, Comitis Calbenfis filię, bonis dotalibus illud accensere voluerit, non equidem refragor. Sed nec liquidum est, quo tempore & qua ratione ipsa villa Baden, deinceps conversa in oppidum, a Spirensi Ecclesia ad Marchiones transferit. Illud autem nobis constat, Caroli IV. ævo & oppidum & castrum franca fuisse allodia, a Rudolpho Marchione Cæsari & Imperio Anno 1362. libere & sponte, ut suo loco docebitur, oblata in feudum.

Castrum hoc Bada nomen dedit Badensibus, uti Zaringia Zaringis. Zaringia nunquam fuit Ducatus, Bada nunquam

---

(c) Veteris Ebersteinii Castrum, semileuca a veteris Badæ Castro distitum, allodiale quoque fuit, per nuptias cum Ebersteinensi filia ad Badenses translatum.

(d) Lib. II. Cap. VIII. pag. 199.

extiterat Marchia. Bertoldi Duces cum inhabitassent Zaringiam, appellati sunt Duces de Zaringen. Castrum Badense cum inhabitassent Marchiones, vocati sunt Marchiones de Baden. At ex his titulis nec Ducatus, nec Marchionatus veri conficiuntur. Zaringia nunquam in Ducatum evasit. Marchionatus axioma denique Badæ adhæsit. Possessor dignitatis suæ, non officii, nomen Dynastiæ communicavit; uti Landgraviatus dicta est Hassia, quod possessores ejus, ex Thuringico Landgraviorum sanguine prognati, sese dicerent Landgravios. Quid opus fuit Marchia contra Gallos ad Rhenum, quum omnis Lotharingia a Rheno ad Mosam usque Germanici juris, adeoque Marchiæ instar fuerit Germanis.



CAPUT

# CAPUT III.

## HERMANNUS III.

AB ANNO 1130. USQUE AD ANNUM 1160.



§. I.

ermannus hic inter Zaringo-Hermannidas primus bellica effloruit gloria, sub Conrado III. & Friderico I. Imperatoribus Suevicis in Germania, Italia & Terra Sancta bellantibus, strenuus miles.

Acta ejus  
abb. A. 1134.

A. 1134. Marchio Hermannus consensu Berthæ, contestalis suæ, prædium in Huningen, in Comitatu Adelberti situm, Ecclesiæ S. Pancratii in Baggenang dono dedit.

Anno 1139. Conradus III. Imp. Argentinæ concambium Cellæ in Nigra Silva ratum habuit, præsentibus inter alios Duce Conrado, *Herimanno Marchione.* (a)

O o 2

(a) Vid. Codex Diplom.

Eodem anno XIII. Kal. Junii Hermannus Marchio de *Badun* Conradi III. Diploma Frankenthalense testis signavit in Weissenburg. (b) Eod. V. Kal. Jun. Diploma Einsidlense Argentinae scriptum est, stipulatione Principum praesentium, Cunradi Ducis, Herimanni Marchionis &c. (c) Eadem die literas Caesaris, Abbatiae Selsi datas, post Duces *Hermannus Advocatus ejusdem loci*, ante Comites signavit; unde Hermannum nostrum Abbatiae Selsenfis, e regione Marchionatus Bad. in Alsatia sitae, Advocatum fuisse colligimus. Aliud Diploma Fabariensi monasterio ab Imperatore tunc concessum est in praesentia . . . *Hermannii Marchionis de Batha*. (d) Denique eodem anno Bertoldus, Brisingoviae Comes, Conradi Zaringiae Ducis filius, ecclesiam in Wolvenwilare monasterio S. Petri, cujus Advocatus erat, nomine Erlewini de Wolvenwil. obtulit coram *Marchione Herimanno juxta villam Osmanningen*. In fine Chartae legimus: „ Ego Herimannus „ Marchio praesentem Chartam sigilli mei impressione roborari ac „ confirmari feci.

## §. II.

Agg ab  
A. 1140. Anno 1140. XVII. Kal. Dec. in obsidione Winspergensis, à  
Conrado III. Imp. suscepta, Chartam signarunt *Hermannus Marchio*

(b) SCHANNAT *Hist. Worm.* Cod. Probrt. pag. 69.

(c) HARTMANNI *Annal. Einsidl.* pag. 196. HERRG. Tom. II. pag. 163.

(d) TSCHUDI *Hist. Helvet. Part. I. Lib. I.* pag. 65. & 69.

& Werinherus Comes de Baden, qui posterior ad Badenses Helvetiae Comites pertinet. (e)

Anno 1141. mense Aprili, (f) ac triennio post mense Julio, (g) Argentinae cum Conrado Imp. commoratus est Hermannus Marchio.

Anno 1147. a S. Bernhardo cruce signatus Spirae, eundem Conradum Imp. cum aliis Principibus secutus est in Orientem. (h) Redux in Germania Curiae Francofurtanae interfuit, ubi Caesar duo seminarum monasteria *Kemminada* & *Visbike*, Marchionis nostri aliorumque Principum iudicio Abbatiae Corbejensi tradidit. (i)

Anno 1148. Hermannus noster adstitit foundationi Monasterii Albæ Dominorum, Cisterc. Ordinis, a Bertoldo Ebersteinensi Comite, & Vcha, conjugue ejus, literis consignatae. (l)

## O o 3

(e) HARTMANN. l. c. pag. 158. *MIRÆI Opp.* T. II. pag. 827.

(f) Charta San-Blaſ, ap HERRG. *Geneal. Habsb.* Tom. II. pag. 167.

(g) HARTMANNI *Annal. Einsidl.* pag. 205. HERRGOTT. l. c. pag. 172.

(h) WILH. TYRIUS *Hist. Lib.* XVII. ab initio, ubi Hermannum *Provincia Veron. Machionem* vocat.

(i) SCHATEN, *Annal.* Paderborn. L. VIII. p. 771. FALCKE *Tradit. Corbej.* p. 206. 208. LUDWIG. *Reliq. Mss.* Tom. VII. p. 511.

(l) PETRI, *Surviv. Eccles.* pag. 19. ex BESOLDI *Docum. Wirtenbergicis.*

## §. III.

Acta ab  
A. 1150.

Anno 1150. *Herimannus Marchio de Baden* & sui *Ministeriales* in Corbejenfibus *Conradi III. Imp.* literis comparent, ut testes; (m) id quod biennio post, paulo ante Imperatoris mortem, denuo factum. (n)

Anno 1152. mense Jun. *Herimannus Marchio* in Abbatia *S. Petri* in *Nigra Silva* praefens fuit, quum *Bertoldus IV. Zaring*, *Dux Abbatiae* huic *Advocatiam* tradidit. (o)

An. 1153. mense Januar. *Hermannus Marchio de Baden*, *Friderico I. Imp.* uti *Conrado III.* addictissimus, cum eo *Spiræ* versatus est, testis privilegii, quod *Gebennensi Episcopo* datum. (p) Mense Julio *Fridericus* hic ratam habuit donationem curtis *Besigheim*, quam *Hermann* *Marchioni de Baden* *Widelberta*, *Abbatissa Ersteinensis*, consentiente *Advocato suo*, *Hugone Comite Dagisburgenfi*, fecerat. (q)

---

(m) LUNIA *Spicil. Eccles.* Part. III. pag. 94.

(n) PETRI *Suev. Eccles.* pag. 716.

(o) SCHANNAT *Vindem. Literar. Collect.* I. p. 163.

(p) SPON *Hist. de Geneve* Tom. II. p. 2. *Citadin de Geneve* p. 151.

(q) BESOLDI *Theaur. Praef.* Tom. I. pag. 71.



## §. IV.

ANNO 1154. mense Octobri Cæsar cum exercitu, ad Licum  
 amnem, in Vindelicia collecto, in Italiam profectus, Veronam  
 sibi resistentem invenit, at placavit promissis, ut Italiæ æditus  
 pateret. Clavem hanc Italici regni ut firmam teneret, Cæsareo  
 opus erat præfecto, cujus nomen illus ævi Annales non  
 indicant.

Titulus  
 Marchio-  
 nis Vero-  
 nensis.

Quum Cæsar An. 1155. VIII. Kal. Septemb. Episcopatus  
 Constantiensis limites definivisset Constantiæ, Hermannus in  
 Instrumento (r) *Marchio de Baden* vocatur. At Anno 1158.  
 XVII. Kal. Jul. quum Imperator litem inter Ottonem Frisingensem  
 Episcopum, & Henricum Leonem, Baviaræ Ducem, diremisset  
 Augustæ, interfuit quoque rei gestæ Hermannus, qui in  
 Instrumento Cæsareæ sententiæ *Marchio Veronensis* vocatur (s)

Primum hoc in Annalibus & Documentis exemplum, quo  
 Hermannus cognomine *Veronensis* ornatur. Eum tamen strenuum

(r) *Chron. Constant.* apud PISTOR. p. 695. MIRÆUS L. II. p. 327. LUNIA  
*Spicileg. Ecclæs.* Part. II. p. 157.

(s) MEICHELBECK *Hist. Frising.* Tom. I. p. 337. HUNDII *Metropol. Salisburg.*  
 Tom. I. p. 77.

Cæsaris assecclam primæ ejus expeditionis Italicæ An. 1154 jam interfuisse, (t) atque adeo Præfecturam Veronæ tum temporis jam obtinuisse, merito censemus, quod secunda expeditio A. 1153. Julio mense demum suscepta fuit, Hermannus autem Veronensis Marchionis axiomatico mense Junio jam ornatus comparet.

## §. V.

Veronæ  
faciæ.

Verona, Italiæ clavis, a Berengarii tyrannide per Ottonem I. Imp. liberata, libera sub Imperio persistit; (u) ab LXXX. Senatoribus & Præfecto, non cive sed extraneo, recta.

Fridericus I. in Italiam veniens, urbibus Lombardiæ ac Tarvisinæ regionibus, ut feudis Italicis, Rectores, urbibusque singulis, Præfectum Cæsareum dedit; ut Germaniæ urbes Advocatos Imperiales tum temporis habuerant. Præfectura Hermanni Veronensis deinceps interrupta fuit. Inter Civitates enim, Veronensibus vicinas, sædus initum est, quod *Societas Veronensis* (x) dicebatur

(t) De hac OTTO FRIS. L. II. C. XXV.

(u) TORELLUS SARAYNA in *Gestis Veronensium* Lib. I. Vid. *Theaur. Rer. Italicar.* Tom. IX. p. 7.

(x) *La Compagnia de Veronesi.* SARAYNA loc. alleg. pag. 4.

dicebatur, quæ denique in magnum illud Lombardicum Civitatum  
foedus excrevit, unde bellum diuturnum, subinde suspensum,  
Constantiæ denique A. 1183. ut infra ostendetur, compositum.

Anno 1160. XVI. Kal. Maji in Italico monumento (y)  
Hermannus noster *Marchio Veronensis, Dux de Carentana*  
memoratur. Titulo hoc vetera in Ducatum Carinthiæ jura  
renovavit Hermannus. Ceterum haud silentio prætereundum est,  
Hermannum quoque nostrum; ante secundam expeditionem  
Italicam, (z) Hagenoæ præsentem fuisse, quum Fridericus  
Imperator Neoburgensi Cisterciensium Cœnobio Literas  
protectionis dedisset. (a)

## §. VI.

Hermannus III. A. 1160. decessit; in eadem Sti Pancratii <sup>Mors  
ejus.</sup>  
Backnaviæ Ecclesia, ubi parentes, sepultus. (b) Jo. Gamanfius

(y) UGHELLI *Italia sacra* Tom. II. col. 372.

(z) III. Kal. Martii A. 1158.

(a) *Alsatia Diplom.* ad hunc ann.\*

(b) De Hermannus III. in Backnangæ ecclesia legebatur epigramma sequens:

„ Filius Hermannii jacet hic Hermannus & alter

„ Dotem firmavit, auxit & ille, patris.

„ Illius at genitrix Judintha putatur adesse;

„ Bertha simul conjux, &c.

Hermannō huic fratrem assignat *Albertum*; ad quam sententiam eum induxit notissima illa Friderici I. Imp. Charta, qua Marchiam Austriæ A. 1156. in Ducatum erexit. Inter testes, qui Diplomati scribendo interfuerunt, ab editoribus nonnullis, *TOLNERO*, *LUNIGIO*, *DUMONTIO* aliisque adductus est *Albertus Marchio de Baden*. At in authentico legitur: *Marchio Adalbertus de Staden*. (c)

Uxor.

Uxor ei fuerat Bertha, filia Matthæi, Lotharingæ Ducis, ex Bertha Friderici I. Imp. sorore, (d) quæ Backnauæ cum eo sepulta.

---

Alter vocatur ex hypothesi communi, quæ Hermannum Cluniac. inter Badenses Marchiones omittit. Extat epigramma in *Crus. Annal. Suev.* Part. II. Lib. IX. p. 351.

- (c) Per-Illustris *SENCKENBERG* *Altes Bürgerliches und Staats-Recht* p. 130. ubi Diploma ex autographo descriptum.
- (d) *CALMET Hist. de 'Lorraine* Tom. II. de matre, sed non de filia, loquitur.



CAPUT

# C A P U T IV.

## H E R M A N N U S IV.

AB ANNO 1160. USQUE AD ANNUM 1190.

### §. I.



ermannus IV. ad patris exemplum Friderico Imp. adhæsit, atque acceptam ab utroque Dynastiam Veronæ possidere continuavit; strenuus in Italicis bellis & in Orientali expeditione athleta. Pater Conradum Imp. comitatus, salvus cum eo in patriam rediit. Filius cum Friderico Imp. in Oriente occubuit. Initio regiminis ejus ad finem perducta est Monasterii Tennebacensis Ordinis Cisterciensis constructio, quod leucæ spatio distat Hachberga. A. 1161. à duodecim Monachis cœpit inhabitari, (a) a quo tempore Monasterium hoc ad nostram ætatem viget ac floret. An. 1164. ortum est pertinax bellum inter Guelfum, Henrici superbi, Sax. &

Acta ejus  
ab A. 1160.

P p 2

(a) Vide supra in Bertoldo IV. §. XIII. pag. 139.

Bav. Ducis, ex fratre Guelfo nepotem, atque Hugonem, Tubingæ Comitem Palatinum, in quo *Bertholdus Dux de Zaringen* & *Heremannus Marchio de Baden* Guelficas partes secuti sunt. (b) Pro Hugone autem stetit Fridericus, Sueviæ Dux, Comes Zollerani &c. Res ab Imp. Friderico I. composita est anno sequenti. (c)

Anno 1181. *Hermannus, Marchio Veronenfis*, testis in Diplomate, quo Monasterii Trutenhufani in Alsatia fundatio a Friderico Duce firmatur. (d)

Anno 1183. Pax illa Constantiæ inter Frid. I. Imp. & Civitates Italiæ inita fuit, cui etiam *Hermannus, Marchio Veronenfis*, subscripsit; (e) atque adeo Toparchiam Veronensem tum adhuc possedit.

A. 1185. in Dipl. Henrici VI. Rom. Regis, qui ab Episcopo Basil. dimidium Curtis & Montis Brisach in feudum Basileæ recepit, inter alios testis est *Hermannus de Baden*. (f)

(b) MONACH. WEINGART. C. XIV. ap. LEIBNIT. *Scriptor.* Tom. I. p. 794.

(c) URSPERG. in *Chron.* A. 1164. OTTO DE S. BLASIO Cap. XVIII. *Chronicon Bebenhufan.* apud LUDEWIG *Reliquiar. MSS.* Tom. X. p. 408.

(d) OBRECHT. *Prodr.* p. 228.

(e) Formula hujus pacis annexa est libris feudorum in *Corp. Juris Civilis.* ubi plenior est, quam illa, quæ apud SIGONIUM *de Regno Italia* ad annum hunc legitur.

(f) HÆRGOTT *Geneal. Habsb.* T. II. p. 195. seq.

## §. II.

Anno 1186. in præsentia *D. Armani Theutonici Marchionis* & *Domini totius Marchiæ Veronenfis* consecrata est Ecclesia *Dominus Marchiæ Veron.*  
*S. Julianæ de Lepida in Veronenfi districtu. (g)*

An. 1187. VII. Kal. Aug. Alexander III. Papa consecravit altare majus Ecclesiæ S. Mariæ antiquæ Veronæ, præsentē inter alios *D. Armano, Theutonico Marchione* & *D. totius Marchiæ Veronenfis. (h)* Evidens hinc, Hermannum IV. etiam post pacem Constantiæ cum Italiæ Civitatibus factam, Marchiæ Veronenfis non modo Præfectum, sed & Dominum fuisse. Pater ejus *Marchio Veronenfis* dictus est, hic vero *Dominus totius Marchiæ* appellatus. Nec defunt juniores, qui post reportatam à Mediolanensibus victoriam *(i)* Hermannō nostro Veronam ab Imp. concessam arbitrantur. *(l)* Hoc si admitteres, pater Præfecturam, filius Dominium ipsum Veronæ obtinuisse dicendus. Vocatur Hermannus *Teutonicus Marchio* & *Dominus totius Marchiæ Veron.* Indicant hæc, Hermannum Teutonicæ originis Teutonicique regni fuisse Marchionem, atque Dominum Marchiæ

P p 3

(g) UGHELLI *Italia sacra* Tom. V. pag. 807.

(h) ΟΝΥΦΡ. PANVINI *Antiquitat. Veron.* Lib. VII. p. 183.

(i) Urbs Mediolanensis A. 1162. everfa est. MORENA p. 838. BURCKARDUS de *Excid. Mediol.* apud FREHER. Tom. I. p. 350.

(l) SPENERUS in *Sylloge genealogico-historica* pag. 611.

Veronenſis; quæ Marchia idem ille Marchionatus eſt, quæ cum Carinthiæ Ducatu Bertoldo I. Hermauni IV. abavo, Henricus IV. Imp. ante centum annos abſtulerat, & cujus Marchionatus occaſione Hermannus I. filius junior Bertoldi I. titulum *Marchionis* in memoriam priſtinæ dignitatis à patre acceperat. (m) Marchionis Badenſis appellatio jam Anno 1130. in Chartis comparet; at Marchiæ Veronenſis Dominium nonniſi An. 1154. Hermannò III. a Friderico I. Imp. ceſſum eſt, filioque ejus Hermannò IV. continuatum. Fabuloſa poſteritas, Badenſes origines derivans Verona, ſanguinem cum dignitate confudit. Diceres Fridericum I. Imp. ex parte reparafſe injuriam, qua ſeculo præcedenti Henricus IV. Imp. affecerat Bertoldum.

### §. III.

Herman-  
ni IV.  
mors.

Felix Hermannì IV. triginta annorum Principatus bello ſacro abruptus eſt. Anno enim 1190. expeditioni Friderici I. Imp. in Orientem cum Friderico, Duce Sueviæ, & Bertoldo, Duce Meraniæ, aliisque Regni Proceribus interfuit, teſte TAGENONE. (n) Iconium Lycaoniæ veteris, nunc Natoliæ urbem, cum peterent Chriſtiani, & undique ingruerent hoſtes, Duci

(m) Vide ſupra pag. 49. ſq.

(n) TAGENO, Decanus Pataviſis, interfuit quoque huic expeditioni, eamque deſcripſit, ap. FREJERUM Tom. I. p. 427.



Meraniæ & Marchioni Badensi extremum commissum est agmen. (o)  
Paulo post Imperator & Hermannus interierunt, Antiochiæ  
sepulti. (p)

Tempore ejus Bertoldus IV. Zaringus, turrim vel portam  
extruxit Brifaci, quam supra (q) descripsimus.

In partibus Hachbergæ Marchicæ, in oppido Sultzberg  
seculo præterito argentei plures reperti sunt nummi; in quorum  
parte antica Crux, cum Inscriptione: *Hermannus*; in postica  
*Castrum*, ad cujus latus legitur: *PRISAC*. (r)

Nummum exhibet JO. GAMANSIUS, (s) atque ex eo  
concludit, in utriusque Lineæ Zaringicæ, Ducalis nimirum &  
Badensis Marchicæ, potestate tum extitisse Brifacum, commune  
Gentis emporium. Pro Zaringis tamen portæ memoratæ  
Inscriptio pugnare videtur, adeoque nummus nihil aliud indieat,  
quam communem ætrique Lineæ monetandi officinam fuisse  
Brifaci. Hermannus IV. nunc Badam, nunc Hachbergam  
incoluit. In Castro hoc sane fuit, Tennebacense quum conderetur  
Cœnobium, uti supra ostensum.

(o) Epistola Anonymi ap. Cxus. *Annal. Suev.* Tom. I. Part. II. p. 502.

URSTIS. *scriptores* p. 561.

(p) ECCARDI *Scriptor.* Tom. II. pag. 1951.

(q) Lib. II. Cap. V. pag. 127.

(r) F&typnm dabunt Tabulæ Nummorum Badensium.

(s) In Libro MS. cui titulus: *Progenitores Marchionum Badenſ.* Cap. III.

## §. IV.

Uxor &  
filius.

**H**ermannus noster ex Bertha uxore, quam ex Comitum Palatino - Tubingensium Domo natam statuunt noviores, tres filios cum filia progeniit. Filii natu majores Hermannus V. & Henricus I. Badensium Familiam in duos ramos diviserunt; quorum senior in Bada Ufgovica sedit atque Lineam continuavit Badensem. Alter in Brisgovico Hachbergæ Castro habitavit, Lineamque instituit Hachbergicam; de qua acturus sum, postquam Badensia ad Hermannum VI. usque perduxero, in cujus fratre, Rudolpho I. nova Rerum Badensium series exsurgit. Tertius Hermannus IV. filius fuit Fridericus, ut ex sequentibus patebit.

Filia.

Filia Hermanni IV. Gertrudis Alberto, Comitum Dagsburgensium postremo, nupta, filiam peperit cognominem, Dagsburgici Comitatus heredem; quæ ter maritata, semper improlis, postremo marito, Leiningæ Comiti, Emiconi Comitatum donavit. Emico Argentinensi, Episcopo, Bertholdo Teccensi, eum obtulit in feudum. (t)

---

(t) *Asiatia Illustr.* Tom. II. pag. 489. seqq.



CAPUT

# C A P U T V.

## H E R M A N N U S V.

AB ANNO 1190. USQUE AD ANNUM 1243.

### §. I.



ernicioſa apud Germaniæ Magnates Heredi-  
 tas,  
 confuetudo ab antiquo invaluit, ut,  
 primogenitura neglecta, terras ſuas  
 inter filios non modo dividerent, ſed  
 & inter nepotes illæ ſubdividerentur.

Zaringicas opes in duas lineas,  
 Ducalem & Marchicam, Bertoldus I. partitus eſt. Hermannus IV.  
 Marchicas in Badenſem & Hachbergenſem ſubdiviſit; unde  
 debilitatæ ſunt vires ac dignitas Domus. Mortuo Hermannſo IV.  
 Marchia Veronenſis ex Badenſi Domo exiſſe videtur. Veronæ  
 titulus tamen in ſucceſſorum ejus Actis, ſubſcriptionibus & ſigillis  
 non omnino diſparet. Nec moram aliquam apud Italos eum feciſſe  
 cognovimus. Filiorum ejus natu junior Rudolphus, Marchionum

Badensium, qui Badæ federunt, conditor, *Marchionis Veronensis* titulum adhibuit; pristinae possessionis renovaturus memoriam.

§. II.

Aeta ab  
An. 1208.

Anno 1208. Marchio de Baden inter testes Diplomatis quod Otto IV. Imp. Civitati Wormatiensi Spiraë dedit, comparet. (a) Eodem anno *Margravius de Baden* Henrici Comitis Palat. Chartam pro Monasterio Babenhufano Wormatiæ signavit. (b)

Anno 1209. Hermannus & Fridericus *Marchiones de Baden* Instrumenti Ottonis IV. pro Nivellenſi Ecclesia testes leguntur. (c)

Anno 1210. In Charta Ottonis IV. apud S. Salvatorem in Monte Amiaco Spirenſi Ecclesiæ data, post Fridericum Comitem de Saraponte legitur *Marchio Fridericus de Baden*. (d)

Anno 1215. cum aliis Principibus Aquisgrani cruce signatur Badensis Marchio, (e) vel Hermannus, vel Fridericus. Uterque II. Non. Maji cum Cæsare, Herbipoli fuit. (f)

(c) MORITZ vom Ursprung der Reichs-Stätte, append. p. 154.

(b) PETRI Suevia Eccles. pag. 131.

(c) MIRÆI Opp. Tom. I. pag. 734.

(d) Ex Archivo Spir.

(e) GODEFRIDUS COLON. apud FREHER. Tom. I. pag. 383.

(f) Teste Diplomate pro Civitate Colon. in Archivo Bada-Durl.

Anno 1216. VII. Kal. Aug. Hermannus Marchio Bad. in Diplomate apud Ulmam dato comparet; quo Wenceslai, Regis Bohemiæ, confirmatur electio. (g)

## §. III.

Eodem anno 1216. Fridericus, Hermannii V. frater, in Curia Friderici II. Imp. Herbipoli mense Majo extitit, ut Diplomata testantur; quibus nomen ejus subscriptum hac forma: *Hermannus Marchio de Baden & Fridericus frater ejus; (h)* vel *Hermannus & Fridericus fratres, Marchiones de Baden. (i)*

Fridericus hic, assumpta cruce, in Palæstinam profectus, ibidem obiit postquam suam & fratris sui Hermannii, qui cum uxore Irmengarde consensit, proprietatem omnem in Ulma Ordini Teutonico donasset. Chartæ confirmationis Hermannii non adjectus est annus.

## §. IV.

Anno 1218. Hermannus Marchio de Baden Diploma Friderici II. Imp. Monasterio omnium Sanctor: Hagenoæ datum, primus testium signavit; ut & aliud Ulmæ pro Episcopi Basilienfis

Fridericus frater.

Acta ab A. 1218.

Q q 2

(g) LUNIG Part. Spec. Contin. I. erste Forts. pag. 5.

(h) TOLNER Cod. diplom. Palat. p. 67. BECMANN. Hist. Anhalt. Part. III. L. IV. C. II.

(i) HUNDII Metrop. Salisk. T. II. p. 592. prim. edit.

in Civitate hac jure; (l) & aliud Wimpinæ ad confirmationem donationis Ecclesiæ cuidam Patavienfi datum. (m)

Anno 1219. Hermannus Marchio *Veronenfis* Friderici II. Chartæ, Goslarie datæ, nomen subscripsit. (n) Eod. anno mense Aug. ejusdem Friderici II. Diploma investituræ Gaffi & Jacobi de Locarno Hagenoæ *Marchio de Baden* signavit. (o) Mense Nov. cum Cæsare Norimbergam invisit. (p)

Anno 1220. Hermannus Marchio de Baden cum eodem Friderico II. Imp. Hagenoæ (q) & Francofurti (r) occurrit. In literis, quibus Fridericus Viennam Imperio addicit, legitur *Herman Marggraf zu Baden*. (s)

Anno 1221. mense Martio apud *Barum*, (t) mense Aprili Tarenti fuit cum Cæsare. (u)

(l) HERRGOTT Tom. II. pag. 227.

(m) GEWOLD. T. I. Add. Metropol. Hundii p. 383.

(n) HEINECCI *Antiq. Goslar.* pag. 218.

(o) Codex Diplom. Bad.

(p) Teste Dipl. apud TOLNER. loc. cit. p. 69.

(q) HANSELMANN *de Domo Hohenloica* pag. 374.

(r) MORIZ *vom Ursprung der Reichs-Stätte*, Docum. p. 159.

(s) SENCKENB. *Stedta* Tom. IV. p. 442.

(t) Teste diplomate ap. HANSELMANN. l. c. pag. 392.

(u) LUNIG *R. A. vom Teutischen Orden* Doc. I. & SCHURZFL. *Hist. Ensifer.* in Diplom. p. 15.

Anno 1224. cum eodem Hagenœ (x) & A. 1225. atque seq. cum Henrico Rege Rom. WORMATIÆ (y) & Hagenœ versatus est Marchio Badensis. (z)

## §. V.

Anno 1226. Hermannus & Henricus fratres, Badenses Marchiones, quarto Nonas Nov. jus suum hereditatis Dagsburgicæ <sup>Hereditas Dagsburg.</sup> in Bertholdum, Episcopum Argent. ejusque in Episcopatu successores transtulerunt. (a) Jus hoc derivabant a Gertrude, unica Alberti, postremi Dagsburg. Comit. ac fororis suæ filia. Brabantiae Dux, heredem quoque Alberti sagerens, causam ad Imp. Fridericum II. in Wormat. Comitibus detulit, qui litigantes ad Judicem, in cujus Comitibus Dagsburgum situm, remisit. Litem ergo Sigebertus, Alsatiae Inferioris Landgravius, cum filio Henrico in publico apud Holzheimium Judicio pro Marchionibus decedit; simul quoque declarans, Marchiones hereditatem hanc Ecclesiae Argentinensi donasse, (b) cujus dominio directo Dagsburgensis Comitatus hodieque obnoxius est.

## Q q 3

(x) PETRI *Suevia Eccles.* p. 655.

(y) HERRG. Tom. II. p. 321.

(z) WENCKER *Collect. Jur. publ.* p. 186.

(a) Chartam Donationis, à Marchionibus factæ, vid. apud LAGUILLE *Hist. d'Als.* Probat. p. 33. Add. *Alsatia Illustr.* T. II. p. 489. seqq.

(b) Sententiam hanc vide apud LAGUILLE l. c. Prob. p. 34.

## §. VI.

Brunsvi-  
cenſis.

Anno 1227. Hermannus noſter, una cum Ottone Illuſtri, Palatino Comite & Baviaræ Duce, qui duo Henrici Brunſvicenſis, Comitis Palatini filias habuerunt uxores, vendidit Imperatori Friderico II. Brunſvicum, ejusque tractum, ut allodium Guelficum, quod, Henrico ſine maſcula prole mortuo, ad ejus filias devenerat.

Cæſar non ſine politico conſilio Dominia quædam in Saxonia poſſidere cupiebat. Cum utroque ergo Henrici genero de acquirenda Brunſvicenſi Dynaſtia ſtatim poſt ſoceri mortem tractavit. Et quidem cum Hermanno noſtro Cæſar ita convenit, ut oppidum Ettlingen in feudum, oppidum Durlacum ei in proprietatem concederet, pro bonis, quæ Marchioni *ex parte uxoris ſuæ de proprietate in Brunſvic contingebant*. Præterea eidem Marchioni Civitates Louffen, Sunneſheimb & Eppingen *pro duobus millibus & trecentis marcis argenti* oppigneravit.

Sed Henrici Palatini ex fratre Guilielmo de Longa Spatha nepos, Otto de Luneburg, *Puer dictus*, re audita, occupavit Brunſvicum, impediturus omnino, ne patrimonium iſtud Guelficæ gentis ad Gibellinum tranſiret. Filius ergo Friderici II. Henricus VII. Romanorum Rex, quum ad Brunſvicum appropinquafſet, oppidum ab Ottone jam occupatum intelligens,



re infecta regressus est. (c) Marchio tamen oppida oppignerata, ut & ea, quæ pro dimidia Brunsvici parte acceperat, retinuit.

## §. VII.

Post hæc longas apud Italos moras cum neceret Cæsar, <sup>Fidelitas in Cæsar.</sup> filius ejus, Romanorum Rex, Henricus VII. habere, quam expectare Imperium malens, Civitates ad Rhenum contra patrem concitavit, eoque rem perduxit, ut Wormatia sola & Hermannus noster datam Cæsari fidem servarent.

In Siciliam ergo profectus est Marchio, eique periculosa filii manifestavit consilia. Cæsar iter in Germaniam parans, Hermannum ad sua jussit redire. Intelligens hæc Henricus VII. Hermannum aggressus est bello; qui de proximo Cæsaris adventu certus, fortiter se interea atque sua defendit. (d)

Inter alia quoque Marchionem Henricus coëgit, ut ex his mille & trecentis marcis argenti, pro quibus oppida Laufen, Sunsheim & Eppingen ei oppigneraverat, remitteret mille. (e)

(c) MEIBOM. in Diss. de erectione Ducatus Brunsvic. Tom. III. *Scriptor.* pag. 204. TOLNER. *Hist. Palat. Cap.* XVIII. p. 381.

(d) Hæc omnia TRITHEMIUS in *Chron. Hirsug.* ad A. 1334.

(e) Fridericus II. ipse hoc narrat in Charta A. 1334. Instrumentum hoc ex apographo primus edidit Doctiss. Jo. CHRISTIAN. SACHSIUS *Hist. & Poët. Prof. in Programm. de Hermann III. March. Ab. 1759.* & ex eo

Cæsar in Germaniam veniens An. 1234. mense Nov. Marchionem restituit in integrum, filiiq; sui Acta reprobavit. Charta restitutionis in scriniis Bada - Badensibus extat. Sed Charta emtionis, quæ circa An. 1227. confecta, & ad quam ipse provocat Cæsar, non amplius comparet.

## §. VIII.

Ettlinga  
& Durla-  
cum.

Ita jam patet, qua ratione Ettlinga & Durlacum ad Badenses devenerint. Oppignerata vero oppida Laufen, Sinzheim & Eppiugen ex Badenensium potestate pridem exierunt. Bernhardus Marchio A. 1402. Eppingam Elect. Palat. pro XM. flor. oppigneravit. At Carolus I. Marchio An. 1462. ab Electore Palat. in proelio captus, juri relutionis renuntiavit. Eppinga cum Laufa & Sinzhemio fuerat olim Imperii oppidum. Oppidum & castrum Lauffen ab Hefmanno March. A. 1346. pro tribus millibus Librarum Hall. venditum, brevique post ad Comites Wirtenb. translatum est. Cujus generis Civitates autem Ettlinga atque Durlacum fuerint, & qua ratione ad Fridericum II. pervenerint, laud adeo liquidum est. Ex Zaringicis bonis ea ad Cæsarem pervenisse credidit

SCHEIDIUS

---

GOTTFR. DAN. HOFFMANN. *Diplomat. Étluft.* p. 113. Nos ex autographo daturi sumus correctius. Pro Conrado Rom. Rege legendum est *Henricus*, id quod & ipse Sachsius jam in Programm. de Irmengarde March. correxit.

SCHEIDIUS. (f) Quod si ex Zaringicis bonis fuissent, cum reliquis allodiis ad Bertoldi V. transivissent sorores, vel potius a Bertoldo I. terris Badensibus jam fuissent adjecta. Nec ad Suevici Ducatus terras ea oppida referrem, (g) quum Franciæ Teutonicæ, non Suevici Ducatus, constituerint partes. • Ad Hohenstaufica ergo Franciæ Orientalis, cujus Ducatum Fridericus II. etiam tenuit, oppida hæc refero.

## §. IX.

Cum autem An. 1235. in Moguntinis Comitibus Brunsvicum & Luneburgum in Imperii Ducatum erexisset Cæsar, atque Ottoni, novo Duci, jura sua, quæ in Brunsvicum emptiõe a filiabus Henrici Palatini acceperat, donasset, nihil inde, quantum novimus, retributionis Cæsar obtinuit. Generosum Cæsaris animum in Ottonem Puerum nemo non videt. In literis feudalibus, datis Ottoni, is ita loquitur: „ Civitatem de Brunsvic, cujus medietatem „ proprietatis domini a Marchione de Baden & reliquam medietatem „ a Duce Bavarie dilectis Principibus nostris, emimus pro parte „ uxorum suarum, quæ fuerunt quondam filie Henrici de Bruunsvic,

Liberali-  
tas Cæ-  
saris.

(f) *Hist. Guelficæ* Tom. IV. pag. 20. in not.

(g) Conjectura hæc tamen probatur Illustri HOFFMANNO, Tubing. Professore, in *Diplomat. Bechst.* p. 115.

„ Comitibus Palatini Rheni &c. „ Diplomati huic, (h) Anno 1235. in Comitibus Moguntinensibus dato, ipse Hermannus Marchio de Baden, & quidem ante Marchiones de Brandenburg, subscripsit. Hæc ita se cum habeant, caute damnandi sunt SCHURZFLEISCHUS, (i) IMHOFFUS, (l) alique haud levi numero scriptores noviores, qui Hermannum cum Irmengarda dotis loco Durlacum, Ettlingam, Pfortzhemium, Heideshemium accepisse tradunt. Priora enim duo oppida Hermannus commutatione cum Brunsvico, quæ urbs ad Irmengarden ex parte pertinebat, accepit. Hæc de rebus Brunsvico-Badenfibus, quas uno filo pertexere opus esse existimavi. Nunc in orbitam redeo.

### §. X.

Acta ab  
An. 1228.

Anno 1228. sub finem Aug. Hermannus Marchio de Baden Henrici, Regis Rom. pro Adelbergenfi Monasterio, (m) & Ludovici Com. Palat. Rheni pro Ecclesia Bamberg. (n) Chartas apud Esselingam testis signavit. Anno 1230. Id. Aug. H. & H.

---

(h) Exhibet illud ex autographo delineatum *Historia Guelf.* à SCHEIDTIO edita Tom. IV. p. 49. MEIBOM. *Scriptor. Rer. Germ.* Tom. III. p. 207.

(i) *Dissertat. de Reb. Badenf.* §. X.

(l) *Notitia Imperii Procerum* Lib. IV. Cap. VIII. §. V.

(m) PETRI *Suevia Eccl.* pag. 4.

(n) TOLNER, *Cod. Pal.* pag. 72.

Marchiones de Baden cum Henrico, Rege Rom. apud Brisacum versati sunt. (o) Sequenti anno Hermannus Marchio de Baden Ecclesiæ S. Pancratii in Backnang jus patronatus in Lantsfiden donavit, ut damnum refarciret, quod in bello adversus vicinos Comites a se & fautoribus suis acceperat. (p) Eodem anno X. Cal. Oct. idem Hermannus Marchio de Baden Halæ Suevorum cum Henrico, Rege Rom. commoratus est; (q) ut & prid. Kal. Jan. A. 1232. Hagencœ, quum villam Tattenried ab Ecclesia Murbac. in feudum ille fusciperet.

Anno 1233. Hermannus Marchio de Baden transactioni Henrici Episcopi cum Civitate Wormat. interfuit, (r) imo transactionem hanc ipse jussu Henrici Regis promoverat. (s) Apud Elselsingam IV. Cal. Nov. ejusdem Henrici Regis Diploma signavit. (t) Ibidem IV. Non. Junii fuerat privilegii, Spirensibus dati, testis. (u)

## R r 2

- 
- (o) Teste Diplom. in gratiam Egenonis Com. Frib. dato.  
 (p) Charta donationis Ms.  
 (q) Teste Charta ap. BESOLD. *Monum. Wirtenb.* pag. 465. & Bebenhusana in PETRI Suev. pag. 136.  
 (r) MORITZ *Abhandlung vom Ursprung der Reichs-Stätte*, append. pag. 168.  
 (s) LEHMANN. *Chr. Spir.* pag. 529.  
 (t) PETRI *Suevia*, pag. 136.  
 (u) LEHMANN *Chr. Spir.* pag. 526.

## §. XI.

Acta ab  
An. 1234.

Anno 1234. Kal. Mart. Henricus, Rex Rom. in solenni Curia Francofurti sententiam contra Hermannum Marchionem de Baden pro Ecclesia Basiliensi & Eginone, Comite Friburg. super argentifodinas & custodiam silvarum per Brisgoviam pronuntiavit. (x)

Anno 1235. mense Aug. Marchio de Baden cum Friderico II. Imp. versatus est Hagenœ. (y) Mense Sept. Henricus, Rex Rom. in sua ad Hildesensem Episcopum epistola apologetica *filium Marchionis* de Baden, quem obsidem tenuerat, jussu paterno liberum se dimisisse, perscripsit. (z)

Anno 1236. mense Mart. Hermannus V. Marchio cum Friderico II. Imp. Argentinæ & Colmarie fuit testis compositionis ejus cum Episcopo Argent. (a) ac privilegii Civitati Argent. Colmarie concessi. (b)

---

(x) Chartam exhibet LONDORP. *Æt. Publ.* Tom. I. Cap. V. DU MONT. *Corps Dipl.* Tom. I. Part. I. pag. 137.

(y) Testis Diplomatis ap. HANSELMANN *de Domo Hohent.* pag. 399. & sq.

(z) SCHANNAT. *Vindem. Liter.* Collect. I. pag. 199.

(a) Tabular. Eccles. Arg.

(b) WENCKER *de Pfalzburg.* pag. 9.

Fuit quoque Augustæ mense Julio, (c) & Herbipoli, ubi Wormat. Civitati Diploma exhibitum. (d) Mense Junio sigillum appenderat literis Wilhelmi, Comitis de Duingen. (e) Sed & eodem mense *Hermannus Dei gratia Marchio de Baden* Abbatiae Neoburgensi in Alfatia contra Henricum, Comitem Werdensem, Inscr. Alfatiae Landgravium, super villa Dunningheim literas dedit testimoniales. (f)

## §. XII.

Anno 1243. Hermannus V. obiit XVII. Kal. Febr. uti <sup>Herman-</sup> Necrologium Monasterii Lucidæ Vallis (g) testatur, in eodem, <sup>ni obitus.</sup> quod uxor ejus brevi post fundavit, monasterio sepultus. (h) Cognomen *Pii & Bellicosi* ei tribuit posteritas.

## R r 3

---

(c) HANSELMANN l. c. pag. 402.

(d) MORITZ *vom Ursprung der Reichs-Stätte* pag. 173.

(e) SENCKENB. *Medit.* pag. 412.

(f) Chartular. Neoburg. pag. 69.

(g) Apud SCHANNAT. *Vindem. Liter. Collect.* I. pag. 164. ubi Monasterii hujus fundator ipse Hermannus dicitur, forte quod fundatricis maritus fuisset. Errat TOLNERUS, qui in d. IV. Non. Octob. mortem Hermanni nostri ponit in *Hist. Pal. Cap.* XVI. pag. 362.

(h) TOLNER. in *Additionib.* pag. 97.

Hermani V. conjux fuit, uti vidimus, Irmengardis, (i) Henrici Brunsvicensis, Comitis Palatini Rheni, filia; soror Agnetis, quæ nupta fuit Ottoni Illustri, Bavariae Duci. (z) Henricus hic, socer Hermani, patrem habuit Henricum Leonem, fratrem Ottonem IV. Imp. Fridericus II. Imp. eum jam Anno 1215. Palatinatu Rheni privavit. Vixit dein Brunsvici atque Aa. 1227. decessit.

## §. XIII.

Irmengardis  
primogenitura.

Irmengardis primogenituram aperte testatur Fridericus II. Imp. in Charta, Anno 1234. data, (m) ubi legitur; „ Quidquid „ inter Alitudinem nostram & presatum Ottonem de patrimonio „ & proprietatibus Henrici Ducis, patrui sui, quæ a primogenita filia „ sua comparavimus, uxore Marchionis de Baden, dissidii vertitur

(i) Conjugium hoc probat Chartula Anni 1233. ubi Hermannus Marchio de Baden, una cum uxore sua Irmengard fratres de Alba in omnibus suis terris à telonio, quod *Ungeld* dicitur, excipit. MEICHNERUS in *Decif. Cameral.* Tom. IV. Decif. 35. pag. 596. Genuinum hoc Irmengardis nomen apud idoneos scriptores legitur. At Limentrudis, Gertrudis, Elilika, Adelheidis ab IMHOFFO in *Not. Proc.* aliisque junioribus, Meibomio, Rittershusio, Tolnero male vocatur.

(f) SCHANNATUS in *Diatriba Histoire abrégée de la maison Palatine* pag. 4. erronee scripsit, Agnetem hanc unicam fuisse filiam Henrici.

(m) *Originum Guelf.* Tom. IV. pag. 141.



„ vel rancoris &c. (n) Imperatori subjungendus est venerabilis illius ævi & oræ scriptor, ALBERTUS, Stadenſis Abbas; (o) quibus alios teſtes addere ſupervacuum eſt.

Fridericus II. Cæſar, cum An. 1215. Palatinatum Rheni, Henrico Brunſvicenſi ablatum, in Ludovicum Bavariz Ducem, Ottonis Majoris filium, contuliſſet, Otto Illuſtris, filius Ludovici, Agnerem, Henrici depoſiti filiam duxit uxorem, ut foceri alodia cum Palatinatu conjungeret. Ducalis dignitas mariti fecerat, ut Agnes quandoque præponeretur.

#### §. XIV.

Irmengardi huic ſuas origines debet Lucidæ Vallis Mors ejus (*Liechtenthal*) ordinis Cifterciensis Monafterium feminarium, in oppidi Badæ vicinia A. 1245. conſtructum, ubi vidua vixit, marito

(n) Agneti tamen primogenituram adſcribit MEIBOMIUS in Diſſ. de erectione Ducatus Brunſv. Tom. III. *Scriptor.* pag. 204.

(o) Ad A. 1227. ubi ita ſcribit: „ Henricus, Imperatoris filius, Civitatem „ Brunſwig pro eo, quod Imperator eam a majore diſti Principis filia „ comparaverat, emptionis titulo impetebat. Et Dux Bavariz pro eo, „ quod ejusdem junior filia ſuo filio nupſerat, jus hereditarium allegabat. Non mirum ergo eſt, TOLNERUM, cum in *Hiſtoria Palat.* pag. 362. receptam apud juniores ſententiam fuiſſet ſecutus, in additionibus deinceps pag. 97. mutaviſſe ſententiam. Tractavit hæc copioſe & ſolide JOH. CHRIST. SACHSIUS, Gymn. Illuſtris in Caroli Heſycheo Prof. in *Progr.* An. 1760.

usque ad An. 1259. (p) superstes, & in monasterio, quod erexit, cum marito sepulta. (q)

Ex matrimonio Henrici V. cum Irmengarde prodierunt:

Herrnannus, (r) qui patri in Marchionatu succcessit, atque Gertrudem Auftriacam duxit uxorem.

Rudolphus, a quo hodierni Marchiones descendunt.

Irmengardis, Eberhardo Comiti Wirttembergico nupta, ut ex Bulla Innocentii V. ad Abbatem Schwarzac. A. 1259. intelligimus, qua Irmengardis, relicta Marchionis de Baden, Eberhardi Comitis focrus dicitur. (s)

Elisabetha, quæ nupsit Ludovico II. Lichtenbergæ Dynastæ. (t)

(p) VI. Kal. Mart. ex Necrolog. Monast. Lucidæ Vallis, ap. TÖLNER. *Hist. Palat.* pag. 362. Monasterium hoc quoque *Baren* vocatur.

(q) Monumentum suo loco dabimus æri inculptum. Extat ibi hæc inscriptio:

Annis inventis XLV. mille ducentis  
Alma Palatina fundavit laude supina  
Tunc Irmengardis hoc claustrum Lucida Vallis.  
Lucet per mores, virtutes, res & honores.

Conf. *Sachsianum Programm* de Hermanno III. March. A. 1759.

(r) THOMAS ERENDOERFER DE HASELBACH *Chron. Auftriæ*. in *Scriptor. Rer. Auftr.* Tom. II. pag. 726.

(s) JO. GAMANSIUS pag. 198.

(t) In Necrologio Abbatis Lucidæ Vallis apud SCHANNAT *Vindem. Litt.* Collect. I. pag. 166. *Elisabetha de Lichtenberg, soror Domini Rudolphi Marchionis*, ad XIII. Kal. Apr. ponitur. Ibidem p. 172. Abbatissa Adelheidis promississe fatetur Dom. *Elisabetha de Lichtenberg, sorori Dom. Marchionis Rudolphi*, anniversarium mariti sui Ludovici in die S. Elisabeth.

## CAPUT VI.

## HERMANNUS VI.

AB ANNO 1243. USQUE AD ANNUM 1250.



## §. I.

ervenimus denique ad Hermannum VI. sub quo Acta ejus  
ab Anno  
1232.  
mediocres hucusque Badensium opes ad  
magnitudinis culmen pervenisse videbantur;  
violenta Principis, Neapoli occisi, morte

rursus everse.

Ad Hermannum hunc referimus Chartam An. 1232. qua  
Conradus, Constant. Episcopus, inter Abbatem S. Blasii & *H.  
nobilem Marchionem juniorem de Baden*, de monte *Susenberclitem*  
decidit. Abbacia pro jure suo prædium accepit, & præter  
servitium, tempore Bertoldi Ducis debitum, de curtibus San-  
Blasianis in Brisgovia nihil se exacturum esse, Marchio promisit.  
Colligimus hinc, in superiore Brisgovia, ubi Saufenberg situm,  
Marchica jura vivo eum administrasse parente. Hoc autem mortuo

*Hermannus & Rudolphus fratres D. G. Marchiones de Baden, Spir. Dioc. villas, decimas, curias plures matri suæ Irmengardi, ut ad usus novi monasterii Lucidæ Vallis, ab ipsa instituti, eas converteret, An. 1245. donarunt. (a) In Charta hac Princeps illustris Hermannus, pater noster, Marchio de Baden, legitur. Sigilla propria filii tum nondum habentes, paterno in literis his usi sunt. Idem fratres triennio post in Charta matris, qua monasterio huic bona a filiis accepta tradidit, rursus memorantur. (b)*

Anno 1246. Hermannus, nobilis vir, Marchio de Baden, iudicio Conradi, Episc. Spir. causa cecidit in lite, quam de Advocatia Nufsbach aliisque possessionibus monasterio Omnium Sanctorum moverat. Inter testes legitur *Hermannus filius Marchionis*. Intelligitur filius Rudolphi I. quem Hermannum VII. vocamus.

## §. II.

Acta ab  
An. 1248.

Anno 1248. Innocentius IV. Papa scripsit *Nobili viro Hermannō, Marchioni de Baden*, Literas Lugduni datas XVIII. Kal. Octob. anno VI. Pontif. (c) quibus ei Ducatum Austriæ

(a) Charta in Cod. Diplom.

(b) SCHANNAT *Vindem. Liter. Collect.* I. pag. 171. fq.

(c) Innocentius IV. electus est Pontifex A. 1243. d. 24. Jun.

confirmavit, quem Gertrudis, filia Henrici III. Austriæ Ducis, heresque Ducatus, attulit marito. (d) Eodem anno Hermannus & Rudolphus fratres, Marchiones de Baden, feudum in Eistatt Heffoni de Usenberg contulerunt.

Anno 1249. (e) Innocentius IV. Pontifex litteras dedit ad Wilhelmum, Regem Romanor. in quibus eum hortatur, ut Gertrudi ejusque marito Hermann, Marchioni Badensi, Austriæ Ducatum tradat in feudum, eo quod feminas ille Ducatus admittat. Mense Sept. ejusdem anni Hermanni, Ducis Austr. & Styr. & Marchiæ de Baden, privilegium de transvectione falis per terras Austr. Conventui in Zwelt indultum est in Civitate Viennensi. (f) CHRONICON CLAUSTRO-NEOBURGENSE (g) ad An. 1249. ita scribit: „*Hermannus Marchio de Baden* intravit Austriam auxilio „ Ducis Bauvariæ, & duxit uxorem filiam Henrici Ducis . . . „ *Hermannus Marchio de Paden* voluit esse Dux Austriæ, sed „ non valuit.

## S s 2

---

(d) BALUZII *Miscellan.* Tom. VII. pag. 410.

(e) Idus Februarii anno Pontificatus sexto. BALUZII *Miscellan.* Tom. VII. pag. 455.

(f) LUDEWIG *Reliq. Mss.* Tom. XIV. pag. 44.

(g) Apud PEZIUM *Scriptor. Rer. Austr.* Tom. I. pag. 461.

## §. III.

Mors ejus

Anno 1250. IV. Non. Octob. Hermannus præmatura morte extinctus, Clauftho-Neoburgi apud Austrios sepultus est, teste CHRONICA AUGUST. (h) his verbis: „ Hermannus „ Marchio de Baden, qui sibi usurpaverat Ducatum Austriæ, „ moritur IV. Non. Octobr. „ Addit sepulturam CHRONICA AUSTRALIS: (i) „ Hermannus Marchio obiit, in Niwenburga „ sepelitur.

Uxor  
Gertru-  
dis.

Gertrudis, Hermanni VI. uxor, filia unica fuit Henrici Impii, qui frater senior erat Friderici Victoriosi, Austriæ Ducis, adeoque Leopoldi VII. Gloriosi neptis. Mater ejus erat Agnes, Hermanni, Thuringiæ Landgrævii, filia. Postquam Fridericus Dux An. 1246. periisset improlis, Babenbergicæ stirpis postremus, jura successionis in Austria, quæ masculorum defectu feminas admittit, (l) ad solium ejus vocavere Gertrudem; cujus pater Henricus jam A. 1227. triennio ante Leopoldum patrem decesserat. Res ergo devoluta ad Gertrudem, quam Fridericus Dux patruus desponsaverat Uladislaio, Marchioni Moraviæ, Wenceslai III. Regis

---

(h) Ap. FREIER Tom. I. pag. 523.

(i) Ibidem pag. 459.

(l) Virtute Privilegii, quod Fridericus I. Imp. A. 1156. Ducatui Austriæ dedit, de quo supra §. XXI.

Bohemiæ, filio atque fratri Ottocari illius, Bohemiæ Regis, quem Austria deinceps ejecit Cæsar Rudolphus. Uladislau uxoris nomine per aliquot menses Austriam administravit, atque post septimestre cum Gertrude connubium improlis Anno 1247. exspiravit. (m)

Post hæc Austriæ Magnates, in partes distracti, Fridericum II. Imp. in Lombardia adierunt, petitori Rectorem. Cæsar Ottonem Illustrem, Bavarie Ducem, eis pro Capiteo dedit. (n) Hic Hermannus VI. Marchioni Badensi, ex conjugis suæ, Agnetis, sorore Irmengarda (o) prognato, viro juveni, rebus gerendis idoneo, Gertrudem viduam An. 1248. dedit uxorem. (p) Ex matrimonio hoc An. 1249. Fridericus, atque deinceps filia Elisabetha prodierunt. Friderico infanti, futuro Austriaci Ducatus heredi, opus erat tutore. Tutelam exercuit pater, Hermannus Badensis, quamdiu vixit.

## S s 3

---

(m) BOHUSL. BALBINUS in *Epitome Rerum Bohemicar.* Lib. III. Cap. XIV. pag. 268. et THOMAS DE HASELBACH in *Chron. Austr.* Lib. V. octodecim menses matrimonio huic assignat.

(n) CHRON. SALISBURG. pag. 360. in *Scriptor. Austr.* Tom. I. pag. 360.

(o) HASELBACH *Chron. Austr.* in *Scriptoribus Rer. Austr.* Tom. II. pag. 726.

(p) CHRON. MONASTERII MELLENSENSIS ad An. 1248. in Tom. I. *Scriptor. Rer. Austriacar.* pag. 240.

Observant scriptores Austriaci, (g) eum nunquam totius Austriæ, sed partis modo ejus, quæ propior Vindobonæ, Ducem fuisse.

#### §. IV.

Jus in  
Austriam  
contro-  
versum.

Enimvero ex iis, quæ gesta sunt, discimus, Margaretham, Friderici Victoriosi, ultimi Ducis, sororem, heic quoque venisse in partes. Inter eam sane & Gertrudem ventilata est quæstio, feminas Austria quum admittat ad solium, an mortuo Friderico Victorioso foror, an neptis ex fratre succedere debuerit. Margaretha erat propior gradu; Gertrudis autem, juris a patre accepti compos, præferenda videbatur. Inter hæc Hermannus Badensis, uti supra ostensum, obiit. Post mortem ejus Austriæ regimen Gertrudis & Margaretha, quæ, Friderico II. Imp. focero nuper defuncto, (r) in Austriam redierat, susceperunt. Margaretha Hainburgi, Gertrudis Medlingæ (s) cum Friderico filio sedebat.

(g) CUSPINIANUS in *Austria* pag. 28.

(r) Uxor nempe fuerat Margaretha Henrici, Rom. Regis, contra patrem rebellis, qui captivus in Sicilia obiit anno 1240.

(s) Unde *Ducissa de Medlich* in *CHRON. CLAUSTRO-NEOBURG. AN. 1253.* & filius ejus quandoque *Medlingensis* dicitur. *HAGEN. Chron. Austr. ap. PEZ. Scriptor. Austr. Tom. I. col. 1072. fq.*



## §. V.

Pertæsi autem mox muliebris regiminis Austriæ Status, Gertrudis ex-  
 atque de periculosis Hungariæ & Bohemiæ Regum consiliis moniti, pulsa.  
 legatos ad Henricum Illustrem, Misniæ Marchionem, miserunt,  
 qui unum ex filiis ejus, quos cum Constantia, postremi Austriæ  
 Ducis & Margarethæ, modo laudatæ, sorore genuerat,  
 expeterent. (t)

Wenceslaus III. Bohemiæ Rex, legatos hos per fines regni  
 sui transeuntes Pragam invitavit, filium suum Ottocarum ut eis  
 proponeret Ducem, addita conditione, ut Margaretha vidua ei  
 conjux daretur. Ottocarus ergo A. 1053. Vindobonæ nuptias  
 cum Margaretha celebravit, (u) Austriæque Ducatum hoc  
 prætextu occupavit, eodem anno Bohemiæ solium, inærtuo patre,  
 conscendens.

(t) Inter hos Henrici III. filios, ex Constantia susceptos, Albertus Degener  
 erat, a quo hodiegni Electores Sax. descendunt, & jus aliquod in  
 Austriam repetunt. SCHWEDER *Theatr. Præterit.* Lib. IV. Sect. XXXIV.  
 Cap. VII.

(u) Repudiavit eam An. 1061. in Austria tamen dominari perrexit, donec a  
 Rudolpho Habsburg. ejiceretur. Ex priori matrimonio Margaretha hæc  
 gemellos pepererat, qui Manfredi, Regni Siculi usurpatoris, dolo  
 perierunt: Fridericus nempe & Henricus. HAGEN. *Chron. Austr.* l.c.

Principatu suo exuta Gertrudis ad Constantiam amitam cum Friderico, filio suo, confugit in Misniam, ubi cum Romano quodam Russo tertias dein nuptias contraxit. CHRONICON CLAUSTRO-NEOBURGENSE ad Ann. 1252. hæc narrat: „ Ducissa de Medlich accepit maritum Rusciæ in contumeliam „ amitæ suæ, Ducissæ Austriæ. „ Et ad Ann. 1253. „ Rex „ Rusciæ relicta uxore rediit ad terram suam. „ (x)

## §. VI

Monu-  
menta  
Gertru-  
dis.

Tam variis fatis agitata Gertrudis, in Misnia exulans, obiit. Scriptores nec annum mortis, nec locum sepulturæ ejus definiunt. Memorabilis superest nummus, (y) Badensia & Austriaca Insignia conjunctim exhibens; matrimonii Gertrudis cum Herimanno VI. Marchione, ut & communis in Austria Principatus irrefragabile documentum. Superest etiam Charta An. 1253. quam Monasterio S. Crucis in Austria dedit Gertrudis, *Dei gratia Ducissa Austrie & Styrie*; cujus sigillum dedit HERRGOTTUS, (z) quod que Gertrudis imaginem refert.

Præter

(x) Ex nuptiis his CUSPINIANUS *Austr.* pag. 28. & 43. prodiisse scribit filiam Mariam, quæ desponsata fuerit Stephano de Ssgabria.

(y) In numophylacio Gotlano, ex quo æri incisus ap. HERRD. *Monum. Austr.* Tom. II. Tab. I. n. 30.

(z) Ibid. Tom. I. pag. 9. Tab. IV. num. 3.

Præter Fridericum Gertrudis ex Hermanno Badensi peperit Agnetem, quæ Anno 1263. Duci Carinthiæ, Ulrico, (a) atque post ejus mortem Meinhardo, Comiti Tirolis, nupsit. Ex Agnete hac Henricus, Carinthiæ Dux, Comes Tirolis, & Elisabetha prodierunt, quæ deinceps Alberti, Austriæ Ducis ex Habsburgica Gente primi, uxor evasit.

Filia Elisabetha.

## §. VII.

Fridericus patre Badensis, matre Austriacus, An. 1249. uti dictum est, natus, ab An. 1253. in Misnia apud Constantiam amitam, Henrici, Misniæ Marchionis, uxorem educatus est. Matre ibi defuncta, in Bavariam se contulit ad Ludovicum Severum, Baviariæ Ducem, filium Ottonis Illustris, qui Austriæ Rector matrimonium Hermannî VI. cum Gertrude conciliaverat.

Frideric. filius.

Irmengardis, avia paterna Friderici, soror erat matris Ludovici Severi, ad quem non modo Fridericus noster Bada-Austriacus, sed & Conradus, Sueviæ Dux, vulgo *Conradinus* confugit. Vixerunt ibidem plures per annos, arcta inter se amicitia, sanguine, quin & fortunæ adversæ fatis conjuncti; alter hereditariis Siciliæ utriusque Regnis, alter hereditariis quoque Austriæ ac Stiriæ Ducatibus exclusi. Conradinus denique ad

(a) CHRON. CLAUSTRO-NEOBURG. ad A. 1253. & CHRON. AUSTR. ad h. a.

expellendum Carolum Andegav. excitatus, Italicam expeditionem paravit, quam ob causam Ludovico, Bavariae Duci, Werdaui Suevicam (*Donauwert*) pro 2000. marcis argenti An. 1266. solenni Charta oppigneravit Augustae Vind. Quin & eodem die eundem Ludovicum ditionum suarum in Italia & Germanja heredem instituit, absque herede si sese mori contingeret. Utramque Chartam noster *Fridericus Dux Austrie & Stirie, Marchio de Baden*, An. 1266. testis signavit. (b)

### §. VIII.

Interitus  
ejus.

Paulo post expeditio Neapolitana à Conradino suscepta est. Socius ejus fuit Fridericus Badensis, sed & socius supplicii, quod uterque An. 1268. eodem die (c) in foro Neapolitano

(b) Instrumenta hæc Conradini, d. 24. Oct. apud Augustam Duci Bavariae data, extant in *Bayr. Ansführ.* contra *Osterr.* inter Probat. pag. 10. ap. *FUGGER Osterr. Ehrensp.* Lib. II. Cap. IV. pag. 190. & *LUNIG Archiv. Imp. Part. Spec. Contin.* II. pag. 3. In posteriore hoc, quod ex Lat. in Germ. versum, post Fridericum legitur *Hermann Marggraf zu Baden*, per interpolationem nominis *Hermanni*, quum Marchionis Bad. titulus Friderico, Austrie & Stirie Duci, hand dubie fuerit additus.

(c) D. 26. Octobr. Circumstantias supplicii coetaneus scriptor exponit, SABA MALASPINA in *Rer. Sicul. Historia* Lib. IV. Cap. XVI. ap. MURATOR. *Scriptor. Ital.* Tom. VIII. col. 852. Adde RICORDANO MALESPINI, ex eadem familia, Florentinus ejusdem sec. XIII. scriptor, primus, qui lingua

subivit; in vicina Carmelitarum ecclesia sepulti, ubi in restaurata ævo juniore Capella novæ Inscriptionis, marmori incisæ, auctor indoctus Fridericum nostrum, Bada - Austriacum, gentis Habsburgicæ Principibus annumerat.

Ita uno carnificis ictu concidit maxima illa spes gloriæ & potentiae, quam in orientalis Germaniæ partibus Badensium Domui fata præparasse videbantur. Spes viginti annorum, quos in perpetua varietate fortunæ Hermannus & Fridericus, pater filiusque transegerant.

### §. IX.

Bertoldi ex Zaringis priores, Guelficis partibus forte Epilogus nimis addicti, consilio hoc suas opes retardarunt. Posteriores Badensium Hermanni, Gibellinas Cæsarum partes secuti, suas

T t 2

---

Italica Historias scripsit, sub tit. *Istoria Fiorentina*, Cap. CXCHII. ap. MURAT. l. c. col. 1014. Ricordanus vocat Fridericum *Duca di Sterlich*, fortasse errore librarii. Addit corpus ejus, ut et Conradini, non fuisse sepultum in loco sacro. Erant enim diris Papæ devoti. RICORDALD. FERRAR. in *Compilat. Chronol.* apud MURATON. Tom. IX. pag. 250. ait: „Decapitatus ibi cum Duce Austriæ & aliis paucis proceribus, ibi secus „mare in tumultis conditi sunt. „ Postea temporis tamen in Ecclesiam Carmelitarum translati cineres, ubi hodieque servantur. Conf. *Asiat. Illustr.* Tom. II. pag. 554.

opes evertunt. Illis Carinthiam, Veronam, Sueviam, his Austriam, Carniolam, Stiriam cœlum magis ostendit, quam dicat.

Indignatus enim Romanus Pontifex Fridericum Badensem, novum illud Austriæ sidus exoriens, cum Conradino, Gibellinæ Hohenstaufiorum gentis postremo, sua socialisse consilia, exterminavit utrumque. Carolus Andegavus capita eorum gladio submisit.

Cum Conradino universa concidit Hohenstaufica Domus. Cum Friderico nonnisi senior Domus Badensis interiit Līnea.

Tam tragico casu clauditur Hermanniana Periodus, Rudolphinam aperiens; cujus expositionem aggressurus sum, postquam exposuero Hachbergicam. Rerum gestarum hoc postulat ordo.



CAPUT

# T A B U L A ARCHIONUMSIUM.

ad pag. 333.

Hermanni IV. March. Bad. filius,

Marchio Hachberg. & Landgravius Brisg

GICA

av. Brig. 1296. tutor filiorum  
enberg † 1310.

RUDOL  
Castrur

Fridericus  
1385.

nen- Hermannus Magister  
han- Ord. S. Joh. per Ger-  
in † maniam † 1357.

Anna,  
Frider  
Com.  
burg. 1

OTTO Marchio emit  
Loerach 1361. Bulach  
1376. † 1382. Ux. Eli-  
sabetha Com. de Strafs-  
berg † 1352.

Marchio, Dynastiam Usenbergi-  
† 1388. & 1393. Ux. 1) Agnes  
eck, 2) Margaretha Com. Palat.  
en, heres Castr. Herrenberg.

RUDO  
feudur  
heidis

Friburg. recipit, eique in  
† 1428. Ux. 1) Adel-

B Heffo II. Margaretha,  
M † post Uxor Friderici  
Z 1406. Com. de Lei-  
d ningen 1405.

Agnes  
Ann  
reth  
niales  
Bafile

titus Ru- Verena Ux.  
catus dol- Heinrichi  
† fus † Com. de  
Mont- 1420. Fursten-  
berg.

tiam Badenweiler dono accipit 1444. & in  
enna, filia Guillelmi Dynastæ S. Georg

† post Wilhelmus †  
† post 1444

Comes Novi Castr. pactum mutue successio

ei Sabaudie Ducis filia 1480.

astri, nupta Ludovico Duci Longavillano



Haichones haud raro memorantur in Chartis. Haicho ex Etichonis, Alfatiæ Ducis, sanguine An. 723. suam Honaugie partem Honaugienfibus Cœnobitis donavit. (f) Eodem seculo in Episcoporum Argentinenfium catalogo Haicho Antistes occurrit. Haicho, Vodalberti filius, bona quædam in Marca, ad Hafumwanc fita, Monasterio S. Galli, regnante HLudovico Germaniæ Rege, A. XV. concessit. (g) Henricus de Hacha, Brisgovicus Eques, in Teutonici idiomatis Charta An. 1279. memoratur. (h) In Saufenbergica Dynastia haud procul Auggena locus est Hach. Quicunque fuerit Hacho, Castrî Brisgovici conditor, nulla Hachbergæ mentio mihi ante sec. XII. occurrit.

## §. II.

FRidericum I. Imp. extincta Hachonis familia, Castrum cum terris Marchioni cuidam Veronenfi, quem ex Italia secum adduxerit, donasse, multorum, ut supra annotavi, opinio est. Alii Henrico Aucupi, Marchionatuum Germaniæ conditori, originem Marchiæ hujus, ut & Badensis, adscribunt; institutos eos fuisse credentes, ut Germaniam contra Francorum occidentalium sive Gallorum incurfiones defenderent. SPENERO,

Marchiæ  
Hach-  
berg.  
origo.

(f) *Alsat. Illust.* Tom. I. pag. 785.

(g) GOLDAST. *Rec. Alemannicar.* Tom. II. P. I. pagg. 25.

(h) Charta Tabularii San-Blasiani.



SCHURZFLEISCHIO, (i) IMHOFIO, (l) PFEFFINGERO, (m) GUNDLINGIO, (n) DIETHERRO (o) aliisque haud paucis sententiam hanc probari potuisse, mecum omnes mirabuntur, qui Henrici Aucupis ævo inter Galliæ Germaniæque Regna Mosam linitem extitisse cognoscunt. Mosa ergo fluvius adversus Gallos Marchionatu instruendus tum fuerat, non Rhenus.

Ex Hermannidis Badenribus quartus Hermannum V. & Henricum I. filios reliquit, quos inter divisæ sunt opes paternæ. Ufgovicas Hermannus, Brisgovicas Henricus sortiti sunt Marchiones, possessionibus suis Marchionatus axioma paulatim communicantes. Allodialis uterque Marchionatus fuit, donec Badensis seculo XIV. Hachbergenfis sec. XV. libera Marchionum oblatione feuda Imperii fierent. Marchia vera si ab origine sua fuisset Hachberga, ab origine quoque sua feudum extitisset Imperii.

## H E N R I C U S I.

Ab A. 1190. 1231.

### §. III.

Henricus, Familiæ Hachbergicæ auctor, sine fratre

Hermanno Abbatia Tennebacensi villam & ecclesiam in Muosbach, in

Hereditas & tituli ejus.

(i) *De rebus Badenf.* §. III. pag. 277.

(l) *Notitia Procerum Imp.* Lib. IV. Cap. VIII.

(m) *Ad Vitriar.* Tom. II. pag. 655.

(n) In *Otiis* Part. I. pag. 102. ubi Marchionatus Hachbergæ & Badæ contra Burgundos institutos fuisse arbitratur.

(o) *Aldit. ad Befoldi Thesaur.* pag. 73.

in Hachbergenſi Marchionatu ſitam , paulo ante mortem ſuam , in *Caſtro Burchhem* , conſentiente uxore cum duobus filiis ſuis , donavit ; fratris quoque conſenſum haud dubie adhibiturus , ſi ei in has terras tum aliquid juris fuiſſet. Imo idem Henricus noſter jam A. 1212. *Marchio de Halperg* in literis Friderici , Romanorum Regis , vocatur. Brevi poſt mortem Hermannſi IV. diſiſionem terrarum inter filios ejus inſtitutam fuiſſe , hinc recte inferimus. Neque tamen gentilitium Marchionis *de Baden* axioma Hachbergenſis ille Henricus depoſuit ; (p) id quod non una illius ævi Charta demonſtrat. (q)

## §. IV.

Idem Henricus Egnolſum de Landſperg , civem Argentinenſem , quum captivum teneret , Fridericus II. Rex Romanorum , ad preces Argentinenſium , literis , anno Regni primo (r) Conſtantie datis , eum graviter hortatus eſt , ut Landſpergium dimitteret liberum. (s) Quod cum facere detreſtaſſet

Res  
geſtæ.

(p) Falſo hoc crediderunt DROLLINGER in Lexico Baſil. voc. *Hachberg* , & PISTORIUS in Tabula Geneal. Marchionum de Hachberg , inſerta T. III. *Script. Rer. Germ.* pag. 782.

(q) Vid. Docum. A. 1236. 1230. 1235.

(r) A. 1212.

(s) Friderici literæ ad Argentinenſes extant in WENCKERſi *Collectan. Archivor. & Cancellariæ* pag. 355.

Henricus , Advocatis suis per Alsatiam Cæsar injunxit , ut Argentinenfibus fua ope affifterent. (t)

A. 1226. Henricus noster cum fratre Hermannò jura fua in hereditatem Gertrudis , Comitiſſæ Dagsburgicæ , neptis fuæ ex forore , in Eccleſiam Argentinenſem tranſtulit. (u)

Extat Henrici , Romanorum Regis Charta Anni 1230. qua Egenoni , Comiti de Friburg , omnem *rancorem atque in indignationem* remittit. Teſtes ſunt *H. & H. Marchiones* ; quibus ſiglis Hermannum & Henricum , Marchiones Badenfes , intelligi , auctoritate Chartæ , quam modo retulimus , non licet dubitare.

Anno eodem veſſequenti Henricus Monafterio , ut diximus , Tennelbacenſi villam & eccleſiam in Muosbach , ut & ſilvam cum hominibus & rebus eo pertinentibus , jure perpetuo conceſſit. Cum autem villa pro xxv. & ſilva pro xxx. marcis argenti Uſenbergæ Dynaſtis oppigneratæ fuiſſent , Burcardus & Rudolfus fratres de Uſenberg eas Teanebacenſibus redimendas dederunt.

Landgraviatus Briſgovizæ , antiquiſſimum Zaringicæ gentis patrimonium feudale , quem , inſtituta Badenſium linea , ſibi ſervaverant Zaringi , Zaringis A. 1218. extinctis , ad Henricum hunc quoque Cæſaris beneficio perveniſſe videtur.

(t) Vid. WENCKERUM ibid. & Cod. Diplom.

(u) Charta alit : *Hermannus & Henricus fratres Dei gratia Marchiones de Baden.*  
Conf. ſuprà in Hermannò V. pag. 309.

Nec dissentit a me PISTORIUS; (x) qui in Abbatiae Albæ Dominorum (y) literis A. 1230. eum adhuc nominari arbitratur. (z)

Obiit Henricus A. 1231. quo literas, donationem ejus <sup>Mors & Uxor.</sup> Tennebacensem, de qua supra, confirmantes, circa ipsum, puto, mortis ejus tempus conscriptas, habemus. Agnes Habsburgica ei uxor tribuitur. (a)

## H E N R I C U S II.

Ab A. 1231. — 1290.

## §. V.

Henricus II. patre ejus moriente, puer fuit sub matris <sup>Sub tutela.</sup> constitutus gubernio. Hæc donationem, a marito nuper defuncto, Tennebacensibus factam, cum filiis suis denuo firmavit. (b)

Duos minimum filios & quidem pueros, Henricum I. reliquisse, ex Bertoldi, Episcopi Argentinensis, Charta illius temporis docemur. Antistes hic, ex Teccensium Ducum Familia natus, adeoque cum Zaringo-Bada-Hachbergicis sanguine junctus,

V v 2

(x) In Tab. Geneal. l. c.

(y) *Herrnallh.*

(z) Jo. GAMANS, in *Geneal. Badenf.* pag. 161.

(a) PISTORIUS l. c.

(b) Cod. Diplom. A. 1231.

agnatorum suorum curam laudabilem gessit. Ita enim occasione Monasteriorum Burgelen & Sitzenkirch, quæ in tractu Saufenbergico sita, scripsit Bertoldus : „ Sicut & alia bona consanguineorum „ nostrorum puerorum , videlicet bonæ memoriæ Marchionis , „ sub nostra protectione recipimus. „ Junior Henrici II. frater quod nomen habuerit , & quo devenerit , nullæ nos rerum memoriæ docent. \* (c)

## §. VI .

Pistorii  
Sphalma.

Pistorius heic in alia omnia discedit , atque duos generationum gradus inter Henricum I. & II. effingit , modo sequenti :

Henricus I. † 1231.

Hudolphus I. Marchio

Hermannus I. Marchio

Hachberg. 1239. & 1248.

Hachberg. 1248.

Henricus II. dictus antiquus ,

Marchio Hachberg. 1261 - 1285.

Fridericus. Rudolfus II. Marchio

Henricus III. Marchio Hachberg.

Hachberg. 1290.

& Landgrav. Brisgov. emit

Maltertingam 1296.

(c) Forte ecclesiasticum amplexus est statum, & idem est, qui in Charta A. 1232. legitur : *W. Canonicus Turicensis & Marchio.*

Tennebacensis Charta quum nec uxoris, nec filiorum Henrici I. exprefferit nomina, in auxilium ille vocat Badenses, atque ex eorum Genealogia Rudolphum ac Hermannum mutuatur, ut in Hachbergicam eos Genealogiam transferat, auctoritate, Chartæ A. 1243. ut videtur, innixus.

Enimvero Hermannus & Rudolfus fratres, Marchiones de Baden, Hessoni de Usenberg feudum in *Eiflat*, Hachbergenfis Marchionatus vico, concesserunt. Sed Charta hæc ad Hermannum atque Rudolfum, Badenses, Hermanni V. filios, pertinet; qui investituram & Chartam in Castro suo *Mulenberg*, Marchionatus Badensis, haud procul Durlaco, dederunt; ex linea seniore prognati, quibus investiendi jus reservatum fuisse, non absque fundamento conjicimus.

Pistorium hæc investitura seduxit, quod Hachbergicos Marchiones eam dedisse existimaverat. Vicus Eichstatt enim Marchionatus Hachbergici partem constituit. Cærimoniam in Marchionum Badensium Castro Mulberg factam fuisse, si observasset Pistorius, Genealogiæ Hachbergicæ non immiscuisset Badenses. Unde in Badensi & Hachbergenfi schemate uno eodemque tempore Hermanni & Rudolphi fratres comparent; ex Badensi linea in Hachbergensem quoque a Pistorio translati. Enimvero Badenses Hachbergenfibus rebus sese immiscere potuerunt; vel quod Henricus II. patruelis eorum, ætatis nondum fuerat maturæ,

vel quod feuda conferendi jus Badensis senior Gentis sibi servaverat vel linea prior.

Seducti  
alii.

Pistorium tamen RITTERSHUSIUS, (d) SPENERUS, (e) SCHURZFLEISCHIIUS, (f) IMHOFFIUS, (g) alique Genealogi certatim sequuntur, Henrico I. Rudolphum & Hermannum; Rudolpho Henricum II. filios attribuentes.

FÖRSTERUS, (h) &, qui ejus vestigia legit, DROLLINGERUS, (i) Henricum nostrum constituunt Henrici I. nepotem; sed Marchionis, qui intermedius fuit, reticent nomen.

## §. VII.

Rationes  
contra-  
riæ no-  
stræ.

Re tamen bene perpenſa generationes illas duas, quæ inter Henricum I. & II. ponuntur, delendas esse censemus. Non unum nobis occurrit exemplum, quo Marchiones Badenses inter An. 1230. & An. 1250. in Hachbergenſibus terris jura quædam, ut Domus iuæ ſeniores, exercuerunt.

Hermannus Marchio de Baden, & Egino Comes de Friburg An. 1234. de argentifodinis & custodia ſilvarum per Brisgoviam

(d) *Genealog.* Tab. 126.

(e) *Sylog. Historico-Genealog.* pag. 612.

(f) *De Rebus Badenſ.* §. IV. Diſſert. pag. 278.

(g) *Tabb. Geneal.* Part. II. Tab. 76. HUBNERUS Tom. I. Tab. 229.

(h) *Relatio Genealog.* Ms. Cap. II.

(i) *L.c.* Baſil. voce *Hachberg*.

inter se disceptabant. Litem Henricus, Romanorum Rex, XV. Cal. Martii ejus anni pro Eginone decidit. (k)

Anno 1248. Hermannus atque Rudolfus Badenses feudum, in Eichstatt situm, Ufenbergiis contulerunt. (l) Nemo tamen hinc inferat, Hachbergicas terras ad Badenses tum pertinuisse Marchiones; nec ex altera parte Lineæ Hachbergenfium inferat Marchiones Badenses. In Illustribus familiis frequens est, ut regalia quædam jura, præcipue collationem feudorum, senior sibi linea reservet. Fortassis Landgraviatus Brisgovie jura sibi quoque reservaverant Badenses. Stat ergo sententia, quæ Henrici I. filium & successorem constituit Henricum II. dictum *Equitem*, qui post An. 1248. ipse Hachbergam suam regere potuerat.

### §. VIII.

Ille profecto An. 1256. litem inter Nobiles de Weisweil & Res ge-  
Abbatem Tennebaccensem de vico Harderen composuit. (m) stæ.

Anno 1261. Henricus bonorum Mustbacensium donationem, quam pater ejus Tennebaccensi Monasterio fecerat, quamque mater vidua cum pueris suis mortuo confirmaverat patre, & ipse Marchiæ suæ rector tempore Paschatis confirmat Hachbergæ.

(k) Quatuor post mensibus idem Rex eundem Eginonem de pluribus fluminibus in Brisgovia & montanis adjacentibus investivit. Vid. Cod. Diplom.

(l) Vid. supra pag. 341.

(m) Teste FÖRSTERO Cap. III.



In diuturno illo civium nobilium Basileæ diffidio An. 1262. Marchiones Hachbergæ (Henricus noster sine dubio & frater ejus aut filius) a partibus societatis, cui a *Psittaco* nomen, (n) steterunt.

## §. IX.

Heitersh.  
donatio.

• Circa Annum 1270. Fratribus Hospitalis S. Johannis Hierosolymitani in Friburg bannum, advocatiam & jura, quæ ei in villam Heitersheim ejusque districtum competeabant, in speciale feudum Henricus Eques concessit. Literæ ipsæ non prostant, sed superest Charta, qua filii ejus, Henricus & Rudolphus, eandem concessionem confirmantes, indicant, eam viginti circiter annis ante factam esse, quam pater se regimine abdicasset. Abdicatio autem, uti infra patebit, circa An. 1290. facta est, adeoque traditio Advocatiæ in Heitersheim circa A. 1270. ponenda.

Arbiter  
electus.

Anno 1273. Rudolphus Habsb. & Henricus Friburg. Comites inter se & Episcopum Basil. judices compromissarios elegerunt Burggravium de Nurnberg & H. Marchionem de Hachberg. Chartam dedit URSTIUS. (o)

Anno

(n) Des grünen Psittacus. Factio contraria fuerat Nobilium de Stoll.

(o) Chron. Basil. Lib. II. pag. 133.

Anno 1276. Rudolphus Imp. *nobili viro H. Marcgravio de Hachberg & Sculteto Brisacensi* commisit, se scribit, ut litem inter Abbatiam Tennebac. atque fratres de Keppenbach super quibusdam aquis & pascuis dirimerent. Diploma XIII. Kal. Maji Hagenoæ perscriptum.

## §. X.

Brevi post, VIII. nempe Idus Julii, *Heinricus Marchio de Hahberg*, bonæ memoriæ Heinrici Marchionis, ut ipse testatur, <sup>A<sup>cta</sup> ab An. 1276.</sup> filius, Monasterio Tennebacensi ad Ecclesiæ majoris Constant. Capitulum literas commendatitias dedit, ut fructus ecclesiæ in Musbach, quam a patre suo dono acceperat, Monasterium perciperet. In Castro *Hahberg* literæ hæ conscriptæ fuerunt.

In Rudolphi Rom. Regis privilegio Civitati Rhinfeldenfi II. Kal. Aug. An. 1276. Basileæ dato, primus inter nobiles viros testis est *Heinricus Marchio de Hahperch.* (p)

Idem Henricus A. 1277. Olsbergenfi Monasterio seminarum, <sup>Oelsberg</sup> haud procul Rhinfelda sito, promisit, se de bonis ejus, in villa Blansingen sitis, quorum jus Advocatiæ ad eum spectabat, ratione juris hujus nihil exacturum esse, præter *duo maltheros signi* &

(p) HERRG. *Genral. Habsh.* Tom. III. pag. 461.

unam psonam vini. Dedit hanc Chartam Henricus Rhinfeldæ, ad preces inclitæ Romanorum Reginae Annæ, quæ eum in ipsa hac Charta *Avunculum* suum vocat, sigillumque suum appendit. (q)

### §. XI.

Acta ab  
An. 1278.

Anno 1278. Henricus noster cum Episcopo Basil. & Friderico, Burggravio Noribergensi, equites 800. Rudolpho I. Rom. Regi adduxit; quum is secundam expeditionem contra Ottocarum, Bohemiæ Regem, Augusto mense susciperet. Tum vero Aquilam Imperii gessit Henricus, inter præcipuos belli dux; consilio & manu fortis. (r)

Patrualem ejus Rudolphum, Badæ Marchionem, bello persecutus est Cæsar. Cæsaris præcipuus propugnator fuit Henricus noster, Marchio Hachbergæ.

Anno 1279. die S. Cecilie *Henricus Marcgravius nobilis Dominus de Hahperg* agros Dieterico Advocato de Landeck a subditis suis in Malterdingen locatos esse fatetur.

Anno 1281. Henricus Marchio de *Hahberg* in villis Eggenheim & Schallingen fundos, quos civis quidam Neuenburgensis in feudum tenuerat, Abbatiæ Blasianæ dono dedit.

(q) Codex Dipl. De Instrumento hoc & nomine *Anna* erudite commentatus est Ampliff. HERRSTERN in *Carlsruher Samml.* pag. 81. 8q.

(r) ALBERT. ARGENT. pag. 102. FUGGER *Oesterr. Ehrensp.* Lib. I Cap. XII. URSTIS. *Chron. Basil.* pag. 138.

Anno 1282. Hermannus Marchio de Baden & Henricus Marchio de Hachberg literas investituræ, quam Rudolfus I. Imp. filiis suis, Alberto & Rudolfo, super Ducatum Austriæ dedit, Augustæ Vind. VI. Kal. Jan. testes cum aliis Imperii Statibus signarunt. (1)

Heinr.  
testis.

## §. XII

Idem Henricus II. Marchio testis fuit transactionis inter quatuor fratres Furstenbergicos super Villingam An. 1284. quo reditus curtis suæ in Wettelbrunn Tennebacensibus donavit. Eodem anno Kunigunda atque Elisabetha, Henrici filiæ, cum Monasterium Adelhausen (1) prope Friburgum ingressæ fuissent, decimas in Uchtingen prope Burckhemium sustentationi earum pater destinavit, hac lege, ut ipse & posterius sui decimas has centum marcis argenti redimere possent. Acta hæc sunt Anno 1284. Friburgi die Mercurii post Dominicam Palmarum.

Acta An.  
1284. fqq.

Anno 1285. *Henricus Marchio de Hachberg* consensu *Domine Anne uxoris* suæ legitimæ ac *filiorum* suorum, *Heinrici, Rudolfi & Friderici, aliorumque omnium liberorum* suorum Abbatia Tennebac.

## X x 2

(1) Vld. *Recueil des piéces de la Deduction des droits de Baviere & la Réponse de Vienne*, Tom. II. pag. 428.

(1) Monasterium hoc cum aliis extra urbem destructum est seculo superiore, cum Friburgum post pacem Neomag. munitur à Gallis.

reditus V. marcarum in Malterdingen donavit. Chartæ huic, apud *Hahberg* datæ, appensa sunt sigilla *Henrici Margravii de Hahberg*, *Anne Margravie*, *Heinr. March. Junioris de Hahberg*.

Anno 1286. vigilia S. Laur. Henricus Margravius de Hahberg monasterio Adelhufen, ubi filiæ ejus, ut jam dixi, vivebant, censum donavit, quem ex curia ejus in Grisheim Brunwartus de Oughein, Miles, in feudum tenuerat. Testes Joh. Dom. de Schwarzenberg, Henricus, Margravii filius natu major. &c.

Anno 1289. Rudolphus Rom. Rex Comitem Eginonem de Friburg & Cives Friburg. inter se bellantes, ad concordiam reduxit; adhibito consilio Argentinensis atque Basiliensis Episcoporum, & *Henrici Dei gratia Margravii de Hahberg, Landgravii Brisgovia*. Data est Charta Basileæ, festo S. Matthæi. (u) Appendet ei sigillum *Henrici Margravii de Hahberg*, in quo Henricus sistitur equo insidens, galea, thorace, clypeo, hastaque instructus.

### §. XIII.

Fit Eques  
ordinis  
Teuton.

Postrema hæc occurrit Henrici II. mentio. Brevi enim post regimini valedicens, Ordinem Fratrum de Domo Teutonica

(u) Verba sunt: mit Hülff des edilne Herrin von Gottes Gnaden Margravine Heinrichs von Hahberg, der Landrichter ist in Brischgowe. Pistorius eum Landherr in Brischgau vocari contendit, sed. errat.

ingressus est. Testantur id Literæ, Ordini S. Johannis Hierosolymitani a filiis ejus An. 1297. datæ, quibus illi patrem hereditatem suam sibi reliquisse, & religionem Equitum Teutonicorum intrasse profitentur. Quin & ipse pater Chartæ filiorum testis subscripsit: *Presentibus fratre Henrico de Hachberg patre nostro predicto nunc de Ordine fratrum de Domo Teutonica.* Insigni ergo favore Sacros Ordines Equestres complexus est Henricus. Postquam enim ante annos XX. Hospitalariis Fratribus S. Johannis jurisdictionem & Advocatiam in Heitersheim dedisset, ipse denique inter Fratres Teutonicos suum professus est nomen.

Anno 1289. inter socios Friderici, Ducis Lotharingæ, Margravius de *Hahperch*, sed sine nomine, legitur. (q) At in Charta anni sequentis, qua fœdus renovatur, ab initio statim occurrit *Henricus Marchio de Hachbourg.* (xx)

Obiisse videtur paulo post An. 1297. (y) appellatus a posteris *Eques.*

## §. XIV.

Pistorius uxorem ei assignat Annam de Altzena. Filios <sup>Uxor & liberi.</sup> progenerit Henricum & Rudolphum, paternorum bonorum heredes;

## X x 3

(x) Apud CALMET *Hist. de Lorraine*, Probat. Tom. II. col. 530.

(xx) Ibid. col. 533.

(y) DROLLINGER in *Lex. Basl.* in voce *Hachberg* annum mortis 1321. assignat, filium cum patre confundens.

ut & Hermannum, qui Ordinis Equestris S. Johannis per Alemanniam Prior per tres annos fuit, ut Pistorius quidem existimat. Is in Charta sui ex fratre nepotis Anno 1318. adhuc testis occurrit. Obiit II. Idus Aprilis An. 1321. Friburgi in Brisgovia, in Ecclesia S. Johannis, quæ seculo superiore, cum urbs muniretur, destructa est, sepultus, ubi & epitaphium ejus olim legebatur: „ Anno Domini 1321. 2. idus Aprilis obiit frater Hermannus de „ Hachberg, Prior Alemanniæ superioris. (z)

Tres præterea filias Henricus II. reliquit; Agnetem, uxorem Waltheri a Richenberg; (a) Kunigundam & Elisabetham Sanctimoniales, de quibus jam actum.

---

(z) FORSTER Cap. III.

(a) Hanc nobis indicat Charta An. 1309. Archivi Bada - Durl.



C A P U T I I.  
 MARCHIONES HACHBERGA-  
 HACHBERGICI  
 H E N R I C U S I I I.  
 AB ANNO 1290. USQUE AD ANNUM 1330.

§. I.



Henricus III. cum fratre suo Rudolpho ante A. 1300. Acta cum fratre.  
 conjunctim, postea divisim occurrit; unde eos  
 terras Hachbergicas indivisas aliquandiu rexisse  
 nulli dubitamus.

A. 1293. Instrumentum Pacis, quam Egeno & Cuno,  
 Comites de Friburg, cum urbe Friburgo iniverunt, (a) subscriptione  
 sua ambo firmarunt.

A. 1297. Marchiones hi confirmant donationem banni &  
 Advocatiæ in Heitersheim, quam pater eorum Fratribus  
 Hospitalariis concefferat; „ dantes eis hanc Advocatiam, &  
 „ jurisdictionem in speciale beneficium & feudum; remittentes  
 „ insuper in perpetuum juramenta homagii, & pro universis

---

(a) Chron. Friburg. quod SCHILTKRUS *Königshausen* subjecit, pag. 22.



„ ratione feudi debitis volentes esse contenti rationibus dictorum „ Fratrum. „ Eodem anno iidem Marchiones reditus & jura universa, quæ Henricus, Mangoldus & Wolfradus, fratres, nec non Wolfradus junior, Comites de Veringen, in vico Malterdingen habuerant, pro LX. marcis argenti emerunt Rüdlingæ feria III. ante S. Walpurgis.

An. 1300. die Sat. ante purificat. B. Virg. Henricus & Rudolfus, fratres Margravii de Hachberg, sigillo suo iterum muniverunt literas, quibus Egeno & Conradus, Comites Friburgi, cum civitate hujus nominis in gratiam redierunt.

Iidem Margravii mense Novembri litem inter se & Abbatiam Tennebacensem, ob decursum aquæ in Mundingen, per quatuor arbitros. testibus ipsorum literis, in Emttingen datis, terminari curarunt.

## §. II.

Dux  
March.  
Hachb.  
Lineæ.

Seculi XIV. initio pater horum Marchionum Henricus II. Eques obuisse videtur. Tum vero nova exoritur Marchiæ Historiæ Epocha; qua Hachbergæ Marchiones in Hachbergo-Hachbergicam & Hachbergo-Sausenbergicam Lineas subdividi cœperunt. Priorem Henricus III. posteriorem frater ejus, Rudolphus condiderunt. Utraque a principe Castro, Hachberga & Sausenberga, suum nomen accepit. Hachbergica, quæ senior  
Linea

Linea in Heinrici pronepote Ottone II. exaruit, qui anno 1418. mortuus terras suas Bernhardo, Marchioni Badensi, triennio ante venderat. Saufenbergica in Rudolphi atnepote Philippo A. 1503. marcescens, suas quoque opes, Roetela & Badevilla auctas, ad Christophorum, Badensem Marchionem, transiit.

## §. III.

Anno 1305. Henricus Hachbergenfis solus Rudolpho, Henrici  
Acta An.  
1305. 864. Equiti Friburgenfi, qui dictus *Der Turner*, & Johanni fratri ejus, Judicium in Tenzelingen in feudum dedit. Sigillo adjecto inscripta sunt verba : *S. H. junioris Margravii de Hachberg*. In vigilia D. Andreae ejusdem anni Henricus Marchio fratri suo Rudolfo partem suam Castrum *Spanegge* tradidit, ea lege, ut mortuo Spenlini filio feudum illud utrique sit commune.

Anno 1306. judicium feudale cum pluribus Dynastis & Militibus Burghemii celebravit Henricus, quo Castrum Spanegke ad Rhenum, cujus dominiū directum haecenus fuerat inter duos Marchiones commune, Johanni de Spanegge, Spenlini filio, feloniae reo, sententia solenni admittitur, & Rudolpho, fratri Marchionis, tanquam apertum adjudicatur. Eodem anno, die Ven. ante S. Andr. Marchio Henricus fidejussorem Wernheri de Stauffen Conrado Comiti Friburg. se obtulit.

Anno 1307. Vicum Heimbach, qui communem cum vicis Malterdingen, Koendringen & Mündingen silvam habet, Conrado Hassnero Friburgensi pro 50. marcis argenti vendidit cum consensu Hugonis de Yfenberg. (b) Vendidit quoque A. 1310. Tennebacensibus nonnulla bona, quæ in Glashaufen sita fuerunt. (c) Eodem anno cum Conrado, Comite Friburgensi, bona Abbatiae Andlaviensis, quæ ipse emerat, ita divisit Marchio, ut ipse officium sculteti in Sexau & vectigal in Endingen, Conradus vero officium sculteti & census in Baldingen acciperet.

## §. IV.

Acta An.  
1311. & seqq.

Anno 1311. Johanni Wolferamo de Hachberg omnes homines liberos in Gutenrode, Musbach, Schœnabrunnen, Bretten, Richenbach, Norbrechtesberge, & Bilttenkroph usque ad veterem Keppenbach pro 185. libris Brisgoviensibus, reservata reluendi potestate, in feudum pignoratitium dedit; præsentibus Egone Comite Furstenbergio & Conrado Comite Friburgi, Johanne de Schwarzenberg, multisque aliis Nobilibus; die Jovis post Valentini festum.

Anno 1313. in vigilia SS. Petri & Pauli Burcardus de Keppenbach, ab Henrico Marchione captus, cum fratribus suis,

(b) FOERSTER. Cap. IV.

(c) Idem loc. alleg.

Rudolfo & Dieterico, perpetuam pacem eidem Marchioni adjurat, idque datis fidejussoribus, Gebhardo, Comite Friburg. Præposito Argent. Conrado Comite, fratre ejus, & Domicello Friderico de Hornberg, confirmat.

Anno 1314. die Merc. post S. Urbani Conradus, Comes Friburg. Marchioni Henrico officium sculteti ceteraque bona in Baldingen reddit, quæ ab eo acceperatis.

Anno 1316. filius Marchionis nostri jam uxorem duxerat Annam Usenbergiam, & cum socero suo Burcardo de Usenberg pactum de terris quibusdam oppigneratis iniit. (d)

Anno 1317. Johannes de Endingen, ejusque filius Rüdigerus, Equites de Nuwenburg, redditus annuos IV. marcarum argenti, quos Henricus junior Marchio de Hachberg (e) ipsis in feudum dederat, pro XL. marcis argenti libræ Neuenburgensis, ei aut heredibus ejus reposcentibus se retrovendituros esse promiserunt.

### §. V.

Anno 1324. die Martii ante S. Valentini Heinricus, Margravius de Hahberg, ejusque filii Heinricus atque Hermannus,

Acta ab  
An. 1324.

Y y 2

(d) Vide infra Usenbergios Dynastas.

(e) Sine dubio Henricus IV. filius Henrici III. tum adhuc viventis, intelligitur.

consilio Hugonis & Burchardi, Dynastarum de Ufenberg, cognatorum suorum, cum Abbacia Tennebacensi in gratiam redunt; juribusque suis, si quæ habuerint, in bona, Abbatiae huic in Malterdingen vendita, perpetuo valedicunt; posterisque suis eandem Abbaciam diligenter commendant. Eodem anno Marchio Henricus de Hahberg, ejusque filius cognominis emtionem confirmant, qua Abbas Tennebacensis homines & bona in valle Reichenbach prope Keppenbach a Walthero de Valckenstein comparaverat. Chartæ huic sigilla *H. Margravii de Hahberg* & *Henr. J. Margravii de Hahberg* appensa sunt. Iidem Marchiones eodem anno cum Conrado Dieterico Snewelino, Milite, atque Ottomanno de Keyfersberg, Snewelini genero, super Castrum Schnefelden transegerunt, ut prædicti Equites ex Castro suum nullum damnum Marchionibus inferant; neve invitis Marchionibus quæquam in illud recipiant; a monachis in Sella & Tennebach homines emant; Castrum denique vendant aut mutant. Literæ datæ sunt Friburgi die Jovis ante S. Augustini An. 1324.

## §. VI.

**O**bit Henricus III. circa Annum 1330.

Mors.

Uxor  
ejus.

Nupserat ei Agnes, Ulrici, Comitis de Hohenberg filia, quæ Anno 1310. jam fati concessit, sepulta Tennebaci ante summum altare, ubi hodie sequens ejus in lapide legitur elogium:

*Anno Domini MCCCX. V. Id. April. obiit nobilis Domina Agnes Marchionissa de Hahberg, filia Domini Ul. quondam Comitis de Hohenberg.*

Mater fuit trium filiorum, Henrici, Rudolphi & Hermannii; Filii tres. quorum primus patri successit; reliqui duo Ordini S. Johannis Hieros. adscripti sunt. Rudolphus quidem Commendator Ordinis in Friburg primo, (f) dein in Hohenrain Anno 1343. obiit, in S. Joh. æde Friburgi sepultus. Inscriptio sepulcralis hæc fuit: *An. Domini MCCCXLIII. XVII. Cal. Junii obiit frater Rudolphus, Marchio de Hachberg, quondam Commendator in Hohenrain. (g)*

Hermannus, ejusdem Ordinis Magister per Germaniam Superiorem, An. 1318. Chartæ patruelis sui Henrici subscripsit.

Anno 1347. frater Hermannus Commendator, Margravius de Hachberg, & Conventus Domus Friburgi Brisgoviae Ord. S. Johannis Abbatiae Tennebacensi bona quædam vendiderunt. Munita Charta sigillo *Herimanni Marchionis de Hahberg & Commendatoris*. Sed & Monasterio Sulzbergenfi curia dicta *Alzenach* in Gundlingen pro 380. marcis argenti eodem anno vendita est.

## Y y 3

(f) *Bruder Rudolf von Hahberg, Bruder des Ordens S. Johannes Spitals von Jerusalem des Hauses zu Friburg in Brisgöwe* An. 1325.

(g) Errat PISTORIUS, qui hunc Rudolphum Rudolphi Saufenbergici filium, adeoque Henrici III. ex fratre nepotem fuisse credit. Rudolphus quidem ille, Saufenbergici filius, uxorem & liberos habuit, uti infra patebit.

Obiit Anno 1357. Friburgi sepultus, ubi hoc ejus elogium;  
 „ Anno MCCCCLVII. VII. Cal. Maji obiit frater Hermannus de  
 „ Hachberg sacerdos quondam locum tenens & Magister Conventus  
 „ Rhodi in partibus Alemanniæ. (h)

## H E N R I C U S I V.

## § VII

Acta ab  
 An. 1330.

Anno 1330. die Martis post Paschatis festum Charta  
 Tennebacensis Heinrici junioris, Margravii Hachbergici, sigillo  
 munita est.

Anno 1331. Conrado Dieterico Schnevelin permissit  
 Henricus, ut bona quædam, prope calcariam Emmendingensem  
 sita, Castro Schnefeldem emtione adjungeret, id quod sine consensu  
 Marchionis facere non licuisset. Duodecim post annis eidem  
 molendinum prope Castrum Weyer ædificare permisit ea lege,  
 ne in alios quam domesticos Schnevelini usus adhiberetur,  
 jusque piscationis penes Marchionem solum maneret.

Anno 1337. Margravius Henricus Dom. in Hahberg  
 venditionem, Abbatiae Tennebacensi ab hominibus in Baldingen  
 factam, confirmavit.

---

(h) Non ergo locum tenens modo Magistri, ut Pistorius scribit: sed ipse  
 Magister Ordinis fuit. Epitaphia, quæ produxi, destructa sunt, quum  
 Domus Johannitarum destrueretur, Friburgo a Gallis munito.

Anno 1339. die Lunæ ante S. Galli Adelheidis de Gerolzeck, Abbatissa Andlaviæ Marchioni Heinricho, Domino de Hachberg, ejusve heredibus feudum, ultra 20. marcas valens, quod primum ad se redituum sit, promisit.

## §. VIII.

Anno 1340. die 17. Maji Bertoldus Episc. Argent. Acta ab An. 1440. Marchionem Heinricum & Usenbergios cum urbe Brisac. quæ subditos quosdam Usenbergicos in civitatem suam receperat, reconciliavit.

Die Ven. post S. Ulrici Consul & Senatus Friburgensis litem inter Marchionem Heinricum & Milites a Keppenbach deciderunt, ita quidem, ut Marchio Judicia Provincialia ad vetus Keppenbachum sub titia in causis quoque, ad subditos Johannis & Ulrici de Keppenbach minime spectantibus, posset habere. Sexennio post inter Heinricum Marchionem atque Waltherum & Dietericum de Keppenbach ejusdem Senatus Friburg. studio pax inita est.

Anno 1343. cum urbe Brisacensi, quæ homines proprios, ex vicis Marchionis, ad montem *Keyserflul* sitis, in eam fugientes, suscepit in cives, in gratiam rediit.

Anno 1344. die B. Urbani Adelheidis Abbatissa & Conventus Andlaviæ Heinricho Marchioni curias suas, in valle



*Sexowe* & in villa *Otenswande* sitas, cum universis bonis, juribus & hominibus earum, excepto jure patronatus, pro 200. marcis argenti vendiderunt. Literæ hæ Bertoldi Episc. Argent. sigillo firmatæ sunt.

## §. I X.

Acta ab  
An. 1352.

Anno 1352. cum Moeskirchenfibus bellum, breviter duraturum, inivit. Eodem anno, die Ven. post S. Urbani, ab affine suo, Friderico de Usenberg, Dynastiam inferiorem Usenberg, *u. Kenzingen* oppidum, *Kürnberg* Castrum, *Bleicham* & *Herbolzheim* vicos, Advocatiam in *Minnenuiler*, Castrum & vicum *Wiswil*, jus patronatus in Bergheim & Cappelle, bannum silvestre in Sulzberg, in feudum accepit. Adit etiam horum bonorum possessionem Marchio, Kentzingæ & Kurnbergæ sedem figens; quin & in Chartis se Dynastam in Kentzingen appellans. Tum vero decimas ecclesiæ Cappellenfis filio suo Hesseloni reliquit.

Anno 1354. bellum cum Rheinfelda & Villinga gessit, quod Rydolpho Austriaco conciliante compositum est. Graves etiam ei fuere lites cum Militibus de Keppenbach, ob Præfecturam Liberam (i) & judicia ejus. In bello, quod inde natum est, Keppen-

---

(i) *Freye Amt, Leute und Gerichte darinnen.*

Keppenbächios captivos Hachbergam duxit Marchio, eosque nonnisi intercedente Friburgensi Civitate dimisit.

Anno 1356. Fridericus, Comes Friburgensis, Eginonis frater, Henrico nostro banni silvestris in Brigovia partem, quam ipse ab Episcopo Basiliensi in feudum tenebat, tradidit. Eginone autem apud Episcopum hac super re querelas movente, iudicium feudale habitum An. 1357. cui etiam Otto, Marchio de Roeteh, Henrici nostri patruelis, interfuit. (k) Marchioni abjudicatus est bannus. Eodem anno, mense Martio, Kenzingæ iudicatum inter Henricum March. & Hugohem Comitem de Furfenberg, quorum priori duo molendina in Bleicha addicta sunt.

Anno 1358. idem Marchio Dynastiam Kenzingen & Kürnberg iudicio feudali, in campo Seckingen die Veneris ante S. Agnetis habito, accusante Rudolpho, Austriæ Duce, amisit. Nihilominus *Marggravium de Hachberg & Dominum de Kentzingen* se appellare perrexit; teste Charta Tennebacensi An. 1360. cui rogatus sigillum suum appendit.

- 
- (k) Vicissim Henricus noster anno præcedente 1356. traditioni bonorum quorundam, Ordini S. Johannis ab Ottone Marchione factæ, interfuerat. Vid. infra in Saufenbergicis.

Anno 1363. villam *Witersbach*, quam civis quidam Villingensis in feudum ab ipso tenebat, cum bono censitico in Tenningen permutavit.

## §. X.

Mors.

**O**biit Henricus IV. circa An. 1369.

Uxor &  
filii.

Uxor ejus Anna, Burcardi de Ufenberg filia, tres ei filios peperit, Ottonem, Johannem & Hessonem, quos jam An. 1368. adultæ ætatis fuisse, inde concludimus, quod eo anno cum patre Monasterio Ettenheimensi advocatiam vici *Minnewilre*, salvo relictionis jure, pro 150. libris denar. Argent. vendiderint.

Pistorius filiam addit Cunigundam, uxorem Baronis a Gliers, (1) de qua Alfatæ Gente alibi (2) egimus.

## O T T O . I.

## §. X I.

Acta  
vivo  
patre:

**T**ria quotannis judicia in Baldingen Otto, vivo patre, habere solebat, quibus cives Friburgenses, in vico isto habitantes, cum reliquis incolis pariter obnoxios ipsa hæc Civitas An. 1364. judicavit.

(1) In *Tabula Genealogica MANLII Chronico Constant.* adjecta.

(2) *Alfatia Illustr.* Tom. II. pag. 687.

Eodem tempore bellum Friburgensibus grave intulit Comes eorum Egino, ejusque fœderati, Dynastæ de Ufenberg, Gerolzeck, Schwarzenberg & Staufen &c. quibus & Otto de Hachberg accessit.

Frequens tum Germaniæ Procerum fuit querela, quod proprii eorum homines a Civitatibus vicinis reciperentur in cives. Eadem contra Friburgenses Nobilium querimonia. Pax denique coaluit Anno 1368. die Palmarum, qua suam a Comitibus Friburgensibus libertatem 1500. marcis argenti redemit Friburgum. Werrensis Nigræ Silvæ Dynastia, supra Beuckam sita, tum temporis per breve spatium oppignerata fuit Ottoni nostro Märchlioni. (m)

## §. XII.

Carolus IV. Imperator An. 1372. Ottoni & Hesson <sup>Acta monacho</sup> fratribus Advocatiam Monasterii Tennebach contulit, ut ipsius <sup>patre.</sup> Cæsaris ad monasterium hoc literæ testantur. Eodem anno Margravius Otto Dom. de Hachberg sigillum suum Chartæ Tennebacensi appendit.

Anno 1373. Otto Marchio Burcardo de Kürnberg decimas in Neuenburg in feudum masculinum dedit.

Z z 2

---

(m) URSTIS. Chron. Basil. Lib. I. Cap. XXI.

Anno 1380. die 22. Febr. Anna, dicta Burggravia, Ulrici de Keppenbach, Armigeri, vidua, Ottoni Marchioni omne jus sibi competens, seu a marito quondam suo acceptum, & quovis deinceps modo accipiendum, donatione inter vivos tradidit.

Anno 1385. die Saturni post Urbani a Wilhelmo Turriano, (n) Hessonis Schellini genero, bonum censiticum in *Winterreutin* Scaphusii emit. Anno eodem bellum, quod ipsi & fratri cum Friderico, Argentinenfi Episcopo, fuerat, intercedentibus Leopoldo Austriaco, & Eberhardo Wirtenbergico, ita compositum, ut Episcopus utrique Marchioni 1200. florenos solveret, Marchiones autem eo anno cum Castro Hoehingen in Episcopi ministerio essent. Actum Friburgi dominica post Judica.

### §. XIII.

Mors  
Ottonis.

Otto noster denique Anno 1386. in proelio Sempacensi pro Leopoldo Austriæ Duce, dimicans, cum ipso & ingenti Nobilium numero periiit. (o) Sepultus est Tennebacæ ante summum altare, ubi hodieque legitur hæc sepulchralis Inscriptio: „A. MCCCCLXXXVI. „ VII. Id. Julii obiit Nobilis Dominus Otto, Marchio de Hachberg. „

(n) *Im Thurn.*

(o) KOENIGSHOV. *Chron. Alsat.* pag. 344. TSCHUDI *Chron. Helvet.* Tom. I. pag. 526. sq.

Uxorem ei assignat PISTORIUS sororem Maltreri, opulenti <sup>Uxor & liberi.</sup> Baronis, ex qua filiam Emiliam, uxorem Joh. de Ruchen, Equitis, suscepit. GAMANSIUS uxorem non nominat; at liberos tres ei assignat; ex quibus duo mares; quorum in Charta An. 1366. fit mentio; & filia Emelina, quæ Johannem de Couci, Equitem auratum, acceperit maritum. Quodsi filios habuit, ante patrem illos obiisse necesse est, cum duo fratres in Marchionatu ei successerint.

## J O H A N N E S.

## §. XIV.

Johannes, Advocatus in Endingen Anno 1361. ut PISTORIUS (p) quidem tradit, Abbatiæ Tennebacensi curiam <sup>Johannis March. Acta.</sup> suam Friburgi Brisgovie per concambium tradidit Anno 1385. accedente fratrum Ottonis & Hessonis, Marggraviorum de Hachberg, consensu.

Occiso Ottone Johannes & Hesso fratres Castrum Hachberg & reliqua ejus bona inter se ita diviserunt, ut posteriorem Castrum partem Johannes, anteriorem Hesso sortirentur, addita lege, ne

Z z 3

---

(p) Pistorius tamen Johannem hunc confudisse videtur cum Johanne de Endingen, de quo supra ad An. 1317. & in Charta pro 1316. legisse 1361.

pars ulla, donec masculi ex alterutro fratre descendentes superfuerint, transfret ad feminas. Factum hoc ante Nativit. B. Virg. 1386. Tum quoque Fridericus de Blanckenheim, Argent. Episcopus, vicum Herbolzheim, ad Bleicham, Brisgoviae & Ortenaviae limitem, in Marca Ettenheimensi situm, fratribus his abstulit. Pauci, teste WIMPHELINGIO, (q) tum laici, tum sacerdotes, e vivis excefferant, ad quorum bona manus suas rapaces Episcopus hic non extenderit

Anno 1394. decimas in Büfeshaim, Alsatiae superioris vico, Hamanuo Schultheissio, civi Brisfacensi, una cum Paulo Morfero, Armigero, Johannes vendidit. Post hæc rara Johannis in Chartis mentio. Vixit in coelibatu, ultra An. 1408. superstes, quo literas advocati in Baldingen sigillo suo munivit.

## H E S S O.

### §. X V.

Acto vivo  
fratre  
Ottone.

**M**arggravius Hesso de Hachberg An. 1376. sigillo suo Chartam Tennebaccensem munivit. Liberorum Hessonis de Usenberg tutor fuit, ut in Usenbergicis docetur.

An. 1382. Eberhardo & Werlino, civibus Brisfacensibus, vicum *Achtkarren*, sub Hühlingen situm, reservato sibi reluitionis jure, vendidit,

---

(q) In *Catalogo Episcoporum Argent.* pag. 98.

A. 1384. Marggravius Hesso de Hahberg, Dom. in Hœhingen, consensu fratrum suorum, Ottonis & Johannis, feudum Dynastiae Usenbergicæ, quam Hachbergici tum possidebant, Johanni Druchseffio contulit. Anno sequenti Leopoldus, Dux Austriæ, inter Fridericum, Episcopum Argent. & Hessonem Marchionem, pacem conciliavit Friburgi, hac lege, ut Hesso Episcopum, contra quemvis, exceptis tantum Dominis ejus directis, ex Castro Hœhingen per tres annos juvet, & 400. florenos quotannis ab Episcopo vicissim accipiat.

## §. XVI.

An. 1387. Marchio Hesso de Hachberg, Dominus in Hœhingen, fratribus S. Pauli Eremitæ Ord. S. Augustini in Nimburg (r) cœnobium S. Petri in monte *Keyserstul* suæque Dynastia Hœhingen situm, ut & ecclesiam & jus patronatus in Vogtsberg tradidit, eosdemque fratres in tutelam suam recepit ac protectionem, ea lege, ut alium Advocatum, aut in ulla Imperii urbe jus Civitatis si unquam acceperint, beneficio hujus donationis exciderent.

Acta post  
fratris  
mortem.

---

(r) Monasterium hoc Eremitarum S. Augustini olim fuerat in *Obernaimburg*, leuca distans *Emmedinga*; deinceps destructum. Locus hodie in manibus Marchionis Bada-Darlacensis, ut possessoris Hachbergæ, Brisfuci circa A. 1270. aliud Monast. Eremitarum S. Augustini conditum est.



An. 1388. die Martis post Purificat. Mariæ Marchio Hesso de Hachberg & Comes Walraf de Thierstein ab Episcopo Basiliensi Immerio feuda, quæ Usenbergii tenuerant, his extinctis acceperunt. Eodem anno Sulzbergam ab Ottone de Staufen 500. marcis argenti Hesso vel emit vel reluit, atque a Monasterio Virginum Benedictini instituti, quod ibidem sub invocatione S. Cyriaci viguit, Advocatus eligitur, quod datis ei literis protectionis ipse testatur.

An. 1390. die Sabbati post Crucis inventionem Hesso filium suum Henricum, adhuc puerum, Margarethæ, quam Anna, Comitissa de Nellenburg & nata de Tierstein, ex priore suo marito, Martino Malterero, susceperat, despondit. (s) Eodem anno vallem *Brechtal* a Johanne Jun. Comite de Habsburg. Lauffenburgicæ lineæ, in feudum se tenere professus est. (t)

An. 1392. die Lunæ post S. Otmari Wernherus de Hornberg, Miles, & uxor ejus, Anna de Usenberg, partem suam Castrî & Dynastiæ Hühingen pro 5000. florenis, ut & Castrum Triberg pro 3000. aureis Brisaci vendiderunt Hesso; qui anno sequenti venditoribus his vicum Brockingén ad dies vitæ concessit; futurus Annæ Usenbergicæ heres.

An. 1395. vicum Eistatt cum jure patronatus ejus a Conrado, Comite Friburgensi, suscepit in feudum. §. XVII.

(s) FOERSTERUS.

(t) Charta ap. HERRG. Cod. Dipl. num. 883.

## §. XVII.

Intereessit tum inter Hessonem March. & Johannem Meinwartum, Militem, gravis discordia, quæ ut terminaretur, res ad arbitros delata est, quibus Engelhardus Winspergius, Advocatus provincialis Austriacus, præfedit. Hic pridie S. Martini Brisaci pronuntiavit sententiam, quæ Hessoni jus vicum Bischoffingen ex Mainwarte manibus redimendi negatum, folique Annæ Usenbergicæ, Wernheri de Hornberg uxori, tributum: Marchio damna, Meinwarte ejusque hominibus in Schallingen illata, ducentis & viginti aureis Rhen. refarcire jussus est.

Lites va-  
riæ deci-  
sæ.

A. 1399. Eberhardus Wirtenberg. Comes litem inter Hessonem March. de Hachberg, Casparum de Clingenbergh, ejusque uxorem Margaretham Malteriam Hessonis filio Heinricho, uti diximus, antea desponsatam, composuit his legibus:

I. Marchio conjugibus his vicum Eistatt, partem Castri Haideburg curiasque Friburgi reddito;

II. Jus reluendi vicum Eistatt servato;

III. Curias *Braiteberg* conjugesa Marchione, si dominium suum directum probaverit, in feudum accipiunto.

IV. Marchio Johanni Ramsteinio de custodia Castri Haideburg a filii sui Henrici morte satisfacito.

A a a

V. Instrumenta bellica, quæ ante captum a Marchione Castrum Haideburgi erant, ibidem manento.

VI. Conjugum jus pignoratitium in vico Brockingen antiquatum esto &c. Datum Stutgardie die S. Joh. Evangelistæ.

### §. XVIII.

Reliqua  
Hessonis  
Acta.

Anno 1400. Anna de Usenberg, Duci Reinoldo de Urslingen tum nupta, Marchionem Castri Triberg omniumque bonorum suorum, coram judicio aulico Rotwilensi, heredem instituit.

Anno 1401. Marchio Hesso aliquot metallifodinas in Sulzberg elocavit, decimasque in Bischoffingen, a Dieterico de Keppenbach, Ord. Johannitici Equite, sibi comparavit.

Anno 1403. & 1404. litem cum Johanne de Lichtenberg coram judicio Rotwilensi contestatus est, victorque in possessionem bonorum Lichtenbergicorum in Ingweiler, Sponeck, Busweiler & Weisweiler immisus est.

Anno 1404. die Lunæ post S. Jacobi Civitas Brisacensis contra Hessonem Marchionem pronuntiavit sententiam, qua Hanemannum Snewelino de Landeck, Militi, jurisdictio vindicatur areæ, cui Landeck olim impositum fuerat.

Eodem anno, Marchione accusante, Vicedominus in Hohenstein, & de Haslach in Bruscana Alfatie Valle, a judicio Rotvilano proscripti sunt. Tum quoque Hesso Marchio Hachbergæ

& Turingus de Ramstein litem propter Heimersdorff, Sundgoviae vicum, cum Ludovico de Gliers, Frobergæ Domino, composuerunt.

Anno 1405. filiam suam Margaretham Friderico Comiti Leining. cum dote 1600. aureorum, pro quibus vicus Üringen pignori datus est, in matrimonium collocavit, quæ mater Friderici Hessonis & Friderici minoris a Leiuingen facta, filiis suis occasionem præbuit, ut jura quædam in Marchionatum Hachbergenfem sibi vindicarent. Eodem anno 1405. die Sat. post S. Mart. Rupertus Rex Rom. bellum, inter Marchionem Hessonem, & Ludovicum, Dynastam Lichtenb. de Castro & vico Weisweiler gestum, compositurus, æquum utrique jus Heidelbergæ addixit. Biennio post Lichtenbergenfis partem suam Egenolfo & Johanni de Rathsamhausen fratribus, consensu Marchionis, vendidit.

Anno 1407. Hesso jus patronatus in Cappel, feudum Ecclesiæ Argent. Wilhelmo Episcopo refutavit; accepto vicissim jure patronatus in Nimburg. Eodem anno idem Hesso Hamanno Snewelino, Militi, vicum Mundingen cum omnibus ejus jurebus pro 500. aureis in feudum contulit, hoc pacto, ut post 10. annos redimi possit. Hesso, tum temporis a Rep. Argent. in civem receptus, Senatui porrectis digitis jusjurandum præstitit. (u)

A a a 2

---

(u) WENCKER *Collect. Jur. publ.* pag. 17.

## §. XIX.

Hessonis  
mors.

Anno 1410. Marchio Hesso ex vivis excessit, ultra 60. annos natus.

Uxores.

Bis nuptias celebraverat. Primas cum Agnete, Henrici de Gerolzeck filia; secundas cum Margaretha, filia Conradi, Comitis Palatini de Tübingen, Herrenbergæ arcis herede.

Filia.

Ex hac genuit Margaretham, Friderico Comiti de Leiningen nuptam; (x) ex illa tres filios suscepit.

Filii.

Filii fuere Henricus, Otto & Hesso, quorum primus Margarethæ Malteriæ, de qua supra, desponsatus quidem fuit, sed ante nuptias obiisse videtur. Inter mortuos jam collocatur anno 1399. in Literis, quibus Eberhardus Wirtenbergæ Comes patrem ejus cum Casparo de Clingenbergh hujusque uxore, ut supra vidimus, reconciliavit. Ottonem & Hessonem fratres, Marchiones de Hachberg, cum ipsorum patre Charta An. 1406. prodit, qua redditus XXXIV. floren. Gözoni Liebermanno, Militi, adscripserunt, dederuntque fidejussores Hermannum, Com. Sulzensen, Ducem Reinoldum de Urfelingen, Burcardum de Stauffen, Dietericum Snewelín, Hamannum Snewelín de Landeck, Milites, Jo.

---

(x) Pistorius Hessoni aliam insuper filiam tribuit, Agnetem, Friderici Ortenburgici Comitis uxorem.

Zumwiger & Dietericum Kotzen, Armigeros. Post hæc solus cum patre in Chartis comparet Otto, unicus patrimonii totius Hachbergici heres.

## O T T O I I.

## §. X X.

Anno 1410. die Sat. ante S. Margar. Otto hic Marchio affini suo Friderico Leining. atque sorori suæ Margarethæ, dotis a matre promissæ loco, vicum Üringen tradidit. Die Merc. post S. Laur. vicos Schaffhufen & Betzingen Paulo Morfero, ejusque posteris maribus, concessit in feudum.

Acta ab  
An. 1410.

Anno 1411. festo S. Lucæ Monasterio S. Petri, in monte *Kayserful* ditionis Hühinganæ sito, ad mentem patris sui defuncti, ecclesiam & jus patronatus in *Vogtsberg*, ejusdem montis vico, donavit. Fridericus, Dux Austr. loco Johannis Marchionis Hachbergæ, Ottonem hunc, ex fratre ejus nepotem, Endingæ Advocatum constituit; Neoburgi die Sat. ante S. Laur.

Anno 1412. Henrico de Wifenegge vicos Denzlingen & Berchtoltskirchen; Jo. Oswaldo Zumwiger jus piscationis in rivo *Bretten* & jurisdictionem circa Castrum Weyer oppignerat Otto.

Anno 1414. die S. Jac. ob æs alienum, quod pater ejus contraxerat, Dynastias suas Hachberg & Hühingen Marchioni

Badensi Bernhardo pro 8000. flor. Rhen. vendidit, hac lege, ut Hühingensem ad dies vitæ ipse retineret, Hachbergensem vero, si forte cum æquali matrimonium iniret, redimere posset. Otto terras has suas prius obtulerat Rudolfo, Saufenbergicæ Lineæ Marchioni, sed hic auctor fuit, ut eas venderet Bernhardo Badensi.

Anno 1416. die Merc. ante Reminiscere Rudolfus de Schnellingen, Armiger, Ottonis Marchionis nomine iudicium feudale habuit in Üringen, cujus assessores fuerunt Jo. de Stauffen, Miles, Dietericus de Rathsamhausen ad Lapidem senior, & Joh. de Hohenfirst. Agébatur de Vico Vörfstetten & rivulo Schoppach, quos Hanemannus Snewelín de Landeck, Miles, ut bona a Valckensteiniis jure emptionis comparata; Jo. Oswaldus zum Weyer vero ut feudum, post extinctos Valckensteinios ab Ottone Marchione receptum postulabat. Vicit causa Oswaldi; Hanemannus nihil præter bona quædam allodialia servavit.

### §. XXI.

Hachber-  
ga ad Ba-  
denfes  
translata.

Anno 1418. Otto Marchio cum caelebs decederet, & in eo Hachberga-Hachbergicus Marchionum ramus exaruiisset, terræ ejus omnes ad Badensem Marchionum Lineam seniore, virtute emtionis triennio ante peractæ, transierunt, quæ seculo quoque sequenti Hachberga-Saufenbergicas ditiones Badensibus junxit.

Hachbergæ Marchiones ergo terras suas, ut Zaringici patrimonii partem, jure allodiali possederant; id quod de Marchionibus Badæ, Hachbergenſium ſucceſſoribus, quoque ad annum uſque 1475. dicendum. Fridericus III. Imp. enim Chriſtophorum & Albertum eo tempore inveſtiens de Marchionatu Badenſi, in Literis feudalibus Hachbergici quoque fecit mentionem; (y) quod Hachbergæ feudalſ primũ reperimus exemplum.

## §. XXII.

Formulam *Dci gratia* Hachbergæ Marchioni Henrico II. Equiti Rudolſus I. Cæſar Anno 1289. adſcripſit; uti ſupra Marchio-  
num  
Hachb.  
dignitas. oſtenſum.

In Conventibus Imperii publicis inter primarios Imperii Principes ſemper occurrunt Marchiones Hachbergæ; cujus rei exemplum ſuppeditant Comitia An. 1281. à Rudolpho I. habita Vindelicorum Auguſtæ, ubi idem Henricus II. cum Duce Teccenſi & Marchione de Baden recenſetur, uti ſuperius quòque fuit relatũ.

Hæc de Hachberga - Hachbergicis rebus, quæ aridiores, Epilogus quod arctis ſemper finibus incluſi fuerunt hujus Linæ Marchiones,

(y) Charta extat apud LUXEM. Part. ſpec. Cont. II. pag. 947.



nec rebus gestis, si Henricum Equitem excipias, illustres, nec augmentis opum potentes, in mediocri semper constituti fortuna; quamvis matrimonio Usenbergica bona suis terris adjecerint. Ducentos per annos nonnisi quinque generationibus propagati; terrarum divisionibus inter se debiles semper atque inglorii.

Nunc ad Hachberga - Saufenbergenſes tranſinus; quorum fortuna ſplendidior & ſata illuſtriora fuerunt.



CAPUT

C A P U T III.  
MARCHIONES HACHBERGA-  
SAUSENBERGICI .

R U D O L P H U S I.  
AB ANNO 1300. USQUE AD ANNUM 1314.



## §. I.

Henrici II. Hachbergici Marchionis, dicti Sedes & nomen.  
Equitis, filius natu junior, Rudolphus,  
in paternæ hereditatis divisione Saufenbergæ  
fortitus est Castrum, quod haud procul

Kandra, in aditu Nigræ Silvæ, rupi nec altæ nec præcipiti  
impositum, prima Marchionum hujus linæ sedes fuit, unde vulgo  
*Linea Saufenbergica* dicitur, Marchionibus licet Hachbergæ  
retinentibus nomen. De monte *Sufenberc* cum Abbacia S. Blasii  
An. 1232. transactum supra vidimus. (a) Tractus ille superioris  
Brigovię, ad Saufenbergæ Castrum spectans, *Saufenharda*  
nuncupari solet.

(a) Periodi Hermann. Cap. VI. §. I. pag. 321.

Anno 1300. die Sabb. ante Annunt. Mariæ Rudolfus, Marchio de Hachberg, cum fratre suo Henrico literas compositionis inter Comites & Civitatem Friburgensem sigillo suo equestri firmavit. Sexennio post Castrum Spanegg, infra Brisacum ad Rhenum siti, proprietatem judicio feudali fratris sui Rudolfus obtinuit. (b)

## §. II.

Judicium  
provinc.  
Brisgov.

Anno 1309. die Merc. post S. Margarethæ Judicium provinciale habitum est Sliengæ, in Saufenhardæ confinibus, cui Judicio, Rudolphi Marchionis & Landgravii Brisgoviae nomine, Walravus, Thiersteinenfis Comes, præfedit. In eo Rudolfus documenta sua de vico Uchtingen, de Castro Spanegge, de bonis in Bischoffingen & Froschbach, de Advocatia in Gretzhausen & decimis in Griesheim produxit. (c) Paulo post Walravus Comes & Johannes de Endingen, Miles, de sententia hac ad Aulicum Imperatoris Judicem, Henricum Comitem de Spanheim, scripserunt literas, quibus Waltherus Dom. de Röttenlein, Burckardus Dom. de Ufenberg, Wernherus & Cuno de Bergheim, Arnoldus de Grtineuberg, Ludovicus de Ratolzdorf, Cunradus Schaler de Benkon, novemque alii recensentur Assessores Judicii. Eodem

(b) Cap. præced. §. III. pag. 353.

(c) Codex Diplom. ad hunc Ann.

anno pro vicis Rotwilre, Bergen & Vogtsberg ad montem Kayferstuhl Walthero de Richenberg ducentas marcas argenti ponderis Colmar. se debere profitetur Rudolphus.

## §. III.

Anno 1311. mortuo Walthero de Roetenlein, idem Rudolphus una cum Lutoldo de Roetenlein, Præposito Basiliensis Capituli, Dynastiæ Roetelanæ possessionem uxorio, uti videtur, nomine adivit. Uxoris Rudolphi nomen licet nobis ignotum, Roetelanæ prosapiæ tamen eam fuisse, ex eo colligimus, quod Rudolphi filius Henricus Lutoldum hunc appellat *Avunculum* suum. (d) Castrum Roetenberg in Dynastia Roetelana Thuringus de Ramstein & Conradus Münch de Munchsberg arbitrari quatuor Equitum Basil. sententia Lutoldo huic atque Rudolpho Marchioni pro 250. marcis argenti tradere coacti sunt.

Roetelana successio.

Anno 1313. die Ven. ante Palm. Conradus Schalerus de Benkon, miles Basil. Rudolfum de Hewen, Aulæ Johannis, Regis Bohem. atque Vicarii Imp. judicem reddit certiore, se Lutoldum Præpositum & Rudolphum Marchionem in oppidi *Schopheim* & Castri *Roetenlein* reduxisse possessionem.

B b b 2

---

(d) *Ußer Oelheim selige.* Charta est An. 1316.

## §. IV.

Rudolfi  
mors &  
liberi.

Ita aucto aliquantum accessionibus patrimonio An. 1314. Rudolphus I. decessit; (e) ex conjugē, quæ Roetelana fuisse videtur, (f) pater trium filiorum, Henrici, Rudolphi, Ottonis, qui singuli ex paterna & materna hereditate aliquid obtinuerunt. De Anna filia nobis infra est sermo.

## H E N R I C U S.

AB ANNO 1314. USQUE AD ANNUM 1318.

## §. V.

Roetelana  
hereditas  
ex  
asse.

Anno 1315. die Sat. ante S. Joh. Bapt. Otto de Ampringen, Miles, cum sculteto & senatu Sulzbergenfi de argentifodinis Brisgovie inter Episcopum Basiliensem & Henricum nostrum, Brisgovie Landgraviū, controversis, sententiam pronuntiavit. In Literis his jam *Domini de Roetelen* titulo insignitur Henricus, partem illius Dynastie possidens. At sub finem ejusdem anni (g)

(e) In Literis Andreæ de Ast, An. 1314. datis, vocatur *beate defunctus*. Vid. Cod. Diplom.

(f) IMHOFFIUS Tab. Geneal. 76. Partis II. Rudolpho nostro uxorem dat Agnetem de Reichberg; uxorem ejus appellans, quæ extiterat foror. Hæc nupsit Walthero de Reichenberg, Militi superioris Alsatie.

(g) Ante festum S. Thomæ 1315.

Lutoldus, Basil. Præpositus, gentis Rætelanæ postremus, donatione inter vivos, coram Officiali Curiae Basiliensis, tradidit *Henrico Domicello, Margravio de Haperg, Lantgravio Brisgaugia*, præfenti & recipienti, omnia bona sua & possessiones ac jura Dynastiæ Rætelanæ; reservato sibi donatæ ad vitam libero eorum bonorum usu & fructu. (h) Lutoldus brevi post obiit. Henricus ergo totius Rætelenfis Dynastiæ solus factus est compos. Successores ejus, Marchionum Hachbergæ & Dominorum in Ræteln titulos continuantes, brevitatis causa frequentius appellati sunt *Marchiones Ræteleni*.

## §. VI.

**A**nnō 1316. pridie Ascens. Margravius Henricus de Hachberg, *Dominus in Rätelein, Lantgravius Brisgovia*, cum <sup>Acta Henrici varia.</sup> fratre Ottone, Johanni de Howenstein, Militi, Annæ de Büttikon, uxori ejus, horumque liberis utriusque sexus bona in Tossenbach contulit in feudum.

Anno 1317. Johannes & Rudegerus de Endingen, pater & filius, Milites ac cives Neoburgenses, Henrico, Margravio de Hachberg juniore, Lantgravio Brisgovia, jus relictionis competere fatentur in bonis, in Hertkeim & Furbach sitis, quæ

B b b 3

---

(h) Codex Diplom. Badensis ad An. 1315.

ab ipso in feudum acceperant. Vocatur Henricus hic *junior*, ut a patruo suo distingueretur Henrico, Hachbergicæ lineæ auctore, de quo supra jam sermo.

A. 1318. Annam sororem suam Henricus in matrimonium collocavit Friderico, Comiti Friburgi; septingentæ marcæ argenti promissæ sunt in dotem. Pro summa hac Landgraviatus Brisgovie oppigneratus Friderico; ut suo loco docebitur. (i) Henricus brevi post A. 1318. obiit improlis. (l)

### §. VII.

Pistorii  
errores.

**E**rat PISTORIUS, quando successores, Rudolphum atque Ottonem, pro filiis Henrici venditat, qui fratres ejus fuerunt. Fraternitatem declarat Charta An. 1334. qua Landgraviatum Brisgovie Friderico, *fororis* suæ marito, oppigneratum testantur, adeoque Arnæ & Henrici fratres se fuisse ostendunt.

Sed & duos alios errores commisit Pistorius; quando Henricum nostrum circa A. 1334. obiisse tradit; quum jam ab A. 1326. nulla Henrici, sed modo Rudolphi & Ottonis mentio fiat; quodque Henrico Saufenbergico fratrem assignat Rudolphum, illum

(i) In Capite de Landgraviatu.

(l) IMHOFFIUS Tab. LXXVI. atque HURNERUS Tab. 229. Henricum hunc generis sui propagatorem male constituunt.

Henrici III. Hachbergici filium, Ordinis Johannitici Commendatorem, An. 1343. mortuum. Saufenbergicus noster Rudolphus uxorem & filium habuit; vixitque usque ad Annum 1352. ut ex dicendis patebit.

## RUDOLFUS II. ET OTTO FRATRES HENRICI.

AB ANNO 1326. USQUE AD ANNUM 1350.

### §. VIII.

Anno 1326. die V<sup>en</sup>. post S. Galli Rudolfus & Otto Acta fratrum<sup>o</sup> ab An. 1326. fratres, Marchiones de Hachb. Domini in Rœtelein, Landgravii Brisgoviae, cum Lutoldo, Domino de Krenchingen, ejusque filio Henrico, de Castro in Branbach, (m) quod commune ipfis erat, amice transegerunt, futurisque litibus componendis tres arbitros elegerunt.

Anno 1327. feuda, quæ Ludovicus de Bûtenhein ab ipfis tenebat, Henrico de Hungerstein, avunculo ejus, ad ipsius Ludovici preces, concesserunt.

Anno 1331. Ordinis Johannitici Fratribus aquam in sua prata Neuenburgensia ducendi jus (n) a Sienga usque ad Rhenum pro XXX. marcis argenti Otto concessit.

---

(m) Castri hujus ruinæ hodieque videntur Brombach. Possessores ejus sunt Reichii a Reichenstein.

(n) Ex rivulo, qui vocatur *die Hoell*.



Anno 1333. Margaretha de Staufen, Hugonis Monachi, Militis Basil. vidua, omnia bona, quæ a Lutoldo de Rœtelein & Conrado de Gœskon, Basiliensi & Werdenſi Præpoſitis, avunculis ſuis, in Brambach & Eggenheim, alibique heres acceperat, Rudolpho atque Ottoni, Marchionibus coram ſculteto Baſilienſi tradidit.

Anno 1336. vicum Brunſtatt, prope Mulhuſium in Sundgovia ſitum, Conrado & Friderico de Iltzig, fratribus, & Johanni de Bergheim, cum jure patronatus & judiciis in feudum iidem dederunt Marchiones. Eodem anno bellum cum Lutoldo de Krenchingen ejusque filio geſſerunt, quod demum An. 1344. compoſitum.

### §. IX.

Acta ab  
An. 1341.

Anno 1341. Rudolphus & Otto, fratres, decimas & jus patronatus in Haltingen Berchtoldo Waldiero, Militi, pro 1400. florenis oppignerarunt. Teſtes erant Comes Walravus de Thierſtein, Egeno Comes de Furſtenberg Ord. S. Johannis, Goetzo Comes de Furſtenberg, Hannemannus Monachus, Cuſtos Baſil. Conradus & Burcardus Monachi de Landſcron, Jo. Ulricus de Domo, Craſto & Wilh. Waldenarii, Milites.

Renovata inter Marchiones hos & inter Lutoldos de Krenchingen, patrem ac filium, Canonicum Argent. de quibusdam ſucceſſio-

successionis Roetelanæ partibus subinde controversia; utraque pars tandem in Conradum, Comitem Friburgi, compromisit, qui Marchionibus vicum Brambach, Krenchinganis vicum Nider-Eggenheim addixit.

Anno 1348. Johanni de Rheno, in Hefingen, Militi, vicum Haltingen pro quingentis aureis oppignerarunt.

## §. X.

Anno 1352. Ottonis conjux Elisabetha decessit, Comitis Ottonis uxor. Ineri de Straßberg filia, cui propter nuptias centum marcas auri puri dono promiserat, eorumque loco reditus villarum Vogelbach, Malschberg, Lutschenbach &c. assignaverat. Elisabetha hac sine liberis defuncta, donum hoc ad patrem ejus jure hereditario pervenit. At socero suo persuasit Otto, ut redivisus istis tamdiu careret, quam Rudolfus Marchio, Ottonis frater, Saufenbergæ Castrum possessurus, nec terras cum fratre divisurus, (o) Ottoque in vivis futurus esset, manente tamen penes Marchiones relinendi jure.

Hic postrema Rudolphi mentio; qui uxorem habuit Rudolfi uxor. & filius. Catharinam, Ulrici, Comitis Thiersteinensis, filiam, quæ ad xii. Kal.

---

(o) So lange er mit seinem Bruder ungetheilt seyn würde.

April. A. 1385. superstes, Basileæ in Ecclesia principe sepulta est. (p)  
Prodiit ex ea Rudolphus II. Marchio, An. 1343. natus, cujus  
tutelam deinceps gessit Otto patruus, adeoque terras Saufenbergicas  
suo & pupilli nomine administravit.

## §. XI

Ottonis  
regimen.

Anno 1355. Hugo de Loerrach concitata Ottonis Marchionis  
ira, aliter cum eo reconciliari non potuit, quam refutatis feudis,  
quæ ab ipso tenuerat, quæque deinceps recepit.

Anno 1356. die Sabbati ante S. Ulr. Otto, Marchio Hachb.  
Dominus in Sufenberg, Landgr. Superioris Brisgoviae, suo ac  
pupilli sui, Rudolphi March. nomine, curiam & jus patronatus in  
*Rüdliken* Dieterico de Keppenbach, Johanniticæ Domus Friburgi  
Brisgov. Commendatori pro 600. florenis vendidit. Actum hoc in  
Judicio publico provinciali, Tannenkirchæ; præsentibus Henrico,  
Hachbergenfi Marchione, qui suo rem consensu probavit, ut &  
Godofrido de Stauffen, Erckeboldo Slegelholz, Armigeris &c.

---

(p) URSTIS. *Chron. Basil.* pag. 63. & 169. Monumentum ejus adhuc extat  
prope portam Choro vicinam. Vid. TONJOLA *Basilea sepulta* pag. 5. sq.  
Jo. GAMANSIUS *Geneal. Badens.* Cap. XXXIV. tradit, eam marito suo  
in quarto gradu consanguineam, atque hinc a Papa Clemente VI.  
dispensationem petitam & impetratam fuisse.

Anno 1357. cum Johanne de Eptingen, Milite, in Loerrach habitante, bona communia ibidem divisit, & insequenti anno Ursulæ de, Baden ac liberorum ejus partem Castrî Loerrach comparavit.

Anno 1358. die Mart. post S. Mich. Otto Marchio sui ex fratre nepotis, Rudolphi, tutelam abdicavit, eamque Walravo Comiti Thiersteinii cum Castris Brambach & Sufenberg tradidit. Actum coram judicio minoris Civitatis Basil. Rudolphus tamen cum tutore suo eadem Castra patruo Ottoni anno sequenti reddidit.

Anno 1361. partem Castrî & vici Loerrach a Johanne de Eptingen, Milite, dicto *Puliant*, pro 1100. florenis emit.

Anno 1362. jurgia habuit cum Diet. & Leonhardo, dictis ad Solem, civibus Basiliensibus, ob judicia in Hufen. Conradus de Bernfels & Ottmannus Schaler, judices, judicia capitis Ottoni, reliqua Solaris addixerunt.

Idem Otto Anno 1364. factus est fidejussor Conradi, Johannis & Heinrichi fratrum, Comitum de Furstenberg, a Neoburgo, Brisgoviae civitate, bis mille florenos mutuantium.

### §. XII

Anno 1366. Otto, Marchio de Hachberg, Dominus in Rætelen & Sufenberg, Rudolfo, ex fratre nepoti, qui majorem ætatem attigerat, dimidiam Castrorum *Sufenberg, Brombach*

Otto &  
Rudolfus  
conjunctim.

¶ *Loerrach* partem cum vicis bonisque omnibus, ad ea pertinentibus, tradidit, & posthac cum eo, ut antea cum ejus patre, rexit conjunctim.

Anno 1368. Rudolphus Marchio Castrum *Otlikon*, (q) vicos *Wile*, *Winterwile*, *Welmingen*, cum hominibus & bonis in *Haltingen*, *Hiltelingen* & *Hünigen* pro 1400. marcis argenti, Basiliensis valoris, emit a Conrado Munch de Munchenstein; cum consensu filiorum Conradi.

Anno 1369. dimidium vicum *Marticelle* (r) a Schœnaviis Otto & Rudolfus Marchiones emerunt.

Anno 1370. curiam & decimas in *Rüdlikon* (s) Jacobus de Tegernowe cum filio suo iisdem Marchionibus, Dominis directis, vendidit.

Anno 1371. die S. Stephani Lepoldus, Dux Austriæ, Ottonem & Rudolfum, Marchiones, de Castro Rœteln & oppido Schopfen Oeniponti investivit; quæ prima nobis locorum istorum investitura, ab Austriis facta, in Chartis occurrit. Castrum & oppidum An. 1315. quo Rœtelanæ Dynastiæ donationem fecerat Lutoldus, libera fuerunt.

---

(q) *Otlikon* Castrum inter Minorem Basileam & vicum *Wcil*. Post Pacem Westphalicam reconstructum *Fridlingen* appellatum est a Marchione Badensi, Friderico V.

(r) Cella Martini, hodie *Marzel*. in Saufenberg. Dynastia.

(s) *Rüdlingen*.

Anno 1371. Otto & Rudolfus Marchiones, in Castro Sufenberg constituti, mutuæ successione pactum inter se iniverunt.

Anno 1372. Johannes Episc. Basil. Rudolphi Marchionis jurisdictioni in Kirchen, a se violatæ, Literis ei datis prospexit. Proditorem Castri Istein in Marchico illo vico Episcopus ceperat, ultimoque Basileæ affecerat supplicio.

Anno 1374. idem Rudolfus inter Comites Equitesque comparet, qui Ludovico de Gliers, Domino de Froberg caverunt, ut Petrum Scalarium ex Castro suo Froberg, ubi captivus tenebatur, dimitteret. (t)

Anno 1376. Otto Marchio vicum Bulach a Johanne de Tengen 800. marcis argenti emit, coram iudice Turicensi, (u) eumque Leopoldo, Duci Austr. pro mille aureis An. 1384. vendidit. (x)

Rudolphus Marchio cum Leopoldo, Austriæ Duce, multisque aliis Dynastis atque Nobilibus Basileæ, per tempus quadragesimale, versatus, ob violatam sanctimoniam temporis orta seditione captus, brevique post dimissus est. (y)

C c c 3

(t) Charta Tabularii Frobergensis.

(u) TSCHUDI *Chron. Helvet.* Tom. I. pag. 493.

(x) Ibid. pag. 509.

(y) Ibid. pag. 490. URSTIS. *Chron. Basil.* pag. 190.

Anno 11378. Marchiones nostri cum Comite Walravo de Thierstein pactum mutuae successionis in feuda, quæ utrique ab Episcopo Basiliensi tenebant, iniere, quod ab Episcopo Johanne eodem anno firmatum est, simultanea horum feudorum investitura utrique parti concessa.

Mors  
Ottonis.

Otto Marchio circa An. 1384. octogenario major decessit improlis. In ecclesia monasterii Sitzenkirchæ sepultus esse videtur, ubi An. 1371. una cum fratruele Rudolpho instituerat anniversarium Missæ. Uxorem ejus, Elifabetham Strafsbergiam, A. 1352. jam extinctam supra vidimus.

## R U D O L P H U S I I I.

AB ANNO 1388. USQUE AD ANNUM 1428.

### §. XIII.

Acta ab  
An. 1388.

Rudolfus, mortuo patruo Ottone, totius Saufenbergicæ ac Rœtelanæ Dynastiæ solus possessor evasit.

Anno 1388. Annæ Friburgicæ, uxoris ejus, frater Conradus Rudolfum nostrum in communionem argentifodinarum & banni ferini in Brisgovia recepit. Basiliensia hæc fuerant feuda, de quibus jam seculo XIII. inter Marchiones Badenses & Comites Friburgenses certatum; (z) quæ vero, extinctis Friburgi Comitibus,

(z) Vid. supra ad An. 1234. pag. 316.

penes Marchiones Hachbergicos manserunt; ab his ad Badenses translata; qui hodieque ab Episcopo Basiliensi de iis investiantur.

An. 1391. in Rœtelenſi eccleſia ad altare D. Virginis Miſſam & Cappellaniam inſtituit. Capitulo Rheinfeldenſi redditus quosdam in Toſſenbach, Nobilibus de Frauenſtein olim in feudum datos, donavit.

An. 1392. Dux Auſtriæ Caſtrum Iſtein, quod Rudolphus ſibi oppigneratum uxori Annæ in vitalitium assignaverat, reluit, unde Marchio ejus loco Caſtrum Odlikon conjugi adſcripſit.

A. 1394. Henricus Rich de Richenſtein, Miles, jurisdictionem criminalem in Kilchein, Eymatingen & Efringen Rudolfo Marchioni; reliquam ſibi competere Literis, Baſileæ datis, profeſſus eſt. Eodem anno renovata ſunt jura Rudolphi in oppido *Schopſhein*, ad cujus curiam Dominicalem ſpectabant villæ *Gundihufen*, *Ennikon*, *Wiechs*, *Eichen* & *Enre-Varnow*. Ultima die menſis Julii Conradus, Friburgi Comes, Rudolpho noſtro legavit homagia ſua & jura eorundem, ſi absque liberis legitimis decederet. Spes hæc A. 1417. fuit renovata.

An. 1395. Johanni Comiti de Habsburg promiſit Marchio noſter, ſe Chartam oppignerationis Dynaſtiæ Rotenburgenſis, in Episcopatu Baſilienſi ſitæ, in manus tertii depoſiturum.

#### §. XIV.

An. 1397. Wenceslaus, Rex Romanorum, eidem Marchioni Privilegium dedit, ut ipſe coram Imperatore ejusque judicii

Privileg.  
Cæſaris.



aulicis tantum; ipsius autem ministeriales, officiales & subditi coram ipso Marchione solo in jure se sistere tenerentur. (a) Idem Rex sequenti anno Rudolpho & omnibus Marchionibus concessit, ut proscriptos quoscunque in Landgraviatu, castris & ditionibus suis universis recipere possent atque tueri. Privilegia hæc a sequentibus Imperatoribus confirmata, partimque aucta fuere.

Bellum  
Fursten-  
bergic.

Circa hæc tempora graves inter Marchionem Rudolphum, & Henricum, Comitem Fürstenbergicum, exortæ sunt lites. Marchio per Judicium Rothvilense A. 1388. in Furstenbergenfia bona Gussing, Lœssing & Neuenstadt immissus est. Comes, inobediens Cæsari, à judice Imperatorio Suantipore, Pomeraniæ Duce, proscriptus est. Supervenit accusatio de hæresi. Unde ab Electoris Moguntini Misso, Abbate Tennebacensi, devotus est diris. Denique, intercedente Basiliensi Episcopo, Comes anathemate solutus & in firmioris amicitiae pignus, Henrico, Henrici Furstenbergici filio, filia Rudolphi Marchionis Verena desponsata est.

#### §. XV.

(a) Privilegium hoc confirmavit Fridericus III. Imp. Romæ A. 1432.

## §. XV.

AN. 1399. foedus quinquennale cum Bernensibus Rudolphus inivit; (b) brevique post inter eosdem atque Basilienses arbitrum egit. (c) Eodem anno die Martis ante S. Laur. jura Toldiorum (d) in vicis Oetlikon, Binzhain & Haltingen, eorumque possessiones, judicia, homines, census, pro 425. aureis Rudolfo vendita sunt.

Acta va-  
ria ab A.  
1399.

AN. 1400. cum Marquardo de Baden, Ord. Teutonici Commendatore in *Büggeln*, de concambio bonorum convenit, pro jure patronatus in Nollingen census hujus Præceptoratus in Wies, Tegernau, Engenstein & Roetelen accipiens. Die S. Elisabethæ Anna de Klingenberg, Rudolphi de Schœnau vidua, cum filio suo Alberto Castrum, dictum *der Neue Stein*, cum vicis & villis *Gerispach, Slechbach, Siewegmatt, Kürnberg, Reippach*, (e) curiisque in Blumenberg, Eychenbrunn, Steinegg &c. pro 2000. aureis Rudolfo Marchioni vendidit.

Post Landgraviatus Brisgovie investituram, de qua infra, Imperator Rupertus A. 1403. Privilegium ei dedit, nundinas

(b) Tschudi *Chron. Helv.* Tom. I. pag. 599.

(c) Ibid. pag. 637.

(d) *Zum Tolden*, Familia tum Basileæ degens.

(e) Loca hæc Saufenbergicæ Dynastiæ sunt, at Castrum *Neue Stein* dicti memoria amissa. Videtur in illo loco fuisse, ubi nunc est villa *Schwarzenbach*, versus *Dotmus*.

hebdomadarias & annuas in vico Lœrrach celebrandi. Diploma datum Noribergæ, die Veneris ante festum Petri & Pauli. Has nundinas Fridericus III. Imp. in Coronatione Romana confirmavit.

An. 1404. affinem suum, Conradum de Friburg, ad tribunal Imperiale, quod Heidelbergæ erat, in jus vocavit, ob debitum 3000. marcarum argenti. Obtinuit etiam ab Engelhardo de Weinsperg, Judicii Aulici Præsides, ut in Dynastie Novi Castri, quæ in Comitibus Friburgi manibus erat, immitteretur possessionem.

### § XVI.

Acta ab  
An. 1406.

An. 1406. occasione cædis, prope vicum Hufen in Rœtelana Dynastia commissæ, inter Rudolphum Marchionem atque Schœnavios, Castrum Altenstein (f) & vicum Zell possidentes, de Judicio capitali disceptatum est. Causa hac ad arbitros, Rudolphum Vicedominum, Gûntlerum Mareschallum, Milites, & Conradum à Lauffen delata, Marchio victor evasit.

An. 1407. quinquennale cum urbe Basil. fœdus percussit, hac lege, ut imminente hoste alter alteri per decem circum urbem milliaria, urbs cum octo, Rudolphus cum quatuor equitibus lanciferis succurreret. (g) Post hæc Marchio inter Basileam & Auftriacos non semel fuit pacis conciliator. (h)

(f) Altenstein, Castrum montanum dirutum, sesquileuca distans Zella vallis Wiefanze.

(g) UNSTUT. *Chron. Basil.* pag. 212.

(h) *Ibid.* pag. 216. & 221.

An. 1409. Abbatissa Collegiatae in Seckingen Rudolphi Marchionis jurisdictionem, *altam* quam vocant, in vico *Stettheim* agnovit.

An. 1414. circa festum S. Margarethae a Sigismundo Imp. Argentorati Landgraviatus aliorumque Imperii feudorum investituram, nec non juris conductus per Dynastiam Rœtelanam confirmationem obtinuit.

An. 1415. die Lunæ post S. Blasii, datis Constantiæ literis, Rudolfo digredientes ex ditione sua subditos persequendi ac ubivis repetendi potestatem idem Cæsar concessit. Tunc vero Rudolfus noster cum legatis urbis Basiliensis & Argentinenfis Friburgum Brisgoviæ profectus erat, ut Papam Johannem XXIII. cum Concilio reconciliaret; sed res caruit successu. (i)

### §. XVII.

Basiliensis civitas ad Argentinenfis exemplum cum novum Acta ab  
An. 1417. sibi Magistratum, sub nomine *Ammmeister*, in scio Episcopo creasset, sine quo electiones Magistratuum tum non fieri solebant, hujusque ad Concilium Constant. querela fuisset delata: Rudolfus noster Marchio conciliatoris partes in se suscepit, remque eo perduxit, ut novus ille Magistratus Basiliensium extingueretur. (i)

D d d 2

(i) URSTIS. *Chron. Basil.* pag. 225.

(i) URSTIS. *Chron. Basil.* Lib. IV. Cap. XXII. & in *Epit. Hist. Basil.* Cap. IX.

Anno 1419. navem, Butenheimio Sundgoviae Brisacum descendentem cum avena, Rudolfus Marchio, quod naufragium passa erat, sibi vindicavit, brevique post Walthero Militi de Andlau, ad quem illa spectabat, multorum precibus inductus restituit, salvo tamen suo circa bona naufraga jure. (m)

Anno 1420. ingens laes per Brisgoviam grassata, Marchionis filium Rudolphum XXVII. annos natum, pietate & virtute insignem, ut & tres ejus filias, Basileae in monasterio S. Clarae degentes, abstulit. (n)

Anno 1423. certam pecunia summam, post mortem solvendam, XXIV. Monasteriis, Parochiis & Xenodochiis Rudolfus legavit. (o)

### §. XVIII.

Rudolfi  
March.  
obitus.

Anno 1428. die dominica post festum Purificationis ex hac vita excessit Rudolfus III. cum LXII. annos regiminis, partim cum patruo, partim solus, vitae autem circa LXXXIV. explevisset. Aliquot ante mortem annis cum Dieterico de Rathsamhausen bellum ei fuit exortum, ob Sundgoviae vicum Brunstatt, prope Mülhusium; postquam in judicio ter victor

---

(m) Vulgo *Grundruhr-Recht*.

(n) FORRSTERUS.

(o) Ibidem.

fuiſſet. Bello hoc vicus Feldberg combuſtus; ipſe autem ære alieno non modico obrutus eſt; ceterum pacificus Princeps, ad controverſias amice potius, quam bello componendas, proclivior. Arbitr etiam inter Auftriæ Duces & Civitatem Baſilienſem, grave bellum, quod inter eos An. 1410. & 1411. geſtum eſt, bis amica compoſitione terminavit.

Prior ejus conjux fuit Adelheidis de Liechtenberg, cui ſecuritatẽ dotis quater mille florenorum Anno 1372. medio menſe Aug. daturus, Albertum & Leopoldum, Auftriæ Duces, rogavit, ut ipſorum feuda, *Schopfheim* oppidum & vicos *Eichein*, *Gündehufen*, *Mulberg* & *Wiechs* ad hunc uſum ei permitterent. (p)

Uxores  
ejus.

Posterior uxor Anna Friburgensis erat, (q) ex qua ſuſcepit, I. OTTONEM An. 1388. natum, qui An. 1411. Epifcopus Liberi Conſtantienſis (r) electus, reſignato propter incurabilem

D d d 3

(p) PISTORIUS Adelheydam hanc, Simonis & Lichtenberg filiam, mortuam circa 1387. refert.

(q) De Anna loquitur Charta Officialis Curiz Baſil. Anno 1427. d. 25. Octob. ita: „Pernobiles & Generoſos D. Rudolphum de Hochberg, Dom. in Rætteln „& in Suſenberg, & D. Annam de Hochberg ejus conthoralem, „oriundam de Friburg, nec non Marchionem Wilhelmum de Hochberg, „eorum filium legitimum.

(r) MANLI Chron. Conſtant. pag. 762.

S. Valentini morbum Episcopatu, An. 1451. defunctus est (s)  
 II. RUDOLFUM An. 1419. extinctum. (t) III. WILHELMUM  
 in regimine terrarum successorem.

Ex filiabus ejus Verena Henrico, Comiti Furstenbergico,  
 circa An. 1415. nupsit, in securitatem dotis Castrum Neufurstenberg  
 & vallem Werræ accipiens. Quatuor alias monasticæ apud  
 S. Claræ Moniales in minore Basilea vitæ consecravit, Agnetem,  
 Catharinam, Annam & Margaretham, quarum tres An. 1419.  
 ut vidimus, peste fuerunt ablatae.

Rudolfus & Anna, conjuges, in ecclesia vici Rœteln,  
 infra Castrum, quam ipse A. 1401. extruxerat, (u) sepulti sunt.  
 Annæ lapis sepulchralis extat in sacello retro chorum, sed sine  
 die & Consule.

## W I L H E L M U S.

### §. XIX.

Initia  
 regimi-  
 nis.

Wilhelmus Marchio vicesimo secundo ætatis suæ anno  
 regimen adivit. Literas investituræ a Sigismundo, Romanorum  
 Rege, An. 1429. accepit, Pofonii datas die SS. Philippi & Jacobi.

(s) URSTIS. *Chron. Basil.* pag. 64.

(t) Ibidem.

(u) Inscriptio superstes id docet.

Initio regiminis Castrum Sufenberg, vetustate pene collapsum, quod Marchiones ultra centum annos semper Rœtelæ habitassent, restituit. Eodem anno 1429. a fratre Ottone, Episcopo Constantiensi, privilegium accepit, ut homines capite plexi in loco consecrato possent sepeliri. Tum quoque Jacobus, Badæ Marchio, oppidum Sulzberg ei oppigneravit.

Anno 1431. Wilhelmus Comitibus Imperii, Noribergæ habitis, interfuit. (x)

Anno 1432. Wilhelmus, Bavariae Dux, Marchionem nostrum Concilii Basiliensis Defensorem, in sui locum, constituit. Basiliensis Magistratus, ad promovenda hujus Concilii commoda, pontem supra Wiesam, prope Huningam minorem tum construi fecit, de cujus pontis vectigali inter Marchionem & Basilienses transactum est.

Cum Wilhelmus noster Fridericum, Austriae Ducem, Vindobonam comitaretur, Adelbergium de Baden in absentia sua administratorem terrarum constituit, servatis tamen sibi causis feudalibus.

## §. XX.

Anno 1434. Johannes Comes Friburg. & Novi Castri Acta ab An. 1434 ac Wilhelmus noster Marchio, *Dom. de Rethelingen, Consiliarius* &

---

(x) WENCKER de *Ufsburg* pag. 101.



---

*Cambellani Ducis Burgundia* , ejusque *Ambaxiadores* ad Sigismundum, Regem Rom. constituti fuerunt. (y)

Anno 1435. Kal. Octobr. Eugenius IV. Papa, Florentiæ versatus, Wilhelmo nostro majores decimas parochiales in *Schopfheim*, *Tannenkilch*, *Wolpach* & *Oetlikon*, quæ ad 300. modios frumenti & 70. somas vini ascendebant, prout eas progenitores ipsius perceperant, confirmavit. Eodem anno Elisabethæ Montfortiæ, conjugis suæ, feuda, quæ ab Imperio pendebant, vicario nomine accepit. De Austriacis feudis vero, quæ ipse possidebat, à Friderico Duce investitus est; cujus sub auspiciis ipse in bello contra Turicenses ductor exercitus fuit.

Anno 1439. Wilhelmus Marchio Austriacæ Alfatiæ Præfectus, inter eos, quibus Albertus II. Imp. tutelam Concilii Basil. commendabat, nominatur. (z)

Anno 1440. cum Austriacis copiis Turici hærens, ut impensis par esset, jus patronatus & decimas Schopfhemii in valle Wiefana monasterio S. Albani Basiliensi, potestate tamen reluendi sibi servata, vendidit.

Idem

---

(y) SENCKENBERG *Selector.* Tom. VI. pag. 479. & 481.

(z) *Act. Illustr.* Tom. II. pag. 597.

Idem Wilhelmus eo tempore cum Joh. Ludovico de Tullier super Dynastiam *Froberg*, Ducum Austriæ nomine, transegit. (a)

Idem A. 1441. die Ven. ante Palm. Advocatiam monasterii S. Petri in Nigra Silva ex Abbatis & Conventus manibus redemit atque Dynastiæ Badenvillanæ iterum conjunxit. (b)

### §. XXI.

Anno 1441. die Merc. post festum Corp. Christi, debitorum, quæ ipse & pater ejus contraxerat, gravitate compulsus, omnium in Brisgovia & Sundgovia bonorum ac terrarum suarum administrationem filiis suis, Rudolfo & Hugoni, qui nondum ephebos egressi erant, eorumve tutori, Johanni, Comiti Friburgensi, reliquit, ut æs alienum ingens eo facilius dissolveretur. (c) Ab eo tempore in aula Cæsarea ut plurimum commoratus est Guilielmus noster, maximi momenti negotiis adhibitus.

Anno 1442. Wilhelmus noster Cæsaris atque Imperii nomine sententiam tulit pro Civitate Weissenburg in Alsatia,

---

(a) In Charta, quæ in tabulario Frobergensi extat, vocatur Wilhelmus *Marquis, Seigneur de Rateln & Sufenberg, Bailif & Gouverneur de Ferrates & d'Aulxay*. Dominium *Froberg* in Chartis Latinis de Montegaudio, in Francis de *Montjoye* vocatur.

(b) Archiv. Bada - Durl.

(c) Fridericus III. Imp. nonnisi An. 1457. Conventionem hanc suo consensu comprobavit Gracii.

contra Abbatem ejus loci, qui se *Dominum urbis* dicebat, & jusjurandum eo nomine a civibus exigebat. Judicatum est, cives Weissenburgenses nequaquam posse Imperatoris Imperique jura alienare, nec homagium, Imperio præstari solitum, Abbati præstare. Literæ, Imperiali sigillo munitæ, hac super re scriptæ sunt Argentorati, die Saturni post Bartholomæi.

### §. XXII.

Acta  
reliqua.

Eodem anno Fridericus III. Imp. Literis Enfishemii datis oppido Sulzberg duas nundinas annuas concessit, Wilhelmo rogante. Missus est circa hoc tempus ab Imperatore in Helvetiam Wilhelmus, ut Turicenses, Austriacorum tum socios, contra reliquos Helvetios, ipsorum hostes, juvaret. Vicariam enim Domus Austr., potestatem in Alsatia, Sundgovia, Brisgovia, Nigra Silva, Hegovia, Turgovia, Suevia, Algovia, ad Lacum Bodamicum adhuc exercebat Wilhelmus; (d) nunc quoque belli Turicensis dux, in quo duo conjugis ejus, Elisabethæ Montfortiæ, Castra, Spiegelberg & Griessenberg, a Turgoviensibus combusta sunt an. 1444. mense Apr. (e) Durante hoc bello gravem pecuniæ summam mutuo accepit Turici, ob quam lis deinceps exorta. (f)

(d) Tschudi Chron. Helvet. Tom. II. pag. 402.

(e) Ibidem pag. 41.

(f) Ibidem pag. 562.

Sigismundus, Austriæ Dux, Turicensibus ut satisfaceret, Comitatum Kiburgensem eis reddidit. (g)

Civitas Basil. Wilhelmum, proelii ad D. Jacobum prope Birsam, inter Ludovicum, Franciæ Delphinum, & Helvetios, An. 1444. commissi, participem, cum multis aliis ex urbe sua proscrispsit. (h)

Anno 1450. decimas vini in Crenzach Adelbergio de Berenfels pro 1100. aureis oppigneravit.

Anno 1459. d. 19. Jun. Vindobonæ Judicio Cameræ Imperialis, testibus literis Friderici Imp. præfedit.

Guilielmus, ut ex tabularii Badensis Chartis apparet, Mors ejus usque ad A. 1473. minimum fuit superstes; (i) per XXXII. annos Marchia sua voluntario exilio quasi extorris; Princeps animo & manu fortis.

Præter duos, de quibus infra, ex Elisabetha Montfortia filios, suscepit quoque Urfulam filiam, quam Jacobus Truchsessius, Eques auratus & Advocatus provincialis Sueviæ, duxit uxorem.

Uxor &  
liberi.

## E e e 2

(g) HERRG. *Geneal. Habsh.* Tom. I. Lib. I. Cap. IX. §. IV.

(h) TSCHUDI l. c. pag. 447.

(i) In Charta An. 1473. die Ven. post Cantate scriptis ad Cæsarem, se cum filio suo (Rudolpho) rediisse in gratiam. Tabular. Bada - Durlac.

## R U D O L F U S I V.

AB ANNO 1444. USQUE AD ANNUM 1487.

## §. XXIII.

Aufpiciis  
fausta.

Natu major Wilhelmi filius, Rudolphus quartus, legitimam cum attingisset ætatem, Dynastiarum administrationem a tutore suo, Comite Friburgensi, Johanne accepit, una cum fratre Hugone; qui paulo post cælebs e vita migravit. Idem Johannes An. 1444 eidem Rudolpho & Hugoni fratribus, cognatis suis, Dynastiam Badevillanam, cum omnibus juribus, libera & gratuita donatione, in proprietatem tradidit; unde gentilitiis Saufenbergæ Rœtelæque titulis atque insignibus axioma quoque & scutum Badevillæ accessit.

Anno 1444. die Jov. post S. Nic. Rudolphus de Ramstein, Dom. in Gilgenberg, cum a Johanne de Flachslanden Castrum Landscron & judiciariam vici *Leymen*, in Sundgovia siti, potestatem, Dynastiæ Rœtelanæ feuda, comparasset, Wilhelmo & Hugoni fratribus, Hachbergæ Marchionibus, jus aperturæ; Flachslandiis jus relictionis ad quadriennium adscripsit.

Anno 1445. die Sat. ante Lætare Rudolfus Marchio pro matre sua, Elifabetha de Montfort, Domina Bragantii, Castrum Grieffenberg, in Turgovia siti, investituram ab Alberto Austr. Friburgi Brisgovie recepit.

Anno 1451. pater Wilhelmus eidem Rudolpho Marchioni Nigram Silvam & Hauensteinii Dynastias, cum Schœnaviensi & Totnaviensi vallibus, quas ab Austriaciis oppigneratas retinuerat, tradidit.

Anno 1452. Fridericum Cæsarem in expeditione Romana secutus, confirmationem omnium privilegiorum & inprimis nundinarum Lœracensium Romæ obtinuit.

#### §. X X I V.

Anno 1457. Novum Castrum ad Rudolphum IV. pervenit jure cognationis, quod nepos esset Annæ Friburgicæ, quæ maternum genus ad Rolinum, Novo - Castrensis feudi primum possessorem, retulerat. Rolini enim neptis fuit mater Annæ Verena. Annæ autem nepos fuerat Marchio Rudolphus. Nepos aviæ eodem jure, quo neptis avo Rolino, successit. Ita sane Novo - Castrenses cum Bernensibus, concivibus suis, statuerunt; atque adeo Conradum Friburgensem & Rudolphum Saufenbergensem successores agnoverunt legitimos, illosque consilio suo suffulserunt & opibus.

Comita-  
tus Neo-  
burg, he-  
reditas.

Rudolphum Johannes Friburg. Conradi filius, A. 1457. apud Helvetios sine prole decedens, Comitatus sui scripsit heredem; nepos quod fuerat Annæ, amitam quam colebat Johannes. Ita Novi Castri Comitatus An. 1397. per filium sororis ad Friburgenses, ab his ad

Sausenbergenses Anno 1457. per amitæ nepotem transiit, ut  
Stemama hic additum nos docet.

§. X X V.

Hereditas  
con-  
troverſa.

**T**estamentum in Archiepiſcopatus Vefontini Prætorio  
depoſuit Johannes; eoque mortuo Officialis Vefont. illud aperiens,  
declaravit, Rudolphum de Sausenberg in Comitatus Novi Caſtri  
poſſeſſionem immitti debere. Homagium Ludovico Arauſionenſi  
An. 1458. obtulit Rudolphus. At ille feudalem Comitatum ſibi,  
Domino directo, devolutum eſſe contendit; quin & Burgundiæ  
Sabaudiaque Duces propoſuit arbitros. Res a Judicio Vefontino  
Romam, & hinc a Pio II. Anno. 1462. ad Imperatorem tranſlata.  
Anno 1463. Fridericus III. ſcripſit Rudolpho, ſe cogniturum de  
cauſa, atque Arauſionenſi mandaturum, ne quid in negotio hoc  
innovet. (1) Imperator num ſententiam tulerit, non equidem  
reperio. Bernenſes pro Rudolpho ſteterunt, qui apud eos juſ  
Civitatis Anno 1458. obtinuit, & a Salodurenſibus quoque  
receptus eſt Civis. (m) Marchio in poſſeſſione Novi Caſtri  
permanſit; plurium Helvetiæ Cantonum conſtans amicus. Unde

(1) *Reſlexion ſur la Reponſe de Mad. de Lesdiguieres* pag. 38. ſq. ubi relatio ex  
iſtis actis deſumpta.

(m) *Inſtrumentum* in LEIBNITII *Cod. Jur. Genſ. Mantiffæ* Part. II. pag. 112.  
*Conf. Lxu Lexic. Helvet.* Tom. XIV. pag. 42. ſqq.

U S  
URGENSES ET PER  
AUSENBURGENSES.

MARCHIONES HACHBERGA-  
SAUSENBURGENSES.

RUDOLFUS II. Marchio † 1352.

---

RUDOLFUS III. Marchio Landgraviatum Brisgoviae  
CONRADO III. Comiti Friburg. in feudum confert.  
† 1428.

---

us Marchio, filiis suis regimen An. 1441. tradit.  
† 1473.

---

1444. & in Comitatu Novi Castris succedit Hugo †  
billono-Araus. JOHANNI Comiti Friburg. 1444.







etiam ortis Carolum Audacem inter & Helvetios bellis, Rudolphus Novum Castrum, ut & Rœtelanam ac Saufenbergæ Dynastias Bernensium atque Salodurensum tutelæ, custodiæque A. 1474. commisit; quin & admisit, ut incolæ jusjurandum fidei Cantoni- bus præstarent. (n) Inter præfidiarios hos quingenti erant Rœtelani, sub Bernensibus militantes Præfectis. Quin & maximam temporis partem, quo Burgundicum istud efferbuerat bellum, Marchio noster Bernæ transegit. Id vero prorsus singulare, permisisse Helvetios, ut Rudolphi filius, Philippus, in Caroli Burgundi castris militaret, (o) qui ob id ipsum Literas salvi conductus (p) pro Marchicis terris Rudolpho concessit; qui, durante suo apud Novo-Castrenses regimine, privilegiis novis gratum se civibus reddidit

## §. XXVI.

Eodem fere tempore, quo possessionem Novi Castri Rudolphus adierat, (q) litem cum Johanne Basil. Episcopo, ob Acta ab  
A. 1458. vicos Weil, Tullicken, Riechen & Schliengen, diu agitatam, amica compositione terminavit.

(n) Caroli Burgundi, præfidiarios quoque milites offerentis, oblata recusavit Rudolphus. Lku *Lex. Helvet.* loc. alleg.

(o) Ex Actis Helveticis hæc omnia dilucidavit Lku Tom. XIV. pag. 43. sqq.

(p) *Lettres de Sauvegarde.*

(q) A. 1458.

Anno 1464. a Monasterio S. Georgii in Silva Nigra curtem in Kleinkembs, ut & aliam, sitam in Blanfingen, coëmit.

Anno 1469. Sigismundus Austriacus, Helvetiorum hostis, hostem illis longe potentiorē oppositurus, quidquid in Alfatia, Brisgovia & Nigra Silva possederat, pro 80000. florenis aureis jure antichrescos Carolo, Burgundionum Duci, vendidit. Carolus mox Rudolphum nostrum March. constituit, ut Provincias has, earumque oppida & vicos, nomine suo in obsequium reciperet. (r) Petrus autem Hagenbachius, Eques Alfatus, Præfectus his Provincialibus datus, ob innumera scelera, A. 1474. ab Helvetiis judicibus, quibus ille subjectus non fuerat, damnatus ad mortem, percussus est ense. (s)

In Literis Anshelmi de Masonis Monasterio & Rudolphi de Brunighoven A. 1471. *Ducatus Lucelburgici & Comitatus Chini* Gubernator Rudolphus noster appellatur. (t)

A Berenfelsiis Nobilibus A. 1476. censum in Herticken & Aetickhen, iis oppigneratum, redemit.

Anno

(r) URSTISI Chron. Basl. Lib. VI. pag. 433.

(s) *Asatia Illustr.* Tom. II. pag. 598.

(t) *Mon redoublé Seigneur M. le Marquis de Hochberg, Gouverneur des Duchés de Luxembourg & Conté de Chini.* Cel. ISKLIVS in notis ad TschUDII Chron. Helvet. Tom. II. pag. 710. sq.

Anno 1483. habitō in Caſtro Rœtelenſi judicio, Johannis Fœrſteri, parochi Haltingenſis & Capellani Rœtelani, ſpurio ſanguine nati, hereditas Rudolpho Marchioni, Germaniæ & ditionis ſuæ moribus, addiſta eſt.

Anno 1484. Caſparus de Blumeneck, Miles, Rudolpho Marchioni literas antigraphas, de jure relutionis vicorum *Thüngen & Mengen*, quos ab Antonii de Pforr heredibus emerat, exhibuit.

### §. XXVII.

Anno 1487. deceſſit Rudolphus quartus, LX. circiter <sup>Rudolfi mors.</sup> annos natus, quorum maximam partem felici terrarum ſuarum regimine, magna cum juſtitie & parſimonie laude, tranſegit; loca, quæ oppignerata fuerant, ſollicite redimens.

Uxor ejus fuerat Margaretha de Vienna, Mariæ de <sup>Uxor & filius.</sup> Cabilone, quæ Johanni, Comiti Friburgenſi poſtremo, nupſerat, ex ſore neptis. Margaretha hæc unica fuerat filia Guilielmi de Vienna, Domini de S. Georgio & S. Cruce, in Burgundiæ Ducatu; (u) ex qua filium ſuſcepit Philippum, ad quem ex

(u) Guilielmus hic ex Primoribus Aulæ ſub Philippo Audace & Johanne Intrepido, Burgundiæ Ducibus, fuit & quandoque exercitus dux. Frequens in Chartis Burgundicis ejus mentio apud *PLANCHER Hiſt. de Bourgogne* Tom. III, Prob. pag. 317. ſpeciati in Charta A. 1424. Add. *Genealogies Hiſtor. des Souverains* Tom. IV. pag. 316. Comparat præcipuè ab A. 1279. uſque ad A. 1420.

paternis & maternis Burgundiæ bonis aliquid redundare debuerat. Causa hæc est, ob quam Philippus in Caroli Audacis exercitu militavit; pater tranquillus dum apud Bernates federet.

*STEMMA PATERNUM MARGARETHÆ  
RUDOLPHI IV. UXORIS.*

WILHELMUS de Vienna, Dominus S. Georgii & S. Crucis, testamentum condidit A. 1434.

JOHANNES	MARGARETHA uxor RUDOLPHI
† inprolis.	March. Hachberga-Saufenbergici.

*S T E M M A M A T E R N U M  
M A R G A R E T H Æ.*

JOHANNES III. de Cabilone, primus ex gente sua Arauf. Princeps † 1418.

LUDOVICUS. ALIX de Cabilone, ux.	MARIA uxor JO-
Bonus † 1463. Guilielmi de Vienna,	hannis, Comitis
Domini de S. Georgio.	Friburg. & Novi
	Castri, qui † 1458.

MARGARETHA de Vienna, uxor Rudolphi IV. Marchionis Hachberga-Saufenbergici, qui † 1487.

PHILIPPUS Marchio † 1503.

Rudolphus Marchio , quum Margarethæ frater Johannes de Vienna, moreretur improles, ex foci hereditate partem aliquam ad uxorem suam devolutam esse arbitratus est. Lis itaque de Wilhelmiana hereditate exorta. Virtute testamenti Wilhelmi senioris , proximus ex substitutis heredibus superstes, Wilhelmus de Vienna , Dominus de Mombis, eam omnem postulabat. Res coram supremo Burgundiæ tribunali acta , donec An. 1467. transfigeretur. Carolus Audax , Burgundiæ Dux , d. 25. Martii transactionem firmavit Bruxellis ; vi cujus hereditas universa inter litigantes communis esse debuerat ; nisi quod Rudolpho Marchioni uxoris nomine Dominium S. Georgii , *Semre* (x) & *Louhan*, (y) ut & Dynastia *Joux* attributæ fuerunt.

Hereditas

Rudolphus IV. tranquilli fuit animi Princeps, non ut pater bellator, nec ceteris ei dotibus par ; nisi quod eum superavit parsimonia , superavit felicitate, opibus atque divitiis. Tanta fuit ejus fortuna , ut duas Dynastias , non mediocres , Badevillanam & Novo-Castrensem Helveticam , intra XIII. annos, sine armis, sine bello, quin & absque labore, testamentis acquireret.

Character.

F f f 2

(x) *Semre* , oppidum, hodie *Bellegarde*, quod nomen ei a Ludovico XIII. impositum, cum An. 1620, titulo Ducatus condecoraretur.

(y) *Louhan*, oppidum quoque.

## P H I L I P P U S.

AB ANNO 1487. USQUE AD ANNUM 1503.

## §. XXVIII.

Activo  
patre.

Carolus Audax quum An. 1477. in prælio ad Nancejum perisset, Philippus quoque interfuit prælio. (z) Extincta cum Carolo Burgundica Domo, ad Gallie partes se applicuit Philippus; non senel militans in acie Gallorum, qui Burgundiam suo regno junxerunt. Maximam deia temporis partem in Helvetica Novi Castri Dynastia transiit; ubi natus & educatus est Burgundicis moribus a matre Burgundica.

Patre adhuc vivo Philippus jam vocatus est *Dynasta Badevillæ*. Hanc enim Dynastiam ei concesserat pater, quum An. 1476. Mariam Sabaudicam duxisset uxorem.

## §. XXIX.

Mutue  
success.  
pactum.

Memorabilis in Historia Badensi est Annus 1490. quo Philippus noster, communium cum Badensibus originum memor, cum Christophoro, Badæ Marchione, mutue successionis pactum his legibus inivit, ut Christophoro sine masculis decedente heredibus, Hachberga-Sausenbergicus Marchio, ejusve masculi

(z) SCHULTER ad Königsheu. pag. 385. ubi : der jung Marggraff von Ratel dicitur.

heredes, Marchiam Hachbergicam, quam Badenses jam A. 1415. emerant, cum Castris Hachberg & Hœlingen, cum oppido Sulzberg, aliisque inde pendentibus locis obtinerent. Decedente autem sine masculis heredibus Philippo, Christophorus ejusque masculi heredes, Rœtelnse, Saufenbergicum & Badevillanum Dominia, cum oppido Schopfen & aliis, nullo bonorum discrimine, sive propria sive feudalia sint, acciperent.

In hæc pacta Marchiones, eorumque Consiliarii & Officiales reliqui, ut & Dynastiarum incolæ jurarunt; Episcopi Basiliensis ratione feudorum, ab eo pendentium, accedente consensu. Cumque Hachbergenfis Marchionatus feudum Imperii esset, Rœtelnse Castrum autem & oppidum Schopfen Domus Austriacæ feuda reputarentur, (a) Marchiones Fridericum III. Imper. eoque mortuo Maximilianum I., ut Cæsares & Austriæ Duces, pactum istud ut confirmarent, rogarunt. Quamvis autem Maximilianus jam An. 1495. Philippo nostro jurisdictionem criminalem per omnes terras ei subiectas, Literis Antwerpiae d. 14. Octobris datis, in feudum concesserit; pacti tamen mutuae successionis confirmatio demum A. 1499. secuta est, quum nempe die 13. Aug. Imperator in Brisgovia versaretur Friburgi. Confirmationi huic Cæsar inferuit, Schopphemium & Rœtelam esse Austriæ feuda; fed

F f f 3

---

(a) Feudalis hujus nexus, qui A. 1744. solenni conventionne cum Augustiss. MARIA THERESIA sublatus est, ignoratur origo.



contra hoc assertum Christophorus constanter protestatus est, nec de illis unquam investituram accepit.

Pacti hujus Philippum deinceps poenituisse, ex Maximiliani I. Imp. literis, die ult. Jun. An. 1503. Lindaviae ad Rudolfum de Blumeneck, Advocatum Rætelanum, datis, apparet, quibus eum hortatur, ut jus succedendi Christophori Badensis strenue defendat, atque Philippum Marchionem ejusque Ministros avertat, ne quid novi moliantur.

### §. XXX.

Acta  
reliqua.

Ad Neocomum seu Novum Castrum quod attinet, Comitatenſibus illis libertates suas confirmavit, quin & Civitatis jus cum Berna & Friburgo, paulo post cum Lucerna, renovavit Philippus; (b) qui subodoraverat consilia Caesaris. Maximilianus I. enim, nescio quam ob causam, inſensus Philippo, An. 1498. Neo-Comensem Comitatum ad Imperium rediisse declarans, pro modica cum pecuniae summa Bernensibus obtulit, qui emptionem recusarunt. (c)

In Suevico, quod inſecutum est, bello pro Helvetiis contra Caesarem stetit Philippus; post extinctos Burgundiae Duces Galliae

(b) An. 1497. & 1499.

(c) LEU *Lexic. Helvet.* Tom. XIV. pag. 43.

quoque fatis addictus; sed præfertim Helvetiis, quorum auxilio ille contra Cæsarem, contra Arausionenses, contra Sabaudiae Ducem, egebat.

Anno 1503. Philippus pro Johanna, unica sua filia herede, quam ex Maria Sabaudica genuerat, Bernæ & Lucernæ jus Civitatis obtinuit.

## §. XXXI

Eodem anno vitam cum morte commutavit Philippus, <sup>Philippi</sup> Neo-Comi mortuus atque sepultus, Saufenbergici rami postremus; <sup>mora.</sup> mutabilis ingenii Princeps; patri avoque impar felicitate, virtute.

Johanna patris sui cor, plumbea cista inclusum, equo, <sup>Sepul-</sup> quem pannus ater operuit, imponi atque ex Novo Castro Rœtelam, <sup>tura.</sup> comitantibus quatuor Nobilibus & aliquot Clericis, duci jussit; ut ibi apud majores suos componeretur. Rudolphus de Blumenek, a Christophoro præfectus Rœtelæ, cum Sacerdotibus & Subpræfectis funus ad cœmeterium usque comitatus est. Cœnam vero, quam Novo-Castrensis, Christophori nomine, Præfectus obtulerat, illi superbe aspernati sunt. (d)

---

(d) FÖRSTERUS adscribit Mariæ matri, quod Johannæ filiaetribuendum. Hæc enim cor patris sui Rœtelam transmiſit. Maria jam An. 1500. decesserat.

Tituli  
ejus.

Titulos Philippi plenos GUICHENONIUS (e) exponit. Vocavit se Dynastam S. Georgii & S. Crucis, quæ Dominia, in Burgundiæ Ducatu Lugdunum inter & Cabilonem sita, Margaretha, Rudolphi IV. uxor, de qua supra, ad filium Philippum neptemque Johannam transmisit. Instrumento mutuae successionis, quod An. 1490. cum Christophoro Badensi Philippus inivit, additum est sigillum, in quo legitur: „ S. Philippi Marchionis de Hachberg, „ Comitis Novi Castri, Domini de Rothelin, Sufenbourg, de „ S. Georgio & S. Cruce.

### §. XXXI L

Uxor  
ejus.

Uxor Philippi fuit Maria, Amadei IX. Ducis Sabaudia filia, Caroli I. Ducis foror, quæ An. 1476. ei desponsata Lausannæ. URSTISIUS (f) memorat, Rudolphum, Philippi patrem, in matrimonii hujus favorem ordinasse, ne Dynastiæ Rœteln, Saufenberg & Badenweiler ad alios liberos, quam ex matrimonio hoc procreatos, unquam possent transferri.

Maria

(e) *Philippe Marquis d'Hochberg, de la Maison des Marquis de Bade, Comte Souverain de Neuchâtel en Suisse, Seigneur de Rotelin, de Sufenberg, de S. George, de S. Croix & de Badenvilliers, Maréchal de Bourgogne.*

(f) *Chron. Basl. pag. 64.*

Maria d. 27. Nov. Anno 1500. decessit Divione, in Dominicanorum Ecclesia ibidem sepulta. (g)

Dotem ei promissam quum nec Carolus frater, An. 1489. mortuus, nec Philibertus, Sabaudiae Dux, ex Ludovici Ducis Linea juniore natus, solvisset, Maria movit querelam, quae eruptura videbatur in bellum. Res denique Berna, Lucerna, Friburgo & Saloduro intervenientibus, composita est. (h)

### §. XXXIII

Ex matrimonio Philippi unica prodiit filia, Johanna, <sup>Johanna filia.</sup> quam Philippus destinaverat Philippo, Christophori Marchionis Badensis filio, atque hinc An. 1490. mutuae successionis pactum cum eo iniverat. Is in harum nuptiarum spem in Aula Philippi educatus est; gener & successor futurus. At Ludovicus XII. Galliae Rex, cum An. 1498. solium conscendisset, Philippum induxit, ut ei promitteret, nemini se desponsaturum Johannam, sine ejus praescitu. In Francica tum Aula vivebat Ludovicus de

---

(g) Monumentum ejus GUICHENONIUS exhibet *Histoire de Savoye* Tom. I. pag. 560. sq. Inscriptio haec est: „ Cy gist Marie fille du Duc Edme „ de Savoye & de Madame Yoland de France, Femme de haut & puissant „ Seigneur Messire Philippes de Hocberg, Marquis de Rothelin, Comte „ de Neufchatel, la quelle trespassa le XXVII. de Novembr. MD.

(h) GUICHENON loc. alleg. pag. 560.

Longovilla, nepos Johannis, filii naturalis Ludovici, Ducis Aurelianensis, qui Caroli V. Galliae Regis filius erat, junior natu. Ludovico huic Longovillano, confanguineo suo, Rex favens persuasit Philippo, ut matrimonium Johannæ cum Longovillano præferret.

#### §. XXXIV.

**E**nimvero in Burgundia Transjurana natus & educatus Philippus, linguæ & moribus affuetus Burgundicis, Sabaudicam quoque habens uxorem, Francico Principi maluit, quam Germanico, desponsare filiam, a Germanicis quoque moribus alienam; accedente desiderio placendi Regi Galliarum. Nuptias tamen nonnisi mortuo patre celebravit Johanna; (i) quæ ex paterna hereditate solum Neo-Comensem Comitatum cum Dynastiis S. Georgii & S. Crucis accepit. Brisgovicæ terræ ad Christophorum, Badæ Marchionem, vi pacti familiæ An. 1490. initi, transferunt. Lites ejus cum Johanna in Badensibus rebus exponimus.

Maritus ejus, Longovillæ Dux, Magnus Franciæ Camerarius, Gubernator Provinciæ, inter præcipuos Galliæ Proceres reputatus, in prælio contra Anglos An. 1513. in Picardia, An. 1515. ad Marignanum contra Helvetios captus, Anno 1516.

---

(i) Anno 1504.

decessit. (l) Titulo Marchionis *Rothelæ* usus est, Dynastia hac licet careret. Johanna vero, per totos XXVII. annos marito superstes, nonnisi An. 1543. in Burgundia decessit. (m)

## §. XXXV.

Ex matrimonio hoc notandus nobis est Franciscus, *Heredes.* Marchio de Rothelin, Novi Castri Comes, Gentis Longovillanæ continuator, natus An. 1513. in bellis Francisci I. contra Carolum V. athleta strenuus, qui quinquennio post matrem decessit.

Perstitit autem Novi Castri Comitatus in Longovillana Familia usque ad ejus interitum. Enimvero Franciscus, Novi Castri Comes, filium legitimum reliquit & spurium. Legitimus fuit Leonorus; cujus pronepos Joliannes Ludovicus, Gentis suæ postremus, Novi Castri possessor, Anno 1694. cælebs decessit. Illegitimus autem Francisci filius, Franciscus, Marchionis Rothelini nomen & genus ad nostrum usque ævum propagavit. (n)

## §. XXXVI.

Novi Castri Comitatus ergo, postquam Rudolphus & Philippus, *Saufenbergæ* Marchiones, per XLVI. annos eum

*Succes-  
sio  
Neoburg.  
contro-  
veria.*

G g g 2

(l) ANSELME *Histoire Genealogique de France* Tom. I. pag. 217.

(m) D. 21. Sept. in vico Burgundico *Epoiffes*.

(n) ANSELME loc. alleg. pag. 224.

rexissent, ad Longovillanos transivit. Scriptores, qui Brandenburgica in Novum Castrum jura A. 1707. defenderant, LUDEWIGIUS (o) atque GUNDLINGIUS, (p) non modo Friburgi Comites, sed & Saufenbergicos nostros usurpationis accusant; injuriam Domui Cabilono-Arausionensi ab utrisque illatam fuisse, aperte professi. Pro Saufenbergicis tamen eadem militaverunt arma, quibus antea Comites pugnaverant Friburgi; (q) quod ultimo possessori, cognato suo, proxime juncti, Burgundico more proximi fuerint heredes feudales; per feminas licet, quas Burgundica feuda admittunt, suum genus ducentes; feudumque adeo femininum ad Cabilono-Arausios, tanquam ad Dominos directos, non modo agnatis, sed & cognatis extinctis, demum possent redire.

Neque profecto negandum est, extincta Rolini profapia, quum collaterales cognati Comitatum Neo-Comensem adiissent, contradixisse Arausios, ad se tanquam Dominos directos pleno eum jure recidisse clamantes. Protestationem repetierunt Arausii, quum Comites Friburgi, quum Saufenbergæ Marchiones, quum Longovillani eundem Comitatum occupassent. Philibertus, Princeps Arausionensis, tum temporis minor cum fuisset ætate,

(o) JOH. PETR. de LUDEWIG in Libro, cui Tit. *Preussisches Neuburg* p. 106. sqq.

(p) *Historische Nachricht von Neuchâtel* pag. 15.

(q) Vide supra in Conrado, Comite Friburgi, pag. 158. sq.

mater ejus Bernensium contra Longovillanum imploravit auxilium. (r)

Verum enimvero irriti fuerunt omnes Arausiorum ad seculum usque nostrum conatus. Postquam enim omnis Longovillana, & masculina & feminnia, legitima soboles cum Maria, Henrici Ducis Nemorosii vidua, Anno 1707. periisset, Brandenburgi Elector, Borussiae Rex primus, per Ludovicam matrem, Henrici Friderici, Principis Arausionis, filiam jurium Arausionensium heres, Novo Castrensem Comitatum obtinuit & Brandenburgicæ suæ Genti vindicavit.

### § XXXVII.

Saufenbergæ Marchiones, Anno 1503. extincti, quum Rætelsen Dynastiam An. 1315. obtinuissent, appellari voluerunt *Marchiones de Hachberg, Dynasta in Räteln & Saufenberg.* (s) Rudolphus IV. Saufenberg. Dynastiam Badevillanam An. 1444. atque deinceps Comitatum Novi Castri A. 1457. cum suis terris junxisset, *Marchio Hachbergæ, Comes Neoburgi, Dominus in Räteln, Saufenberg & Badenweiler*, vocari solebat. Titulum

Tituli  
Familie  
Saufenberg.

G g 3

(r) LEU *Lexic. Helvet.* Tom. XIV. pag. 43.

(s) TSCHUDIUS in *Chron. Helvet.* Tom. II. Add. Charta apud Perillustr.  
SENCKENBERG de *Jure succed. proxima famina Illustr.* Num. XVI.  
pag. 35.



hunc Dynastiis quibusdam ex materna hereditate Burgundicis, uti vidimus, auxit. Axioma *Marchionis de Saufenberg* rarius occurrit. Legitur in Rudolphi & Ottonis Marchionum Charta An. 1336. in qua Marggravii Saufenbergæ & Domini in Roeteln dicuntur. (t) Ab Ernesti Marchionis temporibus invaluit usus tituli Landgravii in Saufenberg.

Insignia.

Ceterum Marchiones Hachbergicæ pariter ac Saufenbergicæ lineæ, & priores quidem constanter, uno eodemque cum Badenibus usi sunt Insigni. At Saufenbergica ante interitum suum scuto suo areolam Novo-Castrensem cum palo cantheriato adjecit.

Ita Hachbergicæ Periodo imponimus finem, eique appendicis loco subjungimus Brisgovici Landgraviatus Historiam, qui sub hac præsertim Marchionum Periodo viguit. Landgraviatum excipient Rœtelæ & Usenbergæ Dynastæ, quorum terræ Hachbergicis, ut vidimus, maximam partem acceperunt.

---

(t) *Wir Rudolf und Otte gebruders, Margrafen von Saufenberg und Herrn zu Roetelrn.*

LAND-

# LANDGRAVIATUS BRISGOVIÆ.



## §. I.

Indoles, migratio & fata Landgraviæ Brisgovicæ Introitus.  
difficillimam Civilis Historiæ Brisgoviorum  
constituunt partem; id quod in Landgraviatibus  
Alfaticis quoque suo loco (a) annotavi.  
Argumentum hoc ex Scriptoribus nullum aut debile, ex  
Diplomatibus & Chartis, quas undiquaque collegimus, præcipuum  
accipit lumen.

Conitivæ hæ Provinciales, Rheno tantum inter se distinctæ,  
simile exordium, similia decrementa habuerunt; tanta decrementa,  
ut Landgraviatum Brisgovicæ in ipso hodie Landgraviatu requiras.

Brisgovicæ Pagum ab Alfatia, Baselgovia & Augstigovia Brisgo-  
viæ limi-  
tes.  
Rhenus, ab Ortenavia amnis Bleicha, ab Alpigovia Silvæ Nigræ  
cacumina, apex denique ejusdem Silvæ ad Rhenum usque  
profiliens (b) a Basilea minoris agro determinat.

(a) *Alfatia Illustr.* Tom. II. pag. 12. & 126.

(b) Vulgo *Crenzacher Horn*, *Horn vom Schwarzwald*. Simili modo *Horn des  
Blauras*, apex Vogelii dicitur apud URSTIS. *Chron. Basil.* pag. 20.

Libertas

Brisgovia, ut omnis Suevia, libera semper fuit Imperii fine medio provincia, Ingenuis, Militibus, Liberis Dominis, Dynastis, Civitatibus & sacris Ordinibus plena. In ea plures erant Mansi, Curtes & Vici regales; silvæ, flumina, vestigalia, metallifodinæ; pristina fisci Cæsarei domania.

Magistratus.

Bellum administrare, pacem publicam conservare, politiæ totius provinciæ quovis modo prospicere, Ducis fuit officium, quem Brisgovia multis seculis cum Suevia & Alsacia communem habuit magistratum Imperii, non propria potestate pollentem. Jurisdictio autem commissa fuit Comiti, qui ab initio simpliciter *Comes*, inde *Comes Provincialis*, lingua patria *Landrichter*, frequentius *Landgrav*, dicebatur. Vir nobilis, pro arbitrio Regis constituendus & revocabilis Judex; donec temporis progressu Comitivæ illæ hereditariæ fierent, ab una stirpe vel linea transituræ ad aliam.

Periodi  
quinque  
Landgr.

Series Landgraviorum Brisgoviae in V. Periodos opportune dividitur. *Vagam* appellamus eam, quæ omnium prima est, quod ab initio Comitiva certæ non inhæserat Domui. Periodo vagæ *Zaringica*, *Hachbergica*, *Sausenbergico - Friburgensis*, *Badensis* suo quæque ordine successerunt. His enim quatuor Familiis, ex una Gente prognatis, Landgraviatus adhæsit.

EPOCHÆ

## E P O C H A V A G A.

## §. II.

In prima, quam novimus, Landgraviatus periodo San-  
Gallensium traditionum Chartæ (c) Provincialium Brisgoviae <sup>Comites  
sec. VIII.</sup>  
Comitum nomina ad primam usque Carolingorum Franciæ Regum  
ætatem servarunt. Hujus generis memorias seculo VIII.  
vetustiores non offert Brisgovia.

## C H A N C H A R O.

Anno 758. sub *Chancharone Comite* facta est S. Galli  
monasterio traditio bonorum in Pago *Brisfigaugensi*, in villa  
*Mulinheimo*.

## A D A L A R D U S.

Anno 765. Drutpertus quidam eidem monasterio prædia  
& mancipia quædam in *Zarduna*, Brisgoviae vico, (*Zarten*)  
sub *Adalardo Comite* donavit.

---

(c) In *Genealogiæ Habsburgiæ* HERRGOTTI Diplomático Codice.

## U D A L R I C U S.

Anno 789. res quædam in Pago *Brifagauge*, in loco *Eboringa* (Efringen) sub *Comite Oadalrico* San - Gallenfibus traditæ sunt.

## B E R T O L D U S.

Anno 794. in pluribus *Brisgovia* locis, bona sua *Bertoldus Comes* iisdem *Monachis* conceffit.

## §. III.

## W O L W I N U S.

Comites  
fec. IX.

Anno 805. enunciatur *Wolwinus Comes* in literis, quibus bona in *Prifagauge*, in marcis *Selidon* & *Antparinga* (Selden & Ampringen) San - Gallenfes dono acceperunt.

## U D A L R I C U S.

Anno 806. *Charta* donationis bonorum, in Pago *Brifagauge* fitorum, confcripta in villa *Scrozzinga* (Crozzingen) sub *Oadalrico Comite*.

## A R C H A N G A R I U S.

Anno 817. sub *Archangario Comite* pars ecclesiæ in *Zartunu* (Zarten) cum aliis rebus *S. Galli* cœnobio tradita est.

## K E R O L T U S.

Anno 837. Ramingus quidam in Pago *Priffaugenſe* quidquid in villa *Haholtinga* (Haltingen) alibique juris habuit, eidem monaſterio adſcripſit, ſub *Kerolto Comite*.

## A L B E R I C U S.

Anno 856. alia ad Zartunam Abbatiae San-Gallenſi facta eſt donatio, ſub *Albricho Comite*; quem plura S. Galli Inſtrumenta ab An. 862. ad 865. Pagi *Briſigauge* Comitem nobis manifeſtant, ubi *Albericus* & *Albarichus Comes* notatur.

## C A R O L U S.

Anno 872. Remingus & Engelrammus fratres, quidquid in *Buabiliniſwilare* habebant, San-Gallenſi Abbatiae tradiderunt, „ anno XXXIII. Hludovici Regis & ſub filio ejus Karolo, „ Rectore ejusdem Pagi, in quo praefatae res ſitae ſunt, id eſt, „ *Prifcowe*.

## §. IV.

## W O L W I N U S.

In loco *Tuomaringa*, in Pago *Prifahgewe*, *Wolvine* Comites ſec. X. *exiſtente Comite* An. 890. facta eſt bonorum traditio, & octennio

post *Rotileim* locus (*Rörteln*) in *Brisghorve Comitatu Wolfuni*, qui idem ac *Wolwinus* esse videtur, ab Arnolfo Imp. ponitur; imo sub *Wolfilino Comite* Luitfridiana S. Trudperti Charta donationis conscripta est An. 903.

### A D A L B E R O.

Sub Comite Adalberone S. Galli Abbatia res in Pago *Prisgaugense*, in villa *Witereswilare*, An. 909. dono accepit.

### B E R N O L D U S.

Sub Bernoldo Comite in publico mallo, in oppido, quod dicitur *Chinichdorf* (*Kinstorf*) coram cuncta frequentia populi utriusque provincie, tam *Mortinove*, quam *Brisghovia*, lis diremta est inter Monasteria Etenheim & Waldkirch. Bernoldus itaque utrique provincie, Ortenaviae & Brisgoviae, praefuisse videtur Comes. Acta sunt haec An. 926.

### L U D O L F U S.

Ottonis I. Regis Germ. filius Pago Brisgoviae praefuit Comes, ut Ludovici Germ. filius, Carolus Crassus, Imperator deinceps, eidem praefuerat. Testem hujus rei habemus ipsum Ottonem, in Diplomate An. 952. quo locum *Liclahe* in Pago *Brisachgowe*, in Comitatu filii nostri *Liutolfi*, Einsidensi Abbatiae

concessit. Ludolfus tum Alemannie & Alfatie Dux quoque erat. (d).

## B I R T H I L O.

Anno 968. *Pirihitone Comite* Monasterium S. Truderti in Brisgovia cum San - Gallensi concambium bonorum iniit. Prædium *Scaleja* sive Schelingen in Pago *Briffigowe* & in Comitatu *Birtilonis Comitis* situm, Otto III Imp. Anno 990. Wormatiensi Ecclesiæ donavit. Alias de Birtlilouis hujus Comitatu probationes usque ad An. 975. dedimus supra.

## §. V.

## B E R T H O L D U S.

Anno 1004. Henricum II. Imp. Sulzbergenfi Cœnobio <sup>Comites</sup> in loco Rincka, in Pago *Brifigowe*, in Comitatu *Bertholdi* <sup>sec. XI.</sup> mercatum concessisse, superius quoque indicavimus.

## A D E L B E R O.

Anno 1005. Henricus II. Rex Germ. prædium in Pago *Bryfighowe* & Comitatu *Adelberonis Comitis* Præposito Ecclesiæ Basil. donavit. Eundem Comitatum *Adalberonis Comitis* in Pago *Prifcheune* Pirtelo in Charta Sulzbergenfi An. 1008. memorat.

H h h 3

---

(d) *Alfatie Illustr.* Tom. II. pag. 541.



## EPOCHAZARINGICA.

## §. VI.

## BERTOLDUS.

Bertoldus  
 filius Her-  
 manno.

Primum hunc Provinciæ Comitem in secunda, quam *Zaringicam* voco, Brisgovici Landgraviatus periodo reperimus.

Anno 1028. Conradus II. Imp. Ecclesiæ Basil. mineras argenti dedit in Comitatu *Bertholdi* & in Pago *Brifichgowe*.

Ejusdem Comitatum in Pago *Bryfihgowe* prodit Diploma Henrici III. Imp. An. 1048. ut supra ostendimus. Bertoldus hic brevi post, quam titulum Ducis sumisset, in filium suum Hermannum Comitis axioma transtulit; unde Hesso Brisgovix Dynasta An. 1052. domum & Cappellam fundasse legitur *Duce Bertoldo, Comite Herimanno*. Hermannus non suo, sed paterno nomine, Comitatum administrasse videtur, uti beneficio Cæsaris eum Bertoldus possedit, qui cum Henrici IV. Imp. gratia deinceps excideret, hoc quoque exutus est Comitatu. A. 1077. profecto Cæsar „quendam Comitatum situm in Pago Brisgowe, Bertholfo „ jam non Duci, justo judicio sublatum, cum omnibus appenditiis „ legum, „ Ecclesiæ Argent. donavit. Cum vero Comitatus Brisgovix in potestate Zaringensium, ut ex sequentibus patebit, permanferit, nec ullum vestigium compareat, ex quo inferre

possimus, Argentinensem Episcopum Comitivæ Brisgovicæ jura exercuisse, Cæsaream hanc donationem, aurea licet Bulla munitarū, effectū caruisse censemus. (e)

## §. VII.

## H E R M A N N U S.

Anno 1087. locus, qui dicitur *Cella*, situs in Nigra Silva, Herman-  
nus II.  
Marchio. in Pago *Brisgowæ*, in Comitatu *Herimanni Comitis*, Cluniacensi Ecclesiæ a Burcardo Episcopo Basil. per concambium traditus est. Chartam concambii testes signarunt *Bertolfus Dux*, *Herimannus Comes*, patruus & ex fratre nepos. Ita Hermannus II. Marchio Comitatu Brisgovicæ præfuit, sub patruo Duce, uti Hermannus I. eundem rexerat sub patre.

## §. VIII.

## B E R T O L D U S.

Anno 1120. Bertoldus III. Dux Zaring. novæ suæ Civitati Bertol-  
dus III.  
Dux Za-  
ring. Friburgenfi privilegium dedit, ut omnis civis, volens inde recedere, rerum & corporis usque in medium *Rhenum* & per totum sui Comitatus ambitum, securitatem habeat, Domino conducente. Comitatus hic intelligitur Provincialis Brisgovicæ. In Comitatu

(e) Vide supra in Bertoldo I. pag. 55.

*Brisgavia* cunctas venationes & argentifodinas Ecclesiae Basil. confirmat Innocentius II. Papa An. 1139. (f) ubi Claustrum de Sulzberg, Haltingen, Hystein, Chilchoven, Stouffen, Ampringen, Oeristetten, Opfingen, Zeringen, Bisehovingen, Brifach, aliaque loca Brisgoviae commemorantur.

## B E R T O L D U S.

Bertoldus IV.  
Dux.

Vivo patre Conrado, Duce Zaring. & Rectore Burgundiae, Bertoldus IV. inter Comites A. 1139. relatus, Brisgoviae Comitatum administravit. Majoris placiti, in ipsa regione apud vicum Ofmenningen ab eo congregati, expressa mentio fit in Charta San-Petrina illius anni; cujus S. Petri in Nigra Silva Advocatiam, in Zaringia gente hereditariam, Bertoldus Comes tum quoque eum Landgraviatu possedit. (g) Idem postea, mortuo patre, An. 1169. causam de jure patronatus ecclesiarum aliquot Brisgoviae judex decedit. (h)

(f) HERRO. *Genealog. Habsb.* Tom. II. num. 217.

(g) Vide in Bertoldo IV. Zaringiae Duce supra §. II. pag. 124.

(h) Ibidem §. XVI. pag. 142.

---

*EPOCHÆ HACHBERGICÆ.*

## §. IX.

Tertia Periodus, quam *Hachbergicam* appello, Linea Zaringica Ducali extincta, suum capit initium. Tū enim Epoche  
hujus  
initium. Marchionum Bada-Hachbergenſium Linea, quæ junior fuit, in Landgraviatu Briſgovix, ut in Judiciario Imperii feudo, ad feminas non tranſeunte, ſucceſſit; quod Chartarum illius ævi nos docet auctoritas.

In tranſactione cum Abbacia S. Blaſii ſuper montem Sauſenberg, quæ An. 1232. facta, Marchio Henricus junior jurato promiſit, „ ut nihil omnino præter ſervitium temporibus B. Ducis „ ſolitum per ſe vel per ſuos exigat vel percipiat de curtibus „ eccleſiæ S. Blaſii in Briſgaugia conſtitutis. „ Indicant hæc ſucceſſionem Badenſium Marchionum in Bertoldi V. Ducis Zaringiæ feudalibus Briſgovix jura; quod allodialium hereditas ad Bertoldi ſorores omniſ tranſiit. Non aliud proſecto excogitaveris feudum, cui univerſæ S. Blaſii per Briſgoviam poſſeſſiones obnoxix fuerint,

præter Comitatum Provincialem, quem Hachbergenſes Marchiones conſtanter adminiſtrarunt. (i)

Videtur quoque huc referri debere ſententia Henrici Regis Rom. An. 1234. in Curia Principum Francofurti pronuntiata, qua Hermannus Marchio Eginoni, Comiti Friburg. de argentifodinis & cuſtodiis ſilvarum Briſgovie litem movens, cecidit cauſa. (l) Regalia iſta jura, quæ feudo ſuo Landgraviatus inhære crediderat Marchio, Cæſarum liberalitate ad Episcopum Baſil. hujusque inveſtitura ad Friburgi Comites pedetentim pervenerant.

Comitatus autem Briſgovie, quamvis poſt Zaringie Ducum interitum ad Bada-Hachbergicos Marchiones ſpectaverit, nullius tamen Landgravalis eorum actus, ante Rudolphi I. Imp. ætatem, memoria extat. Turbatis toto fere ſec. XIII Germaniæ rebus non judicio diſceptatum, ſed armis, donec folium Imperiale Anno 1273. conſcendit Rudolphus.

---

(i) STAFFIUS in *Vindictis Superioritatis Auftriæ*, An. 1721. Friburgi editis, pag. 18. Landgraviatum Briſgovie a Zaringis ad Friburgi Comites, non ad Hachbergie Marchiones, quos præterit ſilentio, perveniſſe ſcribit.

(l) GOLDAST *Catholicon rei monet.* pag. 101. DU MONT *Corps Diplôm.* Tom. I. Part. I. pag. 173.

## §. X.

H E N R I C U S   I I .  
M A R C H I O .

Anno 1276. die Merc. post S. Galli Marchio Heinricus de *Hahperg*, Landgravius *Brisgoviaë*, <sup>Judicia varia Landgr.</sup> Judicio provinciali habito, cives Friburgenses a jurisdictione sua Landgraviali Cæsarum privilegiis inmutones esse professus est. Eodem anno die Merc. ante festrum Nativ. Mariæ, Brombaci, Dynastiæ Rœtelanæ vico, Henricus ille Marchio Judicium aliud provinciale in eadem causa habuit. (m)

An. 1279. nobilis vir H. Marchio de *Hahper* a Rudolfo I. Imp. Vindobonæ pro tribunali sedente, obtinuit decretum, ut in nulla *Comicia* sive Landgraviatu absque Comitibus seu Landgravii consensu castrum vel alia quævis munitio ædificari liceat. Ufos hac sententia Marchiones Hachbergæ, ut Landgravios *Brisgoviaë*, exempla, quæ inferius produco, docent.

Anno 1289. Rudolfus I. Imp. Basileæ commoratus, lites inter Eginonem, Comitem Friburg. atque civitatem hujus nominis agitatâ componens, Argentinensis & Basiliensis Episcoporum,

I i i 2

---

(m) Tabular. Civit. Friburg.

nec non Heinrici, Marchionis Hachbergici, Judicis provincialis Brisgoviae, (n) consiliis usus est.

## §. XI.

HENRICUS III. ET RUDOLFUS I.  
F R A T R E S.

Judicia  
alia  
Landgr.

Anno 1296. Henricus & Rudolfus, fratres, Marchiones Hachbergæ & Brisgoviae Landgravii nominantur in Charta, in qua Ulricus de Eystatt, ipsorum nomine Teningæ pro tribunali sedens, feuda intra anni spatium per investituram non recepta, ad Dominum directum redire debere, pronuntiavit. (o)

Fratres hi, quorum ille Hachbergenfis, hic Saufenbergicæ Linæ fator, conjunctim & indivisim tum Landgraviatum possidebant.

(n) Rudolfus in Charta compositionis Henricum Marchionem vocat *des eidilten Herrin von Gottesgnaden Margravin Heinrichs von Hachberg der Lantrichter ist in Brigsöer*. Vid. LEX. BASIL. voce *Hachberg*.

(o) Charta hæc ad An. 1226. ponitur, errore 70. annorum. Unde Henrico patri & Rudolfo filio attribuere Scriptores, quæ attribuenda sunt fratribus, Autographum Chartæ, ipso Henrici Marchionis de Hachberg sigillo firmatum, extat in Tabulario Bada-Durlac. Anachronismus iste irreptit in scriptum, cui Tit. *Oesterreichische Beantwortung der Bayrischen Ausführung, zweiter Absatz pag. 58. 59.*

An. 1398. *Heinricus Margravius de Hahperg, Landgravius Brisgovia*, die Merc. post S. Mariæ Magd. iudex sedit in Waldkirch, quum Wilhelmus Dynasta Schwarzenberg. una cum conjuge sua & curatore ejus, Egone Comite Friburg. curiam suam in Teningen vendidit.

Anno 1305. idem Henricus Landgravius iudicium & adventitios homines Tenzlingæ Rudolfo Turnero, Militi Friburg. ejusque fratri Johanni, in subfeudum Landgraviale contulit; annoque sequenti iudicio feudali, Burghemii ad Rhenum habito, Johannem de Spanegke, Spenlini filium, contumaciæ damnavit, accusante eum Rudolfo Marchione, Henrici fratre.

Anno 1309. Walramus, Thiersteinensis Comes, provinciale iudicium celebravit Sliengæ, nomine Rudolphi Marchionis, Landgravii Brisgovia, cui ipsi Walramus Castrum *Spanegke*, vicum Ychtingen, aliaque bona addixit. (p)

## §. XII.

## HENRICUS III. ET RUDOLFI I.

## F I L I I.

Anno 1314. *Heinricus Margravius*, suo & Rudolphi, Castrum  
fratris sui nuper defuncti, filiorum nomine, Landgraviale Schne-  
feld. ex-  
tractum.

I i i 3

---

(p) Confr. supra Hachberga - Saufenberg. pag. 378.



---

potestatem exercens, Conrado Diet. Schnevelino permisit, ut in omni Brisgoviae parte, terris Marchicis tantum exceptis, vel in montibus vel in convallibus, planisque castrum exstrueret. Charta data Friburgi. Schnevelinus, hac munitus Landgraviali licentia, Hachbergam inter & Emmedingam munimentum condidit *Schnefelden.* (q)

Post hæc solos Hachberga - Saufenbergicæ Lineæ Marchiones, a Rudolfo I. ejus auctore, descendentes, exclusis Hachbergicis, Heinrichi III. posteris, Landgraviatum Brisgoviae tenuisse reperio. Unde conjicimus, in divisione Linearum Hachbergicos eum reliquisse juniore. Henricus junior certe, Rudolphi I. filius, Marchionis Hachbergici & Dynastæ Rœtelani nominibus titulum *Landgravi* constanter adjecit. Hic ipse quoque Rœtelanam An. 1315. cum accepisset Dynastiam, Friburgensibus primus Landgraviatum An. 1318. oppigneravit.

---

(q) *Hod. Weyer-Schlofs.*

*EPOCHÆ SAUSENBERGÆ  
FRIBURGENSIS.*

§. XIII.

Quarta Periodus, quam *Sausenbergæ - Friburgensem* nominamus, cum Friderico I. Comite Friburgensi incepit.

Rudolfus I. Marchio, Lineæ Sausenbergicæ auctor, Landgravius  
præter tres filios Henricum, Rudolfum, Ottonem, filiam quoque oppigneratio.  
reliquerat Annam, quam Fridericus, Comes Friburgensis, cum  
promissa 700. marcarum argenti dote An. 1318. duxit uxorem.  
Henricus, Annæ frater, parata pecunia dotem Friderico cum  
solvere non posset, Landgraviatum Brisgoviæ ei & patri ejus  
Conrado oppigneravit, & quidem antichretico jure. (r)

Oppigneratio facta I. consensu fratrum Henrici, Rudolphi  
& Ottonis, quin etiam patrum eorum, Henrici III. Hachbergæ

---

(r) Edita hæc Charta in Diatriba, cui Tit. *Oesterreich. Beantwortung contra Bayern*, Part. II. pag. 59.

Marchionis, ac filiorum ejus. II. Oppigneratus est Landgraviatus Brisgoviae cum vassallis, judiciis, juribusque universis. III. Pretium pignoris fuerunt septingentae argenti mixti marcae, Friburgensis valoris. IV. Evictio promittitur Comiti, praestanda per obstagium in urbe Friburgo. V. Reluctio oppignerantibus solis eorumque heredibus, Landgraviatum sibi servaturis, permessa. VI. Additur memorabilis conditio, ut vici Landgraviales, in Saufenbergae Marchionum potestate mansuri, ab Imperio, non a novo Landgraviatus possessore, Comite Friburgi, in posterum acciperentur in feudum, iisdemque possiderentur juribus, quibus alii Brisgoviae Nobiles à Landgraviatu vicos tenerent.

#### §. XIV.

Landgraviatus  
divisus.

Apparet hinc, & ex sequentibus luculentius apparebit, non omnem Landgraviatum, sed illas modo ejus partes Comitibus Friburgi fuisse oppigneratas, quae extra Hachbergae & Saufenbergae Dynastias sitae fuerunt. Duas ergo ob causas titulo Landgraviatus Brisgoviae, post oppignerationem quoque, Saufenbergici Marchiones utebantur. Primo, quod Landgraviatus oppigneratus modo fuerat, non alienatus. Secundo, quod jura Landgraviatus in terris suis sibi servarunt Marchiones oppignerantes, adeoque in illis manserunt Landgravii; solutis Comiti Friburg. 700. marcis argenti ad omne exercitium Landgraviale redituri.

In

In Charta An. 1327. data Gebvilæ in Alsatia, Rudolfus & Otto Marchiones, Annæ fratres, diserte *Landgravii Brisgovie* vocantur. Henricus de Sliengen, Scultetus Basil. in solenni quodam Instrumento An. 1333. eosdem hoc titulo fratres exornat.

## §. X V.

Oppigneratus autem Landgraviatus feudum cum esset Imperii, opus erat confirmatione Cæsarea, quam Ludovicus Bavarus An. 1334. impertivit Überlingæ, ubi Landgraviale iudicium Comiti Friburg. Friderico exercendum tradidit, donec Marchiones Hachberga - Saufenbergici debitas 700. marcas ei perfolverint. Anno sequenti, mortuis jam Henrico oppignerante & Anna sorore ejus, Rudolfus & Otto, fratres, promissam An. 1318. evictionem tertio, postquam moniti fuerint, mense præstituros se polliciti sunt. Plenariam Landgraviatus Brisgovici cessionem ex evictione hac nemo eliciat.

Oppig-  
neratio,  
confir-  
matio.

## §. X V I.

Anno 1336. Fridericus, Friburgi Comes, patri suo Conrado partem suam (s) Landgravalis iudicii per triennium reliquit, ita tamen, ut dimidiam emolumentorum ejus partem

Fribur-  
genes  
Conradus  
& Fridericus.

(s) *Als verre als es mich anköret.*

servaret, quam etiam concessurus erat patri, si forte hoc ipse celebraret iudicium.

Marchio-  
nes Ru-  
dolfus &  
Otto.

Anno 1346. Rudolfus & Otto Marchiones vicum *Nider-Eggenheim*, ad Barones de Krenchingen tum spectantem, in Dominio Saufenberg. & Landgraviatu suo situm esse dicentes, iudicia publica ibidem sibi vindicarunt. Res ad arbitrum delata, Conradum a Berenfels, qui definito tempore probationem & testimonia a Marchionibus proferri postulavit. Decennio post Otto Donini in Sufenberg & *Landgravi Brisgovia superioris* titulum assumpsit; (t) quum iussu ejus iudicium provinciale Thannenkirchæ haberetur. (u) Saufenbergicæ enim terræ in superiore Brisgovia sitæ sunt.

## §. XVII.

Egenol-  
IV  
Friburg.

Anno 1359. in vigilia S. Ulrici Egeno Comes Friburg. & Landgravius Brisgovicæ, Friderici defuncti frater, Snevelinos, Valckensteinios & Morferos de vicis *Betzingen* & *Schaffhausen* Friburgi investivit. Charta munita fuit sigillo *Egenonis Comit. in Friburg, Lantgravi Brisgandie*; unde feuda hæc Landgravialia

(t) *Marggraff Otte von Hochberg Herr zu Sufenberg und Landgraf in Oberem Brisgouwe.*

(u) An. 1356. *Ein offener Landtage zu Thannenkilche uffen der Herrschaft eygen u. in sine Landgericht.*

tum fuisse colligimus. Egeno enim, feuda Friburgensia conferens, titulo *Landgravi* abstinere solebat. Eodem anno, die Jovis ante Palmas, a Carolo IV. Imp. de Brisgoviae inferioris Landgraviatu Moguntiae investitus est Egeno. (x) At anno sequenti Landgraviatus universi investituram obtinuit. (y)

Cæsar in concedendis privilegiis nimium, ut omnes norunt, liberalis, duas has investituras, sibi contrarias, dedit. Anno enim 1318. in Charta oppignerationis Marchiones Hachberga-Saufenbergici Landgravialia, in terris suis Marchicis, jura sibi diserte reservaverant, & ob id ipsum Landgravios se superioris Brisgoviae vocarunt. Distinctionis in superiorem & inferiorem Landgraviam origo hinc prognata videtur. Antiquiora enim hujus distinctionis vestigia nullibi occurrunt.

## §. XVIII.

Anno 1368. Friburgum sui juris factum libertatem accepit, jura sua vendente Eginone IV. Comite, paucos post menses tamen Austriæ Ducum subjicienda imperio. (z) Friburgum venditum, non Landgraviatus LEXICI BASIL. auctores (a) Comitem Hugonem An. 1367. Brisgoviam Austriacis

K k k 2

---

(x) MALDONER in *Hist. Ms. Brisgovia*, ex Archivo Friburg.

(y) GLAFEY *Anecd.* n. 205. HERRG. *Genealog. Habsh.* Tom. II. n. 117.

(z) Vid. in Comit. Friburg. supra pag. 252. sq.

(a) In verbo *Brisgan*.

vendidisse scribunt. Scribere debuissent, Eginonem An. 1368. Friburgensibus ipsis vendidisse Friburgum. Approbat tamen hæc verba anonymus Scriptor, (b) additque Imperio damnosum tum fuisse creditum, si Landgraviatus Brisgovie a Friburgo distraheretur. Subjungit porro, Leopoldum Austr. An. 1370. Rudolfo Badensi Advocatiam commisisse Brisgovie. At Landgraviatus ab Advocatia semper fuit diversus. Landgraviatum a Comitatu Friburgi diserte distinxit, sibi que servavit Eginus, quum valediceret Friburgo. (c)

Friburgenses, empta a Comite suo libertate, Leopoldo Austr. sese tradiderunt, qui jura Comitis Friburg. adeptus est, sed non jura Landgravii, Landgraviatus cum non potuerit vendi; quem Comites jure antichretico a Marchionibus Hachberga, Marchiones ab Imperio jure feudi tenuerunt.

Anno 1379. Advocatus provincialis Austriacus Brisgovie, Waltherus a Dica, Marchionis Hachberga-Sausenbergici subiectos, in Keppenbacensium Militum ditione habitantes, tribus ejusdem

---

(b) *Oesterreich. Beantwortung contra Bayern* pag. 65.

(c) His verbis: „vorbehebt u. ausgenommen die Landgraffschaft in Brisgow „mit der Mannschaft u. mit allen iren Rechten.“ Anonymus allegatus pag. 62. exceptionis hujus verba sequentia omittit: *in Brisgow mit der Mannschaft.*

Marchionis Judicii annis Provincialibus obnoxios esse pronuntiavit. (d)

## §. XIX.

Anno 1395. memorabilis illa Landgraviatus Brisgoici in subfeudum conversio contigit. Pridie Kal. Aug. Conradus, Comes Friburgi, sororis suæ Annæ maritum, Rudolphum, Marchionem Hachberga - Saufenbergicum, Landgraviatus, a majoribus ejus, titulo pignoris, ut ipse fatetur, ad se delati, heredem absque ullo onere instituit, si post mortem suam nullam prolem reliquerit. Paulo post (e) Conradus, secum ipse mente revolvens, quod septingentæ illæ marcæ, pro quibus facta Landgraviatus oppignratio, ex diuturna ejus possessione abunde perceptæ sint, in judicio Civitatis Neoburgensis ad Rhenum pignus istud Rudolfo Marchioni sponte ac libere reddidit. Rudolfus eadem die & loco vicissim Landgraviatum in subfeudum contulit Conrado. Ita oppignratio in feudum conversa est; eo forte consilio, reditum ejus ad se suosque certiorum ut redderet Marchio.

K k k 3

(d) Mentio hac in Charta fit suppliciorum, quæ in terris Saufenbergicis de damnatis ad mortem sumebantur, tribus in locis, zu dem Gestal, zu der Hartheichen, zu dem Kefferholz.

(e) Septembris initio.



Conventum est etiam, ut singulis annis die S. Jacobi coerulei coloris accipitrem (f) Domino directo offerret Vassallus.

## §. XX.

Investi-  
tura Mar-  
chionum.

Anno 1401. Rupertus Imp. eundem Marchionem Rudolphum de Landgraviatu Brisgoviae cum Judicio Provinciali, banno sanguinis, vassallis ac reliquis juribus, in quibus jus retinendi ac persequendi ecclesiarum & monasteriorum homines proprios, rite investivit. (g) Similem investituram Marchioni Sigismundus Imp. An. 1417. triennioque post Marchio Conrado Comiti ejusdem Landgraviatus subinfeudationem concessit. Sed & An. 1429. à Sigismundo idem Marchio Rudolfus cum filio suo Wilhelmo novam investituram obtinuit.

Hæc omnia facta sunt vivis Friburgi Comitibus, qui vendito Friburgo Landgravii inferioris Brisgoviae permanerant. Landgraviam enim a Marchionibus in subfeudum tenere.

## §. XXI.

Lites.

Anno 1424 inter Marchionem Hachberga-Saufenberg. ac vicos nonnullos alienæ ditionis, in superiore Brisgovia sitos, lite

(f) Einen blauen Habbich.

(g) SCHILTERI Institut. Juris publ. Tom. I. pag. 88.

exorta, constituti sunt arbitri. Burcardus Munch de Landseron, Dietericus de Amplo Molendino, Ulmannus de Pfirt, alique; qui auditis testibus statuerunt, judicia capitalia intra septa (*h*) vicorum *Schliengen* & *Steinenstatt* ad scultetos eorum & incolas; extra septa vero ad Marchionem spectare, ut Landgravium *Sausenhartæ*, (*i*) id est, superioris Brisgovie; imo damnatos a sculteto & incolis eidem Marchioni ad supplicium tradendos. Renovata deinceps controversia, sententia hæc a Senatu Basil. An. 1458. ut arbitro firmata est.

## §. X X I I.

Hoc ipso anno inferioris quoque Brisgovie Landgraviatus morte Johannis, Comitum Friburg. postremi, ad Marchiones Hachbergenfes, dominos directos, redierat. Recapitulatio.

In quarta ista periodo, quæ *Sausenbergo-Friburgica* est, quæque ab Anno 1318. usque ad Comites Friburgenfes An. 1458. extinctos, adeoque per 140. annos duravit, tria temporum annotamus momenta.

---

(*h*) Germ. *Elter*.

(*i*) In Actis hujus litis Marchio sæpius *Landgraf am Sausenhart* dicitur. Brisgovie superioris & inferioris collimitium ad Augenam vicum est. Quæ infra hunc limitem, simpliciter *Hart*, quæ supra, *Sausenhart*, id est, Harta meridionalis dicitur. Acta hæc Ms. in Tabulario Bada-Durlacensi extant.

Primum est Landgraviæ oppignratio, quod Anno 1318. evenit.

Secundum est An. 1395. quo oppignratio Landgraviatus inferioris a Marchionibus in subfeudum mutata.

Tertium est An. 1458. quo, extinctis Friburgi Comitibus, Landgraviatus inferior, illis in subfeudum concessus, ad dominos directos, Marchiones nempe Saufenbergicos, rediit. Saufenbergicis autem An. 1503. extinctis, ad Badenses Marchiones, proximos nempe agnatos, cum Saufenbergicis, quibus adhæserat, terris transivit.

### §. XXIII.

Ærocha  
Badensis.

Itaque ab Anno 1503. quo Landgraviatus ad Badenses pervenit, constituenda foret ejus periodus quinta, nisi omnis ejus vis & auctoritas sub hac ipsa periodo pedetentim expirasset; quod & Alfaticis antea Landgraviatibus, aliisque apud Germanos evenit. (1) Crescente enim Statuum illius Regni potentia, jurisdictio ad Proceres translata & nova Imperii Tribunalia instituta sunt; unde Landgraviales mali paulatim neglecti, denique omnino concenterunt.

Nec silentio transeundum, quod An. 1478. Sigismundus Archidux a Rudolpho, Hachbergæ Marchione, petiit, ut ostenderet, quo

---

(1) De decrementis & extinctione Landgraviatum Alfatice vide *Ajattia Illustrat.* Tom. II. pag. 127. & 133.

quo jure Landgraviatum Brisgoviae & Dynastiam Badevillæ possideret. Utrumque Rudolphus demonstravit Friburgi. (m)

Quum extinctis Hachberga-Saufenbergicis, agnatis suis, successissent Badenses, Christophorus omnes Badensium terras possidens solus, tres Domus suæ Lineas condidit, quæ morte Philippi redactæ ad duas; quarum fatores erant Bernhardus atque Ernestus. Hic Lineæ Bada-Durlacensis auctor *Landgravi in Saufenberg* titulo primum uti cœpit in Literis, quas ad Carolum V. Imp. An. 1522. scripsit, in quibus contra Ensisheimense Regimen querelas instituit. (n) Ab hoc tempore continuatus est hujus tituli a Badensibus usus. Ferdinandus Archi-Dux nomine fratris sui Imperatoris respondit, atque in Literis (o) eodem titulo ornavit Ernestum. Postea temporis tamen Austriaci Marchionibus hac super re litem moverunt.

Ceterum Brisgovia a seculi XIV. temporibus in Austriacam & Badensem cœpit distingui. Postquam enim Habsburgici in

---

(m) Reperiuntur hæc in Codice Tabularii Bada-Durlacensis, ejus rubrum: *Acta die Landgraffschaft in Brisgau betreffend.*

(n) Formula hæc erat: *Marggraf zu Baden und Hachberg, Landgraf zu Saufenberg, Herr zu Roteln und Badeweiler.*

(o) Literæ scriptæ sunt Moguntiae d. 5. Maji 1522.

Alfatiae, Helvetiae & Austriae partibus opes suas immensum extenderant, in Brisgoviam denique seculo XIV. ex Alfatia transgressi, Brisaco, Friburgo, Neoburgo, aliisque oppidis, castris & terris suae Domui adquisitis, confanguineos ibi suos repperunt Badenses.

#### §. XXIV.

Landgraviorum  
jura.

Synopsis rerum, quas ex monumentis chronologico ordine huc usque protulimus, docet, fuisse tempus, quo Brisgoviae Landgravius, uti Landgravii Alfatiae, jurisdictionem civilem, capitalem, (p) atque feudalem (q) exercuit. Mali Landgraviales habiti sunt Brombaci A. 1276. Tenningae A. 1296. Waldkirchae A. 1298. Burghemii ad Rhenum A. 1306. Sliengae A. 1309. Tannenkirchae A. 1356. & alibi, prout opportunum videbatur Landgravio. In superiore Brisgovia Saufenbergici Marchiones judicium Landgraviale ante castrum Roetelenfe in area subdivali frequenter habuerunt, quod a loco *Kapfgericht* fuit nuncupatum.

Exinctis Sueviae Ducibus, securitatis publicae cura quoque commissa Landgraviis; sine quorum consensu nullum in

(p) Vid. ad An. 1424.

(q) Ad An. 1296. & 1309.

Brisgovia castrum ædificare licebat, ut Rudolphus I. peculiari  
Diplomate Anno 1279. stabilivit.

Landgravio insuper Jus conductus per provinciam, jus  
naufugas in Rheno naves cum mercibus fisco addicendi, (r)  
aliaque jura competeant.

Qualiscunque autem fuerit Landgraviorum veteris ævi  
potestas, illa sane progressu temporis iisdem gradibus pedetentim  
descendit, quibus Principum, Comitum, Nobilium atque  
Civitatum Germaniæ suprematus, superioritatem territorii quem  
vocant, ascendit; postquam nempe singuli Status in terris  
suis devenere Laudgravii.

Pro Insignibus Landgraviatus Brisgovie a multis habitus  
fuit. leo ruber cum aurea corona in argenteo campo. Sed Insignia  
Land-  
grav.

L l l 2

---

(r) Jus hoc Anno 1419. exercitum est in naufraga bona navis Waltheri de  
Andlau; & agnitum ab arbitris inter Episcopum Basil. & Marchionem  
Hachberge Anno 1424. Germani jus hoc *Strandrecht*, *Grundrühr-  
recht* & simpliciter *Grundrühr* vocarunt; quod non in Germania  
modo, sed & apud alias invaluit gentes.

erronea opinio hæc est. Leo enim primum fuit Zaringorum Insigne. (s) Christophorus ex Marchionibus primus Insignibus suis Badensibus hunc leonem adiecit, postquam Saufenbergicam hereditatem adierat. (t)

---

(s) Vide supra in Zaringicis pag. 195.

(t) Leo in Insignibus Badensibus primum occupat locum; Ufenbergica autem ala secundum.



DYNA-

T A B U L  
S T E M  
T A R U M R

CUS I de Rütenlein Advocatus Ec

• THEDERICUS II. de Rætelei

† 1213. TIETRICUS III. de 1

233- DIETRICUS IV.  
ovo Nobilis Anno

LUTOLDUS Ca-  
nonicus Con-  
stant. 1229.

Rütenlein  
03-

LUTOLDUS  
Bafil. † 1315

1290.





Anno 1185. Ludovicus (forte Lutoldus) de Rotenleim Chartæ, Turici conscriptæ, nomen dedit. (e)

Anno 1187. *Tietricus de Rotenleim* in Diplomate Bertoldi, <sup>Tietricus III.</sup> Zaringiæ Ducis, Ecclesiæ Turicensi dato, allegatur, (f) qui Tietricus III. fuisse videtur, ab illis distinctus, qui in superioribus Chartis memorantur.

### §. III.

Anno 1191. Lutoldus de Rœtenleim, Ecclesiæ Basil. <sup>Episcopi</sup> Præpositus, Henrico Episcopo, qui cum Friderico I. Imp. in <sup>Basil.</sup> Oriente extinctus est, in Episcopatu hoc successit, usque ad An. 1213. superstes. (g)

Secutus est eum in Episcopatu Basil. Waltherus, alias dictus Waldricus, a Rœtelen, qui artibus magis, quam legitima electione ad hanc dignitatem pervenit. Waldricus, Basiliensis Episcopus electus, An. 1214. subscripsit Diplomati Friderici II. Imp. pro Ecclesia Viennensi, dato Basileæ. (h) Idem vero Waldricus auctoritate Concilii Romani brevi post sede Episcopali dejectus est. (i) Vixit deinceps in Ecclesia Constantiensis Canonicus, una

(e) HOTTING. *Hist. Eccles.* Tom. VIII. pag. 1180.

(f) TSCHUDI *Chron. Helv.* Tom. I. pag. 92.

(g) URSTIS. *Chron. Basil.* pag. 115. sqq.

(h) CHIFFLETIUS in *V'font.* Part. II. pag. 255. *Basilea sacra* pag. 218.

(i) URSTIS. l. c. pag. 118.

cum Lutoldo fratre, ut ex Conradi Episcopi Constant. Chartis An. 1229. apparet; in quarum altera *Walterus & Lutoldus fratres de Rotenlein*; in altera *Clericus W. & L. fratres de Rotenlein* inter Canonicos Constant. leguntur. In posteriore quoque inter seculares C. de Rotenlein allegatus est testis. (1)

## §. IV.

Dietericus IV.

Septennio post *Dietericus de Rotenlein, nobilis*, Constantiæ decreto synodali Henrici Episcopi subscripsit. (m) Lutoldus II. Episc. Basil. qui successit Henrico, An. 1238. defuncto, non Rætelenfis, sed ex Comitibus fuit Arburgi. Trithemius tamen & Stumpfius volunt, eum fuisse Rætelensem. NICOLAUS GERUNG, dictus *Blauenstein*, rem in dubio relinquit. (n)

Ad Dietericum hunc referri procul dubio debent, quæ in *Chronico Burglenfi* (o) his verbis leguntur: „Dietericus in „Rotenlein dedit S. Johanni (in Burglen) unam scopozam in villa „Gupha. (p)... Cum licentia Domini sui Dieterici Anna de „Scopheim

(1) HERRG. *Genealog. Habsburg.* Tom. II. pag. 237. sq.

(m) Ibid. pag. 251.

(n) In *Chronica Episcoporum. Basil.* quæ extat in *Scriptorib. Rer. Basil. minor.* Lib. II. Cap. XVIII.

(o) Cap. XVII. in RUST. HERR. *Anonymo Mur. denud.* pag. 382.

(p) *Gupf* prope Tannenkircham.

" Scopheim (Schopfheim) dedit, unum mannwerck vinearum  
 " apud Tanninchilcha.

## § V.

**H**aud dubie Rœtelanæ Gentis propagator fuit Conradus Conradus  
 ille, in Charta Constant. An. 1229. superius laudata, ut &  
 Phirretensi An. 1233. (q) testis memoratus. Occurrit etiam  
 in Charta An. 1258. qua Conradus a Rosenberg pro 21. marcis  
 argenti emit Efringam.

Ex Ulrici, Comitis de Novo Castro, filia tres filios suscepit; Uxor & filii.  
 Waltherum, Ottōnem atque Lutoldum, quorum extat Charta,  
 Abbatiae S. Blasii An. 1262. data, quibus damnum a se illatum  
 reparaturos se spondent. In hac patris Conradi, jam defuncti,  
 atque matris, tum præsentis, faciunt mentionem. (r) Fratres  
 hi in bello Nobilium Basileæ a parte factionis, cui Pfittacus fuit  
 insigne, steterunt, & A. 1272. cognato suo, Henrico ex Comitibus  
 Neuenburgicis Basiliensi Episcopo, in bello contra Rudolphum  
 Habsburgicum Comitem, mox Romanorum Regem, adfuerunt;  
 unus etiam ex iis in Castro Nigræ Silvæ Werra a Rudolfo  
 captus est. (s)

(a) HERRG. l. c. pag. 244. ubi Conradus de Rœtelstein inter Liberos primus  
 testis ponitur.

(r) Cod. Diplom.

(s) GUILLIMANNUS *Habsb.* Lib. VI. Cap. IV. & URSTIS. *Hist. Basl.* Lib. II.  
 Cap. XXI. eum Theodoricum vel Dietericum vocant.

## §. VI.

Otto. Anno 1287. Otto Dom. de Rœtenlein Hugoni dicto *Kinde*, Militi Basil. prædium in Augst, quod a se in feudum tenuerat, in proprium tradidit, ut illud Abbatiae Olspergeni venderet.

Anno 1290. ipse & filius ejus Waltherus feria secunda post festum Mich. cum Præceptoribus Ord. Teut. in Baden & Bückein de Advocatia & Curia in Fischingen, intercedentibus Rudolfo, Constantienfi Episcopo, & Lutoldo, Præposito Basiliensi, transegerunt.

Anno 1296. *Otte de Rotenlen*; (t) Anno 1303. *Otte de Rætlein* (u) in Chartis Basiliensibus laudatur testis. *Otto Dominus de Rætenleym* consensu filii sui *Waltheri*, Domicelli de Rætenleym, renunciavit bonis, quæ sacerdos, dictus de Kander, Præposituræ Bürglenfi dederat in villis Kander & Rütlicken. Actum prid. D. Barthol. 1297.

Waltherus filius.

• Mortuo patre Waltherus filius An. 1309. Judicio provinciali interfuit, quod Walravus Comes de Thierstein nomine Rudolphi Marchionis de Hachberg Schliengæ habuit.

(t) HERRG. *Geneal. Habsh.* Tom. III. pag. 559.

(u) *Merckwürdigk. der Landtsch. Basel*, Part. X. pag. 1053.

Anno 1310. Petrus de Spechtbach, Miles, bona nonnulla in Cappel, Sundgoviae vico, Walthero nostro refutavit. Waltherus Ulrico II. Phirret. Comiti ea concessit, (x) brevique post obiit improles.

## § VII.

Anno 1271. *Lutoldus de Rötelnheim, Canonicus Basil.* testis Lutoldus  
est in Literis, quibus Ulricus, Phirretti Comes, terras suas Ecclesiae Basiliensi obtulit in feudum. (y)

Anno 1281. idem Lutoldus, Archidiaconus Ecclesiae Basil. ab Episcopo suo datus est sponsor Theobaldo Comiti Phirret. in Literis, quas ipse quoque sigillo suo munivit. (z)

Anno 1295. *Luitoldus de Rætenlein, Præpositus majoris Ecclesiae Basil.* tabulas Lutoldi de Regensperg, in Claustro monasterii S. Blasii datas, primus testis signavit. (a)

Anno 1313. Conradus Schaler de Benkon, Miles Basil. iussu Aulae Imp. Lutoldum de Rætenlein, Præpos. Basil. & Marchionem Rudolphum de Hahberg, reduxit in possessionem oppidi Schophein & Castri Rætenlein atque bonorum, in quæ Ulricus de Butikon, dictus *Liebelose*, fuerat immissus.

M m m 2

---

(x) Cod. Feud. Ms. Regim. Ensisheim.

(y) STEYERER *Hist. Alberti II. Ducis Austr.* in Addit. pag. 209.

(z) HERRG. Tom. III. pag. 497.

(a) Ibid. pag. 558.

## §. VIII.

Dyna-  
stiam Rœ-  
telanam  
Hachber-  
gicis  
donat.

Anno 1315. Lutoldus de Rœtenleyn, quondam Præpositus Eccl. Basil. debilis corpore, mente tamen sanus, donatione inter vivos Heinricho, Domicello, Margravio de Halperg, Lantgravio Brisigougiae, præfenti & recipienti, universas munitiones, castra, villas - - - omniaque bona sua ac possessiones & jura tradidit; servato tantum ad dies vitæ suæ Dominii hujus Rœtelani usu fructu. Act. Basileæ feria V. ante S. Thomam.

Donationi faciendæ propinquitas sanguinis occasionem dedit Lutoldo. Henricus enim, cui partem hanc suam Dynastiae donavit, haud dubie nepos ejus ex sore fore extiterat. Henricus sane, cui donatio facta, Lutoldum hunc de Rœtenlein, in Charta, Schopfheimensibus An. 1316. Basileæ data, suum avunculum beatæ memoriæ appellat. (b) Unde concludimus, matrem Heinrichi fuisse Rœtelanam vel sorem Lutoldi. Concludimus porro, Lutoldum hunc die Jovis post fest. Pentecost. dicti A. 1316. quo Henricus Saufenbergicus Chartam memoratam conscripsit, non inter vivos, adeoque brevi post donationem fuisse extinctum.

## §. IX.

Interitus  
Gentis.

Ita cum Lutoldo interiit Familia Liberorum Dominorum de Rœteln, quæ ab An. 1083. usque ad An. 1315. in Basiliensibus

(b) *Unser Oheim selige, Herr Lutolt von Rœtenlein der Tuomproß.* In Charta hac Henricus montem & silvam *Entegß*, Schopfhemio vicinam, civibus ejus donavit.

& Brisgovicis monumentis occurrit; quæque non alium, quam Imperatorem & Imperium, habuerat Dominum. Castrum illa Rætela cum oppido Schopfheim, ceterisque ad Dynastiam pertinentibus locis liberum ab omni nexu feudali, propriumque possedit allodium, Franci quod appellant *Francum*. Dynastiam ad Marchiones Saufenbergæ in hoc statu transiisse, ex Chartis est evidens.

Rætelanorum Ministerialibus vel Castellanis procul dubio accensendi sunt inferioris Nobilitatis Milites nonnulli, quos inter Johannes de Rætelen, Armiger, qui a Johanne Habsb. Comite An. 1362. Heinrico de Sliengen datus est sponfor. (c) Egonem de Rætelen Liberum\* proelio Sempacensi An. 1386. periisse Tschyrdius (d) refert. Otto de Rætelen Castro & Dynastiæ Badevillanæ ab A. 1456. ad A. 1464. præfuit, ut Chartæ illius ætatis nos docent.

## §. X.

Roetelanum Insigne SPENERUS (e) ita describit: „Area Insignis.  
„ inferiori sui parte quinque fluvii vel fascis undosis argenteis  
„ & cyaneis exaratur, ex quibus in superiori parte aurea  
„ leo coccineus exoritur.

M m m 3

(c) HERRG. *Genealog. Habsb.* Tom. III. pag. 706.

(d) *Cron. Helvet.* Tom. I. pag. 527. *Conf. Orig. & Hist. Archid. Austr.* ap.

SENCKENBERG *Seletor.* Tom. IV. pag. 139.

(e) *Op. Herald.* Part. spec. pag. 383. sq.

At contrarium docent monumenta antiqua Rætelenſium Dynaſtarum. Primo ſigillum ſubjunctum Chartæ Olſpergenſi An. 1287. ubi leo exſurgit non ex undis, ſed ex quadrupla ſerie pellium variarum, (f) quarum ſumma quatuor, ſecunda tres, tertia duas pelles, quarta unam continet pellem. Secundo Monumentum ſepulcræ Marchionis, uti nobis videtur, primi Sauſenbergicæ Linæ Rudolphi, cujus uxor Rætelana. Ibi pelles variæ quoque in Inſignibus lapidi inſculptis, uti in ſigillo Olſpergenſi, comparent. Tertio URSTISIUS (g) Inſignia Rætelana variis quoque pellibus, non fluviis undofis, delineat; optimus hac in re judex, quod ex Rætelanis Dynaſtis Epifcopi & Præpoſiti Baſilienſis Eccleſiæ deſumpti fuerunt.

(f) *Vair Gallis, Germ. Eiſenhüttlein.*

(g) *Chron. Baſil. Lib. I. Cap. XX. pag. 62. & Lib. II. Cap. XVI. pag. 115.*



DYNA-



# D Y N A S T A E U S E N B E R G I C I.

## §. I.



astrum Usenberg, a quo Dynastis nomen, ut <sup>Castrum Usenberg</sup> antiquum, ita brevissimæ durationis fuit.  
 „ Castrum de Usenberg cum tota augia &  
 „ montem Eggehardi „ Innocentius II. Papa  
 inter Ecclesiæ Basil. possessiones An. 1139. recenset. (a) Mons  
 Eggehardi ad Brisacum superest, paulo supra urbem; infra eam  
 Isenbergam visitur mons in Rheni insula situs, ita ut urbs inter  
 Eggehardi & Isenbergæ montes sit media. (b) Usenbergam  
 inconstantia & impetu Rheni (c) periisse novimus. Nulla fane  
 sec. XII. arcis hujus, nisi in Dynastarum nomine, occurrit

(a) HERRG. *Geneal. Habsb.* Tom. II. num. 217.

(b) Situm hunc exprimit MERIANI *Topograph. Alsat.* pag. 6.

(c) De hac Rheni inconstantia, ad Brisacum præsertim, Vid. *Alsatiæ Illustr.*  
 Tom. I.

memoria. Ante ducentos hos annos Badenses Ufenbergam a Brisacenſibus vaſtatam, pœnæque loco Caſtrum Hühingen ab iisdem ædificatum fuiſſe retulerunt.

Dynaſtia. Dynaſtia Ufenbergica pluribus caſtris, oppidis ac vicis, per omnem fere Briſgovix tractum Rhenenſem diſperſis, conſtitit, ita ut quæ infra Briſacum, inferior, quæ ſupra Briſacum ſita ſunt, ſuperior Dynaſtia dicerentur.

Ad inferiorem ſpectarunt *Kenzingen & Endingen*, oppida; Caſtrum *Kürnberg*; vici *Huſen*, ſuperior & inferior, *Weisweiler, Bleichen, Nortweil*.

Superiorem Dynaſtiam compoſuerunt *Sulzberg* oppidum, Caſtrum *Hühingen*, vici *Riegel, Biſchoffingen, Eichſtatt, Ihringen, Hochſtatt, Nider-Rimſingen, Hugelnheim, Mauchen, Schliengen, Steinſtatt*. Locis his dominium directum Caſtri *Stauſſen* non immerito addas.

Nunc ex iis Domus Badenſis Hühingen, Weisweiler, Leiſelheim, Biſchoffingen, Eichſtatt, Ihringen, Sulzberg, Hugelheim; Episcopus Baſil. Mauchen, Schliengen, Steinſtatt; Dux Wirtenbergenſis Nortweil; reliqua Domus Auſtriaca poſſidet.

### §. II.

Anno 1052. Heſſo quidam Dynaſta Domum in honorem S. Mariæ, S. Petri & Omn. Sanctor. poſteaſque mortuo ſuo fratre Lamberto

Lamberto Cappellam in honorem S. Nicolai prope Eichstatt fundavit, ut ipſius atque uxoris ſuæ Goutæ anniverſarius dies in ea celebraretur. Heſſonem hunc Uſenbergicis Dynaſtis facile adſcribimus, quod nomen Heſſonis in Dynaſtis his obvium fuit, quodque jus patronatus eccleſiæ Eichſtadienſis ad eodem Dynaſtas deinceps ſpectavit.

Anno 1111. Heſſo de Uſenberg Ottonem, Comitem Habsburg. in Butenheim interfeciſſe ſcribitur. (d)

Anno 1161. Burchardus de Uſenberg inter teſtes comparet  
 mtonis fundi Tennibach, a nobili viro, Cunone de Horwin, per  
 Abbatem Heſſonem de Frienſberch, in Caſtro Hahberc, factæ. Burchardus.

Anno 1171. Burchardus de Uſemburch in Diplom. Friderici I. Imp. Noviomagi pro Bertoldo Duce Zaring. dato, teſtis legitur. (e)

Anno 1181. Burchardus de Uſenberg iterum teſtis eſt in Charta Udalrici de Novo Caſtro. (f)

---

(d) HERRG. *Genealog. Habsb.* Tom. I. pag. 140. ex Charta Murenſi.

(e) HONTHEIM *Hiſt. Trevir.* Tom. I. pag. 603.

(f) TSCHUDI *Chron. Helvet.* Tom. I. pag. 90. HERRG. *Genealog. Habsb.* Tom. II. num. 244.

## §. III.

Rudolfus

Anno 1219. Rudolfus de Ufenberg agros & prata, a Jo. de Keucingen, proprio Milite suo, nec non ab Henrico de Valckenstein, sibi resignata, Abbatiae Tennebacensi pacto emphyteutico tradidit. Sed & Rudolphus *Nobilis de Ufenberch* Ministerialibus & hominibus suis universis, ut donationibus quibuscunque monasterium illud locupletarent, permisit.

Filii ejus.

Circa An. 1231. Rudolphi hujus filii, Burcardus & Rudolfus, fratres de Ufenberg, villam Muosbach, quæ patri iporum oppignerata fuerat, Abbati Tennebacensi redimendam dederunt.

Anno 1244. iidem fratres, *Nobiles de Ufenberg*, in literis Hartmanni Comitis de Kiburg pro Ecclesia Argent. testes, (g) cum Abbacia Tennebac. convenerunt, ut a telonio pontis in Riegol immunis esset, nisi quod malterum filiginis ad illum sustinendum quotannis præstare debeat. Sed & curtim suam Hugelnheim cum jure patronatus ibidem Abbatiae huic vendiderunt. Actum in Castro *Stouphen*.

---

(g) TACHUDI *Chron. Helvet.* Tom. I. pag. 140. & HERRG. *Genral. Habsb.* Tom. II. pag. 277. litteram initialem B. Burcardum quæ indicat, male Bertholdum significare crediderunt.

Anno 1245. Rudolfum Nobilem de Usenberch & Burcardum, fratrem ejus, nuper defunctum, ecclesias ditionis suæ, quas ipsi vexaverant, Sultzbergensem præcipue, ab omni damnoq liberare pronuntiasse, Friburgi consignatum est literis. (h)

Rudolfus ille, postquam graves cum Ludovico, Dynasta Lichtenbergenfi, discordias aluisset, extinguendis illis fratris ejus Henrici defuncti filiam, quarto gradu sibi cognatam, ducturus uxorem, Pontificis Rom. dispensationem petiit. Innocentius IV. Papa, Nonis Jan. Pontificatus sui anno quarto, potestatem hanc dispensandi Henrico, Episcopo Argent. concessit. (i)

Anno 1248. Hermannus & Rudolfus fratres, Marchiones de Baden, feodum in Eistatt, quod R. & B. fratres de Usenberch ab ipsis tenuerant, filio Burcardi Usenbergici concesserunt Hessoni. Literæ in Mulenberc datæ Nopis Aprilis.\* Sexennio post Rudolphus de Usenberg censum quendam vini Tennebacensibus apud Endingam donavit.

Anno 1256. Rudolfus Nobilis de Usenberch superarbiter constitutus est litis, quæ inter monasterium Tennebac, & inter advocatos villæ Wiscewil, Hermannum & Johannem, Milites, super silvas & pascua banni ejusdem villæ vertebatur. Res acta

N n n 2

(h) In festo S. Dominici. Tabular. Bada - Durlac.

(i) Ex Archivo Vaticano.

IV. Nonas Octobr. in coemeterio S. Petri in Endingen. Eodem anno, curante Rudolfo hoc Ufenbergico, Parthenium Wohnental in Brisgovja Cisterciensium ordini a Pontifice Alexandro IV. traditum fuit. (1)

§. IV.

Heffo &  
Rudolfus  
patruelles

Anno 1271. Heffo, Dom. de Ufenberg, monasterio Sulzbergenfi univerfos ex jure mortuarii per vallem istam redditus donavit.

Anno 1279. Heffo & Rudolfus, Domini de Ufenberg, sigilla sua appendent Chartæ, quæ de juribus curiæ dictæ *Fronhof* in Bischoffingen agit. *S. Hefsonis Nobilis de Ufenberg. S. Rudolfi Nobilis de Ufenberg.*

Anno 1284. Heffo & Rudolfus hi curiam suam in Eifat pro 60. marcis argenti vendunt, jus patronatus tamen, advocatiæ & banni ibidem servantes.

Anno 1285. Ruodolfus de Ufenberg literas Heinrici March. de Hahberg, quibus Abbatîæ Tennebac. redditus in Malterdingen venditi, testis signavit.

Anno 1294. IV. Kal. Sept. Hefso illustris de *Öfemberch* Miles, Advocatus vallis in Sulzberg hereditarius, Conventuali

---

(1) *Petri Suevia Ecclæs.* pag. 907. Comes de Iſenburg Rudolfus hic per errorem scribitur.

Ecclesiæ S. Cyriaci in Sulzberg jus asyli aliaque privilegia concessit.

Anno 1300. Hesso & Rudolfus, Nobiles de Usenberg, literas transactionis Comitum Egenonis & Conradi cum Civitate Friburg. signarunt testes & sigillis suis munierunt.

Anno 1302. Hesso ille Johanni, Hildebrandi Spenlin Militis filio, duas partes decimæ frumenti in Bisehoffingen eodem, quo pater ejus utebatur, jure feudali confert. Dat. in Castro Riegel diæ Jovis ante S. Cathar.

Anno 1304. Hugo (forte Hesso) Dom. de *Iffenberg*, cum sculteto & senatu Kentzing. in suis cum monasterio Schutterano dissidiis, in Heinricum March. Hachberg. & Waltherum de Geroldseck compromisit. (m)

Anno 1306. Hesso de Usenberg & filius ejus Burcardus confenserunt, ut Ruolandus, Ministerialis eorum in Höhingen, redditus feudales in Üringen venderet.

## §. V.

Anno 1308. Civitas Brisaecensis transigit cum Nobili Domicello Burchardo, Domino de Usenberg, super census & Burcard.  
& Gebh.  
fratres.

N n n 3

---

(m) SCHANNAT *Vindem. liter. Collect.* I. pag. 23.

multas civium suorum in vico Üringen, qui ditionis Usenbergicæ erat, habitantium.

Anno sequenti (n) idem Burcardus de Usenberg iudicio provinciali in Schliengen interfuit, ibique vicos Mauchen, Schliengen, Steinstatt, quos in feudum tenuerat, Marchioni Hachbergico restituit.

Anno 1311. idem decimas vici Ror in Sundgovia Burcardo de Kageneck, Henrico Wezelio &c. Militibus in feudum contulit. Wezelii id a Marchionatu Hachbergico hodieque tenent.

Anno 1315. Ulricus de Eistatt & filius ejus Rudolfus Burcardo & Gebhardo fratribus, Dominis de Usenberg, castrum, homines & universa jura sua in Eistatt pro 140 marcis argenti vendiderunt.

Anno 1316. Burcardus & Gebhardus, fratres de Usenberg, Heinrico Marchioni de Hahberg, Burcardi genero, castrum & oppidum Burgheim, bona & jura in Rotwiler & Bergensi valle, nec non vicum Üringen, quæ ipsis oppignerata erant, se restitutos promiserunt, postquam Judæo Brifacensi de pecunia, cujus prædes erant, satisfactum fuerit.

Anno 1317. Burcardus Nobilis de Usenberg & Gebh. de Usenberg, *Rector Ecclesiæ in Eistatt*, ut sigilla ferunt, incolis

---

(n) *Am guten Tag* ante S. Galli.



vici Ihringen gabellam vini ibidem pro centum libris denar. vendiderunt. Eodem anno, die Sat. ante S. Nicolai, scultetus & senatus Brisacensis cum Nobili viro Burcardo de Usenberg, qui cives quosdam eorum captivos tenuerat, in gratiam se rediisse, testantur.

ANNO 1321. Comes Conradus de Friburg sententia sua Burcardum de Usenberg, ob bellum Falckensteiniis Nobilibus, cum quibus de vico Bickenfol certaverat, illatum damnavit.

ANNO 1324. vigilia S. Matthiae Consul & senatus Friburg. de damno 1200. marcarum argenti, quod Burcardus Usenbergicus ipsis in bello, pro Endingenfibus contra Conradum Comitem de Friburg gesto, intulerat, satisfactum sibi esse, professi sunt literis. Eodem anno (o) Wernherus Gutmannus de Hadeftat a Burchardo de Usenberg Castrum Hühingen & vicum Riegel, septingentis marcis argenti ponderis Colmar. redimenda, sese emisit testatur.

ANNO 1326. die Ven. post festum Ascens. Albertus, Dux Austriæ, Burcardum de feudis Austriacis investiens, filias ejus, deficientibus filiis, ad ea quoque se admissurum declarat. Datum in monasterio Schwarzach.

ANNO 1327. Johannes Werre dictus Stecher, civis Friburg. vicum Bischofingen cum hominibus, dictis *Kanigsleute*, ibidem &

---

(o) Die Martii nach der alten Vöfennacht.

in Wafenweiler a Burcardo nostro in feudum, octoginta marcis argenti redimendum, accepit; ea lege, ut nullum iudicium sanguinis infcio & invito Domino directo habeatur.

Anno 1330. die Sixti Ludovicus Imp. homines & bona Imperii in Rimfingen, Höchst, Achtkarle, Lüffelheim, Bischoffingen, Üringen, Merwingen, Wafenweiler, in valle Rotwil & Bergen Burcardo huic pro ducentis marcis argenti ponderis Friburg. Hagenoræ oppigneravit.

### §. VI.

Hugo &  
Frideri-  
cus fra-  
tres.

Anno 1314. Domicellus Hugo de Ufenberg & uxor ejus Sophia de Horburg, Conrado & Johanni, Colmanni filiis, curiam vendunt.

Anno 1313. Hugo de Ufenberg, Dominus in Kürnberg & Kentzingen, consensu fratris sui Friderici, volente affine suo Heinricho de Rappoltstein, Domino de Hohenack, curiam in vico Bleichen vendidit.

Anno 1337. Hugo Dom. de Ufenberg census & jura sua in Espach, Ywa, Rore & in valle Gloterana Johanni de Keppenbach, Armigero Friburg. in feudum pignoratitium dedit, decem marcis argenti redimendum.

Anno

# T A A DYNASTERG.

## HESSO I

### HESSO d

### BURCHARDUS

### RUDOLFUS N

Ba pro	Nobilis de Usenberg 45.	56. Uxor Elifab. 8.
pe W	b. A. 1248. — 1306.	— 1300.
ma vic	berg A. 1308. — 1330.	lesæ in Eistat A. 1317.
hu in	Go de Usenberg Dom. in Ku A. 1331. † 1343. Ux. Sophia de	343. † 1358. Ux. Sufanna, refilia, A. 1349.
H	386. ADELHEIDIS ux. de Krenchingen A.	1379. Ux. Agnes, Hein-
	NNA, ux. i. Conradi Com. Tub hèri de Hornberg A. 1393. & Urfelingen A. 1400.	nigsfeld per 24 annos, rch A. 1420.

Kenzingen, seu locis, quæ feuda Auftriaca Friderici Usenbergici, qui improlis decessit, morte ad Rudolphum, ut dominum directum, redire debuisset. Instituto hac super re iudicio feudali, Immerius, Strasbergæ Comes, delegatus Iudicii Præses, pronuntiavit pro Rudolpho Seckingæ, in campo juxta Crucem, in agro ad Auftriæ Duce[m] pertinente, die Veneris post Agnetis An. 1358. (p) Marchio cum Rudolfo transiit, vicies mille marcas ei pro redemptione vinculi feudalis promittens. Quum autem non persolveret summam, Rudolphus Auftriacus apud Carolum IV. Imp. An. 1265. questus est. Hic Pragæ iudicium constituit, cui Cæsaris nomine Fridericus Teccensis Dux præfedit. Henricus Hachbergicus cecidit causa. Auftrius non modo in Kurnbergæ & Kentzingæ, sed & in Hachbergæ possessionem immisus est. (q)

### §. VIII.

Johannes  
& Hesso  
fratres.

Anno 1354. Johannes de Usenberg Petro Schallerio de Benckon, Militi, feuda, quæ antea a Friderico Usenbergio tenuerat, de novo concessit. Eodem anno die lunæ ante S.

---

(p) Instrumentum vide apud HARPPRECHT Staats- Archiv des Cammergerichts Tom. I pag. 37.

(q) Sententiam vide apud HARPPRECHT. loc. alleg. pag. 104. sq.

Matthæi curtem dictam Göttingshof in Eistat & castrum dirutum ibidem a Friderico, Friburgi Comite, in feudum accepit, fratri vero Hessoni oppidum Eendingen, vicum Ihringen, homines in Baldingen & locis vicinis, tractum Kaiferstuhl & bannum ferarum, jus reluendi vicos Höhingen, Bischoffingen, & Leufelheim dare promisit.

Anno 1356. Johannes & Hesso, Domini de Usenberg, Comiti Friderico de Friburg, Landgr. Brisgoviae, vicum Eistat cum jure patronatus resutant, ut Gerhardo Schultheissio, Militi, & Jo. Krüschli, civi Ending. conferatur. Appensa Chartæ sigilla *Johannis nobilis de Usenberg & Hessonis Dom. de Usenberg.*

Anno 1357. Johannes Dom. de Usenberg consensu Claræ de Friburg, Comitissæ Palat. Tubingensis, ut Dominæ directæ, ut & fratris sui Hessonis vicum Eistat cum omnibus bonis & juribus ei adscriptis Johanni Malterer, Jo. Schnewlino, Militibus, & Diet. de Valkenstein pro 500. marcis argenti cum pacto reluitionis Friburgi vendidit.

Anno 1360. Egeno Comes Friburg. vicum Eistat cum judiciis, censibus, vectigalibus universisque juribus, excepto castro diruto, jure patronatus & duabus curtibus, prævio Johannis & Hessonis fratrum de Usenberg consensu, Schneweliniis aliisque in feudum confert.

Anno 1361. Johannes & Hesso fratres (Brien) judicia & alia jura in vico Weil, quæ Conradus Munchi de Munchenstein ab ipsis tenebat, Ottoni & Rudolfo Marchionibus de Hachberg reliquerunt.

Anno 1365. Johannes & Hesso fratres censum vini in Bischoffingen Sigsteiniis fratribus, civibus Friburgi, vendiderunt.

Anno 1368. uterque hic frater nominatur in Charta compositionis inter Egonem Comitem & Civitatem Friburg. (r)

### §. IX.

Hesso  
solus.

Anno 1371. Hesso Dom. de Usenb. Ulricum, Weltinum & Ottonem fratres de Stauffen jussit oppidum Sulzberg ab Egone Com. Friburg. in feudum recipere, in quem nempe dominium ejus directum transtulerat.

Anno 1376. Hesso de Usenb. (ein frier Herre) uxori suæ Agneti, Heinrici de Gerolzeck filiæ, 600. marcas argenti in vico Eystat, 200. in vicis Nider-Rimsingen, Hochstatt & Luffelnheim pro dotalitio assignat. Accessit consensus Conradi Com. de Tubingen, Hessonis & Agnetis generi; accessere testes Comes Symon de Thierstein, Marchio Johannes de Hachberg & Waltherusa Dicka,

---

(r) WENCKER. de Ufsh. pag. 71.

Advocatus provinc. Brisgoviae, appensis sigillis suis literas has firmantes.

Anno 1377. Leopoldus Dux Austr. permittit Hesson de Usenb. ut filiae suae Annæ, Conrado Comiti Tubing. nuptæ, 500. marcas argenti ex dimidia oppidi Endingen, feudi Austr. parte pro dote adscribat.

Anno 1378. Henricus Episc. Constant. Clingoviae hærens, Decano in Endingen mandat, ut propositum ab Hessione Usenbergico parochum Eistadii instituatur.

Anno 1379. Parochus iste Eistadiensis, Albertus de Ertelingen, beneficiorum ab Hessione de Usenb. nuper defuncto, cujus Capellanus fuerat, acceptorum memor, ob grave, quod ille contraxerat, æs alienum, liberis ejus & Burcardo, Johannis p. m. Dom. de Usenberg filio, eorumque heredibus emolumenta ecclesiae Eistad. resignat, præter 5. carratas vini, 80. quartalia frumenti & decimas dictas *Etterzehnden* &c. quæ sibi atque successoribus suis nutriendis servavit. Dat. in vigilia S. Martini.

### §. X.

Anno 1381. Marchio Hesso de Hachberg, tutor liberorum Hessonis de Usenb. cum Johanne de Mulnheim, dicto de Richenberg, Milite, vicum Ihringen ut feudum suum Metense

Liberi  
ejus.

---

postulante, armis concreditur. Mulinhemio ex arce Limpurg  
ejecto res ad arbitros delata est, Johannem Ducem Lotharingæ,  
Fridericum Episc. Argent. & Martinum Maltererum, Brisgovie  
Advocatum provincialem.

Anno 1382. Walravus Comes de Thierstein, senior,  
Waltherus a Dicka, Judex provinc. superioris Alsatiæ, Martinus  
Malterer, Advocatus Brisgovie, Nicolaus de Domo, Miles, &  
Burcardus Munch de Landskron senior, litem de vico Eistatt  
inter Egonem Com. Friburg. & Hessonem March. ut liberorum  
Hessonis Usenbergici tutorem, componunt.

Anno 1384. March. Hachb. Hesso, Dom. in Hühingen,  
consensu fratrum fuorum de feudo quodam Usenbergico, ut Dynastie  
hujus tum temporis possessor, Druchseffios de Blankenmoffe  
investivit.

Anno 1393. Marchio Hesso de Hachb. Annæ de Usenb.  
& marito ejus Wernhero de Hornberg vicum Broggingen confert,  
deficiente ipforum progenie ad Marchiones rediturum.

An. 1400. Dux Reinoldus de Urfelingen, consensu Hessonis  
March. de Hachberg, conjugii suæ Annæ de Usenberg omnia



sua bona legat, eique mortuæ substituit sororem suam Annam, Ducissam Urfeling. Conrado de Geroldseck nuptam. Actum in Judicio aulico Rothvillensi.

## §. X I.

Hesso itaque Annam & Agatham filias reliquit, quarum hæc sanctimonialis primo in Kœnigsfeld, dein in Waldkirch facta, illa ter quidem nupta, Conrado primum Comiti Tubingensi, inde Wernero de Hornberg, denique Reinoldo Duci de Urfelingen, sed sterilis carensque liberis.

Successio  
Marchio-  
nisHach-  
berg.

Anno 1400. omnia sua bona Hessoni Marchioni de Hachberg, ex matre Ufenbergia nato, partim vendidit, partim testamento legavit. Agatha etiam sanctimonialis An. 1420. omnia sua jura in Marchionem Bernhardum Badensem, qui A. 1415. Hachbergicas terras emerat, transtulit. Hoc modo allodialia Ufenbergiorum bona ad Hachbergenfes, & ab his ad Badenses transiere Marchiones.

## §. X I I.

Ad feuda vero quod attinet, Basiliensia quidem Marchio Hachbergæ Hesso cum Walramo de Thierstein ab Episcopo Basiliensi Imberone accepit. Ufenbergenfes autem Episcopatus hujus fuerunt Pincernæ.

Feuda  
Ecclesiæ  
Basil.

---

In veteri Codice feudali membranaceo Brundruti (s) legimus: „ Hi sunt Officiati principales Domini Episcopi, „ Basiliensis & ejus Ecclesiae: Item Comes Pherretarum „ Marfchalcus. Item Dux de Tecke Camcrarius. Item de „ Oefenberg Pincerna. Item de Hafenberg Dapifer.

*Austriaca*

De feudis Austriacis bellum inter Hessonem praedictum & Austriae Ducem exarsit, quorum hic Kentzingam, Kirnbergam atque Endingam, ut feuda aperta, sibi vindicabat. De Endinga, quod feudum Austriacum fuerit, plane non constat; Kentzinga autem & Kirnberga feuda quidem fuere, sed feminina, ex privilegio Alberti, quod Burcardo Ufenbergio An. 1326. dedit, ut ad eum annum diximus. Hesso igitur, Hachbergæ Marchio, jure ea postulabat, quippe Ufenbergia matre, Burcardi filia, natus. Bellum, quod hanc ob rem exortum est, studio Nobilium utriusque partis ita in castris compositum est, ut Dux oppida, Marchio vicos retineret, & controversia in judicio componeretur. Judicium autem habitum paulo post, cum partium studio iudices nimis abriperentur, a Marchione desertum, resque in statu, quomodo fuit, ad hunc usque diem mansit.

---

(s) pag. 172. sq.

## §. XIII.

Anno 1425. Sigismundus Imp. Bernhardo, Marchioni  
Badensi, ut Hachbergicæ Dynastiarum possessori, bannum supra  
& infra Brisacum concessit Investi-  
tura: Imp.

Anno 1475. Fridericus III. Imp. Christophoro & Alberto, Marchionibus Badæ, una cum ceteris ipsorum feudis Cæsareis Dynastiam *Tſenberg* Francofurti contulit. (t) Nec infrequentes Imperatores in recensione feudorum & regaliū Imperii Domus Badensis unquam oblitī sunt Dynastiæ Ufenbergicæ, quam Badæ & Hachbergæ Marchionatibus & Ebersteinensi Comitatu Carolus V. An. 1530. ac Rudolphus II. An. 1582. in Diplomatis suis junxerunt.

Auftriacis, de Insignium Ufenbergicorum usu litem moventibus, An. 1550. responderunt Badenses, negari non posse, sese Dynastiæ Ufenbergicæ fuisse heredes, ejusque titulum ab Imperio accepisse in feudum.

---

(t) Charta in append. *Historiæ Friderici III. Imp.* per ÆNEM SVLV.

pag. 101.

Insignia.

Insignia hæc sunt: ala duplex argentea, in arcolacyanea, semicirculo foliato aureo impressa. (u) Galea Usenbergica coronata hermam virilem ostentat, cœruleo amictu ornatum, qui thorace alam argenteam scutariam defert; pileo turbinato cœruleo, cum argentea ora reducta instructus. Usenbergicum deigma pro Hachbergenfi receperunt Marchiones juniores. Veteres enim balteo quoque Badensi sunt usi.

Usenbergica Tomo primo colophonem imponunt.

(u) SPENNER, *Op. Herald.* Part. spec. Lib. II. Cap. IV. §. IV.



A01 1475410







